

『永樂北藏』整理委員會

永樂北藏

綫裝書局

御製

天清地寧
風雨調均
烽警不作
化醇俗厚
外順內安
善際光明
大正統五
年十一月
十
陰陽和順
百穀常豐
禮教興行
一人皆慈
一統皆善
既往未
俱登正覺
七政明朗
萬類咸暢
子孝臣忠
物靡害災
九幽六道
日登正覺

永樂北藏第一八三冊目錄

○大明三藏法數 續前 (本冊卷第三十七至卷第四十 石八—十) 一

○華嚴懸談會玄記 四十卷 唐澄觀疏鈔元普瑞述記 (本冊卷第一至卷第二十四 鉅一—洞四)

大明三藏法數卷第三十六

石八

上天竺前住持沙門一如等奉

勅集註

二十五圓通

出楞嚴經

性體周徧曰圓妙用無礙

曰通乃一切衆生本有之心源諸佛菩薩所證之聖境也而有二十五種者謂諸菩薩

石八

及大羅漢於六塵六根六識七大各各

悟入不同故也此由阿難於楞嚴會上雖

聞根塵同源縛脫無二之旨而未達圓通

本根請佛開示如來於是問諸弟子最初

發心方便令其各各自陳證悟之由使阿

永樂北藏

大明三藏法數

第一八三册

難曉了圓通法門所入之處也然論圓通本無優劣如來令文殊選擇而唯取觀音耳根者蓋為此方之人耳根聰利聞法易解當以音聞而為教體故特取觀音耳根為入道之門也然不取陳那音聲者以聲

本屬塵根有聞性故揀陳那居初觀音極

後以見取捨之明亦根塵首尾相貫之意

也六塵者色塵聲塵香塵味塵觸塵法塵也六根者眼根耳根鼻根舌根身根意

識也六識者眼識耳識鼻識舌識身識意

珠梵語具云文殊師利華言妙德



音聲即聲塵也謂憍陳那等在鹿苑中聞佛說四諦之法密悟圓理了達一切聲塵本然清淨無動無靜皆是常住圓妙之音於是得入圓通故云如我所證音聲為上

梵語憍陳那華言已知四諦者苦諦集諦滅諦道諦也

二色因 色因

即色塵也謂優波尼沙陀因多貪欲佛令作不淨觀於是觀色身不淨之相生大厭離悟諸色性歸於虛空空色兩忘本然清淨於是得入圓通故云如我所證色因為上

梵語優波尼沙陀華言塵性

三香因 香因即香塵也

謂香嚴童子聞如來教於清淨室修習禪定見諸比丘燒沉水香遂觀此香氣非木非空非烟非火即是本然清淨妙香於是開悟得入圓通故云如我所證香因為上

梵語比丘華言乞士

四味因 味因即味塵也謂藥王

藥上二法王子等於無始劫為世良醫一切草木金石之味悉能徧知承事如來了知味性非空非有非即身心非離身心皆是本然清淨妙味從是開悟得入圓通故云如我所證味因為上

劫梵語具云劫波華言分別時節

五觸因

觸因即觸塵也謂跋陀婆羅先於威音王佛所聞法出家於浴僧時隨例入室忽悟水因既不洗塵亦不洗體中間安然得無所有妙觸清淨本來無染於是得入圓通故云如我所證觸因為上梵語跋陀婆羅

六法因

法因即法塵也謂摩訶迦葉等因觀世間六塵變壞悟法性空遂修滅盡定以滅意根受想不起妙法開明消滅諸漏得無生滅遂入圓通故云如我所證法因為上梵語摩訶迦葉華言大飲光滅盡定者謂受想心滅出入息盡

永樂北藏

大明三藏法數

而證此定也諸漏者謂由一切煩惱漏落生死也從憍陳那至迦葉是於六塵悟入圓通

七見元

見元即眼根也謂阿那律陀初出家時常樂睡眠被如來訶責因是七日不眠失其雙目世尊示以金剛三昧遂得清淨天眼是故不因眼根能觀三千世界猶

如掌果於是悟入圓通故云如我所證旋

見循元斯為第一梵語阿那律華言無貧云正定三千者大千中千小千也旋見

息空

息空即鼻根也謂周利藥持迦於過去世為大法師秘吝佛法不肯教人後感

第一八三冊

愚鈍亦以宿有善因遇佛出家以根鈍故
 憶持如來一句伽陀經一百日終不能誦
 佛今安居數息攝心因是觀息出入剎那
 生滅之相豁然無礙得入圓通故云如我
 所證反息循空斯為第一

梵語周利槃特迦華言繼道梵

語伽陀華言諷頌數息者息即算中氣息謂從一至十漸漸而數也梵語剎那華言一念反息循空者反背妄根循依真空也
九味知 味知即舌根也謂憍梵鉢提於過去世輕弄沙門有牛
 同音詩病佛為遮謗賜之數珠令常念佛
 清淨心地又觀舌根知味之性非體非物

應念得超世間諸漏悟入圓通故云還味

旋知斯為第一

以其宿世曾作牛王餘習未除故舍後常虛憊也梵語沙門華言勤息還味旋知者謂不著塵米不隨妄知也

十身覺 身覺即身根也謂畢陵伽婆蹉聞

佛說諸世間不可樂事因行乞食被刺傷

足舉身疼痛即反觀覺痛之心無有痛覺

本自清淨如是思惟攝念未久身心忽空

諸漏虛盡得入圓通故云如我所證純覺

遺身斯為第一

梵語畢陵伽婆蹉華言餘習純覺遺身者謂覺心純淨而遺失妄身也
十一法空 法空即意根也謂須

菩提於曠劫來心得無礙蒙佛開示性覺真空於是頓入如來寶明空海圓通境界

故云如我所證諸相入非非所非盡旋法

歸無斯為第一梵語須菩提華言空生實明空海者即如來所證明

妙之理無礙深廣也非所非盡旋法歸無者謂能非之心所非之相悉盡無餘而轉

諸法塵皆歸寂滅也從阿那律至須菩提是於五根悟入圓通

十二心見

心見即眼識也謂舍利弗於曠劫來心見

清淨後於路中逢迦葉波宣說因緣從佛

出家於一切法照了無礙悟入圓通故云

如我所證心見發光光極知見斯為第一

梵語舍利弗華言身子心見發光光極知見者由心見發明而圓照萬法也

三心聞心聞即耳識也謂菩薩已曾與

恒沙如來為法王子常用心聞分別衆生

所有知見若有衆生修善賢行分身百千

皆至其處摩頂擁護令其成就心聞圓通

普賢境界故云我說本因心聞發明分別

自在斯為第二**十四鼻息**鼻息即鼻識也

謂孫陀羅難陀從佛出家雖具戒律心多

散動世尊教其觀鼻端白逸觀鼻中之氣

出入如烟身心內明圓洞虛淨烟相漸消

鼻息成白心開漏盡諸出入息化為光明
照十方界即得圓通故云我以消息息又

發明明圓滅漏斯為第一

梵語孫陀羅難陀華言好受散

喜漏盡者生死之漏斷滅也明圓滅漏者真性明了因融滅諸有漏也

十五

法音

即舌識也謂富樓那弥多羅尼

子從曠劫來辯才無礙世尊知其有大辯

才以音聲輪教其發揚於是助佛轉輪成

師子乳恬入圓通故云我以法音降伏魔

怨消滅諸漏斯為第一

梵語富樓那弥多羅尼華言滿慈是

其父母名因以稱之

十六身戒

身戒即身識也謂優

波離最初隨佛踰城出家親觀如來六年

勤苦承佛教戒乃至三千威儀八萬微細

行業悉皆清淨身心寂滅悟入圓通故云

我以執身身得自在次第執心心得通達

然後身心一切通利斯為第一

梵語優波離華言上首

十七心達

心達即意識也謂目乾連聞迦

葉波宣說如來因緣深義即頓發心得大

道達如來惠其袈裟著身鬚髮自落滌

於十方無所罣礙由是神通自在圓明清

淨故云我以旋湛心光發宣如澄濁流久

成清瑩斯為第一

梵語目乾連華言絲菴氏旋借謂旋復澄澄之

性也從人利弗至目乾連是於六識悟入圓通

十八火性

火性即

火大也謂烏芻瑟摩久遠劫前性多貪欲有佛出世名曰空王說多媯人成猛火聚教其徧觀百骸四支諸冷煖氣由是諦觀

神光內凝化多媯心成智慧火因此火光

三昧力故得入圓通故云我以諦觀身心

煖觸無礙流通諸漏既消生火寶焰證無

上覺斯為第一

梵語烏芻瑟摩華言火頂

十九地性

地

性即地大也謂持地菩薩於往昔時普光

永樂北藏

大明三藏法數

如來出現於世會為比丘平填道路造作

橋梁行諸苦行後世復值毘舍浮佛出現

國王延佛設齋爾時平地待佛毘舍如來

摩頂告言當平心地則世界地一切皆平

因是即得心開見身微塵及與世界一切

微塵等無差別即得悟入圓通故云我以

諦觀身界二塵等無差別本如來藏虛妄

發塵塵銷智圓成無上道斯為第一

浮華言遍一切自在如來藏者即一切衆生本具真如之理藏也

二十水

性水性即水大也謂月光童子往昔劫中

第一八三册

於水天佛所修習水觀觀於身中涕洟
 津液大小便利與世界外諸香水海水性
 一同是時初成此觀但見其水未得無身
 經無量佛方得無身與諸香水海性合真
 空無二無別悟入圓通故云我以水性一

味流通得無生忍圓滿菩提斯為第一

無生

忍若謂一切諸法本來不生於此法中能忍可印證也梵語菩提華言道

二十

一風性

風性即風大也謂瑠璃光法王子

往昔劫中於無量聲佛所蒙佛開示妙明
 心體及說世界衆生皆是妄緣風力所轉

即於爾時觀此世界及與身心各有所動
 遂即覺了此群動性來無所從去無所至
 身心發光洞徹無礙而入圓通故云我以
 觀察風力無依悟菩提心入三摩地斯為

第一梵語三摩地華言等持

二十一空性空性即空

大也謂虛空藏菩薩於定光佛所得無邊

身爾時手執四大寶珠照明十方微塵佛

刹化成虛空身同虛空不相妨礙能善入微塵

國土廣行佛事由是諦觀四大無依虛空佛

國同一虛妄於同發明得入圓通故云我以

觀察虛空無邊入三摩地斯為第二

二十 **三識性** 識性即識大也謂彌勒菩薩往昔

劫中於日月燈明佛所而得出家修習唯
心識定至然燈佛出世方乃得成無上妙
圓識心三昧了一切如來國土淨穢有無

皆是我心變化所現而悟入圓通故云我
以諦觀十方唯識識心圓明得無生忍斯

為第一 梵語彌勒
華言慈氏 **二十四淨念** 淨念即根

大也謂大勢至菩薩等往昔劫中於超日
月光佛所修念佛三昧收攝六根定心念

永樂北藏

大明三藏法數

佛由是不假方便自得心開悟入圓通故

云我無選擇都攝六根淨念相繼得三摩

地斯為第一 從鳥魯瑟摩至勢至
是於七大悟入圓通 **二十五**

耳根 耳根者謂觀世音菩薩往昔劫中於

觀世音佛所發菩提心彼佛教其從聞思

修入三摩提於是菩薩即於聞中入流亡

所所入既寂動靜二相了然不生一念頓

空聞性而入圓通矣經中所謂生滅既滅

寂滅現前者即圓通之體也上合諸佛妙

心下同衆生悲仰而現乎三十二應施以

第一八三册

十四無畏等者乃圓通之用也故云我從

耳門圓照三昧緣心自在成就菩提斯為

第一聞思修即三慧也梵語三摩提即三

法流而亡其所入也三十二應者佛應獨

覺應級覺應聲聞應梵王應帝釋應自在

天應太子應人王應長者應居士應宰官

應姿羅門應比丘應比丘尼應優婆塞應

龍應摩訶羅伽應乾闥婆應阿修羅應那羅

者一不自觀音以觀觀者二知見旋復三

觀聽旋復四斷滅妄想心無殺害五熏開

成開六根消復同於聲聽六開熏精明

徧法界七音性圓消觀聽返入八滅音圓

音無塵根境圓融十一消塵色不能劫十二融

音無塵根境圓融十一消塵色不能劫十二融

形復聞十三六根圓通明照無二十四我
一名與六十二恒河沙名等無有異也

一十五護戒神出法苑珠林護戒神者謂五戒之

中各有五神為作衛護也灌頂經云若持

五戒者有二十五善神衛護其身左

右守於官宅門戶之上使萬事吉祥也

護不殺戒五神一茶菟毘愈陀尼護持戒

人身辟除邪鬼二輸多利輸陀尼護持戒

人六情悉令完具三毘樓遮那世波護持

戒人腹內使五藏平調四阿陀龍摩坻護

持戒人血脉悉令通暢五婆羅桓尼和婆

護持戒人亦指無所毀傷

六情即眼耳鼻舌身意六根也

五藏者心肝脾肺腎也

一護不盜戒五神

一坻摩阿

毘婆馱護持戒人出入往來使得安寧二

阿修輸婆羅陀護持戒人所敢飲食悉使甘

香三婆羅摩直雄雌護持戒人睡夢平安

覺寤歡悅四婆羅門地鞞哆護持戒人不

為蠱毒所中五邪摩呼哆耶舍護持戒人

不為霧露之毒所害**三護不邪淫戒五神**

一佛馱仙陀樓哆護持戒人口舌闕諍不

行二鞞闍耶藪多婆護持戒人不為瘡瘡

永樂北藏

大明三藏法數

鬼所持三涅坭醯馱多耶護持戒人不為

縣官所得四阿邏多賴都耶護持戒人舍

宅四方驅逐凶殃五波羅那佛曇護持

戒人平定舍宅**四護不妄語戒五神**一阿

提梵者珊耶護持戒人不為塚墓鬼所燒

二因臺羅因臺羅護持戒人門戶辟除邪

惡三阿伽風施婆多護持戒人不為外氣

鬼神所害四佛曇彌摩多多護持戒人不

為灾火所延五多賴义三密陀護持戒人

不為偷盜所侵**五護不飲酒戒五神**一阿

第一八三册

摩羅斯兜喜護持戒人若入山林不為虛
 狼所害二那羅門閻兜帝護持戒人不為
 傷亡所燒三鞞尼乾那波護持戒人除惡
 鳥鳴狐鳴四茶鞞閻毘舍羅護持戒人除犬
 鼠變恠五伽摩毘那闍尼佉護持戒人不

為凶注所牽凶注者謂陰司注
 寫凶惡之事也

二十五有出天台
 四教儀二十五有不出六道有生
 有死因果不亡之謂也然梵王天無想天
 及五那含天總在四禪天中而別出其名
 者以外道計梵王天為生萬物之主計無

想天以無心為涅槃計五那含天為真解
 脫所以經教特立此三天為三有以對破
 外道之計也六道者即天道人道修羅道
 餓鬼道畜生道地獄道也

一四洲為四有謂東弗于逮西瞿耶尼南

闍浮提北鬱單越也梵語弗于逮華言勝
 梵語瞿耶尼華言牛

二四惡趣為四貨梵語閻浮提華言勝金
 洲梵語鬱單越華言勝慶

有謂六道中修羅餓鬼畜生地獄四者
 皆由愚癡貪欲造諸惡業故感斯趣也

六欲天為六有謂欲界六天也一四天王
 天二忉利天三夜摩天四兜率天五化樂

天六他化自在天

梵語初利華言三十三梵語夜摩亦云須餓摩

華言善時分梵語

四梵天為一有

謂初禪中

大梵王天乃三千世界之主也

三千者小千中千大

也千

五無想天為一有

謂四禪中之無想天

此天以無心想為果故也

六五那含天為

一有

那含梵語具云阿那含華言不還謂

四禪中無煩天無熱天善見天善現天色

究竟天亦名五淨居天此之五天名位雖

別皆第三果聖人所居故通為一有也

第三果即

七四禪天為四有

謂色界初禪

永樂北藏

大明三藏法數

天二禪天三禪天四禪天也

八四空處天

為四有謂無色界空處天識處天無所有

處天非想非非想處天也

二十五三昧破二十五有

出法華

梵語三昧

華言正定二十五三昧破前二十五有者

約理對治隨義以立名也

蓋欲色無色三界雖苦樂不同然實有生死執著故以此

無垢等三昧之法一一破之令諸眾生出

於諸有也

一無垢三昧破地獄有謂菩薩由淨諸業惑證於無垢三昧愍彼眾生受

第一八三冊

於地獄之苦故以此三昧令其修行出離

重垢所報之處也

重垢即惡業報處即地獄也

二不退

三昧破畜生有

謂菩薩修於持戒禪定破

諸惡業自獲不退證於不退三昧愍彼衆

生受畜生苦故以此三昧令其遠捨諸惡

永不退失善道也

三心樂三昧破餓鬼有

謂菩薩修戒定慧破諸惡業證於心樂三

昧愍彼衆生受餓鬼苦故以此三昧令其

遠離諸惡而生喜樂也

四歡喜三昧破阿

脩羅有

梵語阿脩羅華言無端正謂菩薩

脩戒定慧破於惡業等怖證於歡喜三昧

愍彼衆生受阿脩羅苦故以此三昧令其

離諸猜疑怖畏也

五日光三昧破弗婆提

有梵語弗婆提華言勝即東洲也謂菩薩

修戒定慧獲一切智光破諸惡業無明等

闇證於日光三昧愍彼東洲衆生受諸生

死故以此三昧令其破諸惡業等闇而得

出離也

六月光三昧破瞿耶尼有

梵語瞿

耶尼華言牛貨即西洲也謂菩薩修戒定

慧獲一切智光破諸惡業無明等闇證於

月光三昧愍彼西洲衆生受諸生死故以此三昧令其破諸惡業等聞也

七熱焰三

昧破鬱單越有梵語鬱單越華言勝處即

北洲也謂菩薩修戒定慧破諸我執證於熱焰三昧愍彼北洲衆生計著於我水執

石八

十二

難化故以此三昧令其遠離妄我計執不生而得出離也

八如幻三昧破閻浮提有

梵語閻浮提華言勝金洲即南洲也謂菩薩修戒定慧破諸虛幻惑業證於如幻三昧愍此南洲衆生果報雜雜壽命不定猶

永樂北藏

大明三藏法數

如幻化故以此三昧令其破於諸幻而得出離也

九不動三昧破四天王有

四天王

者東方持國天王南方增長天王西方廣目天王北方多聞天王也謂菩薩修戒定慧破諸煩惱散亂證於不動三昧以此天游

行世間則有果報惑業等動故以此三昧令其悉破諸動惑業亦得證此也

十難伏

三昧破三十三天有三十三天即忉利天

也謂菩薩修戒定慧破一切惑業證於難伏三昧以此天是地居之頂果報惑業難

第一八三册

以折伏故以此三昧令其破諸難伏亦得

證此也

梵語初利華言三十三

十一悅意三昧破焰

摩天有

焰摩梵語具云須焰摩華言善時

分謂菩薩修戒定慧破諸煩惱證於悅意

三昧以此天處空為悅而未有上界不動

等悅故以此三昧令其捨離空處之悅而

證不動等悅也

十二青色三昧破兜率陀

天有

梵語兜率陀華言知足謂菩薩修戒

定慧破諸煩惱證於青色三昧以此天果

報宮殿服玩一切皆青故以此三昧令其

捨離一切煩惱亦得證此也

十三黃色三

昧破化樂天有

謂菩薩修戒定慧破諸煩

惱證於黃色三昧以此天果報宮殿服玩

一切皆黃故以此三昧令其捨離一切煩

惱亦得證此也

十四赤色三昧破他化自

在天有謂菩薩修戒定慧破諸煩惱證於

赤色三昧以此天果報宮殿服玩一切皆

赤故以此三昧令其捨離一切煩惱亦得

證此也

十五白色三昧破初禪有

初禪即

色界天也謂菩薩修戒定慧證於白色三

昧以此天果報一切皆白故以此三昧令其捨離一切煩惱亦得證此也 **十六種種**

三昧破梵王有 梵王亦色界初禪天也謂

菩薩修戒定慧證於種種三昧以此天主領大千世界種類既多果報不等故以此

三昧令其捨離種種果報亦得證此也 **十**

七雙三昧破二禪有 二禪亦色界天也謂

菩薩修戒定慧證雙三昧以此天獨有內淨支喜支二種定相即果報雙而未見雙空雙假雙中之理故以此三昧令其捨離

永樂北藏

大明三藏法數

淨喜而證雙空等也 雙空者謂見思二惑俱空也雙假者謂見思二惑俱假即見思惑以此惑體重假不實故也雙中者謂破見思惑同入中道也 **十**

八雷音三昧破三禪有 三禪亦色界天也

謂菩薩修戒定慧證於雷音三昧以此天禪樂最深如冰魚蟄虫著於果報之樂故

以此三昧而驚駭之令其捨離諸樂亦證於此也 五八 **十四**

十九注雨三昧破四禪有 四禪亦

色界天也謂菩薩修戒定慧證於注雨三昧以此天如大地具諸種子若不得雨善芽不生故以此三昧之雨令其發生三諦

第一八三册

之種亦得證此也

三諦者真諦俗諦中諦也

二十如虛

空三昧破無想天有

無想亦色界天也謂

菩薩修戒定慧證於如虛空三昧以此天

一期心想不行妄計果報非空而為涅槃

故以此三昧破彼非空今其起修空淨之

行亦得證此也

梵語涅槃華言滅度一期者從生至死也

二十

一照鏡三昧破阿那含天有

梵語阿那含

華言不還即第三果生於色界之天也謂

菩薩修戒定慧證於照鏡三昧以此天雖

得無漏淨色但是果報之淨未獲究竟色

空故以此三昧令其破彼報淨之色究竟

真空之理亦得證此也

二十二無礙三昧

破空處有

空處即無色界天也謂菩薩修

戒定慧證於無礙三昧以此天得出色籠

果報無礙未是空假中無礙故以此三昧

令其捨離果報亦得證此也

色籠者謂色界色質籠罩

也空假中即三觀也離性離相之謂空無法不備之謂假非空非假之謂中也

二

十三常三昧破識處有

識處亦無色界天

也謂菩薩修戒定慧證常三昧以此天以

識相續不斷為常此乃定報即非無為等

常故以此三昧今其捨離定報之常亦得證此也

二十四樂三昧破不用處有不用處

又名無所有處亦無界天也謂菩薩修戒定慧證樂三昧以此天厭識處無邊入無所有處以此處如癡癡故是苦故以此三昧

令其捨離於癡亦得證此也

二十五我三昧

破非想非非想處有非想非非想處亦無

色界天也謂菩薩修戒定慧證我三昧以此天居無色界頂謂是涅槃果報猶有細煩惱等惑而不自在故以此三昧令其捨

離煩惱亦得證此也

二十五種外道冥諦出華嚴經隨疏演義鈔二十五種

冥諦者乃是迦毘羅外道之所計也蓋此外道亦修禪定有神通力知八萬劫中事八萬劫前冥然不知謂之冥諦從冥初自

性生智大乃至神我開成二十五諦合為

九位也梵語迦毘羅華言黃色劫梵語具云劫波華言分別時節

冥初自性謂此外道以八萬劫前之事冥

然不知之處昧為自性故云冥初自性

大智大亦名覺大即增長之義謂冥初之際

覺知增長故云從冥初生智大

我心

我

心亦名我慢即我執也謂由覺知生我慢

心故云從智大生我心

四五唯

唯即微也

五唯亦名五微即色聲香味觸也以色等

五種由我執之心方現故云從我心生五

唯

五五大

五大即地水火風空也此五種

性徧一切處故名爲大由極微而生故云

從五唯生五大

六五知根

五根即眼耳鼻

舌身謂之知者以此五種皆有知覺故也

因五大而成故云從五大生五知根

七五

作業根五根即口與手足小便大便謂之

作業者以此五種能作業用故也亦因五

大而成故云從五大生五作業根

八心平

等根心乃肉團心即意根也謂之平等者

以此根能徧一切根境而生分別也此亦

五大所成故云從五大生平等根并前五

知五作業共爲十一根也

九神我

神我即

第八識也外道執神我能生諸法常住不

壞計爲涅槃是二一一諦之主也

第八識即成識

也梵語涅槃華言滅度

二十八天

出天台
四教儀

一欲界六天

一四天王天

東方持國天王南方增長天王西方廣目

天王北方多聞天王二忉利天梵語忉利

華言三十三往世三十三人同修勝業同

生此天三須夜摩天梵語須夜摩華言善

時分謂此天時時唱快樂故又云受五欲

境知時分故四梵率陀天梵語梵率陀華

言知足謂此天於五欲境知止足故五化

樂天謂此天自化五塵而娛樂故六他化

自在天謂此天假他所化樂事以成已樂

永樂北藏

大明三藏法數

即欲界天主

五欲者色欲聲欲香欲味欲
觸欲也五塵者色塵聲塵香

塵味塵
觸塵也

二色界十八天

初禪三天一梵眾

天梵淨也以無染欲故眾猶民也謂此天

是初禪天主之民眾也二梵輔天輔佐也

謂此天是初禪天主之輔佐臣僚也三大

梵天謂此天是初禪天主之主也名尸棄劫

初先生劫盡後減主領三千大千世界也

梵語尸棄華言火三千者大千中千二禪
小千也言三千大千者總別雙舉也

三天一少光天謂此天光明少故二無量

光天謂此天光明增勝無限量故三光音

第一八三册

天謂此天以光明為語音故三禪三天一
 少淨天謂此天意識樂受清淨故二無量
 淨天謂此天淨勝於前不可量故三遍淨
 天謂此天樂受最勝淨周遍故四禪九天
 一無雲天以前諸天空居依雲而住此天
 在雲之上居無雲之首故號無雲三福生
 天謂此天修勝福力而生其中從因得名
 故三廣果天謂此天果報廣大無能勝故
 四無想天謂此天一期果報心想不行故
 一期者謂從生至死也五無煩天謂此天離欲界苦

及色界樂苦樂兩滅無煩惱故六無熱天
 謂此天研究心境無依無處清涼自在無
 熱惱故七善見天謂此天妙見十方世界
 圓澄無塵垢故八善現天謂此天空無障
 礙精見現前故九色究竟天謂此天於諸
 塵幾微之處石八研窮究竟故十五**三無色界四天**
 一空處天謂此天厭於色身繫縛不得自
 在心緣虛空與無色相應住空處定故二
 識處天謂此天厭虛空無邊於是即捨虛
 空轉心緣識以識為處故三無所有處天

謂此天厭於識處無邊於是捨識入無所有處亦名不用處謂不用前空處識處故四非想非非想處天謂此天居無色界之極頂非無所有處之無想非識處之有想故

二十八宿

出法苑珠林

大集經云佛告娑婆世界

主大梵天王等言過去天仙云何布置諸宿曜辰攝護國土養育衆生大梵天王等白佛言過去天仙分布安置諸宿曜辰於四方中各有所主如云角宿主於衆鳥亢

永樂北藏

大明三藏法數

宿主於出家求聖道等爾時佛告梵王等言我亦使諸曜星辰攝護國土養育衆生汝等宣告令彼得知如我所分國土衆生各各隨分攝護養育故說二十八宿所屬不同各有威靈護衛也

梵語娑婆華言能忍

東

方七宿

石八

角宿主於衆鳥亢宿主出家求聖

道者氐宿主水主衆生房宿主行車求利心宿主於女人尾宿主洲渚衆箕宿主於陶師**南方七宿**井宿主於金師鬼宿主一切國王大臣柳宿主雪山龍星宿主巨

第一八三册

富者張宿主於盜賊翼宿主於貴人軫宿

主須羅吒國**三西方七宿**奎宿主行船人

婁宿主於商人胃宿主婆樓迦國昂宿主

於水牛畢宿主一切衆生腎宿主鞞提訶

國參宿主於刹刹刹刹梵語具云刹帝刹

四北方七宿斗宿主澆部沙國牛宿主於

刹刹及安多鉢竭那國女宿主鶩伽摩伽

陀國虛宿主那遮羅國危宿主著華冠室

宿主乾陀羅國輸盧那國及諸龍蛇虺行

之類壁宿主乾闥婆善樂梵語乾闥婆華

言者陰即帝釋

樂神也

三十一色出翻譯名善三十一色者謂青黃赤白

光影明暗烟雲塵霧空此十三種名為顯

色以其顯現為色故也長短方圓麤細高

下正與不正此十種名為形色以其形量

為色故也取捨屈伸行住坐卧此八種名

為表色以其表彰為色故也

如來三十二相出法界次第謂如來應化之身具

此三十二相以表法身衆德圓極人天中

尊衆聖之王也**一足安平相**謂足下安立

皆悉平滿猶如奩底也

奩力鹽切奩底者即金底也

千輻輪相輻即車輪中之輻謂足下穀網

輪紋衆相圓滿有如千輻輪也

三手指纖長謂手指纖細圓長端直臍好指節參差光

潤可愛勝餘人也

四手足柔軟相謂手足極妙柔軟勝餘身分也

五手足縵網相謂手指中間縵網交合文同綺畫猶如鷲王之足也

六足跟滿足相跟足踵也謂足之踵圓滿具

足也

七足趺高好相謂足之趺高起如真金之色

永樂北藏

大明三藏法數

梵語瑠璃華言青色寶

八膺如鹿王相膺時膺股肉

也膺如鹿王相者謂足膺漸次纖圓如彼鹿

王之膺纖好第一也

九手過膝相謂雙臂修直不俯不仰平立過膝也

十馬陰藏相謂陰相藏密猶如馬陰不可見也

十一身縱廣相謂身儀端正豎縱橫廣無不相稱也

十二毛孔生青色相謂身諸毛孔一孔一

毛生相不亂右旋上向青色柔軟也

十三身毛上靡相謂身諸毫毛皆右旋向上而

偃伏也

第一八三册

晃曜如紫金聚象相莊嚴微妙第一也

十五身光面各一丈相謂身放光明四面

各一丈也**十六皮膚細滑相**謂皮膚細

膩滑澤不受塵水不停蚊蚋**十七七處平**

滿相謂兩足下兩手兩肩項中七處皆平

滿端正也**十八兩腋滿相**謂左右兩腋平

滿而不窳也窳烏瓜切**十九身如師子相**

謂身體平正威儀嚴肅如師子王也**二十**

身端直相謂身形端正平直不偃曲也偃委

二十一肩圓滿相謂兩肩圓滿而豐

腴也**二十二四十齒相**謂常人但有三十

六齒唯佛具足四十齒也**二十三齒白齊**

密相謂四十齒皆白淨齊密根復深固

也**二十四四牙白淨相**謂四牙最白而大

瑩潔鮮淨也**二十五頰車如師子相**謂兩

頰車隆滿如師子王也**二十六咽中津液**

得上味相謂咽喉中常有津液上妙美味

如甘露流注也**二十七廣長舌相**謂舌廣

而長柔軟紅薄能覆面而至于髮際也**二**

十八梵音深遠相謂音聲和雅近遠皆到

無處不聞也 **二十九眼色如金精相** 謂眼

目清淨明瑩如金色精也 **三十眼睫如牛**

王相 睫目旁毛也 謂眼睫殊勝如牛王也

三十一眉間白毫相 謂兩眉之間有白玉毫

清淨柔軟如兜羅綿右旋宛轉常放光

明也 梵語兜羅綿 華言細香 **三十二頂肉髻成相** 謂

頂上有肉高起如髻亦名無見頂相謂一

切人天二乘菩薩皆不能見故也 二乘者 聲聞乘

緣覺 乘也

三十二應 出楞嚴經 謂觀世音菩薩於往昔無數

永樂北藏

大明三藏法數

恒河沙劫有佛名觀世音蒙彼如來授以

如幻聞熏聞修金剛三昧同佛慈悲拔苦

與樂身成三十二應入諸國土化一切衆

生也 劫梵語具云劫波華言分別時節 教熏習故曰聞熏聞而後修故曰聞修

金剛有堅利之能以喻三昧 之力也 梵語三昧華言正定 **佛身應** 佛

梵語具云佛陀華言覺謂若諸菩薩入三

摩地進修無漏勝解現圓觀世音菩薩即

應現佛身而為說法令其解脫也 梵語三 摩地華

言等持進修無漏勝解現圓謂修無為之 法即趣入三摩地得無漏勝解究竟圓成也

二獨覺應 出無佛世無師自悟故名獨覺

第一八三册

謂若諸有學寂靜妙明勝妙現圓菩薩即

於彼前應現獨覺身而為說法令其解脫

也有學者有所學也謂第三阿那含果已前俱屬有學勝妙現圓者能妙萬物以

三緣覺應因觀十二因緣覺真

諦理故名緣覺謂若諸有學斷十二因緣

緣斷勝性勝妙現圓菩薩即於彼前應現緣

覺身而為說法令其解脫也十二因緣者一

四名色五六入六觸七受八變九印十有十一生十二老死也緣斷勝性者謂觀因

緣得斷煩惱而證勝妙之性也**四聲聞應**聞佛聲教故曰

聲聞謂若諸有學得四諦空修道人滅

勝性現圓菩薩即於彼前應現聲聞身

而為說法令其解脫也得四諦空者謂觀

真空理也修道人滅勝性現圓者謂從三果入滅將登第四無學果位勝妙之性現

前圓成也**五梵王應**梵王者即色界初禪天主

也謂若諸眾生欲心明悟不犯欲塵欲身

清淨菩薩即於彼前應現梵王身而為說

法令其解脫也**六帝釋應**帝釋即忉利天

主梵語釋提桓因華言能天主言帝釋者

華梵雙舉也謂若諸眾生欲為天主統領

諸天菩薩即於彼前應現帝釋身而為說

法令其成就也

梵語切利華言三十三

七自在天應

自在天者即欲界第五天也謂若諸衆生欲身自在遊行十方菩薩即於彼前應現自在天身而為說法令其成就也

八大自

在天應大自在天者即欲界第六天主也

謂若諸衆生欲身自在飛行虛空菩薩即

於彼前應現大自在天身而為說法令其

成就也

九天大將軍應

天大將軍即帝釋

天主之大將軍也謂若諸衆生愛統鬼神

救護國土菩薩即於彼前現大將軍身而

為說法令其成就也

十四天王應

四天王

東方持國天王南方增長天王西方廣目天王北方多聞天王也謂若諸衆生愛統世界保護衆生菩薩即於彼前應現四天王身而為說法令其成就也

十一四天王太子

應謂若諸衆生愛生天宮驅使鬼神菩薩

即於彼前應現四天王太子身而說法令

其成就也

十二人王應

謂若諸衆生樂為人

王菩薩即於彼前應現人王身而為說法

令其成就也

十三長者應謂若諸衆生愛主

族姓世間推讓菩薩即於彼前應現長者

身而為說法令其成就也 **十四居士應**謂若

諸衆生愛談名言清淨自居菩薩即於彼

前應現居士身而為說法令其成就也 名

者名教典雅之言也 **十五宰官應**謂若諸衆生愛治

國土割斷邦邑菩薩即於彼前應現宰官

身而為說法令其成就也 **十六婆羅門應**

梵語婆羅門華言淨行謂若諸衆生愛

諸數術攝衛自居菩薩即於彼前應現婆

羅門身而為說法令其成就也 數術者呪禁算藝謂

養方法之類是也攝衛者收攝其心衛護身口也 **十七比丘應**梵

語比丘華言乞士謂若有男子好學出家

持諸戒律菩薩即於彼前應現比丘身而

為說法令其成就也 **十八比丘尼應**梵語尼

華言女謂若有女人好學出家持諸禁戒

菩薩即於彼前應現比丘尼身而為說法

令其成就也 **十九優婆塞應**梵語優婆塞

華言清淨士謂若有男子樂持五戒菩薩

即於彼前應現優婆塞身而為說法令其

成就也 五戒不殺不盜不邪淫不妄語不飲酒也 **二十優婆夷應**

梵語優婆夷華言清淨女謂若有女子
 五戒自居菩薩即於彼前應現優婆夷身
 而為說法令其成就也 **二十一女主應** 女主
 天子之后也謂若有女人內政立身以修
 家國菩薩即於彼前應現女主身及國夫
 人命婦大家而為說法令其成就也 **二十二**
童男應 謂若有衆生不壞男根菩薩即於
 彼前應現童男身而為說法令其成就也
二十三童女應 謂若有處女愛樂處身不求
 侵暴菩薩即於彼前應現童女身而為說

法令其成就也 **二十四天應** 謂若有諸天
 樂出天倫菩薩即應現天身而為說法令
 其成就也 倫類也 **二十五龍應** 謂若有諸龍
 樂出龍倫菩薩即應現龍身而為說法令
 其成就也 **二十六藥叉應** 梵語藥叉亦云夜
 叉華言勇健謂若有藥叉樂度本倫菩薩
 即於彼前應現藥叉身而為說法令其成
 就也 **二十七乾闥婆應** 梵語乾闥婆華言
 香陰即帝釋樂神也謂若乾闥婆樂脫其
 倫菩薩即於彼前應現乾闥婆身而為說

法令其成就也 **二十八阿修羅應** 梵語阿

修羅華言無端正以形貌醜陋故也謂若

阿修羅樂脫其倫菩薩即於彼前應現阿

修羅身而為說法令其成就也 **二十九緊**

那羅應 梵語緊那羅華言疑神又云人非

人以頭上有角似人而非人也謂若緊那

羅樂脫其倫菩薩即於彼前應現緊那羅

身而為說法令其成就也 **三十摩呼羅伽**

應 梵語摩呼羅伽華言大蝮行即大蟒蛇

也謂若摩呼羅伽樂脫其倫菩薩即於彼

前應現摩呼羅伽身而為說法令其成

就也 **三十一人應** 謂若諸眾生樂人修人菩

薩即於彼前應現人身而為說法令其成

就也 樂人修人者謂愛樂人身而修人之行也 **三十二非人應**

非人即鬼畜之類也謂若諸非人有形無

形有想無想樂度其倫菩薩即於彼前皆

現其身而為說法令其成就也

三十四心斷結 出天台四教儀集註 謂三歲教菩薩扶

惑潤生歷劫具修六度梵行饒益有情最

後至於菩提樹下一念相應慧發真無漏

之時以八忍八智十六心九無礙九解脫十
 八心頓斷見思習氣而成正覺故云三十
 四心斷結也三藏教者即經律論三藏也
 扶或潤生者謂此教菩薩雖
 已離見思之惑為欲化度眾生故伏惑不
 斷而示同三思注死也六度者一布施二
 持戒三忍辱四精進五禪定六智慧也梵
 語菩提華言道菩提樹者以佛於樹下成
 道故也見思者謂意根對法塵起諸分別
 曰見眼等五根對色等五塵起諸貪愛曰
 忍習氣者謂見思
 惑之餘習氣分也**一八忍**忍即忍可印證
 之義一苦法忍謂觀欲界苦諦之法而能
 忍可也二苦類忍謂以色界無色界苦諦
 之法比類欲界苦諦觀之而能忍可也三

集法忍謂觀欲界集諦煩惱之法而能忍
 可也四集類忍謂以色界無色界集諦煩
 惱之法比類欲界集諦觀之而能忍可也
 五滅法忍謂觀欲界滅諦之法而能忍可
 也六滅類忍謂以色界無色界滅諦之法
石八
 比類欲界滅諦觀之而能忍可也七道法
二十七
 忍謂觀欲界道諦之法而能忍可也八道類
 忍謂以色界無色界道諦之法比類欲界
 道諦觀之而能忍可也**二八智**智即明了
 之義一苦法智謂因觀欲界苦諦而斷見

惑之智明發也二苦類智謂以色界無色界苦諦比類欲界苦諦觀之而斷上二界見惑之智明發也三集法智謂因觀欲界集諦而斷見惑之智明發也四集類智謂以色界無色界集諦比類欲界集諦觀之而斷上二界見惑之智明發也五滅法智謂因觀欲界滅諦而斷見惑之智明發也六滅類智謂以色界無色界滅諦比類欲界滅諦觀之而斷上二界見惑之智明發也七道法智謂因觀欲界道諦而其斷

惑之智明發也八道類智謂以色界無色界道諦比類欲界道諦觀之而斷上二界見惑之智明發也**三九無礙道**無礙者謂念念修觀斷惑不為惑所礙也蓋欲界為一地色界初禪二禪三禪四禪為四地無色界空處識處無所有處非想非非想處為四地則三界共為九地每地各有九品思惑於一二地修此無礙道以斷之也思惑言九品者謂因此惑難斷遂分上中下之三品於三品中又各分三品共九品**四九解脫道**解脫即自在之義謂惑

業斷離無所繫縛而得自在蓋欲界一地
色界四地無色界四地共為九地每地各
有九品思惑此惑既斷即證解脫道也

三十六物

出華嚴經隨疏演義鈔

外相十二

謂髮毛

瓜齒眇

尺文切

淚涎唾屎尿垢汗也

二身器

十二

謂皮膚血肉筋脉骨髓肪膏腦膜

也三內含十二

含即含藏謂肝膽腸胃脾

腎心肺生藏熟藏赤痰白痰也

大明三藏法數卷第三十六

永樂北藏

大明三藏法數

第一八三册

永樂北藏

大明三藏法數

第一八三冊

大明三藏法數卷第三十七卷

石九

三十七道品

出法界次第

道即能通之義品猶類

也合四念處等法門為三十七皆是入道

淺深之氣類故云道品也

四念處念即

想念處即身受心法也一身念處謂觀此

色身皆是不淨也二受念處謂觀領受好

惡等事悉皆是苦也三心念處謂觀此識

心生滅無常也四法念處謂觀諸法從因

緣生皆無有我也

四正勤正謂不邪勤

謂不怠一已生惡令永斷謂一切惡法若

已生者當精勤一心決別令其永斷除

也二未生惡令不生謂一切惡法若未生

時當精勤一心遮止令其不復萌生也三

未生善令生謂諸善法若未生時當精

勤一心勇猛令其發生也四已生善令增

長謂諸善法若已生者當精勤一心修習

令其增長也

三如意謂所修之法如願

滿足也一欲如意足謂希慕所修之法如

願滿足也二精進如意足謂於所修之法

專注一心無有間雜如願滿足也三念如意足謂於所修之法記憶不忘如願滿足也四思惟如意足謂心思所修之法不令忘失如願滿足也**四五根**根即能生之義謂此五根能生一切善法也一信根謂信於正道也二精進根謂修正法無間無雜也三念根謂於正法記憶不忘也四定根謂攝心不散也五慧根謂於諸法觀照明了也**五力**力即力用謂能破惡成善也一信力謂信根增長能破諸疑惑也二精

進力謂精進根增長能破身心懈怠成辦出世之事也三念力謂念根增長能破諸邪念成就出世正念功德也四念力謂定根增長能破諸亂想發諸禪定也五慧力謂慧根增長能遮止三界見思之惑發真無漏也石七三界者欲界色界無色界也見思惑者分別曰見惑貪愛曰思惑也真無漏者謂阿羅漢斷見思惑盡不漏落三界生死異於初果等故名真也**正覺分**覺即覺了分即支分謂此七法各有支派分齊也一擇覺分謂揀擇諸法之真偽也二精進覺分謂修諸道法無有間雜也三

喜覺分謂契悟真法得歡喜也四除覺分
 謂斷除諸見煩惱也五捨覺分謂捨離所
 見念著之境也六定覺分謂覺了所發之
 禪定也七念覺分謂思惟所修之道法也
七八正道 不邪曰正能通曰道一正見謂
 能見真理也二正思惟謂心無邪念也三
 正語謂言無虛妄也四正業謂白淨善業
 也五正命謂依法乞食活命也六正精進
 謂修諸道行無間雜也七正念謂專心憶
 念善法也八正定謂一心住於真空之理

永樂北藏

大明三藏法數

也

四十二字門

出華嚴經

衆聖所由名之爲門智論

云四十二字是一切字之根本因字有語

因語有名因名有義從此字門則能入於

無相之智般若經云一字皆入四十二字

四十二字亦入一字故華嚴經中善知衆

下九

藝童子告善財言我恒唱持此之字母入

般若波羅蜜門所以衆聖皆由此而入於

實相之慧也

阿字門

阿梵語具云阿提阿耨波陀華

梵語般若波羅蜜華言智慧到彼岸謂到涅槃彼岸也

第一八三冊

言不生謂一切法本來不生也經云唱阿
 字時入般若波羅蜜門名菩薩威力入
 無差別境界疏云阿者入無生義無生之
 理統該萬法菩薩得此無生之旨則能達
 諸法空斷一切障也

二多字門

多大品般

若經作羅梵語具云羅闍華言垢謂一切
 法本來清淨離諸染汚也經云唱多字時
 入般若波羅蜜門名無邊差別疏云是清
 淨無染離塵垢義

三波字門

波梵語具云

波羅末陀華言第一義謂聖智自覺所得

非言說妄想境界故也經云唱波字時入
 般若波羅蜜門名普照法界疏云諸法皆
 等即普照法界

四者字門

者大品般若經

作遮梵語具云遮黎夜華言行謂知一切
 法皆不可得亦知一切諸行皆非行故也

經云唱者字時入般若波羅蜜門名普輪
 斷差別疏云諸法無有諸行既空徧摧差
 別

五那字門

梵語那華言不謂知一切法離

名離相不得不失不來不去故也經云唱

那字時入般若波羅蜜門名得無依疏云諸法無有言說文字性相雙亡故無所依

六邏字門 邏梵語具云邏求華言輕謂知

一切法離輕重相故經云唱邏字時入般若波羅蜜門名離依止無垢疏云悟一切

法離世間惑染故**七柁字門** 梵語柁又云陀

摩華言善謂知一切法善相善心生故經

云唱柁輕字時入般若波羅蜜門名不退

轉方便疏云悟一切法調伏寂靜真如平等無分別故**八婆字門** 婆我切婆梵語具云

婆陀華言縛謂知一切法無縛無解故經

云唱婆字時入般若波羅蜜門名金剛場

疏云悟一切法離縛解故方入金剛場

九茶字門 茶徒切茶梵語具

云茶闍他華言不熱謂知一切法無熱惱

相故經云唱茶字時入般若波羅蜜門名

曰普輪疏云悟一切法離熱惱穢得清涼

故是普摧義謂輪能摧碾一切煩惱也**十**

沙字門 沙我切梵語沙華言六謂知人身六

根之相皆自在故經云唱沙字時入般若

波羅蜜門名為海藏疏云悟一切法無罣

礙故如海含容萬像六根者眼根耳根鼻根舌根身根意根也

皆自在者如眼根任運隨色自在無礙五根隨用亦復如是也

十一縛字 門縛大品般若經作和梵語具云和波陀華

言語言謂知一切法離語言相故經云唱縛

字時入般若波羅蜜門名普生安住疏云悟

一切法言語道斷能徧安住**十二多字** 門

可多品般若經作多梵語具云多他華言

如謂入諸法真如之相不動故經云唱多字

時入般若波羅蜜門名圓滿光疏云悟一切

法真如不動圓滿顯現**十三也字** 門

梵語具云夜他跋華言實謂知色心等一切

諸法入實相中不生不滅故經云唱也字時

入般若波羅蜜門名差別積聚疏云悟如實

不生故則諸乘積聚皆不可得**十四瑟吒字**

門瑟吒大品般若經作吒梵語具云吒婆華

言障礙謂知一切法無障礙故經云唱瑟吒

字時入般若波羅蜜門名普光明息煩惱故

十五迦字 門迦梵語具云迦邏華言作者謂

知諸法之中無有作者經云唱迦字時入般

若波羅蜜門名無差別雲疏云作業如雲皆
 無差別**十六娑字門**娑蘇我切娑梵語具云娑娑
 華言一切謂入一切法時皆不可得故經云
 唱娑字時入般若波羅蜜門名降霍大雨疏
 云即平等性**十七麼字門**麼梵語具云麼麼
 迦邏華言我所謂知一切法離我所故摩法
 師曰我為萬物主萬物為我所經云唱麼
 字時入般若波羅蜜門名大流湍激衆峯
 齊時疏云即我所執性若衆峯齊時長流
 湍激**十八伽字門**伽梵語具云伽陀華言

底謂知一切諸法根底不可得故經云唱
 伽字時入般若波羅蜜門名普安立疏云
 即一切法行取性**十九他字門**他他可切他梵
 語具云多他阿伽陀華言如去謂入諸法
 處不可得故經云唱他字時入般若波羅
 蜜門名真如平等藏**二十社字門**社大品
 般若經作闍梵語具云闍提闍羅華言生
 謂知諸法之生不可得故經云唱社字時
 入般若波羅蜜門名入世間海清淨**二十**
鎖字門梵語鎖大品般若經作籤無謂

知一切法不可得故經云唱鎖字時入般若波羅蜜門名念一切佛莊嚴疏云即安

隱性 **二十二馱字門** 馱梵語具云馱摩華

言法性謂知一切法中法性不可得故經云唱馱字時入般若波羅蜜門名觀察揀

擇一切法聚 **二十三奢字門** 奢尸奢大品

般若經作除梵語具云除多華言察滅謂知諸法皆察滅相不可得故經云唱奢字

時入般若波羅蜜門名隨順一切佛教輪光明疏云即寂靜性 **二十四佉字門** 梵語

佉華言虛空謂知諸法猶如虛空不可得故經云唱佉字時入般若波羅蜜門名修

因地智慧藏疏云即如虛空性 **二十五义**

字門 义梵語具云义耶華言盡謂入諸法盡性不可得故經云唱义字時入般若波

羅蜜門名息諸業海藏疏云猶言盡空業

海 **二十六娑多字門** 娑多大品般若經作

娑梵語具云迦娑度求那華言是事邊得何利謂知諸法邊得何所利故經云唱娑

多字時入般若波羅蜜門名蠲諸惑障開

淨光明

也

二十七壞字門

壞大品般若

經作若梵語具云若那華言智謂知一切法中無智相故經云唱壞字時入般若波羅蜜門名作世間智慧門

二十八曷擗多

字門梵語曷擗多又云阿施大品般若經作施華言義謂知一切法義不可得故經云唱曷擗多字時入般若波羅蜜門名生死境界智慧輪

二十九婆字門

婆滿婆梵語具云婆伽華言破謂知一切法不可得破壞相故經云唱婆字時入般若波羅蜜

門名一切智宮殿圓滿莊嚴

三十車字

門車梵語具云伽車提華言去謂知一切法無所去故經云唱車字時入般若波羅蜜門名修行方便藏各別圓滿

三十一婆

麼字門婆蘇婆麼大品般若經作魔梵語具云阿濕麼華言石謂知諸法堅牢如金剛石不可壞故經云唱婆麼字時入般若波羅蜜門名隨十方現見諸佛

三十二訶

婆字門訶婆大品般若經作火梵語具云火夜華言喚來謂雖知一切法無音聲相

亦可呼召無緣令其有緣經云唱訶婆字

時入般若波羅蜜門名觀察一切無緣衆

生方便攝受令出生無礙力 **三十三纏字門**

纏七大品般若經作嗟梵語具云末嗟羅

華言慳謂知一切法無慳無施相故經云

唱纏字時入般若波羅蜜門名修行趣入

一切功德海 **三十四伽字門** 伽梵語具云

伽那華言厚謂知諸法不厚不薄故經云

唱伽字時入般若波羅蜜門名持一切法

雲堅固海藏疏云即平等性猶言厚薄平

等如雲普覆 **三十五吒字門** 吒大品般若

經作他梵語具云他那華言處謂知諸法

無住處故經云唱吒字時入般若波羅蜜

門名隨願普見十方諸佛 **三十六拏字門**

拏妳梵語拏華言不謂入諸法不來不去

故經云唱拏字時入般若波羅蜜門名觀

察字輪疏云即離諸諍諍無往無來行住

坐卧常觀字輪 **三十七娑頗字門** 娑蘇梵

語娑頗又云頗羅大品般若經作頗華言

果謂知一切法因果性空故經云唱娑頗

字時入般若波羅蜜門名化衆生究竟處

疏云即遍滿果報

三十八娑迦字門梵語

娑迦又云歌大大品般若經作歌華言衆

謂知五衆等法不可得故經云唱娑迦字

時入般若波羅蜜門名廣大藏無礙辯光

明輪徧照

五衆者即色受想行識謂此五法衆共相生而成身也亦名五

陰又名五蘊

三十九也娑字門

也夷可切梵語娑蘇可切

也娑大品般若經作醯無翻經云唱也娑字

時入般若波羅蜜門名宣說一切佛法境

四十室者字門室者大品般若經作遮

梵語具云遮羅地華言動謂知一切法不

動相故經云唱室者字時入般若波羅蜜

門名於一切衆生界法雷徧乳

四十一侏

字門

侏取可切

侏大品般若經作咤梵語具云

多羅華言岸謂知一切法此岸彼岸不可

得故經云唱侏字時入般若波羅蜜門名

以無我法開曉衆生

四十二陀字門

陀大

品般若經作茶梵語具云彼茶華言必謂

知一切法必不可得故過此茶字後無字

可說也經云唱陀字時入般若波羅蜜門

名一切法輪差別藏疏云即究竟含藏一

切法輪

四十八願出大彌陀經謂阿彌陀佛最初因中名

法藏比丘彼時於世自在王佛前白佛言

我發無上菩提之心願作佛時身相光明

刹土殊勝寧可得否彼佛知其智識高明

心願廣大乃以二千一百萬佛刹善惡盛

妙之相隨其心願悉令顯現法藏即一其

心遂得天眼莫不徹見復白佛言我已攝

取如上佛刹所以莊嚴國土清淨之行願

有數陳惟佛聽察遂發此四十八願也梵語

阿彌陀華言無量壽**第一願**願我刹中無地獄餓鬼

禽畜以至蚰飛螻動之類不得是願終不

作佛**第二願**願我刹中無女人無數世界

諸天人民以至蚰飛螻動之類來生我國

者皆於七寶水池蓮華中化生不得是願

終不作佛七寶者金銀瑠璃玻瓈**第三願**

願我刹土中人欲食時七寶鉢中百味飲

食化現在前食已器用自然化去不得是

願終不作佛**第四願**願我刹土中人所欲

衣服隨念即至不假裁縫擣染浣濯不得
是願終不作佛**第五願**願我刹土中自地
以上至於虛空皆有宅宇宮殿樓閣池流
花樹悉以無量雜寶百千種香而共合成
嚴飾奇妙殊勝超絕其香普熏十方世界
衆生聞是香者皆修佛行不得是願終不
作佛**第六願**願我刹土中人皆心相愛敬
無相憎嫉不得是願終不作佛**第七願**願我
刹土中人盡無滯泆嗔怒愚癡之心不得
是願終不作佛**第八願**願我刹土中人皆

同一善心無惑他念其所欲言皆預相知
意不得是願終不作佛**第九願**願我刹土
中人皆不聞不善之名况有其實不得是
願終不作佛**第十願**願我刹土中人知身
如幻無貪著心不得是願終不作佛**第十**
一願願我刹土中雖有諸天與世之人異
而其形容皆一類金色面目端正淨好無
復醜異不得是願終不作佛**第十二願**願
假令十方無數世界諸天人氏以至翬飛
蠕動之類皆得爲人皆作緣覺聲聞皆

坐禪一心共欲計數我年壽幾千億萬

劫無有能知者不得是願終不作佛劫梵語具

云劫波華言分別時節**第十三願**願假令十方各千

億世界有諸天人民以至蛸飛螻動之類

皆得為人皆作聲聞緣覺皆坐禪一心共

欲計數我刹土中人數有幾千億萬無有

能知者不得是願終不作佛**第十四願**願

我刹土中人壽命皆無數劫無有能計知

其數者不得是願終不作佛**第十五願**願

我刹土中人所受快樂一如漏盡比丘不

得是願終不作佛漏盡謂生死之漏盡也**第十六願**

願我刹土中人住正信位離顛倒想諸根

寂靜盡般泥洹不得是願終不作佛梵語

洹即般涅槃華言滅度**第十七願**願我說經行道十

倍諸佛不得是願終不作佛**第十八願**

願我刹土中人盡通宿命知百千億那由

他劫事不得是願終不作佛梵語那由他華言萬億

第十九願願我刹土中人盡得天眼見百

千億那由他世界不得是願終不作佛

第二十願願我刹土中人盡得天耳聞百千

億那由他諸佛說法悉能受持不得是願
 終不作佛 **第二十一願** 願我刹土中人得
 他心智知百千億那由他世界衆生心念
 不得是願終不作佛 **第二十二願** 願我刹
 土中人盡得神足於一念頃能超過百千
 億那由他世界不得是願終不作佛 **第二十三願** 願我名號聞於十方無數世界諸
 佛各於大衆稱我功德及國土之勝諸天
 人民以至蚰飛蠕動之類聞我名號慈心
 喜悅者皆令來生我國不得是願終不作

佛 **第二十四願** 願我頂中光明妙勝如日
 月之明百千億萬倍不得是願終不作佛
第二十五願 願我光明照諸無數天下幽
 冥之處皆當大明諸天人民以至蚰飛蠕
 動之類見我光明莫不慈心作善皆令來
 生我國不得是願終不作佛 **第二十六願**
 願十方無數世界諸天人民以至蚰飛蠕
 動之類蒙我光明觸其身者身心慈和過
 諸天人不得是願終不作佛 **第二十七願**
 願十方無數世界諸天人民有發菩提心

奉持齋戒行六波羅蜜修諸功德至心發

願欲生我國臨壽終時我與大眾現其人

前引至來生作不退轉地菩薩不得是願

終不作佛梵語波羅蜜華言到彼岸六波羅蜜即布施持戒忍辱精進禪

定智慧不退轉地者第二十八願願十方

無數世界諸天人人民聞我名號燒香散花

然燈懸繒飲食沙門起立塔寺齋戒清淨

益作諸善一心繫念於我雖上一晝夜亦必

得生我國不得是願終不作佛第二十九

願願十方無數世界諸天人人民至心信樂

欲生我國十聲念我名號必遂來生惟除

五逆誹謗正法不得是願終不作佛五逆者殺

父殺母殺阿羅漢出佛身血破和合僧也第三十願願十方無

數世界諸天人人民以至蚰飛螻動之類前

世作惡聞我名號即懺悔為善奉持經戒

願生我國壽終不經惡道徑遂來生一切

所欲無不如意不得是願終不作佛第三

十一願願十方無數世界諸天人人民聞我

名號五體投地稽首作禮喜悅信樂修善

薩行諸天世人莫不致敬不得是願終不

作佛

五体者頭及兩手兩足也

第三十二願

願十方無

數世界有女人聞我名號喜悅信樂發菩提心厭惡女身壽終之後不復為女不得

是願終不作佛

第三十三願

願凡生我國

者一生遂補佛處惟除本願欲往他方設

化衆生修菩薩行供養諸佛者即自在往

生我以威神之力令彼教化一切衆生皆發

信心修一切善行不得是願終不作佛

第三十四願

願我刹土之人欲生他方者如其所

願不復墜於惡道不得是願終不作佛

第三十五願

願我刹土中菩薩以香華幡蓋

真珠瓔珞種種供具欲往無量世界供養諸佛者一食之頃即可遍至不得是願終

不作佛

第三十六願

願我刹土中菩薩欲

以萬種之物供養十方無數諸佛即在其

前供養既遍是日未午即還我刹

石九

不得是

願終不作佛

第三十七願

願我刹土中菩

薩受持經法諷誦宣說必得辯才智慧不

得是願終不作佛

第三十八願

願我刹土

中菩薩能演說一切法其智慧辯才不可

限量不得是願終不作佛 **第三十九願**

我刹土中菩薩得金剛那羅延力其身皆

紫磨金色具諸相好說經行道無異於佛

不得是願終不作佛 梵語那羅延
華言金剛 **第四十**

願我刹土清淨照見十方無量世界菩

薩欲於寶樹中見十方一切嚴淨佛刹即

時應現猶如明鏡觀其面相不得是願終

不作佛 **第四十一願**願我刹土中菩薩雖

少功德者亦能見我道場樹高四千由旬

不得是願終不作佛 梵語由旬華言限量
或四十里或六十里

或八
十里 **第四十二願**願我刹土中諸天世人

及一切萬物悉皆嚴淨光麗形色殊特窮

微極妙無能稱量者衆生雖得天眼不能

辨其名數不得是願終不作佛 **第四十三**

願我刹土中人隨其志願所欲聞法皆

自然得聞 五九不得是願終不作佛 **第四十四**

願我刹土中菩薩聲聞皆智慧威神

頂中皆有光明語音鴻暢說經行道無異

於佛不得是願終不作佛 **第四十五願**願

他方世界諸菩薩聞我名號皈依精進皆

逮得清淨解脫三昧住是三昧一發意頃
供養不可思議諸佛而不失定意不得是

願終不作佛

梵語三昧
華言正定

第四十六願

願他

方世界諸菩薩聞我名號皈依精進皆逮
得普等三昧至于成佛常見無量不可思

議一切諸佛不得是願終不作佛

普等者
謂於一

切法皆
平等也

第四十七願

願他方世界諸菩薩

聞我名號皈依精進即得至不退轉地不
得是願終不作佛

第四十八願

願他方世

界諸菩薩聞我名號皈依精進即得至第

一忍第二忍第三忍於諸佛法永不退轉

不得是願終不作佛

三忍即忍位中上
忍中忍下忍也

善財五十三叅

出華嚴經

經云善財童子初入胎

時於其宅內自然而出七寶樓閣其樓閣
下有七伏藏地自開裂生七寶牙童子處

胎十月然後誕生形體支分端正具足一

切眾寶自然出現一切庫藏悉皆充滿以

此事故父母親屬及善相師共呼此兒名

曰善財後因文殊師利菩薩至福城東住

莊嚴幢娑羅林中為眾說法善財與五百

童子詣文殊所頂禮其足白言惟願聖者
 廣爲我說菩薩應云何學菩薩道乃至應
 云何令普賢行速得圓滿文殊告言善男
 子汝已發阿耨多羅三藐三菩提心若欲
 成就一切智智應決定求真善知識勿生
 疲倦見善知識勿生厭足於善知識所有
 教誨皆應隨順於善知識善巧方便勿見
 過失文殊遂令善財往於南方先叅德雲
 比丘次第展轉指示終叅普賢菩薩即得
 一切佛刹微塵數三昧門善財如是歷一

石九

十六

百十城叅五十三善知識是爲五十三叅
 也七寶者金銀瑠璃瓊玞琥珀瑪瑙赤真
 珠也梵語文殊師利華言妙德梵語娑
 羅華言堅同梵語阿耨多羅三藐三菩提
 華言無上正等正覺梵語比丘華言乞士
 梵語三昧
 華言正定**一**善財最初受文殊教往勝
 樂國妙峯山叅德雲比丘至彼求覓經于
 七日見彼比丘在別山上徐步經行於是
 善財往詣頂禮白言我已先發菩提心而
 未知菩薩云何學菩薩行乃至應云何於
 普賢行疾得圓滿時德雲比丘爲說憶念
 一切諸佛境界智慧光明普見法門已乃

云如諸菩薩無邊智慧清淨行門而我

云何能知能說復令叅海雲比丘梵語菩提華言道

二叅善財承教向海門國叅海雲比丘為

說諸佛菩薩行光明普眼法門已乃云如

諸菩薩深入一切菩薩行海等而我云何

百九

能知能說復令叅善住比丘十七**三**叅善財承

教至楞伽道邊海岸聚落叅善住比丘見

此比丘於虛空中來往經行為說普速疾

供養諸佛成就眾生無礙解脫門已乃云

如諸菩薩持大悲戒乃至離垢戒等如是

功德而我云何能知能說復令叅彌伽大

士梵語楞伽華言不可性**四**叅善財承教至達里鼻

茶國自在城叅彌伽大士為說妙音陀羅

尼光明法門已乃云如諸菩薩普入一切

眾生種種想海等功德我今云何能知能

說復令叅解脫長者梵語達里鼻茶華言消融梵語陀羅尼華

持言總**五**叅善財承教漸次遊行十有二年

至住林城叅解脫長者為說如來無礙莊

嚴解脫門已乃云如諸菩薩得無礙智乃

至而於己身及諸世界不生二想如是妙

行而我云何能知能說復令叅海幢比丘

六叅善財承教至閻浮提畔利伽羅國叅

海幢比丘為說般若波羅蜜三昧光明已

乃云如諸菩薩入智慧海淨法境界等而

我何能知其妙行辯其功德復令叅休捨

優婆夷梵語閻浮提華言勝金洲梵語般

彼岸梵語優婆夷華言清淨女**七叅**善財承教至海潮處

普莊嚴國叅休捨優婆夷為說離憂安隱

幢解脫門已乃云如諸菩薩其心如海悉

能容受一切佛法等而我云何能知能說

復令叅毘目瞿沙仙人毘目瞿沙梵語具

華言最上**八叅**善財承教向那羅素國叅

毘目瞿沙仙人為說菩薩無勝幢解脫已

乃云如諸菩薩成就一切殊勝三昧等法

而我云何能知能說復令叅勝熱婆羅門

梵語那羅素華言不懈惰**九叅**善財承教

至伊沙那聚落叅勝熱婆羅門見彼勝熱

修諸苦行求一切智四面火聚猶如大山

中有刀山高峻無極登彼山上投身入火

語善財言汝今若能上此刀山投身火聚

諸菩薩行悉得清淨爾時善財即登刀山
自投火聚未至中間即得菩薩善住三昧
纔觸火燄又得菩薩寂靜樂神通三昧時
勝於婆羅門告善財言我唯得此菩薩無
盡輪解脫如諸菩薩大功德燄等法而我

云何能知能說復令叅慈行童女

梵語伊沙那華

言長直

十

叅善財承教至師子奮迅城叅慈

行童女為說般若波羅蜜普莊嚴門已乃
云如諸菩薩其心廣大等虛空界入於法
界福德成滿等法而我云何能知能說復

令叅善見比丘**十一**叅善財承教至三眼

國叅善見比丘為說菩薩隨順燈解脫門
已乃云如諸菩薩於如來家真正受生等
法而我云何能知能說復令叅自在主童

子**十二**叅

善財承教至名聞國河渚中叅

自在主童子為說一切工巧大神通智光

明法門已乃云如諸菩薩能知一切衆生

數及能知一切諸法差別等而我何能說

其功德示其所行復令叅具足優婆夷

三叅善財承教至海住大城叅具足優婆

夷爲說菩薩無盡福德藏解脫門已乃云
如諸菩薩一切功德猶如大海甚深無盡
等而我云何能知能說復令叅明智居士

十四叅善財承教至大興城叅明智居士
爲說隨意出生福德藏解脫門已乃云如

諸菩薩成就寶手徧覆一切十方國土以
自在力普雨一切資生之具而我云何能
知能說復令叅法寶髻長者**十五**叅善財
承教至師子大城叅法寶髻長者爲說菩
薩無量福德寶藏解脫門已乃云如諸菩

薩得不思議功德寶藏等法而我云何能
知能說復令叅普眼長者**十六**叅善財承
教至藤根國普門城叅普眼長者爲說令
一切衆生普見諸佛歡喜法門已乃云如
諸菩薩如大藥王若見若聞乃至安住平
等寂滅之樂而我云何能知能說復令叅
無厭足王**十七**叅善財承教至多羅幢城
叅無厭足王至彼城已問無厭足王所在
之處諸人答言此王今者在於正殿坐師
子座宣布法化調御衆生可治者治可攝

者攝罰其罪惡決其諍訟撫其孤弱皆令
 永斷殺盜邪淫時善財依眾人語尋即往
 詣乃見其王將諸罪人或斷手足乃至或
 以湯煮或以火焚善財念言我為利益一
 切眾生求菩薩行今者此王滅諸善法作
 諸惡業云何於此而欲求法救護眾生作是
 念時空中有天告言善男子汝莫厭離善財
 即禮其足王令入於宮中徧觀所住宮殿
 廣大無比皆以妙寶之所合成王復告言
 我若實作如是惡業云何而得如是果報

石九

二十

如是色身如是眷屬如是富贍如是自在
 遂為善財說菩薩如幻解脫已乃云如諸
 菩薩得無生忍乃至普入一切平等三昧
 而我云何能知能說復令叅大光王無生忍者
謂一切法本來不生於此法中而能忍可即證也
 教至妙光城叅大光王為說菩薩大慈為
 首隨順世間三昧門已乃云如諸菩薩慈
 心普蔭諸眾生等法而我云何能知其行
 能說其德復令叅不動優婆夷十九善
 財承教至安住國叅不動優婆夷為說求

十八

善財承

一切法無厭足三昧光明已乃云如諸菩薩如金翅鳥遊行虛空無所障礙能入一切衆生大海見有善根已成熟者即便執取置菩提岸等法而我云何能知能說復令參徧行外道二十九善財承教至都薩羅

城參徧行外道二十九為說至一切處菩薩行已乃云如諸菩薩身與一切衆生數等乃至以無我智周遍照耀而我云何能知能說復令參鬻香長者二十一善財承教至廣大國參鬻音育香長者名優鉢羅華為

說調和一切香法已乃云如諸菩薩遠離一切諸惡習氣不染世欲斷煩惱等而我何能知其妙行說其功德復令參婆施羅船師梵語優鉢羅華言青蓮華梵語婆施羅華言自在二十一善財承教至樓閣大城參婆施羅船師為

說大悲幢行已乃云如諸菩薩善能遊涉生死大海乃至能以神通度衆生海而我云何能知能說復令參無上勝長者二十善財承教至可樂城參無上勝長者為說至一切處修菩薩行清淨法門已乃

云如諸菩薩具足一切自在神通悉能徧
往一切佛刹等而我云何能知能說復令

參師子頻申比丘尼刹梵語具云刹
摩華言土田

四善財承教至輸那國迦陵迦林城參

師子頻申比丘尼為說成就一切智解脫

已乃云如諸菩薩心無分別普知諸法等

而我云何能知能說復令參婆須蜜多女

梵語輸那華言勇猛梵
語迦陵迦華言相闕戰

十五善財承

教至險難國寶莊嚴城參婆須蜜多女為
說菩薩離貪際解脫已乃云如諸菩薩成

就無邊巧方便智而我云何能知能說復

令參鞞瑟胝羅居士梵語鞞瑟胝
羅華言纏裹

十六善財承教至善度城參鞞瑟胝羅居士

為說菩薩所得不般涅槃際解脫已乃云

如諸菩薩以一念智普知三世一念遍入

一切三昧等而我云何能知能說復令參

石九
三十三

十七善財承教至補怛洛迦山參觀自在

菩薩既至彼山處處求覓見其西面崑崙

之中泉流瑩映樹林芬鬱香草柔軟右旋

布地時觀自在菩薩於金剛寶石上結加
 趺坐無量菩薩恭敬圍繞為說大悲行門
 已乃云如諸菩薩已淨普賢一切願已住
 普賢一切行等而我云何能知能說復令
 參正趣菩薩梵語補怛洛迦華言海島又云小白花

二十八

參善財承教已爾時東方有一菩薩名曰
 正趣從空中來放身光明映蔽一切日月
 星電觀自在菩薩遂令善財參禮時正趣
 菩薩為說菩薩普疾行解脫已乃云如諸
 菩薩普於十方無所不至智慧境界等無

差別而我云何能知能說復令參大天神
 二十九參善財承教至憺羅鉢底城參大
 天神為說菩薩雲網解脫已乃云如諸菩
 薩猶如帝釋已能摧伏一切煩惱阿修羅
 軍等而我云何能知能說復令參安住地

神梵語憺羅鉢底華言有門梵語釋提桓因華言能入主言帝釋者華梵雙舉也

梵語阿修羅華言無端正三十參善財承教至摩竭提

國菩提場中參安住地神為說不可壞智
 慧藏法門已乃云如諸菩薩常隨諸佛能
 持一切諸佛所說等而我云何能知能說

復令叅婆娑演底主夜神梵語摩竭

勝梵語婆娑演底
二十善財承教至摩

竭提國迦毘羅城叅婆娑演底主夜神

為說菩薩破一切衆生暗法光明解脫門

已乃云如諸菩薩成就普賢無邊行願等

而我何能知其妙行說其功德復令叅普

德淨光主夜神梵語迦毘羅
二十一善

財承教至摩竭提國善提場內叅普德淨

光主夜神為說菩薩寂靜禪定樂善遊步

解脫門已乃云如諸菩薩具足菩薩所有

行願了達一切無邊法界等而我云何能

知能說復令叅喜目觀察衆生主夜神

十三善財承教即於善提場右邊叅喜

目觀察衆生主夜神為說大勢力普喜幢

解脫門已乃云如諸菩薩於念念中普詣

一切諸如來所疾能趣入一切智海等而

我云何能知能說復令叅普救衆生妙德

夜神**二十四**善財承教即於會中叅普

救衆生妙德夜神為說普現一切世間調

伏衆生解脫門已乃云如諸菩薩集無邊

永樂北藏

大明三藏法數

第一八三册

行生種種解等而我云何能知能說復令
 叅寂靜音海主夜神**三十五**叅善財承教
 叅寂靜音海主夜神為說念念出生廣大
 喜莊嚴解脫門已乃云如諸菩薩深入一
 切法界海等而我云何能知能說復令叅守
 護一切衆生主夜神**三十六**叅善財承教
 即於菩提場如來會中叅守護一切衆生
 主夜神為說甚深自在妙音解脫門已乃
 云如諸菩薩能知能說一切語言自性於
 念念中自在開悟一切衆生等而我云何

石九

二十四

能知能說復令叅開敷一切樹花主夜神
三十七叅善財承教即於此佛會中叅開
 敷一切樹花主夜神為說出生廣大光明
 解脫門已乃云如諸菩薩親近供養一切
 諸佛入一切智大願海等而我云何能知
 能說復令叅大願精進力救護一切衆生
 夜神**三十八**叅善財承教即於會中叅大
 願精進力救護衆生夜神為說教化衆生
 令生善根解脫門已乃云如諸菩薩超諸
 世間現諸趣身等我今云何能知能說復

令參妙德圓滿神

諸趣身即六道等趣之身也

三十九

參善財承教至嵐昆尼園參妙德圓滿神

為說菩薩於無量劫遍一切處示現受生

自在解脫門已乃云如諸菩薩能以一念

為諸劫藏等而我云何能知能說復令參

釋迦瞿波女五十九

梵語嵐昆尼華言樂勝圓光劫梵語具云劫波華言分別時即梵語釋迦華言能仁梵語瞿波華言女

四十善財承教

至迦毘羅城參釋迦瞿波女為說觀察菩

薩三昧海解脫門已乃云如諸菩薩究竟

無量諸方便海等而我云何能知能說復

永樂北藏

大明三藏法數

令參摩耶夫人

摩耶梵語具云摩訶摩耶華言大術

四十一

參善財承教一心欲詣摩耶夫人所作如

是念此善知識遠離世間住無所住如是

之人我今云何而得親近時有寶眼神及

蓮花法德等神住虛空中種種讚嘆摩耶

夫人復有羅刹鬼王語善財言汝應普禮

十方求善知識時善財受行其教即時現

見大寶蓮花從地湧出摩耶夫人在於座

上於一切衆生前現淨色身遂為善財說

菩薩大願智幻解脫門已乃云如諸菩薩

第一八三册

具大悲藏教化衆生等我今云何能知能

說復令叅玉女天主光梵語羅刹華言速疾鬼

二叅善財承教遂往天宮叅玉女天主光

爲說無礙念清淨莊嚴解脫已乃云如諸

菩薩出生死夜朗然明徹等而我云何能

知能說復令叅徧友童子師**四十三**叅善

財承教從天宮下至迦毘羅城叅徧友童

子師別無指示但言可問善知衆藝童子

當爲汝說**四十四**叅善財承教即於會中

叅善知衆藝童子爲說四十二字母法門

已乃云如諸菩薩能於一切世出世間善

巧之法以智道達到於彼岸等而我云何

能知能說復令叅賢勝優婆夷四十二字母者一阿

字二多字三波字四者字五那字六邏字

七托字八婆字九茶字十沙字十一勝字

十二多字十三也字十四瑟吒字十五迦

字十六婆字十七庶字十八伽字十九他

字二十社字二十一鎖字二十二駸字二

十三奢字二十四怯字二十五又字二十

六婆多字二十七瓊字二十八曷婆多字

二十九婆字三十車字三十一婆麼字三

十二訶婆字三十三縵字三十四伽字三

十五吒字三十六拏字三十七婆願字三

十八婆迦字三十九也婆字四十室

者字四十一佉字四十二陀字也**四十**

五叅善財承教至摩竭提國婆怛那城叅

賢勝優婆夷為說無依處道場解脫門已
乃云如諸菩薩一切無著功德行而我云
何盡能知說復令叅堅固解脫長者**四十**
六善財承教至沃田城叅堅固解脫長
者為說無著念清淨莊嚴解脫已乃云如
諸菩薩獲無畏大師子吼安住廣大福智
之聚而我云何能知能說復令叅妙月長
者**四十七**善財承教即於本城叅妙月
長者為說淨智光明解脫門已乃云如諸
菩薩證得無量解脫法門而我云何能知

能說復令叅無勝軍長者**四十八**善財
承教至出生城叅無勝軍長者為說菩薩
無盡相解脫已乃云如諸菩薩得無限智無
礙辯才而我云何能知能說復令叅最寂
靜婆羅門**四十九**善財承教至城南法
聚落叅最寂靜婆羅門為說菩薩誠願語
解脫已乃云如諸菩薩與誠願語行止無
違等而我云何能知能說復令叅德生童
子及有德童女**五十**善財承教至妙意
華門城叅德生童子及有德童女二人為

說菩薩幻住解脫已乃云如諸菩薩善入

無邊諸事幻網彼功德行我等云何能知

能說復令叅彌勒菩薩梵語彌勒華言慈氏

五十一

叅善財承教至海岸國大莊嚴園其中

有一廣大樓閣名毘盧遮那莊嚴藏善財

於樓閣前恭敬頂禮讚歎稱揚一心願見

彌勒菩薩時彌勒菩薩從別處來為說種

種法要善財自言唯願大聖開樓閣門令

我得入彌勒彈指出聲其門即開命善財

入見其樓閣廣博無量同於虛空聞不可

思議微妙法音善財即得無量諸搥持門

住菩薩不可思議自在解脫復令叅文殊

師利菩薩梵語毘盧遮那華言徧一切處

五十二

叅善財承教到普門國蘇摩那城思惟觀察希欲

奉觀文殊師利是時文殊師利遙伸右手

過一百一十由旬按善財頂為說妙法令

得成就阿僧祇法門具足無量大光明乃

至今入普賢行道場及置善財自所住處

文殊師利還攝不現於是善財渴仰欲見

普賢菩薩梵語蘇摩那華言悅意梵語由旬華言限量梵語阿僧祇華言無數

五十三參

善財於文殊師利所得三昧已

普攝諸根一心求見普賢菩薩起大精進

心無返轉即見普賢菩薩在如來前眾會

之中坐寶蓮花師子之座身諸毛孔出光

明雲令諸眾生生大歡喜善財見已踊躍

無量普賢菩薩即伸右手摩觸其頂為說

諸法善財即得一切佛刹微塵數三昧門

六十二見出大經謂外道之人於色受想行

識五陰法中每一陰起四種見則成二十

見約過去現在未來三世論之成六十見

永樂北藏

大明三藏法數

此六十見以斷常二見而為根本則總成

六十二見也

四種見者謂於五陰中如計

我即神我謂識神也又計我在色中為一見

我中為二見又計離色是我為三見又計

即色是我為四見也色陰既爾受想行識亦然

佛六十四種梵音出不思議經佛告寂慧善

薩言如來非於唇齒舌喉及其面門出諸

音聲當知如來音聲從虛空出具有六十

四種殊妙之相

一、流澤聲謂如來音聲流

演潤澤也

二、柔軟聲謂如來音聲溫柔和

軟也

第一八三冊

生意也**四可樂聲**謂如來音聲巧妙而可

愛樂也**五清淨聲**謂如來音聲清淨而不

雜染也**六離垢聲**謂如來音聲純妙遠離

諸垢染也**七明亮聲**謂如來音聲明顯流

亮也**八甘美聲**謂如來說法音聲甘和美

妙能使聽者得法喜之味也**九樂聞聲**謂

如來說法音聲稱機淺深令衆生樂聞而

不捨也**十無劣聲**謂如來音聲希有殊勝

而不陋劣也**十一圓具聲**謂如來說法於

一音中而具足一切音也**十二調順聲**謂

如來音聲隨機說法調伏衆生使其信順

也**十三無滯聲**謂如來音聲融通和暢而

無滯滯也**十四無惡聲**謂如來說法音聲

嘉美而不麤獷也**十五善柔聲**謂如來說

法音聲柔和善順而不卒暴也**十六悅耳**

聲謂如來說法音聲悅可人意而愛聽無

厭也**十七適身聲**謂如來說法音聲能令

聞者支體調適而得輕安也**十八心生勇**

銳聲謂如來說法音聲令人發起勇猛之

心而進修也**十九心喜聲**謂如來說法音美

妙能令聞者心生欣喜也 **二十悅樂聲** 謂

如來說法之音能使聞者歡喜而快樂也

二十一無熱惱聲 謂如來法音使諸聞者消

除熱惱而得清涼也 **二十二如教令聲** 謂如

來演說如法教誡命令而能啓發蒙昧也

二十三善了知聲 謂如來法音善解決了

遍知一切諸法也 **二十四分明聲** 謂如來

法音於諸事法如理分析無不明了也 **二**

十五善愛聲 謂如來以善法音開化一切

衆生令其愛樂也 **十六令生歡喜聲** 謂

如來說法之音令人生歡喜之心也 **二十**

七使他如教令聲 謂如來法音能使聞者

後轉啓發於人皆如教令也 **二十八令他**

善了知聲 謂如來法音能使聞者善解一

切諸法也 **二十九如理聲** 謂如來所發音

石九

三下

聲皆契真如之理也 **三十利益聲** 謂如來

說法之音能利益一切有情也 **三十一離**

重復過失聲 謂如來所出音聲契合理趣

從始至終皆無重復過失也 **三十二如師**

子音聲 謂如來音聲一切聞者自然信伏

如師子一吼百獸畏伏也

三十三如龍音

聲謂如來法音清徹幽遠如龍之吟也

十四如雲雷吼聲謂如來說法唯以一音

遠近普及如雷之吼也

三十五如龍王聲謂如來說法音韻清遠如龍王所發之聲

也

三十六如緊那羅妙歌聲梵語緊那羅

華言歌神謂如來所出梵音如彼歌音美

妙適悅一切也

三十七如迦陵頻伽聲梵

語迦陵頻伽華言妙淨鳥謂如來法音美

妙如彼禽之聲也

三十八如梵王聲謂如

來所說法音如梵王之清淨聲音也

十九如共命鳥聲共命鳥者一身二頭之鳥

也謂如來所說法音吉祥如彼禽之聲也

四十如帝釋美妙聲謂如來說法之音如

天帝釋之美妙音聲也

四十一如振鼓聲謂如來音聲

震響如鼓遠近皆聞也

四十二不高聲謂

如來演說圓音聲不高大得中道也

四十三不下聲謂如來演說圓音聲不早下亦

得中道也

四十四隨入一切音聲謂如來

得中道也

說法之音普入群機融通衆音也 **四十五**

無缺減聲謂如來法音圓備具足也 **四十**

六無破壞聲謂如來凡所演說真實不虛

無能破壞也 **四十七無染污聲**謂如來所

說法音純圓獨妙離諸煩惱無染著也 **四**

十八無希取聲謂如來說法利樂一切衆

生無所希望離取著也 **四十九具足聲**謂

如來所演法音稱性而說妙理具足也 **五**

十莊嚴聲謂如來所演聲教如實之談

端莊而嚴肅也 **五十一顯示聲**謂如來演

妙法音顯現妙理開示衆生無有隱晦也

五十二圓滿一切音聲謂如來說法音聲

圓滿具足一切音也 **五十三諸根適悅聲**

謂如來所演妙法音聲衆生一聞諸根適

悅也 **五十四無譏謔聲**謂如來法音不譏

毀一切衆生凡有言說皆信順也 **五十五**

無輕轉聲謂如來圓音普攝一切不輕浮

遷轉也 **五十六無動搖聲**謂如來所說法

音得無所畏而諸外魔不能動搖也 外魔

道天 **五十七隨入一切衆會聲**謂如來法

音普入眾會隨機得聞也**五十八諸相具**

足聲謂如來說法之音具足一切諸相也

五十九令眾生心意歡喜聲謂如來所出

語言普令十方一切世界眾生心意歡喜

皆謂所說從如來口門而出亦無互相重

復而諸眾會各隨音聲曉了諸法然實非

如來口門中出也**六十說眾生心行聲**謂

一切眾生其數無量行亦無量如來所說

眾生心行畧有八萬四千種類但為根性

下劣眾生令其易得解入故也**六十一入**

眾生心意聲謂如來具秘密智所出語言

隨入一切眾生心意然不從如來口門中

出正所謂從虛空而出者也**六十二隨眾**

生信解聲謂如來所出語言隨諸眾生種

種信解心意成熟普使隨應而得了知也

六十三聞者無分量聲謂如來音聲無有

分量世間一切天人魔梵沙門婆羅門等

雖能聞之亦不能知其邊際分量也魔王

梵即梵天梵語沙門華言勤
息梵語婆羅門華言淨行**六十四眾生**

不能思惟稱量聲謂如來音聲妙輪出種

種聲宣說法時假使徧滿三千大千世界
一切衆生皆居緣學之地亦不能思惟稱
量也二千者小千中千大千也言
三千大千者總別兼舉也

大明三藏法數卷第三十七卷

第九

永樂北藏

大明三藏法數

第一八三册

永樂北藏

大明三藏法數

第一八三册

大明三藏法數卷第三十八

石十

上天竺前住持沙門一如等奉

勅集註

小乘七十五法

出圓覺經疏鈔

小乘七十五法攝為五類謂色法十有一

心法一心所有法四十有六不相應行法

十有四無為法三也**色法十**色即質礙

之義謂眼耳鼻舌身五根色聲香味觸五

境及法處所攝一分此十一種皆有色相

可見可對故總名為色法法處即意識所取之境具有四分

分一心所法二不相应法三無為四無表色今言法處所攝一分者正是無表色也

永樂北藏

大明三藏法數

心法者謂意識緣於過去所見之

心法

一心法者謂心雖無形質而有覺知之用

以能緣慮分別名之為心即意識也此專

識者蓋小乘之人唯知心王是第六意識而不知有第七第八二種之識也

所有法四十六心所有法者以對意識心

王而言之也此四十六合為六位徧大地

有十一受領納前二想於境取三思起心

諸業四觸對境五欲希望樂六慧揀擇善

七念記憶不八作意能警覺者為性心未

能引趣九勝解於理明十三摩地梵語

第一八三册

地華言等持離沉掉曰此之十法通善通

惡遍一切心故云遍大地也大善地有十

一信於善法深二勤於諸善法精三捨離

掉舉四慚德已無五愧羞為惡六無貪於

欲境心生七無嗔於遠情之境八不害於

有情不加九輕安遠離昏十不放逸於不

損惱也此之十法不通於惡唯是善業能

著也通至無漏聖道故云大善地也無漏者不

生死大煩惱有六一癡於事理迷二放逸

縱慾三懈怠勤身心不四不信邪見多

境也五

昏沉心神迷六掉舉內心搖此之六法依

五識第六識第七識而起不通於善唯是

惡法故云大煩惱也大不善有二一無慚

不知羞二無愧除為不此之二法謂人無

慚愧則無惡不造故云大不善也小煩惱

有十一忿暴怒二覆不令人知三慳於一

施也四嫉忌也五惱自安忍也六

害投障有七恨怨恨八諂媚悅入九誑詐

不實十憍矜也此之十法但依第六識

而起故云小煩惱也不定法有八一悔或

作

惡事或不作善二睡眠謂入睡眠中見境或善
 或惡或不三尋即尋思即心中所起之
 善不惡也三尋念或善或惡或不善不惡
 一也四伺伺即伺察亦心甲所起之念也
 皆通善惡不細耳五貪引取無六嗔
 亦通善惡不細耳五貪引取無六嗔
 怒也七慢自恃陵八疑猶豫不此之八
 法通於善惡無記三性故云不定法也無記
 者謂不善不惡不相應行法十四一得一於
 無所記錄故也二非得於一切法不三衆同分
 成就也二非得能於一切法不三衆同分
 如人之類其四無想異熟此即無想報外
 形相似也天以其果報五無想定外道所
 終生無想故曰異熟五無想定外道所
 異世成熟故曰異熟五無想定外道所

想心俱六滅盡定得此定者受想之心
 滅故也八藏識種子并出入息七
 命根煖氣三者連持不斷七八生諸法
 也九住遷也十異諸法漸十一滅諸法
 也十二名身依事立名衆名十三句身積
 成句衆句聯十四文身文即文字衆字此
 合故曰句身十四文身文即文字衆字此
 之十四法有名無體不與色法心法及心
 所有法相應故云不相應行法也無為法
 一擇滅無為擇即揀擇滅即斷滅以智
 也二非擇滅無為不假智力斷滅諸惑性
 三虛空無為真空之理無所作為也蓋前
 如虛空無所作為也蓋前

色法心法及心所有法不相應行皆是世
間有為之法此之三法是出世間之法故
名無為然七十五法不出乎色心而色則
田心造也若攝末歸本唯心一法耳

八十隨形好出華嚴經隨
蹤演義鈔指爪狹長薄潤光

潔手足指圓纖長柔軟節骨不現手足各
等無差指間充密手足圓滿軟淨光澤筋
脉盤結深隱不現兩踝深隱骨不顯露胡踝
无切行步正直端莊嚴肅行步威容齊整如
師子王行步安平穩如象王行步有儀進

止詳緩回身顧視必皆右旋支節漸次安
布殊勝骨節交結宛如龍盤膝輪圓滿妙
善安布隱處妙好圓滿清淨身支潤滑柔
軟鮮潔身容敦肅自在無畏身支堅固稠
密相屬身支安定厚重不動身相端嚴光

明離垢身有圓光隨處照耀腹形方正柔
軟不現臍深右旋圓妙光澤臍厚妙好不
突不凸奈烏肌膚勻淨鮮明離垢手掌充
滿柔軟方平手文深長明直潤澤唇色紅
潤如頻婆果梵語頻婆
華言相思面門圓滿妙好端

嚴舌相長廣彌覆難量發聲威震如雷
聞音韻美妙和暢清速鼻高脩直兩竅不
現諸齒方整堅密鮮白諸牙明潔漸次鋒
利目廣清淨洞徹分明眼相脩廣如青蓮
華眼睫上下齊整稠密雙眉脩長黑澤細
軟雙眉綺靡紺琉璃色雙眉高朗猶如半
月耳厚脩長輪垂成就兩耳相好綺麗齊
平容儀端麗見者無厭額廣圓滿平正殊
特身分殊勝上下勻等首髮脩長紺青稠
密首髮香潔柔潤光澤首髮齊整不亂不

五十

四

永樂北藏

大明三藏法數

雜首髮堅固永無斷落首髮光滑塵垢不
著身分堅實逾那羅延梵語那羅延華言
全剛謂堅固也
身體莊嚴長大端直諸竅清淨塵垢不滌
身力充美無與等者身相嚴好衆所樂觀
面輪脩廣淨如滿月顏貌舒泰光顯含笑
面顏光澤遠離塵垢身支嚴淨恒無垢穢
諸毛孔中常出妙香面門常出微妙之香
首相妙好周圓平等身毛纖柔紺青光澤
法音圓辯隨機普應頂相高妙無能見者
手足指網分明嚴整行不履地去地四指

第一八三册

而地現印文神力自持不待他衛威德遠
 震善類悅聞魔外帽伏懼黃音聲和雅悅
 可衆心觀機淺深隨類說法一音演說隨
 類得解次第說法各隨機緣等觀有情寬
 親平等所為先觀後作各赴機宜相好具
 足五十瞻視無盡頂骨堅實窮劫不壞顏容奇
 妙常若少年手足胸臆吉祥德相妙好具
 足

八十一品思惑出天台四教儀集註思惑者謂眼等五
 根對色等五塵而起貪瞋痴慢四惑也言

八十一品者以欲界為一地色界初禪二
 禪三禪四禪為四地無色界空處識處無
 所有處非想非非想處為四地共為九地
 欲界一地具九品貪瞋癡慢四惑所謂上
 上上中上下中上中中中下下上下中下
 下也色界四地無色界四地亦各有九品
 貪癡慢三惑但除瞋恚以上二界不行瞋
 故是則九地各有九品思惑共成八十一
 品也三界思惑分九品者以此惑難斷故
 細分之合二果斷施舍三果阿那舍
 四果阿羅漢
 次第斷除也

八十八使

出天台四教儀集註

使即驅役之義謂此見

惑能驅役一切衆生流轉三界生死故也

言見惑者以意根對法塵起諸分別也凡

有十種一身見謂於色受想行識五陰之

中妄計爲身也二邊見謂於身見計斷計

常隨執一邊也三見取謂於非真勝法中

謬見涅槃生心而取也四戒取謂於非戒

中謬以爲戒取以進行也五邪見謂無明

不了邪心取理也六貪謂於諸欲境引取

無厭也七瞋謂於逆情之境而起忿怒也

八癡謂於事理之中迷惑不了也九慢謂

自恃才德富貴輕蔑於他也十疑謂迷心

乖理猶豫不決也此之十使歷三界四諦

下增減不同共成八十八使蓋欲界苦諦

下十使具足集滅二諦下各有七使除身

見邊見戒取五十三使道諦下有八使除身見

邊見二使則四諦合爲三十二使也色界

無色界四諦下皆如欲界只於每諦下又

除瞋使故一界有二十八使二界合爲五

十六使并前欲界三十二使總成八十八

也集滅二諦各除身見邊見戒取者謂此
三使皆依苦諦而起而此二諦則無也
道諦除身見邊見者謂此二使亦若諦所
起而此則無也然不除戒取者謂外道執
取邪戒妄為正道故於此不除也上
二界除順使者以上二界無明故也

九十八使出天台四註謂欲界有貪瞋癡慢四

種思惑色界無色界各有貪癡慢三種思

惑三界思惑共為十使并前見惑八十八

使合之而為九十八使也

大乘百法出大乘百論百法束為五門謂色法

十有一心法八心所有法五十有一不相

應行法二十有四無為法六共成一百也

色法十一 色即質礙之義謂眼耳鼻舌身

五根色聲香味觸五境及法處所攝一分

此十一種法皆有色相可見可對故總名

為色法法處即意識所取之境具有四分

無表色今言法處所攝一分者正是無表

色也無表色者謂意識緣於過去所見之

境雖分別明了而**心法八**心即識心謂眼

無所表對故也識耳識鼻識舌識身識意識末那識阿賴

耶識此八種識皆有分別之義俱屬於心

故名心法梵語末那華言意識**心所有法**

五十一 心所有法者以對八識心王而言

之也此五十一合為六位徧行法有五

作意能警覺者為性心未起能警二觸對

也三受領納前四想於境取五思起心造

此五種法起則同起故云徧行也別境法

有五一欲二勝解於理明了三念

於曾習境記四等持離昏沉掉舉日等今

五慧揀擇善此五種法起時各起故云別

境也善法有十一一信於諸善法深二慚

恥已無三愧羞為惡四無貪於五欲境心

五無瞋於起怒心也六無癡於事理明七

精進於諸善法精八輕安遠離九不放

逸於不善法心十捨舉也十一不害於

情不加此十一種法皆是善法故總云善

也煩惱法有六一貪引取無二瞋忿怒不

三慢自恃陵四無明於事理無五見即邪

六疑猶豫不此六種法能惱亂眾生故總

云煩惱也隨煩惱法有二十一忿二

恨怨恨三覆不令人知四惱外境違情不

五嫉心懷妒六慳於一切財不七誑說詐

八諂媚悅人九害損惱有十憍於己傲

十一無慚不知羞恥也十二無愧陰為不善也十三

掉舉內心搖動也十四昏沉心神迷也十五不信

邪見見多也十六懈怠身不勤也十七放逸縱慾也

十八失念遺失正念也十九散亂心常放逸也二十

不正知以妄為真也此二十法隨逐前六種

煩惱而生故云隨煩惱也不定法有四

一惡作或已作惡事因循或不悔也二睡眠謂人

識神昏昧夢中見境或不善不惡也三尋尋即尋思

或善或惡或不善不惡也四伺伺即伺察

伺察之心沉而細也二者皆是不善不惡也此四

種法於善惡無記三性不定而起故云不

定也如是諸法從阿賴耶藏識種子所生

依心所起與心俱轉相應故皆名心所有

法無記者謂不善不惡無所記錄故也不相應行法二十四

一得於成就也二命根第八識種子并

者連持三衆同分如人之類其四異生性

衆生之妄五無想定所修之定也六滅

盡定諸識不起也七無想報想定命終

生無想天壽命五百劫八名身依事立名

想心不行如冰夾魚也九名身積言成句身十文身文即

象字聯合 十一生 諸法生起也 十二住 諸法未遷也 十三老 諸法漸衰也 十四無常 今有後無也 十五流 因果相續流轉不斷也 十六定異 善惡因果決定不同也 十七相應 因果和合不相違背也 十八勢速 諸法遷流不暫停住也 十九次第 編列有序也 二十時 即時節也 二十一 方即方所也 二十二數 即數目也 二十三和合 不相違也 二十四不和合 五相乖違也 此二十四法有名無體不與色法心法及心所法相應故云不相應行法 **無為法有六** 一虛空無為 真空之理離諸障礙猶如虛空無所作為也 二擇滅無為 擇即揀擇也

滅即斷滅以智滅惑所 三非擇滅無為不顯真理無作為也 四不動無為 即第四禪天得清淨無所作為也 五受想滅無為 受想心不動地所修出世之理無所作為也 六真如無為 不妄曰真不異曰作為也 蓋前色法心法及心所有法不相應行皆是世間有為之法此之六法是出世間之法故名無為然百法不出乎色心而色則由心造也若攝末歸本唯心一法耳 百八三昧 出大智度論 **首楞嚴三昧** 梵語首楞嚴華言健相分別

梵語三昧華言正受亦云正定謂菩薩住是三昧則於諸三昧行相多少淺深悉能分別了知而一切魔惱不能破壞是名首楞嚴三昧**寶印三昧**謂菩薩住是三昧於一切三昧悉能印證然諸寶中法寶為最今世後世乃至涅槃能為利益是名寶印三昧梵語涅槃華言滅度**師子戲三昧**謂菩薩住是三昧於一切三昧中出入遲速皆得自在於諸外道強者破之信者度之譬猶師子戲時而能制伏諸羣獸也是名師子戲三

味妙月三昧謂菩薩入是三昧能除無明暗蔽諸法邪見譬猶滿月清淨無諸障翳而能除破黑暗是名妙月三昧**月幢相三昧**謂菩薩入是三昧一切諸法通達無礙皆悉順從譬猶大將以寶幢作月之像人見此相悉皆隨從是名月幢相三昧**法三昧**謂菩薩住是三昧能令一切三昧出生增長譬猶時雨之降而草木皆生是名出諸法三昧**觀頂三昧**謂菩薩入是三昧能徧見一切三昧如住山頂悉見眾物

是名觀頂三昧 **單法性三昧** 謂諸法體性
 無量無二難可執持菩薩入是三昧則能
 決定知諸法性而得定相譬猶虛空無能
 住者得神足力則能處之是名畢法性三
 昧 **畢幢相三昧** 謂菩薩住是三昧則能決
 定持諸三昧法幢於諸三昧最為尊勝譬
 猶大將得幢表其尊大之相是名畢幢相
 三昧 **金剛三昧** 謂菩薩住是三昧則智慧
 堅固能破諸三昧譬猶金剛堅固不壞而
 能碎諸萬物是名金剛三昧 **法印三昧**

謂如人入國有印得入無印則不得入菩
 薩住是三昧即能入於諸法實相是名入
 法印三昧 **三昧王安立三昧** 謂菩薩住是
 三昧則於一切諸三昧中而得安住譬猶
 大王安住正殿召諸羣臣皆悉從命是名
 三昧王安立三昧 **放光三昧** 謂菩薩住是
 三昧則能放種種光明照諸三昧悉皆明
 了是名放光三昧 **力進三昧** 謂菩薩住是
 三昧於諸三昧得自在力常能神通變化
 度諸衆生是名力進三昧 **高出三昧** 謂菩

薩住是三昧所有福德智慧皆悉增長諸

三昧性從心而出是名高出三昧

才三昧謂菩薩住是三昧則能辯說一切

三昧悉知衆生語言次第及經書名字等

悉能分別無礙是名必入辯才三昧

釋名 **字三昧**謂菩薩住是三昧則能釋諸三昧

名字及諸法義令人得解是名釋名字三

昧 **觀方三昧**謂菩薩住是三昧於諸三昧

出入自在無礙故能以慈悲憐愍平等之

心觀於十方衆生皆得度脫是名觀方三

陀羅尼印三昧梵語陀羅尼華言總持

謂菩薩住是三昧則能持諸三昧印分別

諸三昧皆有陀羅尼是名陀羅尼印三昧

無誑三昧謂菩薩住是三昧不生愛恚無

明邪見於諸三昧都無迷悶之事是名無

誑三昧 **攝諸法海三昧**謂菩薩住是三昧

則三乘法皆攝入是三昧中如一切衆流

皆歸於海是名攝諸法海三昧

遍覆虛空三昧謂菩薩住是三昧

以三昧力能遍覆無量無邊虛空或放光

明或以音聲充滿其中是名遍覆虛空三

昧 **金剛輪三昧** 謂菩薩住是三昧則能持

諸三昧於一切法中所至無礙譬猶金剛

輪所往無有障礙是名金剛輪三昧 **寶斷**

三昧 謂菩薩住是三昧則能斷除一切三

石+

十二

味煩惱諸垢如有真實能治諸實令得潔

淨是名寶斷三昧 **能照三昧** 謂菩薩住

是三昧則能以智慧照了諸法譬猶日出

普照世間事皆顯了是名能照三昧 **不求**

三昧 謂菩薩住是三昧則能照了諸法皆

如幻化三界愛欲悉斷都無所求是名不

求三昧 三界者欲界色界無色界也 **無住三昧** 謂菩薩

住是三昧則能照了諸法念念無常無有

住相是名無住三昧 **無心三昧** 謂菩薩住

是三昧則心心數法悉皆不行是名無心

三昧 心即心王心數法即受想行法也 不行者謂皆諸法皆不起也 **淨燈**

三昧 謂菩薩住是三昧則能離諸煩惱之

垢而智慧之燈清淨明發是名淨燈三昧

無邊明三昧 謂菩薩住是三昧則能以智

慧光明普照十方無邊世界衆生及無量

諸法皆悉明了是名無邊明三昧**能作明**

三昧謂菩薩住是三昧則能照明諸法譬

猶暗中燃炬無不明了是名能作明三昧

普照明三昧謂菩薩住是三昧即能普照

諸法種種三昧門譬如輪王寶珠光照四

邊是名普照明三昧**堅淨諸三昧**謂菩薩

住是三昧則能令諸三昧清淨堅牢不為

一切垢法之所染壞是名堅淨諸三昧**無**

垢明三昧謂菩薩住是三昧能離一切諸

三昧垢破除一切無明愛欲煩惱亦能照

了一切三昧是名無垢明三昧**歡喜三昧**

謂菩薩住是三昧能生無量無邊法歡喜

樂是名歡喜三昧**電光三昧**謂菩薩住是

三昧於無始世來所失之道還復能得如

電光整現行者得路是名電光三昧**無盡**

三昧謂菩薩住是三昧滅諸法無常等相

即入不生不滅真實之理是名無盡三昧

威德三昧謂菩薩住是三昧則得無量威

德自在莊嚴是名威德三昧**離盡三昧**謂

菩薩住是三昧則能見諸三昧無有窮盡

而於無量阿僧祇劫善本功德果報不失

離於一切斷滅之見是名離盡三昧梵語阿僧

祇劫華言無數時不動三昧謂菩薩住是三昧能

知諸法實相畢竟空寂智慧與三昧相應

於一切三昧及一切法都不戲論是名不

動三昧不退三昧謂菩薩住是三昧常不

退轉即是阿鞞跋致是名不退三昧梵語阿鞞

跋致華言不退轉日燈三昧謂菩薩住是三昧則

能照了種種法門及諸三昧譬猶日出能

照一切世界又如燈明能破暗室是名日

永樂北藏

大明三藏法數

燈三昧月淨三昧謂菩薩住是三昧則智

慧清淨利益衆生又能破諸三昧無明如

月圓明破諸黑暗是名月淨三昧淨明三

昧謂菩薩住是三昧則能明了諸法無有

障礙是名淨明三昧能作明三昧十四謂菩薩

住是三昧則與般若之智相應能於諸三

昧門而作光明是名能作明三昧梵語般若

智作行三昧謂菩薩住是三昧則能發起

先所得諸三昧故是名作行三昧知相三

昧謂菩薩住是三昧則見一切諸三昧中

第一八三册

有實智慧之相是名知相三昧

如金剛三昧謂菩薩住是三昧則能破一切煩惱結

使無有遺餘譬猶金剛能破諸物滅盡無

餘是名如金剛三昧

結使者謂一切衆生為惑業纏縛驅後入死也
心住三昧謂心相輕疾難制難持菩

薩住是三昧則能攝諸散亂心不動轉是

名心住三昧

普明三昧謂菩薩住是三昧於一切法見光明相無諸黑暗以神通力

普照世間了了無礙是名普明三昧

安立三昧謂菩薩住是三昧於一切諸功德善

法中安立堅固如須彌山安立不動是名

安立三昧

梵語須彌華言妙高
寶聚三昧謂菩薩住

是三昧則能轉一切所有國土皆成七寶

是名寶聚三昧

七寶者金銀琉璃玻瓈砗磲碼碯赤真珠也
法印三昧謂菩薩住是三昧得諸佛菩薩

深妙功德智慧之法印諸三昧是名妙法

印三昧

法等三昧謂菩薩住是三昧則照了衆生及一切法悉皆平等是名法等三

昧

斷喜三昧謂菩薩住是三昧能觀苦空無常無我不淨等相於一切世間心生厭

離不起樂著之想是名斷喜三昧

若者謂觀五陰

之身實有生死豆迫等苦也空者謂身及諸法本來皆空也無常者謂身及諸法終歸壞滅也無我者謂四大各離何者是我也不淨者謂觀身相皆不淨也

頂三昧謂菩薩住是三昧則能以般若方便之力而到於法山之頂是名到法頂三

昧法山之頂以喻此三昧在諸三昧之上也

能散三昧謂菩薩住是三昧即與空慧相應而能破散諸法

是名能散三昧

分別諸法句三昧謂菩薩住是三昧則能分別一切諸法語言文句

為眾生演說詞無滯礙是名分別諸法句

三昧字等相三昧謂菩薩住是三昧觀諸

字諸語悉皆平等呵罵讚歎無有憎愛是

名字等相三昧

離字三昧謂菩薩住是三昧不見字在義中亦不見字在字中是名

離字三昧

斷緣三昧謂菩薩住是三昧則能於樂中不生喜苦中不生瞋不苦不樂

中不生不知捨心於此三受遠離不著則

心滅緣斷是名斷緣三昧

不壞三昧謂菩薩住是三昧則能了法性畢竟空寂戲論

不能破無常不能轉是名不壞三昧

無種

相三昧謂菩薩住是三昧了法無相而不

見諸法種種之相是名無種相三昧無處

行三昧謂菩薩住是三昧則能知三毒火

然三界故心不依止涅槃畢竟空故亦不

依止是名無處行三昧三毒者貪瞋癡也**離障三昧**

三昧謂菩薩住是三昧則能於諸三昧中

微翳無明等悉皆除盡是名離障三昧

無去三昧謂菩薩住是三昧則不見一切

諸法去來之相是名無去三昧不變異三

昧謂菩薩住是三昧能觀一切諸三昧法

皆不見有變異之相是名不變異三昧度

緣三昧謂菩薩住是三昧於六塵中諸煩

惱緣悉皆盡滅能度六塵大海亦能超過

一切三昧緣生智慧是名度緣三昧六塵者色聲香塵味塵觸塵法塵也

集諸功德三昧謂菩薩住

是三昧修集一切善根功德初夜後夜無

有休息譬猶日月運轉不停是名集諸功

德三昧住無心三昧謂菩薩住是三昧但

隨智慧不隨於心而住於諸法實相之中

是名住無心三昧淨妙華三昧謂菩薩住

是三昧則能於諸三昧中開諸功德華以

自在莊嚴如樹華開敷樹自嚴飾是名淨

妙華三昧覺意三昧謂菩薩住是三昧令

諸三昧變成無漏與七覺相應是名覺意

三昧無漏者謂惑業已斷不漏落生死也

七覺者念覺擇法覺精進覺喜覺輕安覺定覺捨覺也無量辯三昧謂菩薩住是三昧

得無量辯才樂說一句經無量劫而不窮

盡是名無量辯三昧劫梵語具云劫波華言分別時節

無等三昧謂菩薩住是三昧觀一切衆生

皆如於佛觀一切法皆同佛法與無等等

般若波羅蜜相應是名無等等三昧無等者

謂諸佛般若世無與等而一切衆生平等

共有故曰無等等度諸法三昧謂菩薩住是三昧則

能入三解脫門超出三界度三乘衆生是

名度諸法三昧三解脫門者空解脫門無相解脫門無作解脫門也

分別諸法三昧謂菩薩住是三昧則能分

別諸法善不善有漏無漏有爲無爲等相

是名分別諸法三昧有漏者謂因煩惱感業漏落三界生死也

有爲者世間法也無爲者出世間法也散疑三昧謂菩薩住

是三昧則能於一切法中疑網悉斷得一

切諸法實相是名散疑三昧 **無住處三昧**

謂菩薩住是三昧則不見諸法定有住處

是名無住處三昧 **莊嚴三昧**謂菩薩住是

三昧則能觀見諸法皆一或一切法有相

故一或一切法無相故一或一切法空故

一皆以一相智慧莊嚴如是三昧是名一

莊嚴三昧 **生行三昧**謂菩薩住是三昧能

觀種種行相入相住相出相如是諸相皆

空亦不可見是名生行三昧 **一行三昧**謂

菩薩住是三昧與畢竟空相應更無餘行

次第是名一行三昧 **不一行三昧**謂菩薩

住是三昧不見諸三昧一相以此三昧而

能兼行諸餘觀行是名不一行三昧 **妙行**

三昧謂菩薩住是三昧不見諸三昧二相

即是畢竟空相應三昧一切戲論皆不能

破是名妙行三昧 **達一切有底散三昧**謂

菩薩住是三昧能以無漏智慧通達三有

乃至非有想非無想之底一切諸有皆悉

令其散壞是名達一切有底散三昧 三有者欲

有是有無色有即三界也底者即非 **入名**

有想非無想天以其難到故名底也

定智慧悉比目具足清淨是名一切種妙足

三昧不喜苦樂三昧謂菩薩住是三昧能

觀世間之樂多過多患虛妄顛倒非可愛
樂觀世間之苦如病如箭入身心不喜樂
以一切法虛誑故樂尚不喜何況於苦是

名不喜苦樂三昧**無盡相三昧**謂菩薩住

是三昧則能觀一切法不斷不常無壞無

盡名無盡相三昧**陀羅尼三昧**謂菩薩

住是三昧則能持諸三昧而聞持等諸陀

羅尼皆自然而得是名陀羅尼三昧謂持者陀

羅尼名也謂得此陀羅尼者一切語言諸法耳所聞者皆不忘失也**攝諸邪**

正相三昧謂菩薩住是三昧於正定聚邪

定聚不定聚一切衆生都無所棄一心攝
取而不見有邪正等相是名攝諸邪正相
三昧**滅憎愛三昧**謂菩薩住是三昧則能

滅諸憎愛於可喜法中而不生愛可惡法

中而不生嗔是名滅憎愛三昧**逆順三昧**

謂菩薩住是三昧則能於諸法中逆順自

在能破一切邪逆衆生能順一切可化衆

生而又不著逆順之相是名逆順三昧

光三昧

謂菩薩住是三昧於諸三昧光明

清淨諸煩惱垢皆不可得是名淨光三昧

堅固三昧

謂菩薩住是三昧而於諸法實

相智慧相應皆悉堅固猶如虛空不可破

壞是名堅固三昧

滿月淨光三昧

謂菩薩

石十

住是三昧則淨智光明具足滅愛恚等火

清涼功德利益衆生譬猶秋月圓滿破諸

黑暗清涼可樂是名滿月淨光三昧

嚴三昧

謂菩薩住是三昧則大莊嚴成就

見十方如恒河沙等世界以七寶華香莊

嚴佛處如是等莊嚴功德而心無所著是

名大莊嚴三昧

能照一切世間三昧

謂菩

薩住是三昧則能照衆生世間住處世間

五衆世間一切諸法故名能照一切世間

三昧

五衆者即色受想行識五陰也

三昧等三昧

謂菩薩

住是三昧則能觀諸三昧不見有深淺之

相觀一切有爲之法皆從因緣而生與三

昧相悉皆平等無有定亂是名三昧等三

昧

一切有許無等三昧

謂菩薩住是三

昧則能於一切法中通達無礙不見是法

如是相不見是法不如是相於衆生中亦無好醜諍論但隨其心行而攝受度脫之是名攝一切有諍無諍三昧

不樂一切住

處三昧謂菩薩住是三昧則不樂住世間

以世間無常故不樂住非世間不著於空故是名不樂一切住處三昧

如住定三昧如即有無不二之義又即空

也謂菩薩住是三昧則知一切法如實相

不見有法過此如者是名如住定三昧

身衰三昧身衰者謂血肉筋骨等和合爲

身是身多患常爲饑寒疾病所逼以致身

衰菩薩住是三昧故以智慧力分分破壞

身諸衰相乃至不見不可得相是名壞身

衰三昧

壞語如虛空三昧謂菩薩住是三昧不見諸三昧語業依聲而有如虛空如

幻化不生憎愛是名壞語如虛空三昧

著虛空不染三昧謂菩薩修行般若波羅

蜜觀諸法畢竟空不生不滅猶如虛空雖

得是三昧而於此虛空三昧之相亦不染

著是名離著虛空不染三昧

一百八法明門

出佛本行集經

法明門者為令眾生破除昏暗通達一切智慧也故護明菩薩在兜率天宮欲下人間託生即於師子座上宣說此一百八門留與諸天以作憶念然後下生也

護明菩薩即釋迦牟尼佛在天宮之號也梵語兜率華言知足

正信法明門謂不破堅牢心故淨心法明門謂無穢濁故歡喜法明門謂安隱心故愛樂法明門謂令心清淨故身行正行法明門謂三業清淨故

三業清淨者謂身不殺不盜不淫也

口行淨行法明門謂

永樂北藏

大明三藏法數

第一八三册

斷四惡故

四惡者妄言綺語兩舌惡口也

意行淨行法明

門謂斷三毒故

三毒者貪嗔癡也

念佛法明門謂

觀佛清淨故念法法明門謂觀法清淨故

念僧法明門謂得道堅牢故念施法明門

謂不望果報故念戒法明門謂一切頭具

石十

三三二

足故念天法明門謂修廣大心故慈法明

門謂隨所生處善根攝勝故悲法明門謂

不殺害眾生故喜法明門謂捨一切不喜

事故捨法明門謂厭離五欲故

五欲者色欲聲欲香

欲味欲無常觀法明門謂觀三界慾故

三

若欲界色界苦觀法明門謂斷一切願故
無色界也 無我觀法明門謂不染著我故寂定觀法
 明門謂不擾亂心意故慙愧法明門謂內
 心寂定故羞恥法明門謂外惡滅故實法
 明門謂不誑天人故真法明門謂不誑自
 身故法行法明門謂隨順法行故三歸法
 明門謂淨三惡道故
三歸者歸依佛歸依
 法歸依僧也三惡道
 者餓鬼道畜生
 道地獄道也 知恩法明門謂不捨善根
 故報恩法明門謂不欺負他故不自欺法
 明門謂不自譽故為衆生法明門謂不毀

咎他故
咎與同 為法法明門謂如法而行故
 知時法明門謂不輕言說故攝我慢法明
 門謂智慧滿足故不生惡心法明門謂自
 護護他故無障礙法明門謂心無疑惑故
 信解法明門謂決了第一義故
第一義者
 謂中道之
 不二 不淨觀法明門謂捨慾染心故不
理無二
 無別也 諍鬪法明門謂斷嗔訟故不癡法明門謂
 斷殺生故樂法義法明門謂求法義故愛
 法明法明門謂得法明相故求多聞法明
 門謂正觀法相故正方便法明門謂真正

行故知名色法明門謂除諸障礙故名即色

也即身除因見法明門謂得解脫故無怨親

心法明門謂於怨親中生平等故除方便

法明門謂知諸苦故諸大平等法明門謂

斷於一切和合法故諸大者即地大水大

識大諸入法明門謂修正道故諸入者即

鼻入舌入身入意入色入聲無生忍法明

門謂證滅諦故無生忍者謂一切法本末

也即證身念處法明門謂諸法寂靜故身念

身即五陰中色陰念即能觀受念處法明

之觀處即色陰所觀之境也

門謂斷一切諸受故受即領納之義謂眼

也心念處法明門謂觀心如幻化故心即

中識法念處法明門謂智慧無翳故法即

中想行四正勤法明門謂斷一切惡成諸

善故四正勤者一已生惡今斷二未生惡

今生四如意足法明門謂身心輕故四如

也者欲如意足念如意足精信根法明門謂

不隨他語故信者謂信正觀及助道法則

義精進根法明門謂善得諸智故精進者

正助之法勤念根法明門謂善作諸業故

求不息也

念者謂專念正助定根法明門謂心清淨

故之法而無他念也在正助慧根法明門謂現

見諸法故慧者謂以智慧觀察苦信力法

明門謂過諸魔力故信力者力即力用謂

一切疑感也精進力法明門謂不退轉故力者

謂精進根增長則能念力法明門謂不共

他故則念破諸邪念也增長定力法明門謂

斷一切念故則能破諸亂想也慧力法

明門謂離二邊故慧力者謂慧根增長則

也二邊者空念覺分法明門謂如諸法智

有二邊也

故念覺分者念即想念覺即覺了分即支

之法均調也若心沉時當念用擇法精進

喜三支屬慧故也若心浮時當念用除捨

定三支屬擇法覺分法明門謂照明一切

諸法故擇法覺分者謂觀諸精進覺分法

明門謂善知覺故精進覺分者謂修諸道

於真法喜覺分法明門謂得諸定故喜覺

之中也喜覺分法明門謂得諸定故喜覺

謂若心得法喜善能除覺分法明門謂所

作已辦故除覺分者謂斷除諸見煩惱之

定覺分法明門謂知一切法平等故定覺

謂若發禪定時善能捨覺分法明門謂厭

了若發禪定時善能捨覺分法明門謂厭

了若發禪定時善能捨覺分法明門謂厭

了若發禪定時善能捨覺分法明門謂厭

了若發禪定時善能捨覺分法明門謂厭

離一切法故

捨覺分者謂若捨念著之境善能覺了虛偽永不追憶也

正見法明門謂得漏盡聖道故

正見者謂修無漏行

見四諦分明也漏盡者謂三界煩惱滅盡不渴落生死也

正分別法

明門謂斷一切分別無分別故

正分別即正思惟謂

見四諦時思惟等量為令增長入涅槃故也

正語法明門謂斷

一切名字音聲語言知如響故

正語者謂攝口業住

於正業法明門謂無業無報故

正業者謂除身

一切邪業住於清淨正業也

正命法明門謂除滅一切

惡道故

謂至彼岸故

正行者謂除邪命利正行法明門正行即正精進謂身正念法

明門謂不思念一切法故

正念者謂念念在於正叻之法

正定法明門謂得無散亂三昧故

正定者謂攝心正叻之法入於正定

菩提心法明門

梵語三昧華言正定者佛實法實僧實也

謂不斷三寶故

倚法明門謂不樂小乘故

正信法明門謂

得寂勝佛法故

增進法明門謂成就一切

諸善根法故

檀度法明門謂念念成就相

好莊嚴佛土教化慳貪諸衆生故

戒度法明門謂遠離惡道諸難教

化破戒諸衆生故

瞋恚我慢諂曲調戲教化如是諸惡衆生
 故精進度法明門謂悉得一切諸善法教
 化懈怠諸衆生故禪度法明門謂成就一
 切禪定及諸神通教化散亂諸衆生故禪
話具云禪那智度法明門謂斷無明黑暗
華言靜慮

教化愚癡諸衆生故方便法明門謂隨衆
 生所見威儀而示現教化成就一切諸佛
 法故四攝法法明門謂攝受一切衆生得
 菩提已施一切衆生法故四攝法者一布
施攝二愛語攝
三利行攝四
同事攝也教化衆生法明門謂自不受

樂不疲倦故攝受正法法明門謂斷一切
 衆生諸煩惱故福聚法明門謂利益一切
 諸衆生故修禪法明門謂滿足十力故十
力者知是處非處智力知過現未來業報智
力知諸禪三昧智力知諸根勝劣智力知
種種解智力知天眼無礙智力知宿命無漏智
道智力知天寂定法明門謂成就如來三
力知永斷習
氣智力也
 昧具足故慧見法明門謂智慧成就滿足
 故入無礙辯法明門謂得法眼成就故法
眼
者謂知一切衆生各各
方便所化之法門也入一切行法明門
 謂得佛眼成就故佛眼者謂覆障鮮
密無不見知也成就

陀羅尼法明門謂聞一切諸佛法能受持

故梵語陀羅尼華言總持得無礙辯法明門謂令一

切衆生皆歡喜故順忍法明門謂順一切

諸佛法故得無生法忍法明門謂得受記

故受記者謂菩薩受作佛之記也不退轉地法明門謂具

足往昔諸佛法故從一地至一地智法明

門謂灌頂成就一切智乃至得成阿耨多

羅三藐三菩提故從一地至一地智者謂從等覺菩薩之智至妙

覺果佛之智也灌頂者謂等覺菩薩時以妙

妙覺之位如轉輪王太子受王位時以四

海水灌其頂也梵語阿耨多羅三藐三菩提華言無上正等正覺

百八煩惱出天台四教儀集註昏煩之法惱亂心神故

名煩惱謂眼耳鼻舌身意六根對色聲香

味觸法六塵各有好惡平三種不同則成

十八煩惱又六根對六塵好惡平三種起

苦受樂受不苦不樂受復成十八煩惱共

成三十六種二十七更約過去未來現在三世各

有三十六種總成一百八煩惱也好惡平三種不

同者如色塵有好色有惡色其不好不惡

之色名為平也馨香味觸法五塵亦然受

即領納之義若受對惡塵而起樂受對

好塵而起不苦不樂受對平塵而起

千二百五十八出因謂耶舍長者子朋黨五

十人優樓頻螺迦葉師徒五百人那提迦
 葉師徒二百五十人伽耶迦葉師徒二百
 五十人舍利弗師徒一百人大目犍連師
 徒一百人此千二百五十人並先事外道
 勤苦累劫而無所證承佛化導即得證果
 於是感佛之恩一一法會常隨不捨故諸
 經首列衆皆云千二百五十人俱者以此
 也梵語優樓頻螺迦葉華言木瓜林梵語
 那提迦葉華言河梵語伽耶迦葉華言
 城梵語舍利弗華言身子梵
 語大目犍連華言采菴氏
 八萬四千塵勞出華嚴 八萬四千塵勞者塵

即染污之義謂種種邪見煩惱能染污真
 性也勞即勞役也謂衆生被邪見煩惱勞
 役不息輪轉生死無有盡時論其塵勞根
 本不出十使於十使中隨以一使爲頭則
 九使爲助遂成一百約三世各有一百共
 成三百而現在世一百時促不論相助於
 過去未來二世二百又各各以一使爲頭
 九使爲助共成二千合前現在世一百共
 成二千一百又約多貪多嗔多癡等分四
 種衆生各有二千一百共成八千四百又

約四大六衰各有八千四百總成八萬四

千塵勞也十使者使即驅役之義一貪二

見八邪見九見取十戒取也多貪者謂於

五欲可意之境而多貪愛也多貪者謂於

逆情之境而多忿怒也多貪者謂於

了而於貪真之境而多已也等分者謂

貪真癡三心一齊而起也四大者地大水

大火大風大也六衰者謂色聲香味觸法

六塵能衰損善法故也

八萬四千法門出賢八萬四千法門者昔佛

告喜王菩薩修習行法自第一光耀乃至

分舍利凡三百五十度無極法門一一法

門各有布施持戒忍辱精進禪定智慧之

六度共成二千一百度無極於諸貪熾瞋

恚惡癡等分四種衆生各以此二千一百

度無極教化而開覺之合成八千四百度

無極一變爲十總成八萬四千度無極法

門此之法門爲三界無上良藥爲百千種

人除八萬四千塵勞也行滿度生無極者

涅槃岸無窮極也三百五十度無極者

光輝度無極也所著度無極者

極在度無極也所著度無極者

他人在度無極也所著度無極者

無極已修立行度無極也所著度無極者

息道度無極也所著度無極者

造作度無極也所著度無極者

永樂北藏

大明三藏法數

第一八三冊

華嚴懸談會玄記卷第一

鉅一

蒼山再光寺比丘 普瑞 集

將明一部懸談啓以二門分別初總解題目
後逐難釋文初又分二初別解法題以經疏
科鈔題各別故後通解人題以疏科鈔中人

經一

一

無異故今初大凡開演不越其四謂先科次
經次疏後鈔所以然者欲知經疏大綱非科
不能故先科釋雖知大綱在文難曉故次舉
正經正文雖見非疏何知故次解疏釋疏釋
雖明而多總畧故以鈔文補而備之如是四

永樂北藏

華嚴懸談會玄記

第一八三册

種理應爾故若約生起次第佛先說經依經
造疏依疏有科隨科鈔釋今釋題目當依生
起次第示有由漸故後逐難釋文依開演次
第不越常規故然法題不同有其四題分爲
四段初經題二疏題三科題四鈔題且初經
題即大方廣佛華嚴經然此七字迺無盡脩
多羅之總名義門極廣下雖廣釋今入文之
先理應畧陳且以七門分別爲順七字之題
故一明來意二華梵對翻三依題列對四出
名義體五六釋分別六辯其異名七釋通妨

難且初來意者華嚴大教稱性極談我佛世尊初成正覺遍觀衆生皆具性德以妄覆故不能證之於是稱性頓演斯經明各人本地之風光與佛無異庶其一切共證之也二華梵對翻者佛出西天教流東土若不翻譯無由解會講學之者首先明之表教來有自然有總翻別翻若總翻者梵語摩訶毘佛畧勃阇健拏驃訶脩多羅唐言大方廣覺者雜華嚴飾經若別翻者摩訶云大毘佛畧云方廣勃阇云覺者健拏云華驃訶云嚴飾脩多羅

云經其中覺者即是佛字畧存梵音以生信心又畧雜飾二字不令繁廣具以七字爲名三依題列對者七字一題列爲十事五對一教義一對經之一字是能詮教大等六字是所詮義故二就上義中法喻一對謂大等是法華嚴是喻三就上法中人法一對謂大方廣是佛證之法佛字是能證之人亦名境智對四就上法中揀持一對大之一字是揀方廣二字是持即揀大異小揀實異權揀果異因亦是體用一對或性相一對五就人中借

年一

二

下花字以喻其因即因果一對佛是果故是以單花字但喻於因若合華嚴二字亦喻上之四字四出名義體者大以當體得名常徧為義常則三際莫易徧則十虛無外即以全有全空實相為體方以就法得名執持為義

以從喻得名感果嚴身為義感果則萬行圓成嚴身則眾德備體即以行布圓融行願為體嚴以功用受名資莊為義謂資廣大之體用莊真應之佛身即以無障礙大智為體經以能詮得名攝持為義持性相之無盡攝眾

第一

三

雙持性相執生物解故即以六相十玄為體廣以從用得名包博為義包則廣容博則廣通即以染淨依正即入重重為體佛以就人得名覺照為義照則朗萬法之幽邃覺則悟大夜之重昏即以十身無障礙身雲為體華

永樂北藏

華嚴懸談會玄記

第一八三册

方廣方廣即大體用相即此約持業則圓融
義二佛華嚴能證人也亦具二釋謂佛之花
揀非因位之行故花之佛揀非餘行之佛故
此亦依土行布若持業圓融相即可知三大
方廣之佛華嚴揀非權小之佛等故佛華嚴
之大方廣揀非因位所得法故相即可知四
大方廣佛華嚴之經揀非涅槃等經經之大
方廣佛華嚴揀非論中所明此則依主著持
業者文隨於義義隨於文詮旨圓融故又上
教望於義人望於法通有財釋並可思準○

六辯其異名者如攝論中名百千經此約數
爲目以此經具本有十萬頌故涅槃經中名
雜華經此約喻爲目智論之中名大不思議
解脫經此約法爲目故又出現品及離世間
品皆有十名具如後示清涼二前三異名義
多總略二品十目多從別名又句當品故今
譯者具以七字爲名則人法雙題法喻齊舉
具體具用有果有因理盡義圓故標經首○
七釋通妨難者問如大方廣三字餘經多同
如三戒經十輪經寶篋經圓覺經等十有餘

部皆有大方廣言則與此經為同為異若言同者何獨此經以為圓教若言異者其相云何答圭峯云配屬三大則同釋義隨宗則異謂圓覺大雖配體唯明自體常徧此經則若相若用等皆同真性而常徧又彼方亦配相

釋一

四

但任持自性執生物解此則雙持性相具十玄門一一諸相皆執生物解又彼廣亦配用不能即體今此則全德相之業用也故後序云冥真體於萬化之域顯德相於重玄之門用繁興以恒如等故與諸經異也釋經題竟

○次釋疏題即大方廣佛華嚴經疏卷第一并序釋此一題初作對二解釋初中先將并序二字望上大等十一字為能序所序對二以第一二字望上大等九字為能記所記對三又將卷字望上八字為能依所依對卷為所依八字為能依四疏之一字望上七字為能釋所釋對後解釋者亦二先解義後六釋先解義者經題七字如上所釋疏者疎也決也開也通也謂經中義理深奧之處疏以疏明經旨決擇疑惑開而顯之通而達之故云

疏也又是疏理之義如盧仝云人有髮兮且
且疏理身有心兮胡不如是今即疏理經中
之文義也卷者舒卷為義舒則閱之卷則思
之展卷無礙故謂之卷第謂次第一乃數之
極首蓋此疏有二十卷今記其次數令不差

証一

五

互故云第一言并序者并者兼也及也序者
緒也如蘭得緒緒盡一蘭之絲若疏得序序
盡一疏之意又序者爾雅云東西墻謂之序
所以序別內外也見墻所以別宅舍之淺深觀序所以
以知作者之意旨又序者叙也謂叙述經疏

之大意纂於文前令學者頓觀其大旨故云
序也上解義竟後六合釋者一疏字望上七
字即能所釋之依主也或通揀別依主謂大
方廣佛華嚴經之疏揀非論等故或作通別
依主疏字通故以經別之二卷第一三字作
釋有其主說一總別依主釋卷字是總第一
是別卷有二十第一唯一總中有別卷之第
一二體用持業卷字是體第一是用以體就
用卷即第一三帶數釋卷字是法第一是數
卷法帶起第一數故三以卷字望上八字所

依紙素之卷從能依疏以彰名謂大方廣佛華嚴經疏之卷依主釋也四第一兩字望上九字能記從所記以彰名亦依主釋五并序二字望上一題作相違釋釋疏題竟○三釋科題即大方廣佛華嚴經疏科文卷第一釋

此科題初列對後釋義初列對者上之八字以爲所科下之五字以爲能科卷字望上爲能所依第一望上爲能所記如前可知後釋義者有四一略解名義二古今對辯三義類分別四六釋科揀且初略解名義者所科八

字如前已解能科五字者卷第一三字義不異前科文二字今當略釋先釋科字後釋文字且釋科字有其二義一依義訓二依字形依義訓者諸說不同今略顯示一云科者分齊義令文及義有分限故一云科者類聚之

舉一

六

義若文若義隨其所應約一類聚而收攝故一云科者斷也定也斷量措定分是非故一云科者開通爲訓若見科文義開通故一云科者略聚爲義以少言詞括多義故一云科者次第爲義若無科文理必叢雜若標判已

有次第故已上六解並依義訓二依字形者
 科字形狀禾邊從斗文義如禾科文似斗禾
 得斗而知數文得科而義明後釋文字者文
 即是字未改轉位名字已改轉位名文為名
 句所依今言文者攝名句故二古今對辯者
 科判之義本出佛經或名品或名章或名分
 皆科之異名如今經有三十九品等也若就
 迹而言此土以道安為始以魏帝或云秦主請諸
 德入內講楞伽經已問曰朕聞佛法幽深至
 理玄奧向觀所談都無科次何耶諸德無對

時道安在襄陽聞之遂將華夏大小諸經科
 為三分當時舉朝不許後唐三藏譯親光菩
 薩所造佛地論釋佛地經科為三分教起因
 緣分聖教所說分依教奉行分爾來經無豐
 約科為三分今古同遵然後諸師或多或少
 各各不同不勞繁述三義類分別者凡科判
 者有其二類一三義門二四義門且三義門
 者一者文科隨文而判故二者義科隨義而
 分故三者文義科雙約文義而斷故言四義
 門一以文從義科謂此約所詮之義而科判

不拘於文故二以義從文科謂此就能詮文
段而科判不拘所詮義故三義類相從科如
題目中雖有人法之異同爲題故總爲一科
本文之中雖有有序文本之異同是本文故
亦合爲一等也四分別不同科如人法之題

雖同題目人法異故分之爲二本文之中序
疏別異亦不可同須分開等四六釋料揀者
科文二字文體科用科即是文持業釋餘可
思準釋科題竟○四釋鈔題即大方廣佛華
嚴經隨疏演義鈔卷第一并序釋此亦二先

列對後解釋且初列對者一能釋對疏義二
字并上七字爲所釋疏隨演鈔等八字爲能
釋鈔二隨疏二字約能詮文爲能隨所隨對
三演義二字約鈔家能詮演疏家所詮爲能
演所演對四隨疏二字對演義二字爲隨文

演義對五上四字爲用鈔字爲休即體用一
對六卷字望上爲所依能依對七第一望上
爲所記能記對八并序二字望上一題爲能
序所序對後解釋者有三初釋義二六合三
問答初釋義者隨謂隨順即無違義疏謂疏

文謂不違經之文故演謂流演開通之義義者義理即經疏所詮鈔者鈔略備缺之義總此意云隨順本疏加言解釋使經疏玄義流演開通鈔其略而補其缺正其異而採其要故云隨疏演義鈔也餘義準思二六合釋者

初對即能所依經一主釋以能釋鈔從所釋經疏以彰名故第二一對能隨名隨疏之隨所隨名隨疏即隨依主持業二釋如次第第三一對能演名演義之演所演名演義即演二釋亦然第四一對隨文與演義異故作相違釋第

五一對作持業釋或作同依釋二用同依一鈔體故或通通別依主謂鈔字通於諸鈔以隨疏演義而別之故餘三對作釋準前可思三問答問何故隨對於疏演對於義而不得互對耶答疏約能詮鈔但隨順義約所詮鈔須演唱故不以互對也問准諸家章疏體例經題之下應安疏字於疏字下方立鈔號今何不爾答以鈔題中所隨已有疏字影取疏題也若上更安疏字則一題之中有二疏字文則重併非立名之巧今唯一疏字互望上

下二題雙足立名之妙固在是矣釋鈔題境上來四段別解法題竟○後通解人題清涼山大華嚴寺沙門澄觀撰釋此一題大分爲二上之七字是所依處下之五字是能依人於所依中又上三字所依之總名下四字所

經一

九

依之別號所以雙舉二者有其二意一舉山令遠人知舉寺令近人知故二以則天弘大經故多改華嚴寺號賢首居處皆標此名故今標山以揀之也言清涼山者即岱州雁門郡五臺是也以歲積堅冰夏凝飛雪曾無炎

暑故曰清涼山峯聳出頂無林木有如聖土之臺又曰五臺即本經所謂東北方有處名清涼山等又寶藏陀羅尼經云我滅度後於瞻部州東北方有國名大振那其國中問有山號爲五頂文殊師利童子遊行居住爲諸菩薩衆於中說法等又准大鈔云离坎乾坤得其中理此以八卦通配清涼一山五臺近西是以東臺在离坎二卦之間北臺在坎乾二卦之間西臺在乾坤二卦之間南臺在坤离二卦之間故中臺在离坎乾坤四卦之最

中通表中道之理又云其山磅礴數州七百餘里左鄰恒岳右接孟津北臨絕塞南擁汾陽迴泊日月蓄洩雲龍雖積雪嚴寒而名花萬品寒風勁烈而瑞草千般乃至云白雲凝布奪萬里之澄江果日將昇見三尺之大海等言大華嚴寺者即古大孚靈鷲也按感通傳南山問天神曰今五臺山東南三十里現有大小靈鷲寺兩堂舊跡猶存南有花園可二頃許四時發彩人莫究之或云漢明所立又云魏文所作互說不同如何天答曰俱是

二帝所作周穆王時已有佛法此山靈異文殊所居周穆王於中造寺供養及阿育王亦依置塔漢明帝之初摩騰天眼亦見有塔請帝立寺山形似於靈鷲故號為大孚靈鷲字者弘信也帝信佛理立寺勸人花園在寺前

鉅一

十

後之君王或改為大花園寺珠林集云每春首至秋末異花間發光曜人目四邊樹園以愛花奇人間無有移栽不生乃至移樹園外亦不生等至則天時與于闐三藏譯華嚴經見菩薩住清涼山因改大華嚴馬寺者司也

天子置九司以置九卿一太常寺主禮樂二
宗正寺主六親昭穆三大理寺主刑獄四光
祿寺主膳羞五司農寺主倉儲六大府寺主
平準七太僕寺主車輦八衛尉寺主器械九
鴻臚寺主賓客此寺凡有外方使命皆止其

中漢明帝時摩騰竺法蘭二三歲初至此土
令鴻臚安下爾後宿居之處因以名焉次釋
能依人者沙門二字釋子之通稱梵語具云
沙迦德曩此云息惡瑞應經云一切諸法中
因緣空無主息心達本源故號為沙門然有

四沙門一勝道沙門二活道沙門三示道沙
門四污道沙門義如別章然今疏主據本而
說即勝道沙門依迹而論即示道沙門也澄
觀二字即疏主之別號澄者定也觀者慧也
表和尚定慧雙備故按妙覺塔記云法號澄

觀字大體俗姓疑一夏侯越州會稽人也法界孕
靈隨緣於帝禹之族誕若剖珠洞鑿隣室稚
歲趨庭厥考授與六月之詩即曰可畏而敬
每童戲聚沙建塔或誡之汝聚沙安避塵垢
染即鞠躬對曰沙無自性攬真而成真豈染

矣夙習警矣年九歲禮本州寶林寺禪德體
真大師為師歲曜一周解通三藏至十一奉
恩得度纔服田裳思冥理觀乃講般若涅槃
白蓮淨名圓覺等一十四經起信瑜伽唯識
俱舍中百因明寶性等九論年滿具戒於曇

一大師門下受南山行事止作遂講律藏又
禮常照禪師授菩薩戒原始要終啟厥十誓
體不損沙門之表心不違如來之制坐不肯
法界之經性不染情礙之境足不履尼寺之
塵脇不觸居士之榻目不視非儀之彩舌不

味過午之餽手不釋圓明之珠宿不離衣鉢
之側遂叅無名大師印可融寂自在受用即
曰明以照幽法以達迷然交映千門融治萬
有廣大悉備盡法界之術唯大華嚴乃依東
京大詵和尚聽受玄旨利根頓悟再周能演

詵曰法界全在汝矣○至佳處品審文殊隨

事觀照五頂遂不遠萬里委命大抄云途雖五千及後萬

里當時逆寇亂常兵戈鋒起不憚而遊故云委命也 栖托聖境相仍十

稔掛錫于大華嚴寺山門真侶懇命敷揚遂

思五地聖人身栖佛境心證真如於後得智

起世俗心學世間解迺却覽詩禮傳籍圖識
道德寓言四科十翼百家祖述周易子書華
夏古訓竺乾梵字諸部異計四圍五明顯密
軌注二王筆法悉煥然水釋即於般若院啓
曼拏羅優游理觀祈聖祐之夢一金像挺特

師一

十二

山嶽月滿毫相卓立空際仍於寐內捧咽面
門及覺又如遂下鴻筆恍若有神是月也設
無遮以慶之疏成將闌忽夢爲龍頭枕南臺
尾蟠北臺鱗鬣輝空光逾皎日須臾奮迅化
成多龍分照而去流通之兆也後製隨疏演

義鈔四十卷隨文手鏡一百卷華嚴綱要三
卷法界觀玄鏡一卷三聖圓融觀一卷華嚴
圓覺四分中觀等論關脉三十餘部七處九
會華嚴世界圖心鏡說文十卷大經了義備
要三卷七聖降誕節對御講經談論文兼一
家述詩表牋章總八十餘卷後奉德宗詔與
般若三藏譯烏盤所進華嚴後分譯就帝請
講之講已上曰誠哉是言微而顯撫迺賜紫
衲方袍兼禮爲教授和尚奉詔述疏十軸誕
聖節賜輦迎之內殿談法帝命廣敷新經厥

旨要曰大哉真界萬法資始云云帝時默湛
海印朗然大覺誠於羣臣曰朕之師言雅而
簡辭典而富扇真風於第一義天能以聖法
清涼朕心仍以清涼賜為國師之號是時內
外台輔重臣咸以八戒禮而師之後答順宗

師一

十三

經義帝於興唐寺為造普光殿華嚴閣塑華
嚴圖法界會次因答憲宗法界帝為鑄金印
遷國師統冠天下繼侶穆宗敬宗感仰巨休
悉封大照國師以開元二十六年戊寅歲生
天寶戊子歲出家玄宗至德肅宗丁酉年心

印受戒代宗大歷戊申年詔入內與辯正三
藏譯經為潤文大德興元元年甲子歲造疏
貞元丁卯歲功就貞元丙子年翻經賜紫已
卯年授清涼國師號憲宗元祐五年庚寅歲
授僧統印文宗大和辛丑歲帝授心印於師
至開成己未年春三月六日旦詔上足三教
首座寶印大師海岸等付法囑累竟而卒歷
九宗聖世為七帝門師代宗 德宗 順宗 憲宗 穆宗 敬宗 文宗俗
壽一百二僧臘八十三形長九尺四寸手垂
過膝目夜發光晝乃不瞬言論清雅動止作

則學贍九流才供二筆凡著述現流傳者總
四百餘卷盡形一食大經始終講五十遍無
遮大會十有五設弟子為人師者三十有八
海岸寂光爲首稟受學徒一千唯東京僧曆
圭山宗密獨得其奧餘即虛心而來實腹而

去蛻經三七顏光益潤端身凜岳自證之力
也其月二十七日恭承遺旨遷奉全身於終
南山石室皇帝輟朝重臣縞素其餘即可知
也初暮有西域梵僧在慈領見二使者步履
虛地以呪止而詰之曰余北印土文殊堂之

神東土取華嚴菩薩大牙供養及至奏啓石
室驗之果無大牙唯三十九瓌然如霜遂闍
維靈骨得舍利數千粒明白光潤舌紅如蓮
火不能變上略又大宋高僧傳中有贊寧僧
統所述之傳事多錯謬不須繁引撰者集也

鉅一

古

採錄衆文集成章句釋此一經故名爲撰有
本云述者蓋述而不作之義也樂記云知禮
樂之情者能作識禮樂之文者能述作者之
謂聖述者之謂明已上離解若合釋者清涼
之山大華嚴之寺皆通別依主或山有清涼

之德用寺中興於華嚴故以為名者持業有財二釋如次或經顯菩薩住處在於清涼而寺在山中故以華嚴為名者即隣近釋又清涼山大華嚴寺大華嚴寺之沙門二釋皆是總別依主也清涼山大華嚴寺沙門即澄觀沙門之澄觀澄觀即述澄觀之述二釋皆得問科疏鈔中各有人題今何唯解一題耶本經有三題一人無異故於一處通明餘二不勞繁述釋題目竟○後逐難釋文中先解鈔序○至聖垂誥鏡一心之玄極者顯如來

說經也釋之分三初列對二消文三五教辯明且初二句序文十事五對一人法對至聖是人餘皆是法二法義對垂誥是法一心等是義二總別對一心是總玄極為別四法喻對鏡字是喻垂誥為法五揀持對至字能揀聖字能持二消文者至者極也聖者正也見道已去雖名為聖唯至佛果方名至聖垂者布也誥者典誥書云典謨訓誥皆經誥之別稱鏡者喻上誥字法者典誥能明示一心鑒微玄極喻申如秦鏡至明照人心故朱鎧詩

經一

五

云西國有秦鏡其光世所希照人見肝膽鑑物窮幽微今正取此故後疏云以聖教為明鏡照見自心等無二無三謂之一堅實靈明謂之心玄即幽玄極謂至極意云我佛世尊布教如明鏡洞鑒一心之中幽玄至極之自

理也三五教辯明者一小教至即生空理聖即生空智菩提樹下斷結成佛名為至聖垂者設也引也權設小法引二乘故誥即阿舍緣生等經言一心者即假說一心謂實有外法由心轉變非皆是心法謂世出世間染淨等法由心造業之所感

故改轉變動而非皆是心也而二始教者至即二空理聖即二空智色究竟天上成正覺者名為至聖垂者說也悟也根本智中流出後得從後得智起大悲心為物宣說令二乘人悟唯識故誥即深密楞伽等經言一心者即本識也然有

三類一相見俱存名一心二攝相歸見名一心三攝所歸王名一心玄極者根本智名玄二空理名極也三終教者至即本覺理聖即始覺智始本不二名為至聖垂者賜也顯也等賜一乘顯理事無礙故誥即法華涅槃等

經言一心者即如來藏名一心此亦有二一

攝末歸本攝前七歸第八二攝染淨歸如來藏寂照

即以真妄和合名一心指玄即以真妄不二

名一心各唯得一義也言玄極者即始本二

覺也四頓教者至即無理之理聖即無智之

經一

十六

智以無佛無不佛名為至聖垂者傳也彰也

單傳心印彰絕待理故誥即金剛思益等經

言一心者泯絕染淨名為一心絕待之智曰

玄絕待之理曰極五圓教者至即無障礙理

聖即無障礙智十身無礙身雲名為至聖垂

者布也安也通方之說布於法界安立四種

法界義故誥即華嚴大經言一心者即無障

碍一心也此亦有三謂融事相入融事相即

帝網無盡已一五教具十種一言玄極者亦

無障礙之智與理也○鈔大士弘闡燭微言

之幽致者菩薩造論也釋之分四初列對二

消文三五教分別四會餘儀此二句序文亦

十事五對一人法對大士即人弘闡等即法

二經論對或云本末對微言即經弘闡為論

三教義對微言即教幽致即義四法喻對弘

闡是法燭字是喻五揀持對大者能揀士者
能持二消文者士謂士夫通目於人然凡聖
不同有其四種凡夫唯名士二乘名上士菩
薩名大士佛號無上士今揀餘三故名大士
淮智論中釋大士有十義一依大乘教二起

經一

十七

大信心三發大願四具備大行五備歷大位
六起大智七斷大惑八圓證大理九當成大
果十當度大生總相而言謂依大教發大心
行大行證大果故名大士問大士若唯菩薩
如何通小教耶答小乘諸論多菩薩造如世

親菩薩晦孤明於俱舍造五百部小乘論等
是也弘謂弘揚闡謂宣闡謂宣闡即目菩薩
所造諸論燭者喻上弘闡之論如經云譬如
闇中寶無燈不可見佛法無人說雖慧莫能
了法中經無菩薩之論不能見其幽致喻闇

中寶若無燈燭不可見而取也微言者即上
垂誥之經幽致者幽謂幽深致即致趣即上
微言中所詮之義也意云菩薩大士造論弘
闡皆照燭佛經之中幽深之致趣也三五教
分別者小教即天親世友等大士弘闡俱舍

婆沙等論文釋阿含緣生等經六識三毒七十五法等之幽致也始教即無着天親等大士弘闡瑜伽唯識等論文釋深密楞伽等經八識十如百法之幽致也終頓二教即馬鳴龍樹等大士弘闡起信摩訶衍等論文釋法

華涅槃等經二門三大九相滌淨等法之幽致也圓教即世親龍樹等大士弘闡十地不思議等論文釋華嚴大經六相十玄之幽致也○鈔雖忘懷於詮旨之域而浩汗於文義之海者釋妨也妨云理本無言攝前垂語及私闡也義

絕疆域攝前一心及玄極幽致也大覺能仁及諸菩薩以忘分別情懷證真成果今復說經造論詮義差別豈為允當故此釋也雖字文含縱奪上句縱下句奪意云佛及菩薩於一真法界之中雖無心懷於詮旨之疆域而不妨以無緣

慈愍生未悟浩汗汗起廣多之文義如海之深廣也○鈔蓋欲下二句顯意也問既忘懷於詮旨之域何不忘言而契道而反浩汗於文義耶故今云爾意謂道本無言非言何以傳理本無象非象何以顯故假寄所詮之

義象能詮之言繫使學者因其跡而窮無盡
真趣矣象繫之言語出周易象謂爻象以喻
所詮繫謂言繫以喻能詮即因言以得象因
象以得意得意以忘象得象以忘言也或可
跡謂免象跡如因跡而得免得象因文義而
證玄趣矣准此繫字或目繫象蹄之索也或
周易中大象小象上繫下繫孔子寄以顯易
理○鈔斯經等者上該通諸教此下唯顯此
經能詮之文所詮義理甚深廣大不可得稱
此借論語文彼云泰伯其可謂至德也已矣

三以天下讓民無得而稱焉今顯深廣之極
也謂文該三部理極十玄故問諸家外鈔通
前段皆讚當經則此段唯屬結嘆之文今所
以前通諸教此別讚當經耶荅此中唯云斯
經文理故若結嘆前者應云斯經論文理也
則有收文不盡之過是以前通此局其理明
矣○鈔晉譯下別明造疏此明造疏所由有
二今初晉譯得門謂晉朝翻譯之經幽玄秘
密雖光統靈裕等諸師皆伸疏解唯賢首大
師探玄一記可得其入理之門也論語云夫

鉅一

九

子之墻數仍不得其門而入不見宗廟之美
 百官之富得其門者亦寡矣今借用之○鈔
 唐翻下唐經迷奧也謂唐時所翻靈妙之篇
 章或此經多靈應如譯時雙童現瑞甘露呈祥等故云靈篇賢首造新修
 畧疏至十九卷大願不終後時賢指靜法苑

公刊定而釋之大義屢乖微言將隱未得窺
 覩其玄奧爾與者即堂之西南隅也然其上
 向互影謂得入門者必覩其奧若未窺其奧
 者由不得其門也上來新經比舊經文義多
 全而缺得意之疏學者無由趣入故疏主不

可緘默斯造疏之緣也○鈔澄觀下二句謙
 已述作也揆者度也言膚者皮膚淺近之謂
 也意云我不自揆度學未至於骨髓但及皮
 膚淺受之學輒便造疏闡揚大經玄微之旨
 也膚受之言見論語○鈔偶益下二句慶疏

流通不期而然謂之偶溢謂溢滿意云但隨
 力通經何期大行於世偶然盈溢中夏九州
 蠻夷四海言九州者尚書禹貢中云禹別九
 州爾雅云兩河之間曰冀州自河東至河
其氣清厥性和近河南曰豫州自河南至漢
故曰冀與若近也

性安舒故曰河西曰雒州於用切自河至西
 豫豫者舒也性急凶故雍雍者壘也燕得祭之地西
 北之位陽所不及陰壘也故曰雒州漢南
 曰荆州自漢南至衡山之陽其急似厥
 曰楊州自江南至海其氣燥勁厥性輕
 間曰兗州自河東至濟其氣專賈厥
 徐州自濟東至海其氣寬舒稟
 水至此伏其氣深要厥舒也燕曰幽州
 性烈疾故幽曲者安也齊曰營州亦名青州
 東方少陽其色青其氣清歲之首言四海者
 事之始故以青名焉自係東至海西戎
 東夷東方之人好生萬物觸
 戎者南蠻
 兗也南蠻
 為簡慢變者慢也北狄
 月穴無列

狀者而言海者海之言晦以晦闇於禮義也
 〇鈔講者下學徒陳請初二句標請人疏主
 常千徒擁座今言盈百者謂或面言心受或
 懸悟幽宗已能講者其數盈百即僧獻等為
 首也咸者皆也叩者以頭叩至地也大教
 下叙其請意先二句按定經疏文理深遠親
 承下二句謂面稟微得相近言髮髻者相
 近也於此經之宗旨不敢言得故云髮髻近
 宗也若垂布疏文軌範於千古之下莊子釋音云古
 也者我思慮若無鈔文恐後代學者迷惑

䟽主高大悟解之䟽文也希垂下二句正伸請希望垂慈造鈔重再分割得觀經䟽之光輝言再剖者前以造䟽剖於經今復造鈔剖於䟽故言光輝者喻經䟽之玄義也○鈔順斯下顯述鈔文也分三初述鈔安名謂隨順

鉅一

三

百人清雅之懷故再造此鈔言條理者書云如網在綱有條而不紊今謂再治其條貫則教綱不紊矣立名可知○鈔昔人云者二顯述鈔意分二初引古難易語出揚子彼云揚子先生遊於錦江見一婦人抱子而泣乃問

其故曰我夫在日以藤漆鐵木善能造船夫今亡沒王取其船村人逃避子母慮亡故我泣之揚子嘆曰人在則易人亡則難今此意云若我在世則易為諮訣若吾沒後或有疑昧難為解也○鈔今為下二顯鈔有益謂此鈔與雖同一時一處望遠於曰方終於千古學者見之皆如對我面而解會也○鈔然繁則下三造鈔體式分三初繁簡有失謂章句繁多則學者或生厭倦望涯有退屈之心章句簡畧則經䟽或昧源流正解無由而起○

鈔顧此下二謙無折中者無過繁簡不及之謂也顧此之才寔難無此之才而輒伸鈔釋故爲愧也此亦鈔主自謙耳理實疏鈔皆得其中矣才難一字文出論語彼云才難不其然乎今借用之言折中者中之一字通平去

二音今以序文平仄音律定之宜作去聲乎也○鈔夫意下三正顯體式問既無折中之才云何造鈔耶荅我今之意使後學者見此鈔文一人所作其鈔言辭而於疏文不支離矣易曰中心疑者其辭支或但令後學遺疑

即鈔之式也釋鈔序竟

鉅一

手二

華嚴懸談會玄記卷第一

永樂北藏

華嚴懸談會玄記

第一八三冊

華嚴懸談會玄記卷第二

鉅二

蒼山再光寺比丘 普瑞 集

○疏往復無際等者迴向品說迴向衆生即往復無際也迴向實際即動靜一源也迴向善提即含衆妙而有餘也彼疏中廣以十門

解二

三義配三迴向今畧引彼配釋此文一依三法初句眷屬般若次句實相般若三句觀照般若既是即寂之照何德不具而照功無涯故云有餘次句融拂末向結屬下皆准此二滅三道初句滅業道次句滅苦道三句滅惑

永樂北藏

華嚴懸談會玄記

第一八三册

道三淨三聚初句饒益戒來往不息故二句威儀戒動靜皆寂故三句善法戒廣含衆德故四顯三佛性初句緣因萬行無際故二句正因一源清淨故三句了因智含萬德故五成三寶初句僧寶衆多和合故二句法寶理法為最故三句佛寶佛含衆妙故六會三身初化次法後報可知七具三德初句恩德化生無窮故次句斷德證真無惑故三句智德智為能舍故八三菩提初句方便菩提一切菩提樹下示成正覺故二句實相菩提三句

實智菩提九證三涅槃初句方便淨涅槃隱
 跡雙林根盡應移故二句性淨涅槃三句圓
 淨涅槃萬德俱圓故十安住三種秘密藏初
 句解脫藏徃復自在故二句法身藏三句般
 若藏可知大疏又云十內舉一為首展轉相
 由成百三門乃至無盡隨一一義具攝德用
 即入無碍等故知五句攝義無邊歷劫宣演
 亦莫能盡故經云欲具演說一句法阿僧祇
 劫無能盡斯之謂也問此十門三義准會解
 記云是終頓宗義不可配圓宗標舉宗體今

何故又配而釋之耶答若據各門本義實唯
 同教一乘之宗不可配法界之宗體也今各
 以第四句而融拂之融則三一無碍拂則三
 一雙寂二義同時豈非法界宗體故大疏云
 隨一一義具攝德用即人無碍等○鈔順經
 四分等准大疏科經有其十例一本部三分
 科二問答相囑科三少文從義科四前後禰
 疊科五前後鈎鎖科六隨品長分科七隨其
 本會科八本末大位科九本末徧收科十主
 伴無盡科雖具十例以無盡然正釋文時唯

用前二例科故今科疏亦以此二例也其問
答相屬科即四分故謂准經大位問答總有
四番第 會中大衆起四十問或當會答盡
名舉果勸樂生信分二從第二會有四十問
至第七會末答盡名修因契果生解分第八
會初起二百問當會答盡名託法進修成行
分四第九會初起六一問如來自入師子頻
呻三昧現相答盡名依人證入成德分問依
賢者說善財求法別問別答名漸證分立其
五分今何不開答清涼意以頓漸雖殊證法


界是同故總立一分也問何故有此四分答
入法方便信解行證理應爾故今疏順此故
科爲四○鈔若順序平等者三分之始自道
安法師如前已叙經三分者以初品爲序分
三世間莊嚴是起法之由緒故現相品已下
爲正宗分法界品內善財已下爲流通分今
疏三分可知○鈔今初總序名意者名即一
部疏文意即綱領大義言亦名教迹者如尋
象迹必獲象身尋此疏序得疏本意故或可
名意教之三言皆通大經以雖是疏序而疏

註二

正釋經故謂經序雜序經疏序該序經疏鈔
序通序經疏鈔故通亦無妨○鈔順無盡者
廻向鈔云十是一周圓數順無盡故○鈔言
意多含者前於疏中已解四義今於鈔外又
申六解足其十意以彰無盡一順一多無礙
義故初句一不碍多二句多不碍一三句一
多雙融四句一多雙泯五句結屬法界三順
法界緣起義故初句諸緣各異次句互徧相
資以一切法同一源故五相資也次句俱存
無碍不壞相資故衆妙不壞各異故有餘也四

句發識從智末句結屬三順經宗十一字初
句即因果二字次句即理實二字次句即法
界緣起四字次句即不思議三字末句結屬
四順題中所證法故初句廣字次句大字三
句方字四句蠲拂末句結屬問此與鈔配三
大何別合鈔泛就三大說不約經題故異也
五順因門果海故謂前三句是普賢因門緣
起法界第四句是遮那果海離言即同因果
法界末句結歸六順先解後行故前三句約
解故如前五門所釋以爲解境第四一句約

行說故言思斯絕也未句結屬可知○鈔初
 句明用者問配釋三大何不次耶答舍餘法
 界故顯圓融相故彰無碍理故隨作者意故
 表攝末歸本先用少體後表依本流末中體
 後相故又以義就文故此本標舉宗體顯法
鉅二
 界義故以法界為以今以義相當故畧配二
 大耳二大正義在後其真體於萬化之城等
 故如後說儀周普中配十身亦不次之例也
 ○鈔往者去也下鈔釋用大一句序文義如
 繁雜而各有所歸今以科分庶令易見大科



○鈔無際有二下此摠認事理之種無際下
三解中隨義別分乃成異義問若即事同真
豈不濫於體大耶答此有二師所說不同

助正師云唯取能同事相絕於邊際名為無
際亦約事用意云前無際約成事之
體此無際約體空非用非取所

經二

五

同之理故不濫體二寂二師說此但當不靜
義非即真體一源方是體大今又助解此別
教三大許相即故若用中無體體中無用與
終頓何異故體大中亦有廣多無際之用也
問豈不相濫答為門不同亦無雜亂○鈔何

法往復下徵列也問何故唯徵往復而畧無
際耶答往復是法體無際義用今但徵體義
用自来或但要言詞穩便故○鈔今初迷法
界下具釋往復三對六義以前二對諸教少
說又去動屬迷來靜屬悟其二無差故先合

明起滅一對諸教多談而又起滅俱通迷悟
真妄其義有差故後別顯言迷者能迷法界
所迷能迷之體有其二說一云根本無明三
細六塵十重惑也一云所迷死無盡法界能
迷亦帝網之惑六趣者毘曇論六趣者名到

亦名爲道謂彼善惡業因道能運到其生趣處故名爲趣又趣者歸向之義謂所造業能歸向於彼天乃至地獄也言悟法界等者悟爲能悟法界所悟能悟之體亦有二說一云翻十重深滅異住生四位始覺爲能悟體一云所悟既無盡法界能悟亦是無障礙智不同起信之分齊也言復一心者即衆生之自心前法界之異名也就寂名法界就照名一心又一心有軟持名法一心有性分名界其體無異也○鈔皆法界用也者畧結二對也謂

如同教中准起信等說唯以出生世間出世間善因果爲用大則棟其惡深不棟本此別教一切染淨迷悟乃至六趣旋還披毛戴角皆法界用也故知同別之義亦天隔矣問此用大中有三義而第一義中亦有三對六義六及二無際等今唯明初二對之義文義未盡何故便有此結文耶答有二一云此中間結該初後故二云此上迷悟義已畧畢後不出此故畧結也○鈔迷則下此妄法起滅雖唯妄有生滅而妄滅由悟故屬雙約迷悟也然

真下約真說起滅也然字不盡之辭意言妄法無體可言生滅真則不爾有二義故故云然也問初隨緣中既有妄生滅言何故科中唯判屬真答雖有妄言對顯真故標中亦唯云真有二義故問既約真說生滅何屬雙迷悟答真生即悟真滅即迷亦雙之義也言隨緣者能隨即真所隨即染淨二緣也此有二義若同教義無性真如隨無明緣成十重染法即真滅妄生悟即及此若別教無障礙理隨緣成無盡染法即性起之義故所起染如

帝網重重此染緣起若淨緣起無障礙理起無障智滅帝網惑等此則真妄雖有生滅皆以不生為生不滅滅為滅皆法界用也問三對六義何唯起滅中明真隨緣餘二對不說耶答起滅既爾餘二亦然謂隨染緣起而真往六趣亦去動也隨淨緣起而真復一心亦來靜也但二對別說起滅通說為異耳○鈔二約不變下具足應云迷悟動靜生滅來往紛然真界湛若虛空體無生滅去來動靜謂此不變義非唯約生滅中說亦該前二對

鉅二

七

之中皆不變也○鈔此義在下體中者問此
明用大何故顯體義耶答有二一云真如有
隨緣不變二義今相對以立因便明之二云
理實隨緣不變二義俱是用大即二無際故
所依無障礙體方是體大若爾如何指在體

中答真如二義一隨緣義是違自順他與體
疎故不屬體二不變義是違他順自與體近
攝屬體也如唯識中識以了別為行相如不
變屬
用亦復用彼顯自性云識以了別為自性更如
體大問妄亦有體空成事二義何故不明

答理合具明今以真不變即妄體空真隨緣
即妄成事故影畧耳○鈔言無際下畧明無
際理實此中具八無際迷悟橫豎各二種故
今此唯二影取餘六謂迷中一義唯約豎論
廣多無際影取豎中絕際及二橫也若具作

者應云鈔中有一迷來無始即無初際二迷
無迷源豎無際既無有始豈得有終絕初後
際上二豎論若約橫說一迷心障翳廣無邊
際二橫尋迷心不在內外故亦絕際上四皆
迷若悟四者鈔中一云悟絕始終即無後際

此唯堅論絕際影取餘三若具作者應云二
豎論去來洞徹三際廣無初後上二約豎若
約橫者一橫說悟心通廓浩無邊際二橫尋
悟心不在內外故亦絕際問何故鈔冢行文
如此影畧答欲使學者虛已而求發生觀智

經二

八

故往復三對與二無際前後具闕下皆類此
其與夫尋文數字之流不可同日而語也○
鈔二唯約妄說等者問此中何以但釋無際
不解往復答六趣往復即唯約妄也易故不
言承上相傳於此皆說七十二往復謂六趣

相望舉一望六皆有往復則每一趣中亦十
二往復六趣總論具七十二種矣如人往人
趣復人趣往天趣復天趣等餘趣亦然又若
約妄心則緣彼境時為往緣此境時為復妄
念攀緣往復何限故下鈔云動即往復有去
來故問往復二字各有三訓何故雙約迷悟
中具配釋之唯約妄中全不說耶答應准知
故若具說者去來約處起滅約時上皆動亂
靜即體虛而隨緣真如亦隨妄起滅去來動
靜約不變則迷倒動靜起滅來往紛然真界

湛若虛空體無生滅去來動靜此義在下體
中○鈔過去無始未來無終者問如起信云
以從無始已來念念相續未曾離念故說無
始無明今言無始則可然妄有斷盡之時生
死有終又言無終何耶答畧有三義一約一
人則可終通一切則無終二若言有終以彼
定執長邪見故三此約妄為問故無終○鈔
中論云下即彼本際品文十藏品疏鈔釋云
初偈引教立理顯無始終次偈二句仍上遣
中以無始終可對待故二句遣先後共畧有

經二

九

三義謂有問言生死二法為先生後死後生
為生死一時一時名共今且惣非下偈出所
以云若使先有生後有老死者不老死有生
生不有老死若先有老死而後有生者是則
為無因不生有老死釋曰前偈破先生後死
生必因死今先有生則不因老死而有故云
不老死有生則亦令生無有老死先獨生故
後偈破先死後生生者是死因今死在前為
無因矣次破一時偈云生及於老死不得一
時共生時即有死是二俱無因釋曰以生不

因死死不因生故後結法空云若使初後共
 是皆不然者何故而戲論謂有生老死既言
 本際不可得亦不應定謂無始無終况有始
 終之見邪故證前妄无妄源豎無初際等也
 ○鈔是以遠公云者進成公傳云遠聞羅什

入關中即遣書通好云云什答書中有偈一章
 問其所解法云既已捨染樂心得苦攝否此奇
 若得不馳散深入實相否二句畢竟空中其
 心無所樂若悅禪智慧是法性無照虛誑
 等實無無非停心處奇仁者所住法幸願示

其要是以遠公復以書遣什并報此偈也然
 迷途非一致下更有四句云時無悟宗匠誰
 將握玄契來問尚悠悠相與朝暮歲今引
 此者有二意一寂照意云通證上四種無際
 初二句證妄無妄源約豎論絕際次二句證

橫說中妄念攀緣浩無邊際次二句橫尋妄
 心不在內外等後二句證豎論過去無始未
 來無終等以致字有本為世字故二玄鏡及
 助證等唯證妄心不在內外一義也謂雖有
 上下諸句唯以觸理自生滯一句為引證之

本文也餘句皆是兼來無勞異說後義為正
然上四種無際猶是惣相據實迷中往復皆
各具四以為八種也○鈔初義是惣下謂三
義對說約橫豎以分異也泛言橫豎而有二
義一約時處論橫豎如常可知二就法論橫
豎謂約彼此論也橫則彼此不相望豎則彼
此相望也今鈔中三義就法論橫豎也橫論
則三義不相望各具往復以鈔中三番消
釋往復無際一句也若各不具則釋文不備
故若約豎論彼此相望則惣別有異故初義

為總二三別也○鈔復本源者影取往流轉
故斯即靜義者影取妄中斯即動義此唯豎
論故六義中真妄各一生滅二義皆通真妄
故此不論○鈔故周易復卦云下雙引二卦
證其復字初復卦者彼疏云天地養萬物以
靜為心不為而物自為不生而物自生寂然
不動此天地之心也今引已證靜義泰卦豎
云天體在上此卦陽爻居下地體在下此卦
陰爻居上即天地氣相交而生萬物天體將
上地體將下故云無往不復今證無但迷往

第二

十一

而不悟復也然天地上下陰陽往復具十二

卦今當畧示正月為地天泰☱☷二月為雷天

大壯☳☱三月為澤天夬☱☵五月為天風邁☱☴

六月為天山遁☶☱七月為天地否☷☷八月為

風地觀☱☴九月為山地剝☶☱十月為純坤☷☷

十一月為地雷復☱☵謂陽已往而初復十一

二月為地澤臨☱☵又故云然往必復十二

如此也故以為證○鈔此一義下約橫論影

取前唯約妄中亦往復也○鈔故文殊下問

前唯約妄中不引經證往復義今返本中何

引證答前妄中往復易知故不證今返本中

意在勤修故廣引證言文殊初說雙行之行

者彼經云菩薩雖不捨生死而不為生死諸

過惡所染等釋曰此約生死涅槃也彼又有

六對雙行之行二有為無為三大小乘四空

有五相無相六願無願七生滅無生滅故名

說雙修之行次云下標徵釋結可知菩薩往

復之道義通諸位有以局配則非也言修空

無相無願者唯第七下鈔云三解脫門亦名三

三昧三昧即當體受名解脫即依他受稱此

三能通涅槃解脫故名爲門但是一法以行
因緣說有三種觀諸法空名空門空中不取
相轉名無相於無相中無所願求轉名無願
等如智論說應度者有三種故一見多者爲
說空門二愛多者爲說無作門三愛見等者

第二

十二

爲說無相門也言三種覺觀心者有二解一
云是三解脫所對治故言覺觀者疏主云覺
觀舊名新譯爲尋伺唯識云尋謂尋求令心
忽遽於意言境細轉爲性皆以思慧爲體即覺

麤觀細也今三皆空無故斷覺觀也一云准瑜
伽第十一云以不淨治欲以慈治恚以悲治
害如是對治三種惡覺觀故即能治非三解
脫也○鈔皆上句自利者問初義云觀諸衆
生心之所樂應是利他何言自利答有二一

雖觀於他成自觀行故二云以少從多故言
往涅槃故者涅槃豈有方所以已求諸義言
往耳生死無始在中對前往故名復○鈔雖
往復下問正明復義何故上說往復鈔中答
也影取妄中雖有往復總爲妄往流轉矣問

前散訓字義中往復各有三訓今屬法中何以全不言耶答可以意得故若具說者應云去來約處起滅約時上皆動也靜即上皆相待寂故而隨緣真如亦隨悟心去來起滅動靜約不變則悟心動靜去來起滅紛然真界

鉅三

十三

湛若虛空體無動靜去來起滅此義在下體中○鈔此中無際下唯畧顯總二義影取橫豎若具作者一菩薩行海窮劫行豎論無際隨一一行遍塵方修橫說無際上二廣多無際二二稱真即前二無際皆稱真故名絕際

無際自利利他又各四種亦具八也○鈔對上三義等者問釋體要對用三義釋相大何不對耶答體用相翻義可爾故疏之文勢理亦通故相大不然○鈔所迷真性下影取所悟真性言一源莫二者離世間品疏云隨客塵去而莫歸見本往則還源返本有還有去皆是起心還去兩亡寂然不起則諸善失壞不起則出離蓋纏觸境寂知方真真體○鈔動即往復有去來故者此證影顯前用大唯妄中有往復三對義故言靜即體虛下謂

往必對後來必對去既相待立故知體虛無
自性也應知動即前隨緣義靜即前不變義
所依無障得體方是一源也○鈔不釋動下即
肇公物不遷論注釋者捨離也此則成事與
體空一相不相捨離也則動靜名殊下方歸

體大○鈔自利靜也亡心遺照定慧兼修故
利他動也者涉有化生拖泥帶水故又前十
對之中以自利為往利他為復而前總配中
以往配動以復配靜今不爾者約對往涅槃
為靜復生死為動故也又前約用大生死無

永樂北藏

華嚴懸談會玄記

始在中故涅槃云往生死云復今約體大衆
生本具故涅槃云復生死云往化而無化者
影修而無修不失一源下歸體也問何故對
上用大三我釋於體耶答此中意欲攝用歸
體謂初攝迷悟動靜之用次攝唯迷動靜之

用後攝唯悟動靜之用同歸一源體也○鈔

若對上二種無際下總就事法明廣多無際

具十二種別約一一事皆有分齊謂前雙約

悟各具橫豎二種成四唯約妄中往復各具
橫豎二種為四種返本還源自利利他各具
總為一二種也而各即事同真際即無際

第一八三册

亦有十二種三義橫又前散訓畧釋中總明
 二種即依總開別今此二種即攝別歸總總
 別合論有五十二無際也○鈔動靜無碍下
 明混無碍障方顯一源之體意融二無際義
 為一源故言際與無際者謂前事理二種各
 各有際及與二種無際亦相待而立既無定
 異方顯一源之體也○鈔清淨法界杳杳冥
 冥者即性淨無碍理以為能含之體如金
 含器故恒沙二字釋衆字性德下釋妙字上
 雖舉能含之體意在所含之相又或帶因以

明也相依乎性下釋有餘二字問如言常德
 其體皆常何所不遍而言有餘答性德無外
 無德非體今別舉其德顯體有餘問真體為
 是常德否若不是常德何稱無外既非無外
 望相德何名有餘答相離體無故無德而非
 體故稱無外相經二恒沙各具隨名數異故體
 有餘若爾體若是一何非有名之數如其多
 法為難亦爾答真理寂寥不墮諸數設說為
 一為欲破數強曰一源如法句經一亦不為
 一為欲破諸數等○鈔恢恢焉下借莊子養

生篇文具云庖丁爲文慧君梁惠王也解牛彼節者有間而刀刃者無厚以無厚入有間恢恢焉其於遊刃必有餘地是以十九年而刃若新發於硯○鈔阿僧祇品等者上能所舍猶帶因以明此正約宗以證故釋所以中還帶

因論故云毛約稱性等兼前總涉三義初由理事無碍故得事事無碍此復約法性融通以釋所以即別教因也然此等三句含於同別故作此釋也問准前段則體大甚深相大則有名之數有名之數不遍無外之體何名

衆妙稱大耶答常樂等即是大義而不妨名相各異顯體有餘雖稱體無涯而名相分齊各異故云衆妙○鈔然此畧有二義下文外別明相之同別體用准知謂無障礙理爲別教體大無性真如爲同教體大全法界真妄爲別教用大世出世善爲同教用大言本自具足者揀非業用故○鈔亦老子意者前則衆妙二字意自佛教相大恒沙功德不爲佛教意亦老子前則義意此則文意又前引內教證此引外教證故云亦也或可有餘是道

教文意衆妙亦道教之文故云亦也道可道
下因具引章釋曰下具釋彼意言以一真法
界爲玄妙者問准下別嘆能詮中說於一真
法界義分心境境中大方廣即是三大何故
今以一真法界而爲體耶答以全總法界作

釋二

六

體大故謂彼以義門階降此據法體不分故
不相違也依此總門或可全作相作用等思
之○鈔融則三一互收者問三中舉一攝二
應去一二互收今何爾耶答別得總名故亦
猶七處中菩提場遍餘六處下鈔云晉光初

利等七處皆有菩提場亦是餘六別得總名
故彼既得爾此亦應然故綱要云體相用三
非異猶一寶珠寶珠之體圓滿之相鑑照之
用三無離理舉一全收○鈔云何超下具微
釋一句義也而但云超者從文便當畧而言
也○鈔並皆超之故云迥出者顯超迥二字
唯一重釋也鈔何者下釋融拂相也融存拂
泯既莫能羈豈言象之能到其法故云迥出
即以迥出二字釋其超字然所以超者有三
義故一於人超權教菩薩及凡小故二於心

非三慧及報生智之境故三顯法體佛菩薩亦不思議故○鈔又借斯下顯超及迥出作二重釋謂前超唯超言思今又迥出上超言思也故經云下上句證超言思下句證迥出言况言相本絕下進顯一義謂前遣猶帶詮

鉅二

七

明况言相本寂何待遣之故云亡絕亦亡斯則下約相待門遣拂前但直遣故不重繁但可清耳虛襟自真契矣○鈔具上諸德獨在法界者問上迷法界而往六趣等豈法界德耶荅約具德門無法非德今既融拂無碍全

稱法界何非德耶雖悟法界而情謂不忘何名德耶○鈔初句從本起末者此有二說一云依無際理體為本起往復之事為末一云此句疏中但有其末非謂無際是理問既無其理何言依本起末耶荅豈不前云言意多含也言不動實際建立諸法及不懷假名而說實相此四句即大品及智論等文也各一句本一句末思之可見然此本末不同前三大釋但以理事為本末也第三句能含為本所含為末第四一句融拂理事或生佛性相生

死涅槃等唯上釋之○鈔末後結屬通四義
焉者若通具上四即同教意若取法界普融
四句隨舉一句即攝四句者亦別教意文意
雙含故○鈔法界願別中言第三無障礙法
界者即事理無碍法界言屬上三法界者以

上三法界融拂自在歸總無障碍法界也上
屬四法界五法界准此可知○鈔往復與動
下綱要云有爲即事法界無爲即理法界依
理成事事能顯理即亦有爲亦無爲法界真
理奪事事能隱理名非有爲非無爲法界此

二由上事理無碍法界而生言含衆妙而有
餘即無障碍法界者即事事無碍法界亦由
事事無碍故總融上四爲斯一界混然不亂
重重無盡此猶歸別門名事事無碍法界不
同下所歸無障碍法界無得相濫今約圓融

雖三

六八

門故非普攝門也然法界二字義含多類故
上四句配釋種類不同故疏主下云然法含
持軌界有多義梁論十五云欲顯法身含法
界五義故轉名法界一性義以二無我爲性
一切衆生不過此性故二因義一切聖人四

念處法緣此生故三藏義一切虛妄法所隱

覆故非凡夫一乘所能緣故四真實義過世開法

以世間法或自然壞或對治壞離此二壞故五甚

深義若與此相應自性成淨善故若外不相應自性成故故上五

義皆理法界復有持義族義及分齊義然持曲有

三一持自體相二持諸法差別三持自種類

不相雜亂與法義同族者種族即十八界上

二並通事理分齊者緣起事法不相雜故於

中性通依主持業因唯依主後六唯業疏文下

今事法界并有為法界皆分齊義并持諸法

差別與持自種義及無為法界皆性等五義

及持自體義種族中意識所知名為法界攝

十六法謂受想行蘊及五種色謂極界色極

色遍計所起色并八無為謂六無為中開真

定自在所生色第二言無為法有八種謂善法真如不二法

真如無記法真如虛空擇滅非擇滅不動及

受想今取所知八無為為無為法界義唯取

真如無為為理法界義其理事無碍法界并

兩亦雙非法界皆通上義而無碍也其無障

碍法界以性義融餘義故皆無障碍由法界

具如是義故所以種類不同也其配五法界

下疏具云隨義別顯畧有五門一有為法界
 有二一本識能持諸法種子名為法界如論
 云無始時來界等此約因義而其界體不約
 法身二三世之法差別邊際名為法界不思
 義品云一切諸佛知過去一切法界悉無有
 餘等此即分齊之義二無為法界亦二一性
 淨門在凡位中性恒淨故真空一味無差別
 故二離垢門謂對治方顯淨故隨行淺深分
 十種故三亦有為亦無為法界有二一隨相
 門謂受想行蘊及五種色并八無為此十六

法唯意所知十八界中名為法界二無碍門
 謂一心法具含二門一心真如門二心生滅
 門雖有二門皆各摠攝一切諸法然其二位
 恒不雜亂其猶攝水之波非靜攝波之水非
 動故第四回向云於有為界示無為法而不
 滅壞有為之相於無為界示有為法而不分
 別無為之性此明事理無碍今鈔唯無碍門四非有
 為非無為有二刑奪門謂緣無不理之緣故
 非有為理無不緣之理故非無為法體平等
 刑奪雙泯此門今鈔唯二無寄門謂此法界離相

離性故非此二又非二諸故又非二名言所
能至故是故俱非形奪門要二相假無寄門則當法自離故不同也
五無障礙法界二一普攝門謂於上四門隨
一即攝餘一切故是故善財或觀山海或見
堂宇皆入法界二圓融門謂以理融事故令

非二

字

事無分齊微塵非小能容十刹刹海非大潛
入一塵也以事顯理故令理非無分謂一多
無礙或云一法界或云諸法界然由一非一
故即諸諸非諸故即一乃至無盡上五門十
義恐學者要知故筆於此也○第四總彰五

意者前三番別消疏文此一番總出初立法
界之意言先叙如來為物應生者如梵天請
問疏云如來大悲隨機攝誘兼齊十惡非直
五乘所以化創憍陳道終須跋是也言先小
後大者彼疏又云或談權道之三乘乃分羊

鹿之殊駕或論究竟之一實復合白牛之同
體是也言或無像現像者如上生疏序云原
夫性質杳冥超蹄象而含攝覺體玄妙絕視
聽而融貫方智雲於穀月察神理而猶迷假
慧刃於業筠揆靈機而不惻乃至然後俯提

十地踈海月於寶方下控三乘挺山儀於垢惑等是也言無言示言者如唯識疏序云無

言之言風警翰遂彩而月懸等是也上並依集六記

中引○鈔荅云以是此經之所宗故者此經

正宗法界故言入是諸經通體故者如攝論

經二

三十一

云多聞熏習從最清淨法界所流等釋論云

所流者證說證法謂十二部經疏主下云佛

證體智證最清淨法界而於後得安立教法

名為所流故知十二部經皆從法界流出故

是諸經通體也又是諸法之通依故是即依

理成事故所以根本法界與一切事法為通

依也言一切衆生迷悟本故者以真如法界

為迷悟依故一切諸佛所證窮故者以未證

無礙法界未證窮故諸菩薩行自此生故者

不悟法界行非真流但名假名菩薩爾初成

頌說等者不離菩提樹頰彰七處九會等既

非權漸之教故先叙法界也故云不同餘經

有漸次故言最後一意正荅初問者以上問

何不先叙為物應生先小後大等故今正荅

由頌說故非叙漸次也而前諸意共成後意

者恐有問云初成頌說故不同餘經此則聞命矣何不別叙餘法而便叙法界耶答云以此法界此經宗故所以頌說又法界是諸經通體故所以頌說乃至諸菩薩行自此生故所以頌說問若爾何不先答後意耶答欲以前六意成於第七意故正意答之於後也

華嚴懸談會玄記卷第二

永樂北藏

華嚴懸談會玄記

第一八三册

華嚴懸談會玄記卷第三

鉅三

蒼山再光寺比丘 普瑞 集

疏剖裂玄微昭廓心境者玄微與心境即所詮之義剖裂與昭廓即能詮之經鈔外畧申三解一棟偏顯圓釋二上通下總釋三迎前帶後釋

鉅三

初者如五教相望小教詮生空等雖曰玄微望始教二空則為淺近也如次終教理事無礙頓教絕待真理雖曰玄微望華嚴經皆淺近也故獨此經得剖裂玄微之稱言昭廓心境者小乘心外有境始教雖攝境唯心猶存八識終頓雖

明真心然猶未得心境無礙一即一切故獨此經昭廓心境二上通下總釋者上句通指上法界宗體剖裂在於經中下句總廓心境收一切法故鈔云因果萬法心境普收三迎前帶後釋者以今玄微心境即上法界宗體必迎前所詮自此能詮又剖裂昭廓雖是能詮若不帶後說主是誰剖等○鈔故難思義者以上所詮難思議故能詮亦難思議也謂以雖昭廓而言無在而昭廓等不可作言與無言之思議也○鈔謂於無障礙法界者然此法界非界非非界非

法非非法無名相中強為立名名為無障礙
 法界問上云玄微即前法界多義今剖玄微
 為心境何獨剖無障礙法界耶答上雖有多
 義法界皆不離無障礙法界約能歸有多所
 歸唯一故○鈔一真法界者未分理事等殊

絕待曰一非妄曰真問上云無障礙今云一
 真有何異耶答無異也約離過義名為一真
 約具德義名無障礙體即一也體絕對待本
 無內心外境一理多事等殊為引生悟入義
 分心境為趣入之門也○鈔故下裕公云者

下宗趣疏中引即靈裕法師也彼謂法界門中義分為心
 境諸佛證之以成淨土法界即是一心諸佛
 證之以成法身等此但證義分心境非證能
 所證也從則二皆所證下是鈔出彼意也問
 上立義以心為能證境為所證今引證如何

經三

二

却以心為所證耶答心有王所不同若總望
 境為言則王所皆名心故得為能證若約人
 運智則王所別明故心為所證心中智為
 能證也故諸佛語其總體尅性唯智能證心
 境皆為所證此所證唯在果○鈔所證之境

下却以心為能證也能所證通因果故以佛華嚴為能證也○鈔文中廣說者既配一題此即經字准此則亦剖裂於心境及前法界多義也○鈔若凡等者地前為凡地上為聖等覺已下為因妙覺為異此等心境廣明故

○鈔出現品下以佛果心境例餘心境也佛境者經云云何知應正等覺境界佛子菩薩摩訶薩以無障無礙智慧知一切世界境界是如來境界一一切三世境界二一切刹土三一切法四一切眾生五真如無差別六法

界無障礙七實際無邊八虛空無量九無境界之境界是如來境界十一切世間境界無量如來境界亦無量乃至無境界無量又云應知如來智海無量從初發心修菩薩行皆佛境界應如是知疏云正顯分齊之境兼

經三

三

辨所緣之境分齊即因果理智凡聖有無等即無分齊之分齊境所緣則齊佛所知二義相成皆難思之境界夫如來心者出現亦云如來心意識俱不可得但應以智無量故知如來心譬虛空為一切物所依而虛空無所依

如來智慧亦復如是爲一切世間出世間智
所依而如來智無所依等總有十相如經○
鈔諸位心境例此可知者如三四五會明內
九三賢心境第六一會明十地菩薩心境第
七會初六品明等覺心境廣如經說下皆准
此○鈔如云欲知下亦以觀佛心例餘也此
偈即出現品如來心也長行如次上所引疏
云諸乘之智依佛智生而佛智果滿更不依
他問豈不依心及依理耶答此中王所無二
故無智外如故然此中言令觀佛心者如何

觀耶鈔主云欲言其有同如絕相欲言其無
幽靈不竭欲言其深萬累斯亡欲言其淨不
斷性惡欲言其一包含無外欲言其異一味
難分欲謂之情無殊色性欲謂無情無幽不
徹口欲談而詞喪心將緣而慮亡亦由果分
不可說故是知佛心即有即無即事即理即
王即所即一即多心中非有意亦非不有意
意中非有心亦非不有心王中非有數亦非
不有數數非依於王亦非不依王一皆示
圓融無礙即觀佛心義也○鈔又云若有下

出現品偈後空心境中亦引當具釋之疏云
初二句總以喻顯後二句約法別顯別顯一
離妄取如彼淨空無雲翳故斯則真止二離
境無滯如彼淨空無障礙故斯即真觀此觀
不作意以照境則所照無涯此止體性離而

三

四

息妄故諸取皆寂若斯則不拂不瑩而自淨
矣無淨之淨則闇蹈佛境此為心要後學思
行既遠離妄想空能觀之心及空所取之境
令心所向皆得無礙○鈔又云若有欲得下
十地品文疏云勸修利益初句所求次句空

妄心也次句不許斷常通達平等空妄境也
亦無平等之念以遠離微細念故能如是修
疾作人天大導師也○鈔云何張小下意云
心境不互全收皆名為小心境互收張小使
大也故下經云者即回向品文疏中自有三

釋一約如體性空故如外無智等二如智一
味同一真體安得智外更有如耶三事事無
礙舉一全收佛智稱真收法界盡差別事法
皆隨所依理在佛智中况所證如寧在智外
評曰第一義順前心境空義次義即下終教

中所引義今正用第三義故證如智相收也
 ○鈔真心真境下通難也此牒難辭然此難
 與答真妄影畧問准答妄具難應云真心真
 意本自無涯無可張小妄心妄境本自局小
 如何使大答中應云真體雖爾若非經說無
 由得知妄三隨情局經說即貞名張小使大也
 ○鈔經云下問明品文疏云上句總標體深
 次句分量廣大故佛地論引經釋云諸佛境
 界唯除虛空無能為喻下二句云一切眾生
 入而實無所入○鈔又云下法界品文疏釋

云即二十一種功德中於所知一向無量轉
 功德也謂佛無障礙智於一切事品類差別
 無着無礙故今唯取其如空廣大之義下句
 云其心本來常清淨○鈔知妄本自真下須
 彌偈讚品文疏鈔云遍計所執理本是無今
 既知妄本真則見依圓名見佛清淨也○鈔
 如心佛下晉經夜摩偈讚文也下釋云心為
 總體悟之名佛成淨緣起迷作衆生成染緣
 起雖有染淨心體不殊然上三各有二義總
 心二者一染二淨佛二義者一應根隨染二

平等違染衆生二者一隨流皆佛二機熟感佛各以初義成順流無差各以後義爲返流無差上約橫論若約一人心爲總相佛即本覺衆生即不覺無差可知○鈔皆張妄心者影取妄境故以上文中亦有妄境即真之義

也或云此約唯心門境三離心故○鈔因果萬法等者問經中昭廓無邊之法何以但言心境故此答也如或有別說不同則隨二事皆有張廓也准此則前三義別說因果萬法亦然○疏窮理盡性徹果該因者大意如鈔

今鈔列別伸二解一望前總別解二望後揀餘解初者科云別顯深廣者由上總明能詮剖裂玄微昭廓心境然未知玄微心境窮理盡性徹果該因否故此別顯前總中玄微等理無不窮性無不盡果無不徹因無不該故

鉅三

六

云爾也二望後揀餘者對下結法所屬唯華嚴有窮理盡性等反顯餘經於理未窮於性未盡於果未徹於因未該也如法華等尚於事事無礙理趣未窮况餘權教耶又餘經雖明佛性未顯法界性雖明三身之果未徹十

身滿果又徹果唯屬果未能屬因故又雖該因未徹五周圓融之因又該因唯屬因不能屬果故並非深廣以揀之也○鈔理謂理趣道理等者理性各二義釋然理雖通真理今對性字故唯唯同事理二訓然理趣則義有所歸道理則但可詮顯如言

火但詮顯火而非水等名道理若言要火本欲成食溫身等名理趣餘則例然今皆窮極故云窮理性二訓約法約心分二義也如在有情數中名佛性在無情性中名法性之類也其體是一然下疏云法性者法謂差別依正等法性即彼法

所依體性即法之性故名法性又性以不變為性即此可軌亦名法性此則性即是法故名法性此二並不變釋一切法各無性故名為法性即隨緣之性法即性也鈔釋云法性三義前之二義雖依主持業不同然皆與法

卽三

七

不得相即以不變之性非妄法故第三隨緣與法不離不即不離方為真性評曰今通此三故約深也二心性者若與妄心為體故云心性即心之性若與真心為體心即性故依主持業二釋如次上之二性今經皆盡故云

盡性也○鈔昔者聖人作易下彼疏云昔者聖人之畫卦作易也本意將此易卦以順從天地生成萬物性命之理也○鈔注云者即韓康伯注也言生之極等者有本以極字皆是傳寫誤耳准易注皆極字彼疏釋云命者

人之稟受有定分從生至終有長短之極故云命者生之極也此所賦命乃自然之至理故窮理則盡其極也○鈔即以能字下鈔主釋也言取意即別者即上二理二性也○鈔言徹果該因等者一段鈔文准指玄畧為科排分下

永樂北藏

華嚴懸談會玄記

○鈔言徹究五周之果者一所以信因果

品後二
 品是二
 之六品
 等三品
 七品
 八品
 相初明
 明佛果
 修因
 二差別因果
 從第二
 已前是也
 謂第七會
 中前
 三平等因果
 四成行因果
 五證入因果
 言六位之因者即

初含四字通深廣義二
 後支字唯局深義然

初釋廣
 後釋深若

初證釋成二
 初辯其廣實難經上

初畧標二義言

後廣釋二義一
 後重科揀二

後釋其深
 後釋其廣實難經上

第一八三册

第二會十信第三十住第四十行第五十向第六十地第七等覺○鈔若云因該果海等者釋深義初發心時便成正覺即梵行品意具如下引言雖得佛道不捨因門者法界品意位後普賢故齊照云文殊雖已果滿反為佛子證果徹因源也

鉅三

迦葉上位菩薩却禮初心

因徹果也以涅槃中彼說偈云發心畢竟

二無別如是二心初心難自未得度生度他是故敬禮而發心等是也

○鈔上約

廣義等者指玄云上字緣文隔越指前廣義名上今字無隔指上深義名今言以因徹彼果故者徹字誤書應是該字上釋徹果此解該因故

或是行文影畧互顯不錯無妨○鈔而其能詮者釋妨也問既深義約所詮者如何科云別歎能詮故云爾也○鈔然因該果海下顯用文字以上句用易即全用其文而不取其意下句用古人之言然欲含其深廣故畧彼四字也○疏汪洋等二句既結且歎上句別歎深廣下句總歎深廣雖廣大悉備合當廣義然約深廣皆悉備談故云爾也謂上句四字即為四句汪洋即是深廣非廣冲即非深非廣冲者中也以雙遮顯中故融即亦深亦廣下

句即四句皆備也○鈔冲亦深也者以雙非故深言中也者唯道教則道體離天地之二邊故中今以離理事二邊故中也和者唯唯道教釋也○鈔老子云者即彼道冲章第四中文也彼注云道出冲和之氣而用生成萬

鉅三

九

物有生成之功而不盈滿云或似者於道不敢正言彼疏云冲虛也謂道以冲虛爲用也○鈔融者融通下無不融通謂之廣難窮源底謂之深○鈔故肇公云下即涅槃無名論意也意云汪哉甚深洋哉甚廣四生九類何

永樂北藏

華嚴懸談會玄記

有不由此本性清淨之涅槃也○鈔八師經者梵志此云淨行言間句者檢本即耶句或是別譯但梵音輕重耳彼經次云巍巍堂堂猶星中月神智妙達衆聖中王諸天所不及黎民所不聞願開盲瞶釋其愚癡所事何師以致斯尊天尊答曰快哉斯問發開大行吾前世師其名難數吾今自然神曜得道非有師也然師有八謂一殺二盜三媾四妄五酒六老七病八死吾見此八事多諸過患因而修道離苦獲安故曰八師釋曰前五即戒防

第一八三册

非故無六道之業斷集也發善故為出世之
 因修道也後三由見苦果即知苦也以斯成
 道即證滅也今但取其汪洋之言所出耳○
 鈔亦如冲和等者上唯引文所出此下方配
 釋經謂所如即冲和之氣用生成萬物無有

盈滿能如之經即出生無盡義理無有盈滿
 時也問上引三文證其汪洋冲之三字何故
 唯約老子配釋答雖引三文餘二文約法顯
 其深廣故不須配唯老子冲字對此是喻故
 須配釋也○鈔融通下出上融字深廣之相

也上句廣下句深故○鈔兼三才者說卦云
 立天之道曰陰與陽立地之道曰剛與柔立
 人之道曰仁與義兼三才而兩之故易六畫
 而成卦也彼疏云八卦小成但有三畫於三
 才之道陰陽所以重三為六立天之道有二

經三

十

種之氣曰成物之陰於施生之陽立地之道
 有二種之形曰順承之柔於持載之剛天地
 既立人生其間立人之道有二種之性曰愛
 惠之仁與割斷之義也○鈔強配之者明非
 正義遮後人之妄解也○鈔九會玄文下有

二意一云只現行經權小不測故難思深廣故稱海也二云無盡時會之大經名難思教海於現行八十卷中可見難思之經如觀牖隙見無盡空故○鈔說真妄等下通人及法上句人下句法也○鈔法華佛知見一義者

即問明品文殊答九首菩薩問佛境界之知偈也偈云非識所能識亦非心境界其性本清淨開示諸群生疏鈔云了別非真知了見心性亦非真知故云非識此遺學南宗失意之病意謂真知唯無念方見故警起亦非真

知起心看心令心不起亦是妄想故云非心境界此遺學比宗失意之病是以真知必忘心遺照言思道斷矣心體離念即非有念可離故云本性清淨衆生等有感騎不知故佛開示皆令悟入謂開除惑障顯示真理令悟

經三

十一

體空證入心體即法華一經不離開示悟入佛之知見也○鈔一章必盡其體用者即出現品出現涅槃一章有其十相一體性真常二德用圓備三出沒常湛四虧盈不遷五示滅常存六隨緣起盡七存亡互現八大用無

涯九體離二邊十結歸無住此一章必盡涅槃經圓淨性淨之體及方便淨應化之用也
 ○鈔三天偈文者謂般若多明性空切利夜摩堯率各十方來集菩薩說偈讚佛多明性空義也以般若為慧此讚佛知故同也○鈔

一大藏教等者蓋別說難盡故總收之以藏教雖廣皆此所流末不離本又一部之經亦不離本題故謂有人有法有體有用有因果有喻有法攝義無邊故也是謂下約佛及性相以結歎也上約收教此約收宗故云廣

大悉備者矣○疏故我世尊等者故字躡前能所詮而起我者疏主自稱寄居傳云西域南海稱我不是慢詞設令道汝亦非輕稱但欲別其彼此故不並神州將為鄙惡若其嫌者改我為今上會解意疾照則云我

者尊仰之稱如言我國家等即他邦君王非我國主天魔外道非我所尊後意言世尊者目遮那也此有三釋若順常途具上九號為世所尊故曰世尊若順下經即菩提身具無邊德為世所尊或亦可世即三

世間佛為尊故言十身初滿正覺始成者以經中釋初成正覺之相別有十德疏主以配十身一三業普周此即鈔所引經是也二威勢超勝三福德深廣四隨意受生五相好周圓六願身演法七化身自在八法身

經三

主

彌綸九智身窮性相之源十力持身持自他依正若順經義應云始成正覺十身初滿今順文之平仄故倒舉也問既云始成何故下經云我見釋迦成道已經不可思議劫吞舊佛新成新佛舊成故况念劫圓

融初後一際者哉○鈔該下二段者即此說主難思兼下說儀周普二文之中前具四身後有六身十身具矣今疏初句約菩提身上總標十身下二段別釋十身則始成正覺一句別為菩提身之相也總中有

別故○鈔此下當列遠則依主中列近則次二段文中列也○鈔經云下妙嚴文也此即三業普周之文而言等等者等餘九身經文也經次文云譬如虛空具含眾象於諸境界無所分別又如虛空普徧一切於諸

國土平等隨入上即喻三業也身恒徧坐一切道場

菩薩衆中威光赫奕如日輪出照明世界成即

勢身起勝也乃至云三世諸佛所有神變於光明

中靡不咸覩一切諸佛不思議劫所有莊嚴

悉令顯現即第十力持身持自他依正也故知等字等如是

經方是十身初滿之相故鈔斷云是初滿也

問鈔中何不具引以釋十身初滿之義吞鈔

見後二段之中顯其九身之義故不必具引

重釋也但引菩提身以釋始成正覺一句也

言別語菩提之身者以對初句為別故言以

是總故者出所以也問既是十身初滿何故

別說此身故此吞也謂要成正覺餘之九身

方圓滿故言始覺下但終教義言下當廣釋

者三業普周之文本廣釋今當粗引疏云

具無盡德為世所尊釋世尊也座相現時釋兩身

即安處經云其師于座高廣嚴好摩尼為臺

莊嚴而作要塔乃至廣說又智處諸法無前

後故此上釋處于言於一切法者示所覺境即

二諦三諦無盡法也成最正覺者示能覺智

開悟稱覺離倒曰正至極名最獲得名成此

當相解若棟別者一對凡名覺對小名正對
因名最對滿名成二對凡曰覺對外道曰正
對小曰最對因曰成我佛獨具故云成最正
覺言智入下一意業也即二智三智四智無
障礙智二智者一如量達俗名入三世二如

理達真名悉平等言三智者一俗智覺三世
二真智覺平等三中道智覺三世平等言四
智者四智通緣三世境故並入三世言悉皆
平等者鏡智離分別故依持平等現行功德
之依種子功德之持故平等性智自他平等

妙觀察智觀一切法自相其相平等成所作
智普利平等四智圓融無二性故修生本有
非一異故不夫經宗其身下二身業也以是
十身之總故此其身之言通於三身十身充
滿三世間故並是圓遍非分遍也謂一一刹

三

四

土一一塵等佛皆圓遍非分遍也總看亦現
別看亦現其音下三語業也一順異類音經
云一切衆生語言海一言演說盡無餘二順
所宜如來於一語言中演說無邊契經海三
順遍佛以一妙音周聞十方國又圭峯華嚴

綸貫中云智入三世平等充滿一切世間普
 順十方國土其身入三世平等充滿一切世
 間普順十方國土其音入三世平等充滿一
 切世間普順十方國土經各舉一邊互影畧
 故言正覺始成者則有五教不同小乘三十
 四心斷結五分法身初圓名始成正覺是實
 非化大乘之中約化八相示成約報十地行
 滿四智創圓名曰始成正覺據實即今古情
 亡心無初相名之曰始無念而照目之曰正
 見心常住稱之為覺始本不二名之曰成約

頓則法身自覺聖智無成無不成若依此經
 以十佛法界之身雲遍因陀羅網無盡之時
 處念念初初為物而現具足主伴攝三世間
 此初即無量劫之初無際之初一成一切成
 無成無不成一覺一切覺言窮慮絕不壞假
無覺無不覺
 名故云正覺始成也釋曰前二成事次一事
 同理成次一唯理後一皆無碍也○疏乘願
 行以彌綸者應先問云果滿十身由何致耶
 改此答也願以希求為義欲勝解信三法為
 體即四弘誓願等也行即六度萬行無盡之

因行也言彌綸者雙彰願行果用普周之狀
意云昔願行既普周法界故佛身則徧刹利
生也○鈔即是願身者然願不是身是願之
身依士釋也問乘因有二何獨以願立身答
行由願立從其本故但是願身十身之中不

立行身者義亦同此○鈔易與天地準者彼
疏云準者準擬如乾健以法天坤順以法地
之類也彌者彌縫補合綸謂經綸牽引能補
合牽引天地之道也今則取其包徧之義可
知○疏混虛空為體性者因上願行彌綸故

永樂北藏

華嚴懸談會玄記

得佛身同空包遍下說虛空有四義同於佛
身一含攝義二無分別義三普遍義四遍入
義出現品身業第二喻云譬如虛空寬廣非
色而能顯現一切諸色而彼虛空無有分別
亦無戲論合中云如來身亦復如是一切衆

生諸善根業皆得成就即含攝義而如來身無有
分別即第二義又云譬如虛空徧至一切色非色
處非至非不至如來身亦復如是徧至一切
法一切國土等即普徧義亦非至非不至即平等徧入義
若約法喻說即法性身若唯約法說即虛空

第一八三册

身如鈔所明○鈔亦有二義者初義鈔亦有
二一故下經云下約諸法本空故云混虛空
即是性空之義也此性空即法身疏中虛空
即體性也二又云下約喻以明即虛空之體
性也法身離垢清淨故以虛空為喻也上即

經三

六

理空此即事空俱目法性身也二者約外空
下唯約事空為虛空身亦虛空即體性也下
八地疏鈔云虛空不可見今世人見者但見
空一顯色成實論及涅槃經說虛空唯一不
可眼見世人見者但見空中光明之色想心

於中知無實物作虛空解便謂見空其實不
見又下經云知虛空身無量相周徧相無形
相無異相無邊相顯現色身相今混此六相
為佛體性也○疏富有萬德蕩無纖塵者孟
子云富有天下繫辭云富有之謂大業今遮
那富有法界無盡之德可謂大業也萬德據
法纖塵約喻又萬德據總數以彰無盡纖塵
約微細以例塵感乃文之巧妙也○鈔故下
經云下即法界品末一偈假設四喻以讚佛
德也○鈔塵沙無明等者謂無明之數廣有

塵而沙皆有種子現及行習氣三也然習有二一業習如阿難迦葉二者煩惱習如迦留陀夷有貪習身子有嗔習周利盤特有癡習畢陵伽婆蹉有慢習等今佛位中三皆斷盡故○鈔總即二障等者問塵沙無明與二障

罪三

十七

何別答此有二義一云塵沙無明即別以所障非一能障亦多不唯二障故言二障者即總束也其中障善提者皆為所知障涅槃者皆為煩惱故云總也二云塵沙是總約大數故通二障也所障不同分二障別今約初義

○鈔細中之細等者用起信文勢釋前習氣塵細之異起信則約六染以成四句一塵中之塵凡夫境界謂六深中執相應染是內凡三賢所覺境故二塵中之細謂不斷相應染及分別智相應染三細中之塵謂能現能見二不相應染也菩薩境界十地已還菩薩所知境也四細

中之細是佛境界根本業不相應染唯佛能了故今此三種分四句者種子一義獨得二句謂望現行是簾中之細望習氣即細中之簾餘二各當一句故云等字可知○鈔若總配三德等者問智斷恩與般若等三德何別答智斷恩唯果

德般若等通性德也問下斷德可當法身今何二句皆福德身耶答若三德別配三身則爾今約三皆名德即福德身也問既上下諸句皆是別德應皆是福德身答雖皆是德然約別義配於餘身等但以總句為福德身也


問萬德為總以含諸德何要解脫法身配上下句答就文顯故○疏湛智海之澄波虛舍萬像者科云所依定即海印三昧也三昧此云等持平等持心趣一境故若言定者謂心一境性今云三昧科云定者疏主云然三昧

為定雖非敵對由平等持心至一境故義自相順故畧云定義如鈔釋○鈔今初說經所依三昧等者一段鈔文前後廣畧

口科分二

一

二



後正消疏文此然

後疊箱

後約法

後證應案

爾時世尊四眾圍繞供養恭敬尊重讚歎為

諸菩薩○鈔無量義處三昧者彼經云說大
乘經名無量義教菩薩法佛所護念說此經
紀跏趺坐入於無量義處三昧身心不動等
玄贊云觀無相理定名無量義處三昧處謂
處所無量義者是教所詮眾義因真理故說

永樂北藏

華嚴懸談會玄記

第一八三册

真理名處言依等持王三昧者彼經云爾時
世尊於獅子座上自敷尼師壇結跏趺坐端
身正願住對面念入等持王妙三摩地諸三
摩地皆攝入此三摩地中是所流故貞元疏
云大智度論說一切三昧皆入此中故名為
王體即如如如鉅三本寤真智契此故名三昧
言說涅槃等者彼經第三十卷云我於雙樹
間入大寤定大寤定者名大涅槃今鈔云不
動三昧者依下經出現品云佛子如來應正
等覺示涅槃時入不動三昧疏云究竟滅也

由寂無動故无所不動耳則名異義同問若
爾何以智論說降魔已得不動三昧成無上
道則應該華嚴經亦依不動三昧答已却諸
魔成無上道孰可動耶與入涅槃時不動三
昧名同義異望說華嚴時同定別○鈔海印

三昧者海印之三昧海印即三昧二釋皆通
問經中諸會入定但有藏身等定曾何言入
海印而說此經耶答如藏身等定當會別義
今海印定即一部通義此應古德義取海印
炳現以爲所依不然豈得諸會皆一念頓演

耶故指涅槃不動亦以此經之文義顯他經
之意故知義取爾○鈔賢首品廣說之者彼
疏云今以十義釋之以表無盡一無心能現
義經云無有功用無分別故此句即賢首品二現無
所現義經云如光影故出現品云普現一切

衆生心念根性欲樂而無所現故三能現與
所現非一義四非異義經云大海能現能所
異故非一水外求像不可得故非異此顯定
心與所現法即性之相能所宛然即相之性
物我無二五無去來義水不上取物不下就

而能顯現三昧之心亦爾現萬法於自心彼亦不來羅身雲於法界未曾暫去上之五義與鏡喻大同六廣大義經云於一念頃徧十方悉能包含無所拒故明三昧心周于法界則衆生色心皆定心中物用周法界亦不離

經三

平

此心七普現義經云一切皆能現故出現品云善提普印諸心行故此與廣大義異者此約所現不揀巨細彼約能現其量普周又此約所現無類不現彼約能現無行不修八頓現義經云一念現故謂無前後一念頓成九

常現義非如明鏡有現不現時十非現現義非如明鏡對至方現經云現於四天下像故謂四兵羅空對而可現此揀也如經云如淨水中四兵像各各別以不對待故是故常現該三際也付成橫豎九豎十橫

所以具也具上十義故稱海印諸佛窮究菩薩相似○鈔今畧示其相者法喻交互亦畧具前十義初遠喻中即前第十兼第九義問凡鏡水印物對至方現如何海印不對而現耶答此即海上有希奇之德也賢首品經云海有

希奇殊特法能為一切平等印眾生寶物及
川流普悉包含無所拒無盡禪定解脫者為
平等印亦如是等○鈔亦猶下以香水海世
人不能見故再舉近水以喻之無來無去即
前第五義非有非無即第二義非一即第三

經三

十一

義非異即第四義○鈔如來智海下約法說
此中具四義無心即第一義頓現即第八義
一切眾生心念根欲下即六七二義雖十義
無遺而不廣什故云畧示又法喻影畧而示
故云畧云也○鈔故下經云者即出現品偈

唯證第七義○鈔非唯下上句顯前有缺下
正顯本義○鈔賢首品云下然經有六偈純
顯現十法界之化用具云或有利土無有佛
於彼示現成正覺或有國土不知法於彼為
說妙法咸無有分別無功用於一念頃徧十

方如月光影靡不周無量方便化眾生於彼
十方世界中念念示現成佛道轉正法輪入
寂滅乃至舍利廣分布此三偈頓現佛化用或現聲聞
獨覺道或現成佛普莊嚴如是開闡三乘教
廣度眾生無量劫此一偈現三乘化用鈔中二偈初偈現餘

六類化用後一偈總
結大用所依之定
意明頓現十法界能應之
身應一切眾生心念根欲故也○鈔能應所
應皆為萬像者前義即所應後義即能應二
義同時方為智海含萬像也○疏皎性空之
滿月頓落百川者問新經疏序云星羅法身

影落心水○鈔約感應相對分四句中今此
疏文唯有一二兩句缺三四兩句謂一一星
落一川如一佛應一機二一星落百川如一
佛應多機此二句今三一一切星落一川如多
佛應一機四一切星落一切川如多佛應多

永樂北藏


華嚴懸談會玄記

機此二句今 疏義缺 今文既缺豈得稱滿答今所以
不同彼者唯取一多無礙義故雖有多佛本
唯一無障礙身雲故兼順後文不起樹王羅
七處之義故又新舊影顯義方足故○鈔第
二明能應身

一段鈔文口科分丁

鉅三

主



第一八三册

後月喻法唯

○鈔唯性字是法等者影顯前對亦智字是法餘皆是喻以智該之皆含法喻也今言以性該之餘文皆含法喻二意也含喻可知含法者以法性為所依有報圓之智月分百川之應化月影也無勞異說○鈔若秋空下喻及法中皆三身對詳可了○鈔譬如下以月喻身唯證化身也喻中四義一映眾星光二隨時圓缺三澄淨水中影無不現四一切見者皆對目前法中亦四一智圓映二乘眾二

常身隨宜現壽延促三淨心器中影無不現四見佛之者皆謂對前○鈔智幢偈云者雙證報化二身喻及法中各初後一句是報身中間二句皆化身言水亦喻刹者前以百川喻物根明有善皆見今亦喻所依刹顯無所不周○鈔若准離世間品下若依前自具十身故下鈔配為化身則唯證化身若依融三世間為十身則此偈證菩薩身及法身之二身也以經云菩薩淨法輪故或唯證法身是菩薩之法輪故唯取法輪喻月也言不為

非三

主三

世所雜者悲不失智故雖處世而無染准此則水亦喻於世間○鈔若以相皈性者喻中如攝月歸空離所依空無能依月故言空亦名佛者即性空真佛也○鈔則空色照水等者以空天之色照現淨水則天之晴空影落淨水言天猶空也者此中晴天字即疏中空字也若次第歸者月影化身歸本月報身本月報身歸晴空法性物根及刹土淨水與晴空一際則唯一法性也又若唯前義則似法報相分若唯次義則法報冥一今雙明二義

不即不離方為圓暢

華嚴懸談會玄記卷第三

永樂北藏

華嚴懸談會玄記

第一八三冊

華嚴懸談會玄記卷第四

鉅四

蒼山再光寺比丘 普瑞 集

疏不起樹王羅七處於法界者問若據經唯三天有不起之言何以今言羅七處耶答據實七處皆應有不起之言經中欲顯異義故

鉅四

只約三天說也謂初二會相鄰接故不假帶前此三天中人天隔越故須連帶又此三會同詮三賢位第六已入證不假帶前第七即位中普賢居然不假第八頓成諸行五位體用已融第九唯明證入體用一味故並皆不假也今約

通義故云爾也○鈔此樹高聳等者案西域記長一百尺畢鉢羅樹於下成菩提故云菩提樹也○鈔而昇切利天等者此云三十三天以須彌頂四面各有八天帝釋居中故云三十三天也等字等餘六處可知○鈔故下經云此是四句中第一句下疏云經中欲顯一多相即故舉初句鈔釋云顯經中不盡之由若云不離一樹而昇一天難思之相不顯若言不起一樹而昇一切切利天者則不顯本會圓徧若言不離一切樹而昇一切天則無一多無礙之相故唯出初

句下法慧例云十方悉亦然則方有昇一切天之句也○鈔三天皆有不起而昇之言者切利如前夜摩經云爾時世尊不離一切菩提樹下及須彌頂而向於彼夜摩天宮寶莊嚴殿等兜率天云爾時世尊復以神力不離此菩提樹及須彌頂夜摩天宮而往詣於兜率陀天一切妙寶所莊嚴殿等問動靜相違去住懸隔既云不離何得言昇答佛得菩提智無不周體無不在無依無住無去無來然以自在即體之應應隨體徧緣感前後有住有昇闔浮有感見在道

樹故云不離覺樹天中有感見昇天上故云而昇非移覺樹之佛而昇天宮等譬如澄江一月三舟共觀一舟停住二舟南北者見月千里而隨南北者見月千里而隨北停舟之者見月不移是為此月不離中流而往南北設百千人共觀鉅四八方各去則百千月各隨去諸有識者曉斯旨焉上皆須彌品疏文也○鈔故成四句者即昇須彌品中也○鈔言如前經文者即前長行全法慧偈中前一偈半也○鈔取其結例之文者即法慧偈中後半偈內

上一句也其如来自在力一句通四句之因也然此結例一句自有二說一云結與例別所昇有二謂一及一切不但昇一須彌頂總結分齊則十方須彌頂也皆例同此一須彌頂爲所昇處云悉亦然問若爾二三兩句皆能昇中無文所昇中有文何偏言第三無文也答其第二句既許第三句更易寧不許耶故云易故文無義必合有此云無文非一向無但以易故曰無者或取之亦有文也一云此結與例不分二別此句所昇唯一切而無

一也意云鈔中取長行全并偈前六句爲初句次以十方悉亦然一句爲所昇一切取上能昇中別一及總一切相對成二四兩句問何不亦取能昇中一及所昇一爲第三一句文耶答此第三句於結例中無所昇一與四二

釋四

三

昇一爲第三句文前解爲勝○鈔是則下總釋疏意則不起法界菩提樹王該羅遍於法界七處則爲一重佛爲能遍七處爲所遍也○鈔今言羅七處下七處二字上爲所遍今爲能徧通二義○鈔畧有二意者一即七處

平徧如七星總徧百川二即七處互徧亦云別徧如七盞燈一一遍餘六燈更徧一室○鈔且初義者下此亦有二一即次第徧二直徧且初中言說處中十重者一閻浮提七處二同類百億三異類四刹種五華藏六餘刹

海七前六類塵八虛空容塵之處九猶帝網十餘佛同○鈔然下十重下棟別前後也所依下進顯難易也○鈔今直下顯直徧之相以五重與法界合說故云直就徧法界也○鈔二徧異類刹中者此上缺法界二字此重

即收後十重中四重謂異類刹刹種華藏餘刹海之四重也餘四各當其一○鈔二令一下釋七處互徧也有本改等七處與徧七處亦徧非七處之處并一一皆徧七處此四箇七字皆爲六字並非也此是第二番約互

遍釋疏羅七處於法界也若改作六有所缺
故今以義求能遍却為所遍故或別得總名
故不可改也○鈔色界十八者天三禪有三
天二禪有三
天初禪有三
天禪有三
有九天義如常說等者等餘三州及四空
等並非說經處故○鈔更細而論下進顯七

經四

四

處之塵徧也如菩提場中一一塵徧上五重
是則能遍一處中有一切處亦以餘六處一
一塵俱遍菩提場中則菩提一處有一切處
也如菩提既爾餘六處亦然○鈔前三約事
等者此就所徧為言故單約事其第三重雖

徧塵中之剎然是一重平徧意在所遍剎故
或可前之剎字應回置微字之上碎剎為塵
徧所碎之塵故唯約事也若能所合論皆事
事無礙唯徧第四似兼理事無礙有理空故
○鈔由事下顯徧因也即法性融通之因○

疏無違後際暢允會於初成者上句圓融不
礙行布下句行布不礙圓融暢者敷揚之謂
也故易曰宣揚發暢孝經序云約文敷暢問
今言初者尚總是幾日之初答准下疏有三
意一約不壞前後相說纔成初七日說前五

會第二七日說十地等第九一會在後時說
 二順論釋皆在二七日後二七日非久亦名
 始成三約實圓融釋皆在初成一念之中一
 音頌演七處九會無盡之文今此初成之言
 雖通二釋今文正取第三一念之初暢斯九

經四

五

會也然即十世隔法異成門初句十世隔法
 九會前後不同下句即異成也一念頌演故
 所以初說者論云示法勝故及勝處說故不
 同餘教三七等別雖普曜彌沙塞等皆言二
 七說此表末不離本故○鈔謂菩提流支者

約文理分為三時以經初云者證初會是初
 成說三天下證第三第四第五會皆在初說
 其第二會義准應在初時說言婆伽婆者涅
 槃云能破煩惱名婆伽婆即斷德法身亦舉
 此具攝十身也即佛地經說婆伽梵但梵音

小異而自在

示不繫屬

熾盛

猛熾

端嚴

三十二相

名稱

一切殊勝功德

吉祥

一切世

所莊嚴

供養威

尊貴

一切功德常起方便利益安樂

吉祥

一切世

稱讚故

什之六義也

七八一會

有情無懈倦故上依本論

在十地

品後亦在

第

二七日後說例此前說則第九會在後時說

以有下出所以也言有身子等者十二遊行
經云成道五年方度身子彼云佛成道第二
年度身子目連准此祇園又在身子之
後以佛在王舍城舍衛國須達長者為子娶
妻至於王舍城遇佛發心請佛往本國佛勅

目連相與偕行先造精舍等○鈔賢首等者
准探玄記即取第二七日頌說九會不許五
會在初及第九在後也故彼破云以初七日
並不說法十地論云思惟因行緣行故設有
救言只不說十地非不說餘法則不得言思

惟也下論又釋為顯已法樂是故初七定不
說爾又第九會彼云第八
今順唐經亦非後時何得於
一部經前已說半中說餘經後方始續今
佛無陀羅尼力不能一念說一切法是知此
經定是第二七日所說問據此則賢首是第

二七頌說此經何故今云初成頌說耶蒼賢
首之意不定二七謂若約論文定則初七不
說若約法定義初成頌說故肯歸云初唯一
念二盡七日縱約二七去成道未久亦初成
頌說也經四不同流支三時故所以異也○鈔今

疏會取下正會取賢首無違流支意云既旨
 歸前後際而無涯流支第九在後五年亦有
 何過然疏主亦用賢首意會故引旨歸證之
 明非新意也○鈔分於三時約所表者妙嚴
 品疏鈔云疏初五會信解行願最在初故皆
 云不離道樹第六因地證位居其次深故無
 不起菩提樹言法界極證最在後故亦顯二
 乘絕見聞故問花嚴教旨時乃圓融要歷三
 時豈通玄趣答常恒之說說無息時後時不
 說豈名常耶問一音頓演何要三時答雖能

頓演表法淺深問若表三節三七日中一七
 一節足得成表何要第九五年後耶答三七
 未有身子等聲聞不能顯於不共教故須後
 時問時不圓融豈順經旨答正融於異時故
 作此會也○鈔又分三時等者昇夜摩品疏
 云時而後言聞者悅伏時而後動見者敬從
 ○鈔上之二段者處與時也皆分十故云廣
 辨也○疏盡宏廓之幽宗被難思之海會者
 上句能被教皆科云所被機者約能目所故
 下句所被眾言會者聚義聚集多人共在一

處名會餘義如鈔問據下列眾初會四十二

眾或四十五眾同生一異生三十九師子座

官殿中無邊菩薩及新集眾總九會都數有

一百七十五眾既可標列那云難思耶荅只

中此眾故說難思下疏云然此諸眾或總為

一一乘眾故或分為二以有實眾及化眾故

或可為三人天神故或可為四佛菩薩人非

人故或五非人開天神故或六加畜生故或

七天分欲色故或分八菩薩有此界他界故

或九他方有主伴故或十加聲聞故或一百

七十五如前說故或無量無邊義類多方故

一一或以刹塵量為數故又如新集菩薩毛

光出眾例上皆爾故一一眾皆無分齊此猶

約相別若融攝一一會中皆具一百七十五

眾以稱法界緣起之會互相在故上且約一

界若通十方及異類刹塵帝網無盡無盡是

為華嚴海會眾數據此則足見難思也○鈔

宏者大也者即事法界廓者空也者即理法

界幽者深也者即後二法界也以四法界為

能被之宗教故上指在旨趣玄微之中○鈔

謂普賢等者問說法豈欲被普賢等耶答出
 現疏云所謂圓根不揀凡聖以法為師何非
 所被問涅槃云諸佛所師所謂法故則遮那
 亦成所被耶答遮那以為教主則不為所被
 問十方諸佛為所被答是遮那類故非所被問普賢文

雜四

殊道圓上果何成所被答今就迹門故為所
 被經云普賢行人方得入故但善財等成所
 被義增普賢等稍隱皆為所被此應與下所
 被根互有影畧今且說當時海會耳○鈔數
 廣刹塵者或菩薩數廣或上德數廣通二義

故○鈔真應權實者真謂海會真實本身應
 是海會應現雜類之身權乃權巧佛果權現
 雜類之身或權即上應實同上真言類例多
 端者應類上深廣相奪說也謂即真而應等
 又有因果本迹等類非一故言尤不可思者

以果海離念此等菩薩細念已亡故尤不可
 思也又已該徹果海是不捨因門之人○鈔
 故初會下示難思之文也畧列四十二眾者
 一海易等十菩薩同生眾同配初發心住二執金剛
 神三身眾神四足行神五道場神六主城神

七主地神八主山神九主林神十主藥已上如次

配十十一主稼神十二主河神十三主海神

十四主水十五主火十六主風十七主空十

八主方十九主夜二十主晝已上行二十一阿

脩羅王二十二迦樓羅王二十三緊那羅王

釋四

二十四摩睺羅伽王二十五夜叉王二十六

龍王二十七鴛盤荼王二十八乾闥婆王二

十九月天子三十日天子已上迴配三十一物

利天王三十二夜摩天王三十三兜率天王

三十四化樂天王三十五他化天王三十六

大梵天王三十七光音天王三十八遍淨天

王三十九廣果天王四十大自在天王已上地也

四十一師子座眾配等覺位四十二眉間眾配妙覺位

言皆以刹塵等者經云有佛刹微塵數執金

剛等○鈔况口光所召下進顯廣多現相品

說佛口衆齒放佛刹塵數光明照十方各一

億佛刹微塵數世界海中菩薩衆一一菩薩

各領世界海微塵數菩薩為眷屬來其諸菩

薩身毛孔中一一各現十世界微塵數寶光

一一光中復現十世界海微塵數菩薩此即毛光

重現此諸菩薩徧入法界諸安立海所有微塵
此即周入刹塵彼一一塵中皆有佛刹微塵數諸廣
 大刹此即依作用也前廣大刹中皆有三世諸佛此
 諸菩薩悉能親近供養即正作用也既皆供養三
 世諸佛故云該攝三際此等之義大位菩薩

尚不能思况凡情可測耶可謂義深難信思
 惟難解應教難說數極難量是故總云難思
 海會○疏圓音落落該十刹而頓周者起信
 疏云一一語音徧窮生界即周義也而其音韻不恒
雜亂即音義也若音不倫是音非圓若音等
偏失其韻曲則是圓非音今不樂曲而等偏

不動徧而韻差此是如來圓音非是心識思量境界○鈔
 說經本者即說經之本也以言音乃經教之
 本非即是經教以教自在機故言踈遠者遠
 近聽之無大小故○鈔經列二十者華嚴品
 中具列謂迴轉形世界攝從往來之形也江河世界

旋流形河海深淵之流也輪輞形非土曰
 樹林形樓觀形尸羅幢形此云美玉以普
 方形胎藏形蓮花形法勒迦形此云第淮南
可以判竹圓器衆生形佛相形圓光形雲形網
 形門閤形內門也須彌形嚴具形言結有十佛

刹者以經中上一一形各結有十佛刹塵數如言有十佛刹塵數迴轉形世界等門既經列二十異類何以疏中但云十刹鈔吞云舉十以彰無盡故○鈔圓音之義下當廣說者即出現品中十喻廣說一劫盡唱聲喻喻如來說法音聲無主二響聲隨緣喻喻如來音聲無生滅或云無示三天鼓開覺喻喻如來音聲無斷絕四天女妙聲喻喻如來音隨根信解五梵聲及眾喻喻如來隨時分音六眾水一味喻喻如來無邪曲音七


降雨滋榮喻喻如來隨樂欲音八漸降成熟喻喻如來無遲速音九降靈難思喻喻如來音雖差別同一性故十徧降種種喻喻如來音普徧或云隨類音又彼文有六句料揀謂非量第九非無量二四五非主十一非無主六非十一

示二非無示七八十初對約相雙存顯中二義也道次對約體雙非顯中道後對約用雙非顯中道也經文極廣不能具引須者往檢○鈔一音之中具一切音者准梵摩喻經有八種音一最好音如迦陵頻伽故二易了音言辭

辨了故三柔軟音無齟齬故四調和音大小
 皆中故五尊慧音無戰懼故六不悞音無錯
 悞故七深妙音臍輪發聲故八不女音其聲
 雄朗故然此且約一相而說理實前十喻之
 音一具一切方是圓音之義也○鈔佛演一

妙音等者現相品偈也疏鈔釋云初句唯一
 妙音即天竺一梵音故次句稱性故遍聞音
聲四達次句理融故一具一切次句彼一
日聞音兩多法兩四諦緣生六度等法悉充滿故
 次句隨說一法文詞深廣故次句隨前一音

外通物情之類故次句此音各各遍一切處
 故末句所說各顯性淨之理故○疏主伴重
 重極十方而齊唱者餘經隨機別說無此重
 重極於十方故唯此經說儀周普也問七科
 皆云說儀普周何故此科獨得說儀之名答
 由此六科辨定身處時衆音皆周法界故方
 得有此主伴重重故前前別說此得通名理
 實前六皆說儀也或可上約遮那一佛說儀
 此則別是通方說法儀式○鈔別示說儀中
 一段鈔文口科分二



○鈔謂是通方之說者釋齊唱亦釋科中別字○鈔畧有三句者皆約說者為主證者為伴非約聽者約主唯一約伴須多然因人果人雖皆通主伴而主伴不雜故下疏云主主不相見伴伴不相見主伴伴主則互相見若不相見則各徧法界若互相見則同徧法界等所言齊唱者亦約互為主伴義邊同時徧法界故得十方齊唱也言果主果伴者問若果主果伴齊唱者僧祇隨好是佛說餘是菩薩說豈遮那并十方佛皆說耶答發心品說

十方佛同名法慧證言我等諸佛亦是說諸佛既說此佛豈獨不說耶故知但約所表如前已明言因主因伴等者准會解及指玄等以說者為主聽者爲伴此中何不指海會爲伴而獨指十方法慧菩薩耶故知此方說

鉅四

十三

者爲主時十方說者證之爲伴十方說者爲主時此方說者菩薩證之爲伴故云主伴齊唱然海會等只得爲聽衆不得望說者爲伴故果主因伴之中亦唯言普賢等不言餘海會也又旨玄云對屬爲文前句頓字唯約

說者此句齊字亦爲約說者頓之與齊周徧十方非漸次故前句所該中名頓今亦所極中名齊若後能先所則有不對之失今詳如此消釋似不得疏文之意上一極字已明遍於十方今又齊字目遍則有重繁之失故知

前該與頓約橫豎異此極與齊約能所別智者詳之言果主因伴者問前果主果伴因主因伴十方互望可曰重重今但遮那爲主普賢等爲伴豈有重重極十方耶答此是一重普賢更與阿闍爲伴二重如是望於十方亦

有重重義也問若果主因伴齊唱者僧祇隨好果說因不說餘品因說果不說豈得齊唱答佛義如前菩薩亦說二品者以表細顯超故云佛說亦不碍於菩薩同說也問如說十地佛與金剛藏皆說豈不雜亂答普賢三昧

品說十方諸佛同聲讚於普賢豈其同聲亦雜亂耶多既不雜二人齊唱豈成雜亂如諸菩薩同時應於萬類尚不雜亂况此雜亂耶○鈔如法慧等者問如法慧說法十方佛證何不亦有因主果伴故此答也問其十方佛

應闕伴義設爾下答也問四句圓融方為圓故今何闕此句耶答理實亦具今約不壞等卑之相順軌儀故如下真妄交徹而但云即凡心而見佛心等○鈔此界之東者即妙喜世界阿閼如來此云不動即知為主湏一為伴湏

鉅四

十

多也○鈔有法界諸佛重數者上唯約十方諸佛則唯十重此以法界諸佛相望則有法界無盡重數思之○鈔如十人下正喻果主果伴亦可兼喻下之因主因伴不喻果主因伴○鈔佛主菩薩伴亦然者問因主因伴

有互望義可云亦然其果主因伴無互望義云何例云亦然耶答諸說法菩薩不但望於本佛為伴主更與餘佛為伴乃有無盡重數故云亦然斯則言總意別○鈔自有三義者結上三句以為三義也○鈔二者遮那一佛

下此約互遍論重重也然且約三句中果主因伴一句徧也○鈔遮那處普光堂者說第二會處也然有三釋一殿是寶成光普照故二佛於其中放普光故三佛於殿中說普法門慧光照世故立斯名初義依主後二有財

言東方等者經列十方東方如文殊南方妙色世界覺首菩薩西方逆色世界則首菩薩北方瞻葡花色寶首東北方優鉢羅花色功德首東南方金色目首西南方寶色精進首西北方金剛色法首下方玻璃色智首上方

德

五

平等色賢首如是十方皆去十佛刹塵數界外而東普光堂也此即布定主伴遠近○鈔若此主佛向東一界下此畧示壓東一重之相也有法喻合此法說也如佛初坐普光堂文殊去十佛刹而來今佛向東徧一界已歷

第一重伴刹應文殊過九佛刹塵數界外而
來然以主伴皆徧故文殊還去十刹塵外也
○鈔如長空下此喻有二意一畧喻上主伴
諸刹遠近常定故云月如主佛列宿如伴二
畧喻主伴不分而徧故云一一水中遠近皆

現謂且如此一溪中所現星月遠近如此若
移此星月更近東一溪所現星月遠近亦然
是知是中移者不動此界初一重主伴更移
近東一界然此喻雖有不分而徧之義無相
壓重重之理故云畧也○鈔義當下合也可

知○鈔如是主佛下顯餘重先明東之十重
以佛初坐普光堂時文殊自十刹塵界外來
今主佛徧東正當文殊住處金色依前近東
還十刹塵界其西蓮花色應遠二十刹塵界
外今亦不然唯十刹塵界外而來言如是主

佛極於東方等者如去金色之東十刹塵界
外則金色應在於西十刹塵界外言終不見
文殊下遮妄解也妄解云主佛既極於東文
殊應從西向佛今遮也意謂文殊亦從東十
刹塵界外來近主佛又妄解云莫不文殊從

西而來於佛前過東邊去方却從東向西來近王佛故今遮云亦不見文殊等然此兩節文有解前遮佛不過文殊向東後遮文殊不過佛向西然不及前解餘方妄解例此可遮○鈔如是主佛極西方下明西之十重例上


經四

十六

可知十方皆然○鈔如人以十錢下且約大數理實先以十一錢布地向東餘方各十總有一百一也法喻方齊每一文錢心如此界主處錢邊緣如金色等伴處開通元寶等如相去十刹塵界也言第一錢當中者如第一

重主伴遠近分量皆尔以第二壓第一錢上者此第二錢望下一錢開通元寶分量十分之中移近東一分故云近東一緣之地則開通元寶等亦近東一緣之地喻主佛近東一界餘伴刹亦各相去十刹塵界而各近東一界如此次十錢相壓皆爾有以開通元寶一字喻一佛刹塵界者重重之義稍隱又主佛至金色處時蓮花色界當娑婆處之義不成也今以圖示

○鈔如第一會重重下前猶各各自會論重
 重今則諸會重重者復相望論重重也若四
 十八會者下品經有十萬偈四十八品即以
 一品為一會也中本一千二百品應成一千
 二百箇重重言無盡品者即上本經之品也



○鈔如是諸佛重重相望者此佛為主重重
 望彼佛為主重重影此菩薩為伴重重望彼
 菩薩為伴重重亦互相徧具上三義故疏云
 主伴重重等問上說三句主伴今何唯就果
 主因伴論此重重餘何不爾答義准知故然
 上猶約顯而說若更細而論如於此處見佛
 坐一切塵中悉亦然故名主伴重重則固難
 思議矣○鈔餘義至下即依處中十重明徧
 則此佛與彼佛同徧各徧前九重也○鈔然
 疏本意下問說經處為意生身等豈不義成

曲巧耶此答也言全不昭著者集玄云說處
 配意生身此舉所依處顯能依身又說經時
 舉所持時顯能持身又被海會舉所被眾顯
 能被身如此二三身既非直顯故云全不昭
 著也○疏雖空空絕跡下四句雖字義含縱

奪意該兩對此由前科道理雖玄義多涉迹
 恐不了者以本末相垂為難故今初句縱
 其空無朕迹下句奪其空不垂相下對上句
 縱其理本無言下句奪其不礙言然此兩對
 皆舍法喻皆可意得言浩瀚者有本云浩尔

以對上燦然故後人改為浩瀚取其讀便也
 ○鈔恐有難言等者難意以無相無言之本
 難有相有言之迹答意要由相故方顯無相
 要由言故方顯無言故也須知大意言大象
 無形大音無聲者此借老子德經文而立理

第五

十八

也彼本云大音希聲今以下句云希微絕朕
 恐文涉重故改為無聲也言希微絕朕者義
 引老子道經視之不見章文也彼云聽之不
 聞曰希注云希聲之微也道非聲故聽之不
 聞搏之不得曰微注云搏執持也微妙也道

無形故執持不得以况佛教至理甚深難可
 思議○鈔則心絕動搖等者即大般若那伽
 室利分中文也那伽此云龍室以龍吉祥欲
 入城乞食妙吉祥曰隨汝意往然於行時勿
 得舉足勿得下足勿屈勿伸勿起於心勿興

戲論勿生路想城邑聚落想大小男女想所
 以者何菩薩遠離諸所有想無高無下無卷
 無舒心絕動搖言忘戲論無有數量今唯用
 一對耳言何用下總結相違○鈔故今釋下
 總答前難也不因教說至理無言何以知乎

無言不因金容煥目何以知真身無相則因
 言入理藉像表真理必然矣○鈔十忍品下
 引諸文證指配甚明不勞更釋○鈔今疏下
 上即束義懸明此下方按文隨釋○鈔法性
 本空空無諸相者直談真性絕相曰空言緣

生之法無性故空者又推一切法既假緣成
 當知無性故空復有何相上自住空此皆釋緣生故空
 上空一字借空下釋下空一字○鈔中論云
 者本頌即龍樹造青目菩薩釋云為破六十
 二見及無明等煩惱故說空若人於空復生

見者是不可化譬如病須服藥可治若藥復
 為病則不可治如火從薪出以水可滅若從
 水生為用何滅○鈔經云下即須彌偈讚品
 文無上慧菩薩偈也疏鈔釋云初句牒無二
 之迹以此前經云此中無有二故今牒云無

中無有二次句遣之言無二者但言無有二
 非謂有無二即執成病若存無二之見則還
 成二以無二必對二故遣之又遣之以至於
 無遣故云三界一切空謂第一義空諸佛同
 見故云爾也此段惟寐照唯證上空字即鈔
 中云即空空也者應判一空字

今詳慮雙證二
 空字思之可見○鈔次云下疏云正顯令住
 無住之覺身即非身故無可悟身見兩亡真
 法身也觀身實相觀佛亦然以悟自身故云
 則空亦無所住矣寐照唯證後空字今詳亦
 證二空上二句證初空下
 二句證
 後空○鈔又上無中無有下問何以重釋

此文答有二意若寐照等意前唯證初空一
 字今又證空空也若今解者前已證二空義
 今又成真空以勝前二空故云三界一切空
 即真空也真空即第一義故前二有所遣到
 此無所遣也即下絕迹之義也○鈔言絕迹

下若不得意千里遺之未免於跡如以楔出楔以賊逐賊無有已時故云有所得故如鳥獲沙無所得故當句即絕○鈔若礙於言身子被呵者淨名經中舍利弗問天女曰止此室其已久如答我止此室如耆年解脫舍利

弗言止此久耶天女曰耆年解脫亦如何久舍利弗默然不答天女曰如何耆年大智而默答解脫者無所言說故吾於是不知所云此上即若礙於言也天曰言說文字皆解脫相所以者何解脫不內不外不在兩間文字亦不在內

不在外不在兩間是故舍利弗無離文字說解脫也所以者何一切諸法皆解脫相則身子被呵也不礙於言文殊攸讚者文殊問淨名何等入不二法門淨名默然文殊讚言善哉善哉乃至無有文字言說是為真入不二法門如下

第六抄中具明意云若一向無言為是文殊亦應默然不應以言而讚也鈔况文字下不但如前無言不礙言况此言來無所從性不可得故即言時亦亡言也故雖性本無言而不礙性海之中言教波瀾浩汗今言教海對上義天

欲成文故或可言教深廣亦如海也言是以
下收成上義言八音者即梵摩喻經所說八
音如前已引言演大藏於龍宮者謂佛滅度
後所說教法大分隱於龍宮至龍樹時方入
搜求流布中外或云龍宮藏者從喻彰名龍

華四

三一

宮多珍寶法藏具無邊義故○鈔故知下結
勸也言至趣非遠者無相祇在相中故非遠
下句即相亡相故心無所得而得之則觸處
甚深而莫測反顯未得意者雖近而莫觀言
象易知而淺近恒寐故非近即言不礙無

言也下句即言亡言云若亡情體之則目擊
之事無不幽矣目擊之言語出莊子彼云孔
子欲見温伯雪子久矣及見絕無一言子路
恠之孔子曰如斯人者目擊而道存何用容
聲矣言絕下一句成上至趣非遠無相不礙
相也繁興下一句成上言象非近言不礙無
言也言故即言亡言也者成上一邊影取即
相亡相言融常心言者謂上聖人言象既爾
融通我等常途心所緣相及諸言說理皆如
是故云無所遺矣○疏若乃千門潛注下初

二字則引文之詞初句垂末下句歸本並如
鈔釋○鈔以花嚴為根本法輪者此約部快
明本未不約五教而說不爾豈獨華嚴一經
占盡圓教有以圓教為此中本前四○鈔開
漸之本者所開即漸能開即佛所依開處即

花嚴本教言如海等者指文所出即出現品
意彼云譬如大海潛流四天下地有穿鑿者
無不得水彼喻佛智普入一切眾生身心今
借喻花嚴根本法輪潛注眾典故○鈔九流
下亦指文所出即肇公涅槃無名論文也九

流者有二一瑤公注云即九類眾生也此依
聖教說即九有也二云即儒家流道家流陰
陽流法流名流墨流縱橫流雜流農流前義
為正以三界九類眾生會歸於涅槃三乘聖
人於此涅槃亦冥然而會故智論云魚歸於

經四

三

水鳥歸於林聖歸涅槃法歸分別○鈔故論
云下即攝論文彼明三身從法身流上句證
開漸下句證歸本○鈔故法花云下證開漸
言一佛乘即花嚴者約所詮目能詮也會三
下證歸本○鈔第五經者即從地湧出品也

由上首四大菩薩問佛云如來安樂少病少惱諸衆生等易可化度不令世尊生疲勞耶故佛答云始見我身等是衆生易度無疲勞之相也言法花攝餘經歸花嚴者天台宗中法花補注有破此文立其四難一歸彼不歸

此難謂法花攝於餘經何不歸自而歸花嚴二當部無文難謂法花部內實無入花嚴之文三自語相違難謂是經之言既云法花何謂之歸花嚴耶四縱圓奪別難謂若花嚴便說一極者圓教可爾兼別如何兼別說圓

會解皆爲通之且通初難者若法花不歸花嚴而別歸自法花者應佛慧有二以前始見我身入佛慧是花嚴我今亦令得聞是經入佛慧是法花則有二佛慧也通第二難者即今此令入佛慧豈非當部之文耶又信解品

鉅四

三

中初見其父踞獅子床如說花嚴後認天性之父子如說法花然則此父豈非昔父耶此亦當經文爾通第三難者既因是經即是法華其終入於佛慧既與始入無殊豈非法花是經攝末歸花嚴之本耶明知自語前後相

契通第四難者不善他宗也兼別之說唯汝自宗中義只由汝自宗中不合以花嚴兼於一別故失圓融具德宗旨今亦以此爲難不亦悲夫問如上所通義皆可見然經但云入於佛慧如何乃云歸花嚴耶答此約所詮顯

能詮也如上云一佛乘者即花嚴也者同此義爾以花嚴正詮法界法界即是一乘一乘即是佛慧今歸所詮佛慧即是歸能詮花嚴也是中攝末歸本四字若作釋者能攝是法花末謂餘經是末之攝能攝名攝攝末即能

歸攝末歸之本名攝末歸本以花嚴爲本依主持業可知又所攝即末所歸名歸攝末之歸攝末歸即本名攝末皈本亦以花嚴爲本言餘如下說者即下教攝中及爲教本中說也

平山

華嚴懸談會玄記卷第四

永樂北藏

華嚴懸談會玄記

第一八三冊

華嚴懸談會玄記卷第五

鉅五

蒼山再光寺比丘 普瑞 集

○疏其為旨也下此句雖標在初義貫下二種無礙言冥真下方示三大也問此三大文有四句前三句三大互在第四句止觀雙流

經

何以科中皆云三大耶答三大是境止觀是心今科但云三大者舉境攝心也或影畧故問花嚴三大應與終教等別今何約理事無礙中示三大耶答若別示三大之相相用二大皆具十玄正當事事無礙雖體大中亦全

相用而常徧今由明三大互在事理相融故當理事無礙然勝德之相繁興之用約不礙真體雖屬事理無礙而相用中常含同別之旨亦即同中必有別義也即有其所通無其所局○鈔雖此經中等者問經詮四法界何以但明後二不說前二事之與理耶故此答也言此門即義分齊中意者彼雖四門今畧叙二於二義亦畧叙之復與彼文互相影畧彼開十門多明所觀今三止觀即凡心而見佛心及理事雙修等多明能觀應以此之能

觀亦觀彼所觀以彼之所觀亦對此能觀等也○鈔今約能詮等者問此下旨趣玄微即是所詮何言能詮經中答經為能詮詮三大之義豈非所詮問既是所詮前往復等亦是所詮如何不同答前約收歸宗體此約況明

所詮如下宗趣通局豈濫義理分齊○鈔今明三大所在者問前云三大獨在法界此亦明三大所在云何成異答前別明三大相中不言在處至最後方結歸法界此別說三大便明所在即三大互在故不同也○鈔為成

已宗者不對於他故名已宗此對他以辯故云遮異釋也此正是作文之意以彼判定立德相業用各十玄門德相唯淨業用通深故彼敘體即通於事敘相則無相作相入不通敘用方有相入相作不通故疏主破云使德

相無相入相作即用之體不成德相不通深門交徹之旨靈就今正遮此也○鈔以不生為無滅等者離四相故名常影取住異二相無去無來者離三世故名常影取現在也等字等於餘文彼次文云事包萬類理極一如

理無事而不融事無理而不徹等問准此文則判定之體亦通事也與此冥真體於萬化之域正同何云遮異釋耶答體雖通事相用各別不許互通今約相用故遮異釋或可彼云雖有今之所引等下之文彼意唯以鈔中

所引能等之文爲體不取所等故今遮之○鈔同異類下別顯德相中二門也鈔文超間讀之則顯初即第九微細德此約同類異類體別各能微細容持一能容多多是所持故喻芥瓶下句即第十因陀羅網德也雖德相

具十玄唯舉後二例初八也○鈔其爲用也下若約判定業用十玄配者不分而徧不去而臻即第六純雜用不分名純而徧即雜一多大小而互爲即第五相作用延促靜亂而相在即第三相在用或通第七隱顯用以靜

第五

三

亂相在如東方入正定西方從定起等等字等其餘文彼次文云多劫入於一劫非卷非舒微塵納於世界無增無減釋曰上句第四相入用下句第九微細用此通舉業用六玄畧餘四門也有以鈔大小互爲配廣狹門延

促相在配十世門者非也彼不立廣狹唯取
純雜不立十世以時為所依體事故不可以
此之十玄配彼之用大也思之問豈以事理
無礙之淺義能遮事事無礙之深義耶答不
遮相用二大中各明事事無礙但遮彼體相
用三五望不明無礙故今遮之恐令三大一
向別故○鈔今但明下上皆標舉問答叙其
所遮此下方是別釋疏文言深玄者謂前設
明十玄等亦皆名事若相用平等總明為理
此二無礙方為深玄故前鈔云雖廣說事及

說於理而皆無礙故不爾但是同教事理無
礙豈是此經自趣玄微○鈔萬化乃事法之
總名者如十對體事皆名為事皆歸真性而
為體大其體大還在萬化事中○鈔原夫下
一句總標蕭然下別釋言蕭然空寂即離言

湛爾冲玄即離相玄之又玄下無相不礙相
表者外也寂之又寂下無言不礙言非象表
也下相即無相在言裏也下言即離言言五
目者纂要疏云一肉眼肉團中有清淨色見
障內色名為肉眼依肉之眼
名為肉眼二天眼者於肉

眼邊引淨天眼見障外色

能依大般若佛肉眼
能見人中無數世

眾不唯障內佛淨天眼能見諸天所有
細色除見天外見人事等名肉眼也 三慧

眼者以根本智照真理故四法眼者從後得
智說法度人故五佛眼者前四在佛總名佛眼
又見佛性圓極名為佛眼言四辯者圭峯云

釋五

四

一法無碍辯謂諸法自體二義無礙辯謂法
上之義三詞無礙辯謂得彼方言依彼詞句
為他說故四樂說無礙辯於上三種智隨他
所喜種種義語樂說無盡故初心習學九地
漸成佛能究竟○鈔今疏下問若唯非異無

礙義成者言非一理事各別何名無礙答若
唯非異無可融通若唯非一不成無礙今由
二義同時故成無礙義也○鈔明相不礙體也
者亦相大與真體具非一非異故也○鈔明
用不離於體下亦具非一非異義故問三大
互在何不說相用互在之義耶答理實三大互
在合明相用互在之義以體用互在及體相互
在義順理事無礙故此明之若相用無礙義通
事事故畧不顯也○鈔上體相用二大下結前
生後也○鈔智周鑒而常靜下一節鈔文口

科分二

初標義指文釋

初直配觀若當後亦配權實權

二分門別釋二

初當直配觀無礙五初觀圓若

初真約止觀釋三

二通對高明鏡智無礙對三常靜對

二別約三天釋三

三別對高明鏡智無礙別若三觀慧止

○鈔能證能觀者證唯親證觀通比解上境
 例知上即標義繫詞亦云智周乎萬物故○
 鈔止觀無礙者即行者通達無礙智也言事
 理遍觀者無幽不燭故以相別異義故名事
 忘心體合故名理言惑相皆寂者觸境無念
 理事等障皆止寂也二義混然名止觀無礙
 亦理事無礙也○鈔亦權實無礙者權即俗
 智實即真智二智俱融故名權實無礙○鈔
 若對上三句下妙嚴品疏鈔云境即真俗不
 二智即權實雙行若融境智方為一味問前

三句明三大無礙今何但言體用無礙耶答
開即三大合為體用如大方廣即是三大若
合之則大方是體廣即是用今對止觀故合
為二也○鈔若別對下三體皆理三用皆事
亦理事無礙也問觀云能觀可也止字何名

能觀智耶答止觀雖殊皆名觀智故起信云
所言止者謂止一切境界相隨順奢摩他此
止觀義故所言觀者謂分別因緣生滅相隨
順毗鉢舍那此觀義故故知止觀皆觀義
也今此真理寂寥與止寂相順俗諦流動與觀


照相順也三大皆然○鈔若作三觀下先單
以智別鑒前三大此唯釋其智字言空觀等
者智論中分別色等假觀性空寂滅空觀此
二不二難思中道觀也今別對三大以相為
中者以居體用之中融攝體用故言三諦齊

觀者釋其周鑑五二字○鈔對山三觀下言體
真等者體真理與理冥故即理止也方便隨
緣止者方便涉有隨一一緣無取故止即事
止也離二邊分別止者即無念而止妄不取
有無等二相也○鈔三止三觀下即一而三


智體隨智相用故即三而一智相用即智體
 雙照一三智體相用顯然雙遮一三互奪相
 盡智體同智相用故非一智相用同智體故
 非三三止既爾三觀亦然混融無礙為一心
 觀故○鈔真妄交徹一段鈔文依指玄記易

處廉科難處細

科分二



○鈔真謂理也等者真妄二法作三對釋理之與惑能所障對生之與佛能所化對此言



眾生等覺已下皆名眾生以第八識為趣生體此位之中猶未轉成圓鏡智故問何以生佛為真妄耶答肇公無名論云真由離起故佛名真妄由着生故生名妄楞嚴亦云由妄有生因生有滅生滅名妄滅妄名真生死涅槃流轉還滅對已上三對皆悉交徹但是義分齊理事無礙門中別義○鈔真該妄末者上三對真皆為源妄皆為末言如波與濕下喻顯波喻妄濕喻真交徹可知○鈔今云爾者下問既合云凡聖互收今何不爾故此答

也以不壞相及有益二所以故言不壞相者約修證義說不壞聖相故若壞聖相修行之人何所希望耶有益者於生有益二義各從一邊說也問前釋真妄以為佛生今此何云凡聖答欲顯真妄通生佛與凡聖有互寬狹

鉅五

故前言生佛即真狹妄寬等覺已下皆為生故今言凡聖即妄狹真寬三乘見道皆為聖故問三乘見道已上何得名真答俱見理故前對既以理為真見理聖人豈不即真或可聖謂至聖唯目佛也凡雖總舉地前意顯難

思亦不遮等覺已下為衆生也謂地前之妄尚得即真等覺下豈不即耶二釋皆通問若依前釋何云聖無煩惱答唯無分別故不同凡○鈔於凡有益者令不自欺故亦於他無慢故言令人妄解者謂却沉淪故還迷妄故問即凡見佛豈不叨濫聖流亦誤敬於鹿人若即佛是凡方知德用自在進退無滯此責既齊如何遣通答為遮於妄解方便化根今又作斯謬孰豈為正解耶已上畧消二句疏竟然上但說生佛一對交徹義其理惑一對

生死涅槃一對准上說之○鈔然其真妄下
上雖畧釋其真妄交徹一句義猶未盡故有
然字然者不盡之詞先彰交徹所以有六故
字有云二三合故有五所以有云理實五六
亦合但四所以四者為正今立云一不離一

鉅五

九

心故二真妄相依故三無有二體故四真妄
相收故以此四因故得交徹也○鈔然或說
下明交徹之行相有其六句一妄空真有二
妄有真空三真妄俱空四真妄俱有五真妄
俱非空有六真妄俱通空有五雙非三對皆六雙是

先空後有者順性宗故○鈔一約三性下總東
真妄法體為三性即前三對真妄理及涅槃
唯是圓成佛通依圓生死及惑皆通於依計
或惑唯遍計具二執故○鈔二諦多門下文
中廣說八諦區分四重二諦各各不同今具
約理事以配二諦也言設淨分下問前三性
中依他淨分同真染分為妄今若俗諦為妄
者無漏五蘊淨分依他之事亦妄耶故此答
也言妄未盡者有三意一云如楞嚴經云言
妄顯諸真妄真同二妄今淨對染以立對待

未忘故云未盡二云雖體是無漏由假緣成
 豈有實耶三云淨分依他依相教有實五蘊
 有為之法今以不即無妄未盡故○鈔如唯
 識下依門別配前空有六句而不次第但隨
 義故今唯識中依三性以明二句一遍計對

圓成說第一句妄空二以染分依他對圓成
 及淨分說第四句真有此約相教○鈔若
 涅槃下此約性宗故不同唯識染分爲有故
 云染分爲空是生死法故淨分依他是涅槃
 果德故與圓成皆有亦即初句前唯識約遍計對圓成爲

初句今取唯識第四句問若以染分爲妄淨
 分爲真論交徹者豈非事事無礙答豈前不
 云淨分同真耶亦即事理無礙也已上三性
 中配初四二句訖○鈔若依三論下即中百
 門三論也此空宗義下四皆是也雖彼宗大
第五
 分明空亦含性義故疏主云以三論宗四諦
 品前以空遣有四諦品後以空立有乃至三
 觀齊驅三諦無礙豈獨空耶有云學龍猛宗
 慳惡趣空斯言可怖約俗雖有就真唯空謂
 世諦妄有真諦真空即第二句妄有真空此

則二諦別論故影公中論序云俗諦故有真諦故無○鈔若約隨俗說下假說妄世俗真勝義如是二諦則第三句真妄俱空如長短相形但隨俗假說二諦也問前云世諦故有何故隨俗名爲空耶答以不但爲有既曰隨

俗故知俱空間何故不隨真說二諦耶答若隨真說二諦者此理不應何者若真上說二諦真妄俱空者俗可言空真不可言空故若俱有者真可言有俗不可言有故若言妄空真有者濫此後真妄俱通二諦空有義故若

言妄有真空者唯真之上云何妄有故不隨真說二諦也○鈔若約真妄俱通二諦者第六句是變然此有二釋一云真妄俱真諦時俱是空真妄俱俗諦時俱是有二云真俗二法皆通於真妄俱空俱有蓋其諸法准一乘章

皆有空有二義用者臨時或單或雙俱存俱泯隨取皆得如三性法遍計情有理空依他相有性空圓成性有相空餘皆准此故真俗二諦皆通空有二義二釋皆通○鈔若約觸物皆中者已上約二諦俱存中道此約二諦

俱泯中道既離空有二邊故真妄皆非空非有第五句也雙問前總束中但明二諦今配句中何說三諦耶答中道無別法體但依二諦說之亦不相違○鈔約宗以明下揀餘宗然有二義一唯揀唯識等字內等不揀涅槃

三論以望華嚴雖大同小異亦得交徹故不揀也一云三皆揀之約不俱德揀亦無失等字外等唯識不徹可知涅槃不交徹者空是生死不空涅槃二義對論故為不交徹也三論雖談中道今此別約雙非空有無可交徹

故皆揀之問彼既不明交徹何以引其文成前六句耶答用唯識等文成華嚴義妙之至矣以引彼根令入圓法故○鈔今就華嚴下總收前法皆得交徹也以具一心下總出所以也○鈔如約遍計下以三性各有二義故圓成不變隨緣依他相有性無徧計情有理無今先約徧計二義故得交徹不同唯識唯是空也此下但隨義明不拘次第此即於第二句妄有真空交徹義也若依前第一句妄空真有明交徹者合云遍計妄空即圓成真

有妄徹真也圓成真有即徧計妄空真徹妄也○鈔若染分下此亦於上第二句妄有真空明交徹也而前約徧計此約依他二義不同若依第四句真妄俱有明交徹者應云染分依他妄有即圓成真有妄徹真也圓成真

第五

十二

有即染分依他妄有真徹妄也然上三性中唯約徧計及染分依他說其圓成二義淨分二義思之可了○鈔若約生死下即前涅槃中義今亦交徹亦依初句妄空真有明交徹也鈔故中論下引證即涅槃品文本云涅槃

永樂北藏

華嚴懸談會玄記

第一八三冊

槃與世界無有少差別世間與涅槃亦無少差別涅槃之實際與世間實際如是之二際無毫釐差別今義引耳問前揀中論不得交徹今證交徹何引中論答前是中論一分俱非義此是二分無礙義故引之也長毛曰毫十毫曰釐問涅槃與實際何異答涅槃依還滅門而立實際不屬詮門故以實際融之即顯真妄二法同依一心之所以也○鈔此經下亦證前生死涅槃二交徹也即須彌偈讚品文疏鈔云煩惱名諍觸動善品損害自

他故名爲諍此有漏法諍隨增故名爲有諍
 有彼諍故故生死者有漏爲體無彼煩惱故
 稱涅槃但因煩惱有無假立其名何有真實
 二互相即舉一全收故生死即涅槃涅槃即
 生死若對前六句者有二師義若寐照云此

鉅五

十三

及中論皆正證前涅槃第一句妄空真有交
 徹義也言亦俱空俱有者若四句同時亦可
 證證第六雙是句若前二句明俱有後二句
 明俱空不得一時即證三四二句交徹義也
 若指玄及會解正證第三第四二句交徹義

也以初二句爲俱有後二句爲俱空二釋隨
 取若以此唯證前涅槃之義前解爲正涅槃
 前正什中唯第一句故唯要前二句經文爲
 證也鈔家以支便兼引四句故有亦言亦者
 兼也豈可以爲正證耶指玄釋云亦者不定
 之義不唯依於涅槃第一句攝更約此經亦
 在第三第四句攝今詳指玄既云不唯及與
 亦在者寐照以釋初句爲正三四爲兼有何
 過耶指玄又云如解唯識不必句同今詳唯
 識約其本義隨其前後其理無差今約引證

若句不同何所證耶智者詳之○鈔以妄為俗諦下第二句妄有真空明交徹也○鈔故影公下即曇影法師乃什公弟子即八哲之一數此即所作中論序也言乃至者次文云不滯於無則斷絕見息不存於有則常見冰

消俱不俱等何由而有諸邊都寂故云皆離今云齊此諸邊故名中道鈔主釋曰此當俗有真空義也意云然統收其要妙所歸則融會通達於二諦以真諦故無有真空也俗諦故無無○妄有也真雖空而妄有故不滯空斷見息則真

徹妄也妄雖有而真空故不着有常見冰消則妄徹真也問此妄有真空與前情有理無名妄有真空并前緣生無性妄有真空何別答初約遍計次約依他此約二諦故不相濫○鈔餘可思准者有多意一去此文亦可具

第五

十四

於餘句如寂此諸邊即第五俱非句故云思准或可思准乃至之文如前已引或可此文准後鈔主釋之有四類四對等義今但證其妄有真空餘釋可准思之具如芳解中引○鈔若約隨俗下第三句真妄俱空交徹義也

由無定實故得交徹○鈔真妄皆真下有二師義若寂照唯明第三句真妄俱空交徹義也即屬三論第二義中之別義前約二諦隨俗此約隨真故是第三句若指玄即前三論中第三義然不全牒前文言真妄通真者影取通俗故言一味者是雙照空有為一味故即明第六真妄亦空亦有之句也後解為正依前解者文有漏落故○鈔若約觸物皆中下即第五句真妄俱非空有交徹義也以俱非二邊雙泯中道故交徹○鈔若逐假名字

下謂若但隨逐生死涅槃假名字執取堅著此二法者次經云此人不如實不知聖妙道言顛倒下須彌偈讚鈔云謂佛已成道功德難量我心妄惑則名為劣雖無叨濫不了真源心佛衆生三無差別為顛倒耳○鈔此亦第五法性宗下揀法相宗雖攝一切法歸如仍非即如此法性宗一切法即如豈妄外有真耶則該下釋上也或可上約反成今約正顯皆法性宗故置亦言也○鈔則該妄之真下上句真即妄而不碍真下句妄即真而不碍妄

也○䟽事理雙修依本智而求佛智者上句標下句釋依本智即修理求佛智即修事本智即佛境界知經云非識所能識亦非心境界其性本清淨開示諸群生佛智即佛境界智經云諸佛智自在三世無所碍如是慧境

界平等如虛空亦名權實二智亦根本後得二智亦理量二智始本二覺也○鈔上來交徹下有二意初躡上顯文意以前云即凡心而見佛心恐人誤執我心既即佛心不必修行也故此舉雙修之行○鈔亦由下第二直

顯文意謂學南宗失意者習三論不得意者謂依本智性即身是佛何用修於萬行六祖既言鏡本自明不拂不瑩豈為不了但恃天真不須用力溺斯見者近代尤多斯則懶不修斷一切法門猶未通達即守默之痴禪學

北宗失意者或義學不通之者及不叅問善友不聽經論但以善心修行者執教法中說修行方便要須起於事行自心之外別求如來依他勝緣以成自己功德乃尋文之狂慧故云並為偏執○鈔無漏智性本自具足者

起信云性自滿足一切功德所謂自體有大
 智惠光明義等故○鈔無所求中吾故求即
 大方等隨羅尼經中佛為雷音說華聚菩薩
 往昔因緣云昔有菩薩名曰上首入城乞食
 時有比丘名曰恒伽問乞士曰汝從何來答

却五

十六

曰我從真實中來又問何謂真實答曰寂滅
 相故名真實問寂滅相中有所求耶無所求
 耶答曰無所求又問既無所求何用求耶答
 曰無所求中吾故求之乃至又問菩薩於何
 處求答於六波羅蜜中求恒伽聞已賣身供

養此則求無所求分別俱亡雖終日求而無
 所求也言心鏡下責前禪宗不拂不瑩之義
 也又理不礙事下雙結成二修也○疏理隨
 事變下圭山釋云兩對皆上句明所以下句
 正明事事無礙雖一多緣起似濫所以然唯
 約無礙宗說問何故鈔中皆判為所以耶答
 以上二句該下二句皆性理融通因也○鈔
 亦分為二者有二意一望上理事無礙亦分
 二故二者望下義分齊中周徧含容亦分二
 故○鈔所以事事下總徵所以以理融事故

一句總答也是當門因言初句下正釋二義初義為異門因一即是理多即是事緣起可知若事下反顯今由下順明言下句下明當門因言理即融通下謂此事與彼事中理非一非異故融一切事亦非一非異也言餘至

鉅五

十七

下明者義理分齊具明十因故○疏故得十身下科云相即疏云相作者欲會判定記主相即相作二種玄門無別異義歸此一門故科及疏互言即作也○鈔古今名異者古即至相有此名也今即賢首改為廣狹至下自

會○鈔即第八地等者疏鈔釋云由第一義智不分別自身他身故住平等理離分別言非唯照同一性亦乃能所照亡此菩薩知下世俗智也所知十身皆是毘盧遮那正覺之體三界五趣無盡刹上能招身土業及煩惱今雖言報唯取能招四向四果自悟緣生三賢十地妙覺果人世出世智一切教理行果理空事空如次是十身之體十地論攝為三初三染分次六淨分後一不二分然國土身合通於淨且從一類以判為染次六總以三

乘為淨分於中前四是人佛菩薩但因果之異次一是能證智後一是所證理問內十身中理智與此理智何別答寬狹異故謂外十身中理智二法通於五教三乘差別之智及教理行果一切諸法之理故寬內十身中理

智唯當乘所具法性之理無礙之智故狹也問既是遮那十身豈可為八地菩薩俗智境耶答為對上之第一義真智真境且名為俗若直說遮那之身真俗豈局耶蓋順義無方故問唯識云虛空但依識假施設有謂曾聞

說虛空名隨分別有虛空相等楞嚴亦云一人發真歸源十方虛空悉皆消殞何用虛妄無體之義為佛身耶答圓教明此事體性難思故得為佛身也言知諸衆生下先明相作所由由隨機故或是相作之意意欲攝生故

鉅五

十六

言能以下別顯相作畧為四番問法身中理法智身虛空身此三皆無形質云何言作若約自智證於法自然應現今於虛空忽見自身即是作義若約機明菩薩今衆生契合理智混同虛空便是作義依止義邊得名為身

問作衆生時亦如染衆生有苦惱否答如世
遊戲無損動故今文雖舉四番理應俱十成
一百身言自身即菩薩身故若自身唯八地
菩薩望諸菩薩別則有一百一十身也○鈔
不壞相者約行布也相作二字即約圓融二

義無碍方立玄門○鈔其猶下即淨名經
以小例大明不壞義非證相入七十七經
所證亦然言住處者是彌勒菩薩住處也
○鈔是菩薩遊戲者離世間疏云如世遊
戲無損動故言於涅槃下問上證理事無

礙今何證事事無礙耶答約差別義何非事
事無礙○鈔六位等者具如後彰地位中說
也○鈔雖有即入意取廣狹者即入是因廣
狹是宗以因顯宗故此中大身大剎入塵入
毛即異體廣狹晉經下即同體廣狹言至大

第五

九

有小相即法無定性因也○疏炳然齊現已下
八玄皆約喻明今喻芥餅法中如經云於一
微細毛孔中不可說剎次第入毛孔能受彼
諸剎諸剎不能徧毛孔毛若琉璃餅剎若芥子法
喻可知○鈔一能含多下設所舍中却取一法

為能含亦是一能含多故曰相容○鈔此即
 如來下辯喻所出由此喻古來未有賢首只
 有束箭喻故今示所出也經云爾時世尊在
 三昧中放眉間光名大顯發所有一切功用
 未證十地諸菩薩等遇斯光已悉見空中諸
 毛端處及微塵中無量佛刹如琉璃餅盛芥
 子觀者悉見意取歷歷區分
不錯亂之壯也一本云白芥子
 者即大方廣佛華嚴經佛不思議境界分云
 盛白芥子餘文全同言琉璃者一切經音義
 云具云吠琉璃耶此云不遠山謂西域有山

去波羅奈城不遠此寶出彼以名之義淨三
 藏翻云綠色寶又云青色○鈔亦是緣起實
 德者揀業用也理實此門亦通業用今揀人
 天之業用故言非人天所作者瑜伽五十四
 說色無色天變身萬億共立毛端皆定通力
 隨心所作今正揀此也但似而非真曾不說
 言真如具無盡德等○鈔如八相下經名微
 細故立此微細門即離世間品文經云佛子
 菩薩摩訶薩有十種甚微細趣何等為十所
 謂在母胎中自在示現初發菩提心乃至灌

頂地在母胎中住兜率天在母胎中示現初
生在母胎中示現童子地在母胎中示現處
王宮在母胎中示現出家在母胎中示現苦
行在母胎中示現詣道場成等正覺在母胎
中示現轉法輪在母胎中示現般涅槃在母

經五

十

胎中示現大微細謂一切菩薩行一切如來
自在神力無量差別門釋曰在母胎中一相
八相皆具萬德斯圓如一相既爾相相皆然
也然亦通德相業用今引此但證德相爾言
能含微細者如一毛一塵一相等難知微細

者微塵不大刹不小等而能容故○鈔隨一
法攝無盡法者當門具也即教義等十對體
事無法不收故及下九門者以列次則此門
在初故下九門能具門所具法皆此門中具
也以此下出總具所以若唯具當門義不成
總故○鈔潮不過限者五十二經說四天下
有二萬五千河流入海中又有八十億諸龍
王宮各有其水流入大海涌出有時故潮不
失時又准五十一經海有四大寶能消眾水
故海水無有增減一名日歲二名離潤三名

火焰光四名盡無餘若無四寶從四天下乃至有頊其中所有皆悉漂沒准婆沙論說阿鼻地獄火氣能吞消海水及儒教說沃焦石者皆非盡理也○鈔涅槃經者即高貴德王菩薩品十功德中第六功德也彼喻修金剛

第五

二十一

三昧已修一切三昧今借喻此可知○疏等虛室之千光者圓覺云如百千燈光照一室其光圓滿無壞無雜即喻所出也○鈔互為緣起者緣起相由門意一切法上有有力能成義邊為緣無力所成義邊為起名力用交

徹也故得下正明相入方是玄門言是曰相容者與微細相容不同上唯一容多此一多互容也○鈔亦可喻相即者以前相即亦有相入義但取相即為門今此喻中亦含相即但取相入為門也

華嚴懸談會玄記卷第五

華嚴懸談會玄記卷第六

蒼山再光寺比丘 普瑞 集

鉅六

疏隱顯俱成等者經云譬如月輪闕浮提人見其形小而亦不減月中住者見其形大而亦不增釋曰見大則大顯小隱見小則小顯大隱而

無增減則是秘密俱成餘一切法類此可知○鈔八九夜月者下疏云月者缺也有虧缺故下面顯脈迦寶水精所成能冷能照長阿含云其城方正一千九百六十里高下亦爾玉座二十里遙看似圓而實方正同此天俱舍云近日日影

永樂北藏

華嚴懸談會玄記

第一八三册

覆故見月輪缺

以日行稍疾月行稍遲行度有異如月時盡漸近日輪日光赫奕輝輝照彼月輪映帶不現

乃至對照或隔須彌不被照時即全體現今取映奪一半之八九夜月為喻也言不同晦月者初學記云晦者月盡之名晦者灰也火死為灰月光盡而似之也弘決志云晦者

暗也言望者初學記云望者滿月之名日月相望也然此喻有二種隱顯從上喻及法合異體隱顯也如東方下先對異體而東方入處下彰其同體或但喻其隱顯並通同異體義○疏重重交映下今疏雖八皆舉喻若就門為言唯此

一門從喻受名若就法立應云重現無盡門○
鈔亦如下以喻顯喻也以重現之理深遠難測
帝網之喻世不見形故以近事以况遠旨○疏
念念圓融下意謂念劫圓融今隨文對故言念
念然念與劫皆有相即相入等義而與諸門異
者餘就所依法此約能依時所依之法既自融
通能依之時亦融通也○鈔十種說三世者應
云以三世說為十種也○鈔現在說平等者下
疏云現在即事可見故但對前後立現在名言
未來說無盡者下疏云未來是續起法故未來

之未來名為無盡言三世說一念者下疏云現
在一念是過去家未來是未來家過去則自具
三世言三世相因者此三世中現在因過未現
中有過未過去因現未過中有現未未來因過
現未中有過現以果從因出不異因故則九世
為別一念為總也○鈔一夕之夢經於數世者
如黃梁南柯之夢亦如下鈔西域隱士等事可
檢於此說之言莊生者即內篇云昔莊周夢為
蝴蝶翱翔然蝴蝶也自喻適志歟不知周也等
言假寐者毛詩注云不脫衣冠而眠也○疏法

門重疊等者隨舉一法即是一切無盡法門如雲起空歎然重疊徧空故○鈔下經云者有指回向者經無顯文今義引昇兜率官品由彼有三段經文合於四義謂初一段文有十句明多因以成多果經云百千億那由他先住兜率

諸菩薩衆以從超過三界法所生離諸煩惱行所生周遍無礙心所生甚深方便法所生無量廣大心所生堅固清淨行所生增長不思議善根所生起阿僧祇善巧變化所成就供養佛心之所現無作法門之所印即多出也

過諸天諸供養具也多果供養於佛釋曰上即多因生多果也若取前多因一一別生諸供具即第四句多因生一果即今鈔然鈔中即義引即彼第二句一因生一果文爾文云無生法忍所生一切衣今舉此花從無生

第六

三

法忍所生者即義引也又加等字爲多因故下疏所引做此可知○鈔非是託此別有所表者不同法花等衣表忍辱室表慈悲但一事表於一義復離能表別有所表故今明一事即人即法即依即正具無盡德故○鈔

至相等者終南山至相寺唐時智儼法師花嚴第二祖也稟受於文殊化身杜順和尚心既精通自有文釋勒成一卷立十玄門中有純雜賢首即其門人也故教義中仍立純雜至探玄記方改爲廣狹門言然有二意下出改之意也初意中復有二意初濫理事無礙設如下假設牒彼救詞亦濫單約事說二者下縱成事事無礙而復奪其濫於即入○鈔今以至相約行爲異者清涼出至相意應例前難云一者事如理徧故廣不壞事相故狹

亦濫事理無礙答取其能如理者與不壞相明無礙何濫理事無礙若爾至相亦取能契理明無礙故問其能如理之事如理廣徧更無餘法不壞相故則有餘法此二門異亦不成事事無礙答即廣即狹何有二門異耶若爾至相亦即純即雜何有二門異耶二者如金剛圍山數無量悉能安置一毛端如是廣之與狹不相障礙者則事事無礙義成而復毛中存諸山相入門也若毛即山相即門也答雖有即入意取廣狹無礙故若爾雖有即

入意取純雜無礙若如向說其理則齊今以
賢首通一切法至相但約行以明義則似局
故圭山云純雜約萬行與賢首為小異耳今
以主伴一門在前說儀周普之中欲成十義
故復出之即不遺古德之義以妙理無方故

樂

四

已上辨古今取捨言比花開下方消疏文萬
行芬敷披拆比况花開於錦上雖青黃等五
色之線相間宣通錦上而花色各異喻純雜
也○鈔總顯高深者高約權深約小然可互
通亦由深故權不測高故小絕聞故新經序

永樂北藏

華嚴懸談會玄記

第一八三册

云一極唱高二乘絕聽今約義順故作此明
由法門高遠權雖聞而不信由法門深妙故
小雖在坐而不聞所以分此高深而不互通
也○鈔又前下問此大段既明成益何前二
而非益耶故此答也言反勸者未入權小不
令入彼令於圓教生信仰故入者迴令入圓
即成益也○鈔秦華倚天者秦華即五岳之
二秦山為東岳言萬物皆相通秦於東方也
華山為西岳華之為言獲也言萬物生熟可
得獲也言岷峨拂漢良莪亦二山之名漢謂

天漢河漢倚天拂漢皆言其高也言論語云者即子罕弟九篇顏淵喟然嘆曰仰之彌高鑽之彌堅瞻之在前忽焉在後彼美夫子之道今借初句讚此經之高也○鈔出現品云下疏云文先反顯設有之言似當假設望慈

集六

五

氏讚善財言餘諸菩薩於百千萬億那由他劫乃能滿足菩薩行願今善財一生即能淨佛刹等斯則舉權顯實非假設也言那由他者十萬為億十億為落義十落義為俱胝十俱胝為那由他判定記云第九數當萬萬也

言大威德法門者鏡心錄云即一真心也問若實有此菩薩為在何位下疏荅云義當三賢以入證聖必信圓故若約教道三祇亦未入玄故下鈔云若約教道施設三祇教道既未真則成佛義亦非真也教不實故以心存

妄念帶此妄念修行多劫虛事劬勞畢竟不成佛果若約證道三祇修行必已尅證修權既深入見道後則能入實方始證知妄念本空等所以凡夫頓能信者宿因熏為種別故今更不信當來豈聞言若得聞下後順釋言

生如來家者攝論云於真如證會名生佛家
言等字者等餘文云隨順一切如來境界具
足一切諸菩薩法安在一切種智境界乃至
深入如來無量境界等○鈔如魚登龍門下
呂氏春秋曰龍門未開河水于孟門東大溢

是謂洪水禹鑿龍門始南流今降州龍門縣
是也尚書注云龍門山在河東郡之西界其
山高五千仞曰七尺仞而有三級其水流注於下
赤色鯉魚每年於春暄之際會此山下逆水
而上若有分者登過龍門自有天火燒尾脫

鱗驅雷駕電與雲致雨日化爲龍如大華嚴
之機也
若登不過者自有紅朱點額不得再登曝腮
於龍門之下如此假
名菩薩故謝玄暉詩云戢翼希
驥首乘流畏曝腮即其意也○疏深不可窺
下即法界品初如來入頻呻三昧會中菩薩

第六

六

大衆皆見逝多林及宮殿虛空三處有種種
莊嚴境界事又聞不思議等法諸大聲聞不
見不聞故云爾也言嘉會者易曰亨者嘉之
會也又云嘉會足以合禮今借以目如來說
經之會也○鈔悉覺真諦等者下疏鈔云然

此聲聞皆是菩薩欲顯深法託為聲聞故所

歎德言舍本跡今釋為二門一就跡約小十

句皆開聲德一得現觀於四真諦善覺了故俱即

合見緣事三觀也二皆證實際者即入正

性離生無方便慧已作證故煩惱如生食在

生遊三深入法性者所覺已窮故法花云我

等同入法性即三獸度河理無二故四永出

有海者生分已盡由闕大悲故自永出如鹿

圓五依佛功德者有為無為有餘依之德依

佛成故即逮得已利六離結使縛者即已盡

有結謂九結愛恚慢癡疑十使即根本十煩

種子亡故即其心寂靜猶如虛空者即心善

解脫離定障故又披相寂如虛空九永斷疑

惑者即慧善解脫離性障故又離於佛無惑

即明非定性皆可迴心信入佛智法華云舍

十於佛智海深信趣入者

二約本就菩薩歎者明此

皆是權故一覺第一義二方便已具善能入

於無際際故智論云法性為實證實三二空

鳥際凡但有實而無際

真理窮其源故四具足大悲能入不深方永
 出故五依十力等離小見故六不斷不俱方
 能離故七已淨所知無二礙故八處亂恒寐
 了本空故九佛不共德雖未證得亦無疑故
 發心品中菩薩行佛十
 力雖未證得亦無疑故 十一切種智證信入

故初地已上皆依佛智海故問既具本門之德何得龍膏
 耶荅下跡云然皆廢本從跡以顯一乘因果
 不共深玄故○鈔逝多林者唐言戰勝即波
 斯匿王所立太子太子初生王戰得勝故以
 為名以須達買太子之園以施佛太子施林

永樂北藏

華嚴懸談會玄記

是以名焉表依善友勝出魔軍及凡小故○

鈔舍利弗此云鶻子或云鶻鶻子大乘法師

即子也增一云智慈無窮尖了諸疑第一

大目犍連母是彼種揀餘此古有仙居山食豆

神通輕飛能摩訶迦葉此云大飲光本族仙

日月增一阿含云羅閱祇大富長者名迦維
 羅婦名檀那子名畢鉢羅子婦名婆陁其家
 千倍勝鮮沙王十六大國無與焉憐畢鉢羅
 耶迦葉名也其父禱此樹而生故付法藏傳
 云毘婆尸佛滅後其塔像金色缺壞貧女得
 金珠諸匠為薄金師歡喜治塗佛畢立誓為
 夫婦九十一劫天上人間身恒金色恒受快
 樂最後馬迦葉夫婦畏勝王得罪成一犁但
 川九百九十雙牛金犁又云其家有疊最下
 品者直百千兩金以釘釘入地十尺疊不穿

第一八三册

破如本無異六十庫金粟一庫光徹水在十
 解又云歛浮那金勝於此大迦葉第一揀餘
 一云佛法中十一頭陀室之得道智論亦云
 葉故云離婆多此合悟之得道智論亦云
 大行也止宿見二鬼爭屍皆言我先持來二
 於空亭取其分判此人實見小鬼持來及被
 鬼共言自思惟我隨言一持來被不得者必
 當見害我寧實語而死終不以虛而終遂如

第六

實之得聖者持來被其大鬼攫其手足隨而
 食之口而去及明憂惱不見誰身言彼鬼合
 初常疑云若我本身眼見損去是身不復
 隨我之行住疑惑猶豫逢人即問我身不復
 僧見之云此人易度而語之云汝身本是他
 之遺體非已也悟此假合因即須菩提此
 得道以常問故亦云常作聲也
 善現善吉空生而室空相
 師占之見善相故解空第一相
 阿菟樓駄無滅云

賢愚經說弗鉢無獲有一時飢僅有辟支佛名
 利叱行乞受鉢不即以一貧人見而悲悼白
 言變後更採釋有免跳抱其背變鳥死無十
 八得脫待暗還家委地即成王金人拔指隨生
 伴得脫待暗還家委地即成王金人拔指隨生
 用脚還出無所視即財寶現報如奪之但
 有死屍而無上人所聞財寶現報如奪之但
 九十一死而無上人所聞財寶現報如奪之但
 此云歡喜性極聰敏音聲絕倫即牧牛難陀也
 根本乃牧牛之人問佛放牛事佛答牧牛有十

一事不在高山二不居深澗三草無硬澁四
 水有三德不令熱鹹五住處須平六頭六加
 刷七向水徐行八熱後飲九飲具一切有遂
 八須明一主常隨後飲因知佛具一切有遂
 來出家獲劫賓那云云黃頭仙人之族又譯
 阿羅漢果劫賓那云云黃頭仙人之族又譯
 此宿感此子故二云與佛同宿故謂初詣
 佛所欲出家時夜值雨寄宿即推草座與之
 為坐晚又有一比丘寄宿即推草座與之
 在地坐夜中相問欲何之答曰覓佛後比丘

永樂北藏

華嚴懸談會玄記

第一八三册

即法解去然得道後止即迦旃延此
 佛也增一云善知星宿日月第一
 剪髮無種人鳥剎婆羅門法要剃髮
 稍長無種人鳥剎婆羅門法要剃髮
 子兄弟種人觀父小者乃為諸仙剃
 頤髮成仙道爾來此亦剃髮增一云
 論義第富樓那具云彌多羅尼子此
 一也富樓那具云彌多羅尼子此
 求子正德江滿父夢七寶器威滿中
 懷母運懷子父願獲滿從此立名又四
 九

中有慧行品其母誦之以皆悉不見下疏云
 高母名增云說法第一以皆悉不見下疏云
 神力十力嚴好六根二境界分齊遊戲神變
 重開同空等神變也尊勝智最妙行慈智無
 不壞本相遊戲也今有勝力作持淨刹世亦
 用威德畏等住持今有勝力作持淨刹世亦
 復下明不見因初總即分齊境大會下別顯

會通入身偏利聖智至即新來詣即此住彼
 新舊入入諸法等
 二橫堅普滿故餘句可思何以故下什不見
 一即一切故
 所由善根不同故一句總標根不同故初明
 不見佛果之因次二句不讚果餘句不修因
 等不見菩薩之因言劣者不見下結疏意也

是知日月麗天盲者不覩雷霆震地聾者不
 聞道契則隣不在身近菩薩自遠而來聲聞
 在會不知者矣○疏見聞為種等者十地論轉
 生難處益謂具金剛種雖八難而聞經以彰聞經
 益深遠種子無上故言八難者一地獄二餓鬼三

畜生四北洲五盲聾啞六佛前佛後

此是古說

若新譯云法前法後後譯勝也七世智辯聰八長壽天故論

云以不堪受教難入佛法中謂於此身中不能入三乘聖道難之言障障聖道故今疏意有二一難不障聞謂雖在八難而見聞得堅

種故二難不障聖若已熏種者雖居八難而得成聖故云十地之階也○鈔即隨好品乃至及初地云等者引據也以此經八難容聞唯憑此二段經為證故問若據此二文則唯地獄畜生并長壽天何故便以此通八難

耶答此由天親論以海水為畜生即惡趣劫

火為長壽天即善趣故諸祖取此義通八難

容聞也何者論中經偈云雖在於大海及劫

盡火中決定信無疑必得聞此經今經上半

及顯論經唯順明也今經堪受即決信義疏鈔中釋云

經六

十

若有信有機為堪受者無問惡道善道難處

生皆得聞經以難不障聞故言雖也以不信障聞非

難障聞故海水劫火即是轉生時難處也○鈔海

水是龍等者海水即是惡道畜生趣故論云

龍世界長壽亦得聞此經以昔見聞修一乘

觀有餘惡業故生惡趣問既堪聞法何生難處答一乘緩戒急事戒不犯三種觀心了不開解以戒生人天雖見佛不能開解冀善知識化導修乘即得解脫今不修乘百千佛出終不得道二乘急戒緩德薄垢重事戒既犯

專守離相之戒觀行相續故佛會中多列龍鬼等三乘戒俱急事理之戒無瑕妙觀相續即於今生便應得道必當昇善處聞華嚴等四乘戒俱緩具犯衆戒永墮泥犁神明暗塞無得道期勉旃學徒願留心法要故涅槃云

於戒緩者不名爲緩於乘緩者乃名爲緩○
釵刮火是天者即是善趨而言長壽天是難者如有經說右脇著地未動之間已經賢劫千佛出世更一轉亦爾但暫臥息尚爾况其一生言火災及初禪下論云雖在色界光音

樂六

十一

天等亦得聞此經此即指二禪已上爲長壽天也問論釋刮火無長壽天之言今何判刮火爲長壽天耶答此中雖無長壽言而前龍趨下却有長壽二字且三惡爲難不必長壽恐是譯人悞將此中長壽入前文故問刮火

唯在初禪何故論釋於二禪聞經耶答以火起時初禪無人二禪不為其壞於中得聞故論言等字等取三禪四禪免水灾風灾長壽天難乃至無色亦是得聞今舉初攝後及對水成文故云劫火謂火至初禪二禪已上聞經水壞二禪三禪已上聞

經風壞三禪四禪已上聞案智論通上二界經故云劫盡火中等也除五淨居皆長壽難然智論有四師義異一想慮入萬大判二下一切無色定通故名壽以無形可化不任得道常是凡夫廢故三云或道無想天亦無心任得道故四云初禪至四禪除五淨居皆名長壽以看禪味邪見不能受道故添攝論及成實論皆同第三今地師說然上諸論皆以上二界為長壽天

論不取初禪者以多好說法有覺有觀聞法障輕一日又正已燒故不說之二日然三灾壞三禪者以初禪同下界有尋伺故火灾壞也二禪同下界有喜受故水灾壞也三禪同下界有出入息故風灾壞也今初禪以前二

因故非難也言光音天者即二禪第三天也二禪三天初名少光二名無量光三名光音智論亦云第二禪通名光音彼天語時口出淨光故有云彼無尋伺言語亦無用光代語故名光音瑜伽名極光淨謂極光徧照自他

處故以此天已上為長壽者少先天壽二劫
無量光天壽四劫光音天壽八劫從此已上
三禪三天四禪九天倍倍增長至色究竟天
一萬六千劫初空二萬劫二空四萬劫三空
六萬劫四空八萬劫故云長壽天也上順論

延

主

釋八難之中善惡二趨已成二難○鈔地獄
天子者從地獄出得生天上故從舊立名即
揀別依主也○鈔佛會鬼神等者前三難依
文有據此下五難以理而言也然准下疏云
修羅地獄容在海中鬼神亦有文也言火災

永樂北藏

華嚴懸談會玄記

之時無佛前佛後者下疏云劫壞之時無佛
出故准此則亦有文也故下疏鈔釋劫火一
義不唯約長壽天也疏云正在火中亦容得
聞衆生見燒燒處有不燒故鈔云即法華意
華藏品云劫燒不思議所現雖敗惡其虜常
堅固即明火中聞也如火浣之布火中之鼠
炎鐵圍內而有蟲生衆生業殊豈妨火中聞
法方對海水之內正在其中也言人天異道
者下鈔但云世智辯聰亦不妨聞言聾者目
視者下鈔云其盲等正絕見聞不可說聞但

第一八三册

潛益耳忽生耳目亦容見聞今且約其分缺者說耳○鈔皆容見聞為種之義者已上難不障聞言為種者所熏種子性相不同若依相宗前七王所俱為能熏唯第八識獨為所熏其色心種體勝義之法不可詰其形相若

鉅六

三

依法性自有三說一終教則二法緣起真妄互熏即有深淨緣起有二一者無明熏真如成三細等深緣起一者真如熏無明有始覺等淨緣起真妄互熏為因義違以為種體二頓教中有二一若約從終入頓之種如前終

教二若直就於頓則無種之種也三圓教中二法緣起一切諸法唯一心現故亦二深緣熏時令真如上有一分隨深氣用現諸深法淨緣熏時令真如上起一分隨淨氣用現諸淨法則以真如上一分深淨氣用以為種體若不爾者何為種耶今言見聞為種者則以見聞為能熏法界理體為所熏由見聞熏故即於法界理體之上起一分明朗智用以為種體用不離體故後經中有食少金剛喻要穿其身出過於外不與肉身雜穢居故是以

或遇光或圓修有頓超圓證之益也種體甚深何教及之問然此八難中種有二類一由昔有聞種今方難處獲聞堅種既成出難證入如下地獄天子等地獄既爾餘八亦然二者或昔未聞今雖處難而獲聞以為堅種乃經之通意也○鈔超十地之階下釋難不障聖也問證聖之時非在難處何云難不障聖答有二意故一云望其本故如云地獄天子等二云雖出難方證聖由前難中聞經之力而方證聖故○鈔寶手菩薩者當令寶重起

永樂北藏

華嚴懸談會玄記

信手故言足下者推下苦趨放足輪光論云伽

於父母種種供養於諸有情諸苦惱事種種救護由往來等動轉業故委悉修故得足下言圓滿王者攝益自在放四十光者表

十位無不照故清淨功德者淨感能照下所照隨諸分齊衆生下顯淨感成阿鼻下以重此中畧無墮況輕

獄之因必前修乘戒行寬故○鈔爾時諸天子下當根獲益准下疏科此文為二

先重益爾初聞香益又云初正明得益於著聲共諸
二展轉益二後見益益二二攝化轉益後又復云

第一八三册

言得十地故者故字義似牒前為因見佛為益然前來未有得十地等處為何所牒是以晉經皆無故字應將初句故字安迴向下得字之上加一便字下句去其故字應云聞說普賢廣大迴向故便得十地獲諸力莊嚴三

昧等即上句得位下句成行分得十力為莊嚴故言以衆生下即見佛益於中懺悔即是佛因即懺見佛之障以無盡三業徧法界懺故即見下正見佛也言乃至者中間經云彼光明中有衆生數等諸佛隨衆生心而為說法而猶未現毘盧遮

那菩薩離垢三昧少分之力言以花散菩薩上者即敬心興供也經云化作衆生數等衆妙花雲散於毘盧佛身上住順下正科此中十地也言又云等者依前經中諸天子聞天鼓音已化作供具中有一萬花雲一萬香雲一

鉅六

十五

萬蓋雲一萬音樂雲一萬幢雲一萬歌讚雲今即其香雲成益也具云身蒙香者其身安樂譬如此丘入第四禪一切業障皆得消滅言乃至者中間云若有聞者彼諸衆生此身聞於色聲香味觸其內具五百煩惱其外義

有五百煩惱貪行多者二萬一千瞋行多者
二萬一千痴行多者二萬一千等分行者二
萬一千了知如是悉是虛妄如是知已下與
鈔引同今云滅八萬四千者約總數說也謂
根本煩惱一貪二瞋三慢四無明五疑六身

見七邊見八邪見九見取十戒禁取然一惑
力復各有十即為一百計應分為九品上品
重故開為三品中下輕故各為一品合為五
百於自五塵總起五百於他五塵總起五百
名本一千又於自他五塵一一各別起五百

為五千別迷四諦為二萬并本一千為二萬
一千依三毒各增級等分經如上各有二萬一
千故成八萬四千也對法十三云謂有猛利
境起上品貪故嗔痴亦然名三毒各增等分
行者隨境勢力煩惱現行故感與境等名等
也分行問經但云了知是虛今鈔何云滅也答

了惑本虛則居然不生不生即滅言香幢雲
者即九地也瓔珞經云九地白雲寶相輪晉
經云白淨寶網今經有雲字合成瓔珞白雲
寶義也惑亡故清淨智顯故自在光明善根
成就○鈔釋曰此即第一重得十地也者問

此上一節經文准前料是第二展轉益中義
 今鈔何斷屬第一重答若正得益與展轉益
 相對此合是第二重故前依下疏料判若依
 此聞香所得益相准瓔珞經但第九地進不
 同第二重輪王得十地退非是第一重天子
 得十地今以得十地為三重頓圓故攝入第
 一重即第一重十地後轉化義爾故下疏會
 云此品總有三重得十地一謂諸天子聞天
 鼓說法得十地二此天子毛孔化出華蓋見
 者得輪王位即是十地也三輪王放光遇者

鈔六

六

後得十地此三位皆齊等同時頓成據此與
 今三節全同○鈔種清淨金網輪王一恒河
 沙善根者下文廣釋今撮畧以明大分為二
 一且順晉經釋二直就今經釋且初順晉經
 釋者蓋諸經中十信寄鐵輪王十住寄銅輪
 王十行寄銀輪王十向寄金輪王初地已上
 但增寶相初地七寶二地八寶三地九寶四
 地十寶五地十一寶六地十二寶七地十三
 寶八地已上不增寶數但云大應寶九地三
 經有異瓔珞白雲寶相輪晉經白淨寶網今

經香幢雲自在光明十地百萬神通寶光瓔
珞無畏珠寶相輪今若會者晉經云種一恒
河沙轉輪聖王所種善根所謂白淨寶網輪
王等等者據此經文是多箇輪王之善根非
一輪王之善根也其白淨寶網輪王等者是

每六

十七

寄第九地菩薩位故若依此經第九地香幢
雲自在光明清淨善根若依瓔珞第九地是
白雲相輪王則晉經白字今經雲字合成瓔
珞經白雲寶也瓔珞白雲既是第九地菩薩
則知晉經白淨之言是第九地也此則晉經

等字從第九地白淨寶輪王向下等白淨為
能等一恒河沙輪王是所等以第十地菩薩
為能種白淨寶網輪王下一恒河沙輪王善
根為所種則今經金網之言以為所等數也
已上依晉經什若依今經金網順晉經釋者准瓔珞

經金網之言寄十迴向位從十迴向位當中
向上等金網却為能等一恒河沙輪王及晉
經第九地白淨寶網却為所等亦晉經得金
網等一恒河沙輪王所植善根也以第十地
菩薩為能具金網等一恒河沙輪王善根為

所具則金網無失二直就今經釋者則金網之言便是第十地菩薩是一輪王有多善根也若如是則金網非能等亦非所等是第十地菩薩也何者有三義故證成一瓔珞經中第十地菩薩名無畏珠寶相輪其無畏珠者是清淨義故二以攝化分齊同第十地故次經云住此轉輪王位於百千億那由他佛刹微塵數世界教化衆生正同十地經中第十地攝報果中所化分齊也三以轉益文證成即次下經文此王放光遇者尚得十地位故

知此王即是第十地也但經金字瓔珞雖無餘經或有故金剛頂經廣說金輪佛頂故其義交雜故須畧釋勿厭繁文○鈔後文云下此節文前更有一節經俱此在其後故云後文云也然俱是第三重得十地之意不勞繁

鉅六

大

引○鈔十種清淨眼者一肉眼見一切色故二天眼見一切衆生心故三法眼見一切衆生諸根欲故四慧眼見法實相故五佛眼見如來十力故六智眼知見諸法故七光明眼見佛光明故八生死眼見涅槃故九無碍眼

所見無碍故十一切智眼見普門法界故言
十種清淨意者一上首意發起一切善根故
二安住意深信堅固不動故三深入意隨順
佛法而解故四內了意知衆生心樂故五不
亂意一切煩惱不離故六明淨意客塵不能

深着故七善觀衆生意無有一念失時故八
善擇所作意未曾一處生過故九密護諸根
意調伏不令馳散故十善入三昧意深入佛
三昧無我所故乃至之言超中間四根皆
清淨故○疏解行在躬一生圓曠劫之果者

在躬語出禮記彼云清明在躬氣志如神言
曠劫果者是行布教中多劫所成之果今一
生皆圓故○鈔慈氏讚善財云等者疏云解
心順理曰善積德無盡曰財言乃能滿足下
願即十向該地前諸位行即十地親近諸佛

鉅六

九

即等覺也以近妙覺佛果故於一生內者約
圓融說即凡身一生問約法圓融可爾豈實
有凡身一生成辦答依實教修悉皆能爾朗
不勉旃千年之鳥不及朝生之鳳普賢生位
互融攝故普賢即等覺位善財亦至此位因
滿之果故由普賢位與衆生位互

融攝故云爾也約行布說亦解行生由前世是見聞生入地為證入生言則能下十二句初二句總明通諸行位三入十住四五入十行六入十回向後之四句有二說一云通諸地位一云七句十地位後三句等覺因圓也○鈔

及大威等者即毘盧遮那品說一生歷事四佛而得因圓言大威光者有大威德其道光明故經云初逢一切功德山須彌勝雲佛見光即時證得十種法門次聞法獲得彼佛宿世所集法海光明又得一切法聚平等三昧

智光明又得一切法悉入最初菩提心中住智光明等十一種光明疏云初發心時便成正覺故二遇波羅蜜善眼莊嚴佛先得十千法門次與眷屬等同得清淨智名入一切淨方便等十法門疏云達一切法本來清淨名清淨智不取淨相是名方便即初地入證之智下九句即餘九地三遇最勝功德海佛得三昧名大福德普光明疏云五度皆福定為最大寂無不照名普光明遇於初佛但得十者自力未勝故次佛十千者道轉深故今唯

一者道已滿故四遇名稱普聞蓮花眼幢佛威光命終為忉利天王供佛聞法得三昧名普門歡喜藏疏云以聞此佛說大方便普門遍照經正受安住法喜無盡故名曰藏由此證達諸法實相等然初劫之中十須彌山塵

鉅六

十

科云成益頓超然此二所明之證由見聞解行為因得果非佛果名果此二聖佛果為遠因非近因也佛果唯取等覺位○鈔又此經宗下躡前速證明三生義恐有難言若上二皆明速證何殊第三頓證耶故別分三生前二雖有速證意成見聞解行之益故第三科方是正明證入之義也然此三科下句皆是速證益三生不同為門別也賢首云約報明位唯有三生如約善財明三生者一見聞位即善財次前生身見聞如是普賢法故成順解脫分善根法花分別

功德品云又復如來滅後若開是經而不起
 歡喜隨喜心等天台云此下明五品一直起
 隨喜心二加自受持讀誦三加勸化受持讀
 誦四加燕行六度五加正行六度在十信前
 自行名弟子二解行位頓修此住行向地等
 化他名法師

覺之五位行法如善財此生所成至普賢位
 是三證入位即因位窮終沒同果海善財來

舞六

主

生是也清凉云此解甚順經宗但更有一理
 謂歷位而修得見普賢一時頓具據此一生
 歷諸位是解行普賢身中頓證法界為證入
 生故今次文衆海頓證即為證入生不必要
 沒同果海也○鈔上二句至即下二句者有

二意一云前二段中各上二句為見聞解行
 二生各下二句為證入也二云上二句即總
 目前二科也雖各有速證之言但從見聞解
 行而說故屬前二生下二句即頓證超權二
 句總目為證入生也後意為勝

華嚴懸談會玄記卷第六

華嚴懸談會玄記卷第七

鉅七

蒼山再光寺比丘 普瑞 集

疏師子奮迅等者此第九逝多園林會本會頓證法界故上句教主入定下句當機權益○鈔爾時世尊下疏文分三初一句入定緣領前海

罪七

衆念請故三大悲爲身下入定因有其四種悲以爲入定益物之本各有二義身二義者一入定所依之身悲所熏故二身者體義依義欲深入定全依大悲而爲體故二門二義者一佛有大智大定大悲門等今欲益生唯依悲門今

物入故二者定爲所入悲爲能入故三首二義者一首初義凡所益物皆以大悲爲先道故二者勝上義謂非不用智定之門此增勝故四方便二義者一悲智相導互爲方便今以悲爲入定益物之方便故二者以是即智之悲故不滯愛見故名方便方能令物普入法界此上四悲皆遍虛空亦有二義一廣周故二無緣故三入師子下正明入定以定業用從喻爲名師子乃獸中之王哮吼一聲百獸腦裂以喻法中王也言頻呻者展舒四體通暢之狀此言猶通於人

如婆須密女亦云見我頻呻也言奮迅之義就師子說者即奮躍迅起自在無畏正就師子以義顯故約法即用之體寂而造極則差別萬殊無非法界即體之用不為而普周故大小相參緣起無盡名頻呻自在之義○鈔普賢開發者

由佛入定現於淨土顯於法界普賢主法界故方能開發也經云普賢菩薩為諸菩薩以十種法句開發顯示照明演說此師子頻呻三昧何等為十所謂演說能示現等法界一切佛刹微塵中諸佛出興次第諸刹成壞次第云然上佛

入定現相令眾親證今假言開顯使未證者尋言契實也○鈔言如來眉間放光者經云爾時世尊欲令諸菩薩安住如來師子頻呻廣大三昧故眉間白毫放大光明其光名普照三世法界門以不可說佛刹微塵數光明而為眷屬

鉅七

二

釋曰眉間放者表即法界中道無漏正智方能證前所現之法界故令尋智光以為能證○鈔盡法界虛空界等者下疏云空即事空法界之言義兼理事謂非但遍空亦遍空內色心等事及空有稱真之理又云深等法界廣齊

虛空○鈔是故皆得等者因昔善根故能頓爾證見故有十一句初總餘別別十句顯無盡故○鈔廣說以十能入者經云彼諸菩薩以種種解非一鑿達種種道無量故種種門無常等種種入四所証種種理趣五意旨種種門故種種差別故種種不同故種種隨順六無根種種智慧七種種助道八種種方便九種種三昧十下疏云即此能入亦是所益鈔中云此有兩重能所一遮那光照是能益得解等十即是所益二此解至三昧等是能入法身色身等是所入不因佛光不得

能入安得所入故能所入皆是成益也○疏象王迴旋下上句化主迴觀法器下句當根得益象王即六牙香象也以高大故稱馬王履地則知其虛實度河則徹其源底今唯取其迴旋為喻也具如鈔中○鈔超權益者有三義一者小乘華自位名權今小乘人超出自權入華嚴實名曰超權二者權即始終頓三教理應小乘迴心先入始教次入終入頓後入圓教今超三教而直入華嚴實教故云超權同教一乘亦為權故三者權唯目三乘權

教謂權教中說縱無學迴心但得十信今華嚴二乘見道前迴心直得十大法門十地後十通之用等故云超權也○鈔未會之初者望本會爲未從佛本會而流出○故然未會之中復有三會初六千比丘會顯小入大故二諸乘人會通收諸權入實故三善財會顯純一乘根故今此當其初也言六千比丘者表六根性淨可入法界故貞元疏云前之六信可不退故以第六名不退千表無盡該果海故比丘五義一怖魔出家時魔官震故二乞士下

從檀越乞食以資身上從諸佛乞法以練神三淨持戒漸入僧數應持戒故四淨命三業無貪不邪活命故五破惡漸依聖道滅煩惱故經云出家未久疏云未證實際易可迴故言身子令六千比丘等者初文殊辭佛往於人間時舍利佛承佛神力與六千比丘辭佛同往此六千比丘是舍利弗自所同住所謂海覺善生福光大童子電生淨行天德君慧梵勝寂慧等其數六千悉曾供養無量諸佛深植善根解力廣大信眼明徹其心寬博觀

佛境界了法本性饒益衆生常樂勤求諸佛
 功德皆是文殊師利說法教化之所成就時
 舍利佛在行道中觀諸比丘告海覺言汝可
 觀察文殊師利菩薩清淨之身相好莊嚴經文
稍長今當錄其十德科名 一身相勝德經上 二常光勝德經上

三放光勝德四衆會勝德五行路勝德表常
 依八正道故六住處勝德舉足下足無非道
 場隨心轉故七福莊嚴勝德常觀心地之下如
 來巖恒沙性德無心亡照任運寂知故八樹
 林勝德表樹立萬行嚴法體故九自在勝德

於我無我得不二解自在主中爲尊勝故十
 攝上勝德心常上攝諸佛法故言六千請往
 下經云即白尊者舍利弗言唯願大師將引
 我等往詣於彼勝人之所時舍利弗即與俱
 行至其所已白言仁者此諸比丘願得奉觀
 爾時下迴觀法器言如象王迴旋者身首俱
 轉無輕躁故表令向機無遺隱故言比丘○
 興願者如仁所有如是色身如是音聲如是
 相好如是自在願我一切悉當具得言十種
 無疲厭心者一積集一切善根心無疲厭二

見一切佛承事供養三求一切佛法四行一
 切波羅蜜五成就一切菩薩三昧六次第入
 一切三世七普嚴淨十方佛刹八教化調伏
 一切衆生九於一切刹一切劫中成就菩薩
 行十為成就一切衆生故脩行一切佛刹微塵

經七

五

數波羅蜜成就如來十力如是次第為成熟一
 切衆生界成就如來一切力下九皆有下疏
 釋云法門無盡衆生無邊取相而脩多生疲
 厭厭則退墮二乘若無愛見而脩則無疲厭
 矣無疲厭則佛果非遠况我身耶言得三昧

名無礙眼者疏有三義一能見離障故二所
 見無擁故三一具多用故謂一無礙眼中有
 天眼天耳他心宿住等多用也雖具此能而
 無見相故云三昧言得此三昧故下別明定
 用有四一悉見下天眼用二及亦聞下天耳
 用三亦能觀下他心用四亦能憶下宿住用
 下疏云一眼具斯四用故稱無礙言十轉法
 輪者一具足清淨四無畏智二出生四辨隨
 順音聲三善能開闡四真諦相四隨順諸佛
 無礙解脫五能令衆生心得淨信六言不唐

捐能拔諸苦七大悲願力之所加持八隨出
音聲普遍一切世界九阿僧祇劫說法不斷
十生起根力覺道解脫三昧等言十種說法
者一皆從緣起說一切法二皆悉如幻三無
有乖諍四無有違五無有依止六猶如金剛

七皆悉如如八皆悉寂靜九皆悉出離十皆
住一義本性成就上九皆有說一切法四字言十辨才者
一無分別辨才二無所作三無所著四了達
實五無疑暗六佛加被七自覺悟八文句分
別善巧九真實說十隨一切衆生心令歡喜

上九皆有辨才二字貞元疏云神境漏盡等義在結中
集玄記云今鈔有六通前四可知又即下漏
盡通爾時文殊下神足通開六成十故有十
通天眼約現未分成二四二天眼通四天耳
約音聲言詞分出五七五無障碍清淨天耳

年上神足約業用色身分成六八六無體性無動
入無數漏盡約定慧分成九十九一切法智
法滅盡一三不分過一他心通三知故六成十
上依集玄若寐照意又即下通顯多門上一
定之用既爾多門無盡例然言十千菩提心

者謂四無量心大喜大悲大喜大捨六波羅蜜戒忍辱
精進禪定智慧為十十相資為百百相資為萬
 萬即十千也言十千三昧者一普光明大三
 昧二妙光大三昧三次第徧往諸國土四清
 淨身心行五知過去莊嚴藏六智光明藏七

了知一切世界佛莊嚴八衆生差別身九法
 界自在十無礙輪下八皆有三昧言亦十相資為
 百為千為萬亦然十千波羅蜜者約十度說
 可知言爾時文殊下授勝進法亦二先教勸
 上但明大心無疲令令廣住行願進取普備

言以成就下明展轉獲益問此六千比丘望
 前三位何位所攝答有三說一云准下疏云
 未會三類之機前二會比丘諸居信未久尚
 不定故善財信終可入證故故六千位雖居
 十信見聞生攝問若爾何能得地後之十通

耶答圓教攝根創立大心以始攝終故二云
 義當解行生徧攝於五位法故得至十通等
 也若唯位居十信即同權教迴小入大但後
 十信次第而備豈得云超權耶問若爾下疏
 所說當云何通答下疏以前二會機不歷叅

善友故表居信未久等善財徧叅表當終心此約表法一義不壞次第故當信位然此信位徧攝五位故異餘宗由頓具一切法故方曰道成非十信定位也故鈔約具十通用成就一切佛法即是道成三云即證入生也前

鈔已云三證入生即下二句豈非頓證超權二段爲二句耶若唯以頓證疏文爲二句者即有上下二句不齊之過上二句已兼二益故故知兼指此段爲證入生也問准此唯徧攝五位至於十通十通即等覺位故何有證

入之義耶答其無礙眼雖唯徧攝五位其勝進法中云住普賢行住普賢行已入大願海乃至成就大願已心清淨等豈不同善財於普賢身中頓證法界之義耶然此三說各據一理任情去取約今鈔意後解爲勝○疏啓

明東廟等者毛詩云東有啓明爾雅云明星謂之啓明注云太白星也晨見東方爲啓明昏見西方爲太白據此今啓明即東方明星之名也今順福城東又啓發善財之智明故特云啓明也表初啓智明信心創立故廟者

貌也先祖形貌所在也今塔中即世尊形貌所在故云廟也廟在福城之東故云東廟下句即智照無二相具如鈔釋○鈔勸發心等者即不壞相六千當發心位也下疏云如發心品說既指如發心品雖是初心即攝位究

經七

竟不同三乘發心也○鈔福城者其城居人多有福德故曰福城城表防非即一真法界一切衆生自此出故真界中居人有福遮防過非故東爲群方之首亦啓明之初表順福分善十信入道初故又表福智入位本故娑羅

此云高遠以林木森聳故表當起萬行莊嚴摧伏故往昔諸佛下表所依法界本覺真性諸佛同依言大塔廟者即歸真之所梵語宰堵波此云高顯昔云塔波義曰歸宗之日照三藏云此城在南天竺城東大塔廟是古佛之塔佛在世時已有此塔三藏親到其所其塔極大東面鼓樂供養西面不聞於今現在此處居人多唱善財歌此城內人並有解脫分善根三賢堪爲道器○鈔文殊師利童子者前云菩薩此云童子者表創入佛法故亦顯

非童真行不能入故釋名云兒年十五曰童
童者獨也自七歲至十五歲皆稱童者以大
和未散故然經中呼文殊善財寶積寶月等
諸大菩薩為童子者即非稚齒如智論云如
文殊師利十力四無畏等悉具佛事故住鳩
摩伽^{此云童子}地又云若菩薩從初發心斷欲乃
至菩提是名童子又有釋云內證真常而無
取着如世童子於色無染故言五百優婆塞
等者下疏云皆五百者表五位證入通四衆
故共成二千普賢行也言善財是一者正生

九

九

時財現是其善相稱曰善財小聖尊空生而
空室大士貴德生多法財又解心順理曰善
積德無盡曰財言別觀等者知其不群特迴
聖眷善財名會因此而立言又令憶念等者
使不自輕故言隨宜說法者餘非此根隨宜
更演故言而說偈言者偈云三有為城郭橋
慢為垣墻諸趣為門戶愛水為城漸頽輪大
悲轂信軸堅忍轄功德寶莊嚴令我載此乘
等然此中文殊自往福城者以根尚微故未
發心故大悲深故德雲已去善財往求者機

漸勝故已發心故顯重法故末後普賢不就善財不往顯法界位滿無去來故○鈔言智照無二相者謂行圓究竟朗悟在懷照前行等唯一圓智更無前後明昧等殊故其猶塵盡鏡明何有前後明昧等殊○鈔經云是時

下信解雙絕故不見現身而返照未移信心故伸右手又不見乃為真見但了自心空般若故言過一百一十由旬者表十地及等覺一一皆具諸地功德故三賢行相不殊十地故不開三賢若以等覺為十地勝進即開十

信言過者徹過前位故始信該於極果故曰遙申隨順行成故曰右手然超數量故過由旬按項表於攝受亦以普法置於心頂信至極故作如是言下誨示法門即舉失顯得文有九句前七闕因一闕行本二求小故心劣

聖七

十

處生死而憂悔三橫一不具四豎不進五滯一善六不廣求七不起無住行願後二闕緣可知然此九種以初為本若闕初一餘八皆闕雖舉後八意在最初此中反顯讚初信心是經大意也思之言不能了知下亦顯若闕

信心不能成益有十五句前五約所知理事
即教理行果四法也初句真諦理次句俗諦
理三句教四句行五句果後十約能知分齊
思之可知○鈔信智無二者脩生之信心與
圓滿之終智無二也言若約不動智為初者

即文殊本事佛名不動表本覺智名初始覺
名後以始合本故亦無二○疏寄位南求等
者善財為能寄諸位為所寄諸善友為寄處
若約別明分為五相從文殊師利乃至瞿夷
四十一人名寄位脩行相二從摩耶已下十

一人名會緣入實相三弥勒一人攝德成因
相四再見文殊名智照無二相五見普賢名
顯因廣大相今約通明上句始見文殊寄十
信下句終見普賢表因圓言南求者疏主云
地前知識多在南方地上無方地後兼二然

鉅七

土

云南者古有五義初一約事餘四約表一舉
一例諸一方善友已自無量况餘九方二者
明義表捨暗向智南方之明萬物相見聖人
南面蓋取於此三者中義離邪僻東西二邊
契中正一實道故四者生義南方主陽生長

萬物表善財增長行故五隨順義背左向

右右即鳥順西域土風城邑園宅皆悉東

向自東之南順日月轉今始於福城之東發

北之顯於善財順教理故地上正證離於證

右故相不以南表地後業用有無無礙今亦約通

義皆云南求也故新經序云明正為南方盡

南矣言因圓下如鈔○鈔德雲者即初住善

知識也下疏云具德如雲故雲有四義一普

徧二潤澤三蔭覆四靈雨如次配於定福悲

智也言至瞿波者超中間三十八人也謂至

慈行寄十住從善見比丘至徧行外道寄十

行從鬻香長者至安住地神寄十向從婆珊

夜神至瞿波寄十地瞿波既是佛妃此云守

護大地在家為父母守護太子儲備守護國

地既為其妃依主得名表十地既圓無地不

護然太子有三妃一名瞿波二名耶輸陀羅

三名摩奴舍今因位之極故取其第一○鈔

摩耶已下者即是佛母具云摩訶摩耶此云

大術了法如幻故故得大願幻智解脫門為

會緣入寶之總相後九叅為別相謂天主光

天女得幻智念力徧友童子得幻智師範衆
藝童子得幻智字母賢勝優婆夷得幻智無
依解脫長者得幻智無着妙月長者得幻智
智光無勝君長者得幻智無盡相最寂靜婆
羅門得幻智誠願語德生有德得幻智智歸

聖七

十三

幻門故總十叅十一人爲會緣入實相今約
通說兼次彌勒并見文殊二相皆爲等覺也
○鈔文云下同普賢化生又云下較量所入
刹海言毛孔刹中等者總結平等周徧如是而行
下總結亦不於下平等念周徧下周徧言如是而行者以前經

云善財於一毛孔刹中行一步過不可說不
可說佛刹微塵數世界如是而行盡未來劫
猶不能知一毛孔中刹海次第等言亦不於此
刹沒等者以沒現相如法性故斯則沒而無沒
現而無現真法性中無出沒故此約事理無
礙此彼相即故即事事無礙相即有三一此
刹即彼刹一刹即多刹二此步即彼步一步
即多步三一念即無量劫又此彼相炳然具
故秘密隱顯俱成故此彼時處互相在故帝
網重重同時具足皆不動故○鈔當是之時

下明位滿齊佛初句自得餘皆等上初一等
 因圓次一等果滿一身下別顯等相下疏云
 此即義當等覺以等佛故因位既滿更無所
 脩故但說等不更趣求斯則一生頓成因果
 行布亦足非唯理觀初後圓融○疏剖微塵

經七

七

下塵喻情念經喻佛智喻中既剖一一塵中
 之經法中念念相應果智則衆生情塵因中
 顯斯果智故科云顯因成果益也新經序云
 情塵有經智海無外○鈔出現品等者即彼
 品意業中文言大經者佛智無涯性德圓滿

也量等三千界者智如理故言三千界者俱
 舍頌云四大神洲日月須彌六欲天梵世各
 一千是名小千界此小千千倍是名中千界
 此千倍大千俱同一成壞言在一塵中者一
 妄覆真故二小舍大故三一具多故一切塵
 亦然者無一衆生不具佛智故有一聰慧人
 下出經益物佛智下合顯因也妄想合塵諸
 佛合聰慧人令其下合成果為益又經云下
 示念念果成之文也亦即彼品出現菩提中
 文下疏云明普遍諸心念念常成無有際畔

故此徵釋云不離者有二義一衆生身心即佛所證故顯因也二全既菩提性故念念與此菩提之性相應則念念成菩提矣成果爲益也○鈔成就行願益者問餘教皆云衆生無違誓願度何獨此經彼豈不成益耶答彼

雖盡生之願與今同則無塵塵行滿之義故異也以彼不約一切塵中諸刹內窮劫化生以滿其願故若爾餘教豈虛其願耶答不然但於諸刹中修行以化生耳今約塵塵稱性故得徧諸刹塵思之言故十地品云者即彼

正說分初地中有十種大願結無盡中文彼有十種無盡今唯舉其一耳今衆生界雖無有盡下通難問生界既無盡菩薩何發盡生界之願耶故此答也普開之者發十大願欲盡無盡之衆生也○鈔常恒之說者賢首旨

歸文也無有一國下十地品文經文佛子我不見有一佛國土其中如來不說此十地者言有說不說者總結上二通時及處皆常徧故言一一稱理故者出現品云隨順法性演說如來出現不思議故我法海中下下疏云

先返顯無不能捨一文尚無所不捨况一部耶以一文是即一切之一如海一滴故○鈔即智明映奪喻者約法目喻也能喻應云日光奪曜喻言初昇之日謂之杲日者日在木下曰杳日在木中曰東在木上曰杲即昇明之義也言麗者著明者周易离卦象曰离麗也日月麗乎天百穀草木麗乎土注云麗猶著也言日月著於天得其所著之宜也今用其意耳言此經猶如杲日下問上云智明映奪則杲日喻智今何喻於經耶答約此經所

詮之智境界以奪餘經也即大明下法喻合釋問說此經時未有餘經何言斯經大闡眾典無輝答有二義一云約後時說故疏云尋斯玄旨却覽餘經非約說時先後也二云約說時亦可映奪諸乘也又出現品奪假名菩薩法界品奪在座聲聞等能依之人既奪所依之教居然奪也○鈔高勝難齊喻者亦約法目喻能喻應云山王形奪喻前喻其明此喻其高既高且明無若是經也須彌亦云蘇迷盧此云妙高妙有十義一體妙謂四寶二所成

相妙謂八方三色妙謂四正色北金東銀南

故即同其色自常不變也四德妙謂八方猛切

妙得准天依住七作業妙映蔽日月而成晝夜

八生果妙能謂波利質多九為首妙於四洲地

十堅固妙於輪園中言高者高八萬四千由

旬入水亦爾下據金輪上隣空界頂上縱廣

量亦如之獨出九山故稱妙高也言群峯者

而餘九大山也一雪山二香山三鞞陀利山

山七持邊山八輪園今並具高也法中可知

山九計都末底山

言七金等者俱舍頌云蘇迷盧處中次踰

健達羅此山能持此故以山頂有二道脊伊沙陀

羅山此猶如車軸山頂持故竭地洛迦山俱舍

此即西方樹形似彼故蘇達梨舍那此善見

山即五通神案濕縛羯拏此云馬耳山形似毗

仙居住

那恒迦山此云象鼻尼民達羅山俱舍疏云

此云持邊山大力龍神所居於大洲等外

有鐵輪圍山前七金所成即七金山也蘇

迷盧四寶入水皆八萬妙高出亦然七金入

即不同也餘八半半減廣皆等高量謂持雙

四萬乃至輪圍出水三百一十二言培塿
緒那廣量各與出水量等無差別也
 者上蒲口切下郎斗切謂小阜也問法華亦
 云如須彌豈不相違答彼約破小顯大會權
 歸實難信難解諸經莫比此約為諸教本圓
 極不共最為勝故各據一理故不相違○鈔

經

十六

五百年者合云六百年有云佛去世三百年
 後出壽七百歲若爾亦應六百年方入龍宮
 爾新經疏云大師晦跡六百年後方出五天
 千二百年始傳東夏謂佛涅槃至晉義熙十
四年經千二百歲也
 探玄記序亦云舍那創陶甄於海印二七日

後爰興龍樹終俯察於虬宮六百年後方顯
 言龍樹者亦云龍猛然龍猛二字皆唐言樹
 字通唐梵義淨三藏云阿離野此云那伽
龍或云象 曷樹那義翻云猛按別傳云其母樹下生之
 以龍宮成其道故曰龍樹即二字皆正翻也

天台云樹生生身龍成法身今從此也○鈔
 事如別傳及纂靈記者傳中唯有入龍宮緣
 纂靈記中却有搜求得經之緣故今雙引以
 證也如下傳譯感通中具引○鈔正取覺賢
 者梵云佛度跋陀羅此師所譯此經於東晉

故正取也所以科云弘闡元由言兼餘筆者以晉經是智儼親注西域從佛陀先受禪法因請覺賢歸東夏譯此經故也而慧嚴慧觀潤文法業筆授日照三藏次於大唐永隆元年譯晉經脫文實義難隨此云喜學於證聖

鉅七

十七

元年翻譯唐經言等者等取同譯諸師謂義淨弘景圓測神英等師也○鈔神州大夏者下鈔亦云葱嶺之東地方數千里曰赤縣神州即有唐中華之國也唯識樞要義苑鈔云言神州者謂此東土燧古已前未有人民唯

鬼神所居故名神州言大夏者存三代時國號也言一文一句者即海雲所持普眼經一偈即覺林菩薩所說若人欲了知等一光即地獄天子三重頓圓之光也廣如下說○鈔何幸像法等者論語疏云凡事應失而得曰幸

生居下應失也反顧下而得也自幸之義例此可知言不減正法等者世尊別記正法有教有行有得果證有教有行一千年像法有教有行一千年而無果證末法亦無果證一萬年亦無果證由度女人正法減半然有二說一云雖說八敬不減正法由彼不行

正法還滅二云若不說八敬全無行者正法
 欲滅即有行者正法依定上薩婆多宗今依
 後義也八敬法者鈔大師涅槃等者周昭王
 二十六年四月初八日生周穆王五十二年壬
 申二月十五日入滅至今大元致和元年歲

次戊辰計二千二百七十七年正當末法之
 際翻聞難思之經亦慶幸之致也○鈔大集
 月藏分等者金剛判定記云前前勝後後劣
 解脫者證也即三乘聖果禪定者行也即漏
 無漏大小乘事理等定也多聞者解也即頓

漸偏圓空有等上三前必具後塔寺者不求
 至道多好有為以身外資財脩世間福業等
 鬪諍者此明佛法之中多有諍論且如西天
 大小乘分河飲水大乘之內性相又殊小乘
 之中二十部異各皆黨已自是他非爰及此

鉅七

六

方未免於是若相若性南宗北宗禪講相非
 彼此朋黨互不相許名鬪諍也言牢固者人
 多相襲決定不捨然此但就增勝而說非不
 相通佛滅後一百年育王造塔豈局第四耶
 又菩薩藏經云後五百歲無量善人脩禪定

解脫豈唯一二三耶○鈔今值聖明天子者
即唐德宗也塔記云興元元年甲子歲造疏
貞元丁卯歲功就皆德宗年號以貞元得二
十一年故至貞元丙子歲方譯新經次造疏
名新經疏亦貞元中作也言列刹相望者梵

語掣多羅西土更無別幡竿即於塔覆鉢柱
頭懸幡今云刹者訛畧也此解玄贊中亦如
是說又要覽云梵語刺瑟致此云竿今畧名
刹即幡柱也言相望者望者無放反說文出
望在外望其還也若音無放反說文月滿與

日相望也今取後音言鐘梵交響者梵即梵
唄要覽上卷云梵云唄匿華言止斷由外事
已止已斷爾時寂靜住為法事又云諸天聞
梵心則歡喜故須作之法苑云夫唄者讚詠
之音也當使清而不弱雄而不猛流而不越

疑

十九

疑而不滯遠聽則汪洋以峻雅近矚則從容
以和肅此其大致也昔魏陳思王曹子建遊魚
山忽聞空中梵天之音清響哀婉其聲動心
獨聽良久乃摹其節寫為梵唄撰文製音傳
為後式梵音茲為始也○鈔閑居學肆者此

一句是肇公涅槃無名論文光瑤注云肆者陳也周孔云有說周公孔子未敢詳定疑是周禮也學中陳列書史如市肆陳列貨物也今陳列聖教以為異耳要覽云後漢張楷字公超學徒隨之所居為市故今學處而稱肆焉言探賾玄門者

探字他含反探者嘗試取其意也賾字士責反劉獻注周易云賾幽深之極稱也玄門可知○鈔得在靈山下問清涼山何名靈山耶答以古有大孚靈鷲寺即山形似鷲鳥故也西域靈鷲山亦畧云靈山今亦畧云靈山也

或可此山靈應既多故曰靈山○鈔大聖雖周下即舉總稱別尊其德故不指其名如今山中稱念只云大聖菩薩也○鈔萬聖幽贊於五峯即菩薩住處品文殊與一萬菩薩住清涼五峯之內等言百祇者如南山感通傳時有天人姓陸名玄暢詣宣律師所師問清涼山文殊之事答曰文殊是諸佛祖師隨緣利見應變不同大聖之功非凡境界不勞評薄但知多在清涼五臺之中徃徃有人見之不得不信又周穆王時已有佛法此山靈異

文殊所居穆王於中造寺供養阿育王亦依
置塔如斯不一故云百祇傳慶等言大孚等
者即漢明帝所立言大孚者弘信也如前題
目中已說言一介微僧者周易法云介纖介
也蓋自謙德之柄也言爰媿多生者有二解

銀七

干

一云爰者於也媿者荷也感荷於多生善根
之力今得濫居勝處多生屬過去二云爰者發語
之詞荷宿善之力今居勝處此之慶幸多生
豈能忘耶多生屬未來言不入餘人之手者出現
品云此法門不入一切餘衆生手疏云權小

永樂北藏

華嚴懸談會玄記

於斯無圓信手不盡能受是故不為言何幸
者法集經云是經雖行闍浮提於能信深法
者常住如是衆生心中行言手舞何階者
子夏詩序云情動於中而形於言言之不足
故嗟嘆之嗟嘆之不足故詠歌之詠歌之不

足不知手之舞之足之蹈之也疏主意云此
雖為極喜亦不及我慶躍餘莫能知我心唯
聖賢之能知也○鈔下有十門者一通顯得
名二對辨開合三具彰義類四別釋得名五
展演無窮六卷攝相盡七展卷無礙八以義

第一八三册

圓收九攝在一心十泯同平等言字各十義者即第三俱彰義類中也言畧有六對等者問下廣釋但有五對此有六對則此廣彼畧答釋此疏文解題目七字祇以二義釋之對下言畧鈔中作對疏外叙之又此六對與下

罪七

三

互有具闕今但直作對更不廣釋下乃釋之總別一對者綱要說嚴通能通所通人通法故總上五字各據一義故別性相一對者問前云上二字是體方字是體今何却為相耶答以相歸體俱名體體相別分則是相○鈔

故此七字即七大性者故字躡前而起上說六對何得躡此而為七大性耶應合云又字或云然字必恐後人傳寫悞耳言七大性者下疏云如攝大乘論等七種大性不離於此下鈔釋云等取雜集瑜伽般若大同小異瑜

伽云一法大性二發心大性三勝解大性四增上意大性五資糧大性六時大性七圓證大性若無着般若論第七云果大性雜集十一說七大性者一境二行三智四精進五方便善巧六證得七業七皆云今體大即第三

智大之中所知無我之理二相大亦所知攝
亦法大性即境攝故三用大即方便大而是
即體之用亦攝境故四果全同五因大攝其
五大性一發心二勝解三行大四精進五資
糧六智大全同七教大即是境由是義故今

云七字即七大性也言七字皆相者依下疏
合云七字皆法今對上大即體故云相也等
字七字皆廣等也上是下對辨開合及其彰
便叙之欲彰義類中少分之義鈔家因
今疏卷義今各以下正釋疏文○鈔故下
經云法性遍在一切處下問其第三句應是

常義云何證遍義耶答於時中皆遍何失或
可但取上半因便故來身言法性無作下引
出現品文上半是本文下半義引也彼云諸
佛性淨亦如是本性非性離有無釋曰無作
故無前際無變易故無後際如虛空故無中

第七

三

際既無三際即常也○鈔並持自性通上二
義者釋疏自持二字以正法二義有其通別
別則正者無偏法者軌範通則並是持自性
義言恒沙性德者舉同影別故言不偏僞者
不偏揀小不僞揀外故言佛令住正法者雙

證上二義亦唯要上半爲證也○鈔然亦二義下疏文語畧故言周即是徧義而不言包義然此包徧二義前體大中包徧相須故合爲一并出常義以足二義今用稱體亦應具常徧二義以常義就用說則隱也且就顯相論故開包徧爲二義理實用大亦有不斷常亦互影故言猶如虛空者妙嚴品文也具云譬如虛空具含衆像於諸境界無所分別下疏云含攝喻也無所不包故徧至一切下出現品文也具云譬如虛空徧至一切色非色

處疏云虛空周徧喻此以事空况於理空上皆是體包徧二義爲所稱今是即體之用還稱其體亦具包徧二義上體中引涅槃無性真如爲體當經即無障礙理爲體相中恒沙性德舉同影別用中一塵包無邊世界時徧無盡法界舉別影同同別無礙皆圓教之三大也又三大互望亦復無礙咸爲所證無障礙法界也○鈔爲妙覺者三諦相融爲妙三覺無礙爲覺亦可俱通以三諦是所覺故能覺所覺皆玄妙故○鈔感果等者下疏云華

第七

十三

有二義一草木花喻萬行因二嚴身花通金玉等喻於神通衆相等唯與果俱故今引證中以神通衆相證也○鈔嚴上大方廣下方廣法雖性本淨若非萬行無由可顯如鏡雖本明若非磨瑩終不能顯言成佛果人者允非是佛以萬行功德成佛如玉不是像猶彫琢故成像則飾本有法成修生人爲二義也言又飾本體等者能飾萬行皆契大方廣之本體以稱本性修故如像嚴飾金本體無二故言以行等者以萬行爲因成佛果之人

因不即果因果殊故如巧匠能造像匠非是像其體異故則能飾所飾不異能成所成一爲二義也又上能瑩非所瑩喻行飾本體而行即本體故而二像飾金體喻能飾所飾不二飾法二字具不一不異二義也器離玉無喻行成人而

即人故不二巧匠非像喻能成非所成故而二成人二字亦具非一非二義然上消文且約一相如其就法亦有新義從本非內外等中約義分心境等故佛亦有本義佛果海中舊來益竟故其能飾之行亦有本義隨順法性修檀等故

非真流之行不契真故亦有新義由人立故
准此則前四句喻初句約法本有修生二句
約人修生本有三句約行本有四句約行修
生四句圓融方爲嚴矣○鈔然唯亦二者中
間二句也初句湧泉即是所攝錄義味者即

雖七

言

貫中收也問何不言所貫義味耶答顯二義
互通攝亦攝義貫亦貫機故言常乃通於上
三者貫攝皆常故言餘處釋云者即慈恩法
花疏序也彼鈔云執者執則規模之義百者
十之極數取極多義人中最勝無尊於王故

云百王以百王皆用此經而作規模故云經
者爲常常者恒也百王不易以恒定故理契
至真無易義故言法眼常全無缺減等者賢
首品文也下疏云智眼證如如永常故既如
證而說豈不常耶常恒下以旨歸文意而釋
成也言終古不忒者借莊子文也彼云日月
得之終古不忒鄭玄注周禮云終古猶言常
也忒差也常說則無其差忒故云可得稱常
○鈔即三世間者世謂時也謂諸有爲法墮
去來今三世中間名爲世間具於三義謂性

有為可破壞隱真理故名世間其世間別有
其三種名三世間帶數釋也言一衆生世間
者衆生即世間即所化機二器世間者若感
者所變器界器即世間若佛器界世謂隱覆
從真性起同無為法即隱覆有為可破壞世

註七

註五

亦器即世間即所化處也三智正覺者若入
見已上等覺已下智正覺與世間異作相違
釋以五八二識猶有漏故墮去來今名爲世
間無漏之智正覺性故名智正覺若佛是智
正覺是世間若智正覺約所化以彰名依士

釋也即能化之主言主謂君主即佛及王下
釋主字也器世間之主衆生世間之主或衆
生世間即主以位在等覺已還故智正覺世
間即依主持業釋也言亦總化上二者應有
問言衆生與器可名世間佛非世間何故云

並稱世主耶故此答也言上二者有二意一
云衆生及器名二也二云衆生主及器主爲二
也後解爲勝統遍前三方該前三世間故○
鈔法門爲能嚴唯局於主者如各自主所得
法門唯局主故言自嚴已衆下此有三重能

所嚴一謂各別法門爲能嚴自主爲所嚴二
復將上主及法門爲能嚴自衆爲所嚴三一
切衆生主及衆法門皆能嚴佛爲所嚴故云
並用嚴佛問成佛說經何要三種世間皆嚴
耶答衆生不嚴不感佛興正覺不嚴不能爲
主器界不嚴非真佛處復由佛嚴顯遇者有
德衆生嚴輔顯佛超勝如是互嚴方爲妙嚴
也○鈔用當諸經之序品者有二意一云已
上疏序已竟用當諸經序分也二若會解則
以妙嚴品當諸經之序分此解難依前解爲

正釋教迹竟

華嚴懸談會玄記卷第七

華嚴懸談會玄記卷第八

鉅八

荅山再光寺比丘 普瑞 集

○自下歸敬請加○鈔歸敬三寶者歸必歸
三要須盡壽及未來際等敬但隨於一寶容
暫敬故歸必兼敬敬未必歸二相不同問既

鉅八

上

請威加護何不序前致敬荅序但兼述非為
正故所以前云并序○鈔顯能歸相者起信
疏云歸者是依投趣向義命者總御諸根一
身之要人之所重莫不為先舉此無二之命
以奉無上之尊又歸者是還源義眾生六根

從一心起而背自源馳趣六塵今舉命根總
攝六情還歸一心一心即一體三寶也今云
無盡三寶同別有異大旨不殊○鈔但云下
問既但云命何有三業故以者字牒之釋此
荅意有二一云身即是命故鈔云人之所重

莫過身命今舉身命之重以攝語意之輕耳
二云命者是意以審察慮知三寶勝田決定
堪歸乃以最極寶重持身之命而歸敬故表
意極重即審慮思及決舉重攝輕必兼身口
展五輪而投地歛十指而當背能動身心發

下讚述之語能發語思名爲語業以此三業周窮時處
 普伸歸敬前義稍勝以命者命根身之所依
 連持色心爲自性故以身釋命義必正也鈔
 中亦云莫過身命故○鈔初中塵刹有其二
 義者問上處極十方時世界際何故復云塵
 刹耶故此答也一成所依處有三義一上十
 方三際爲總一一塵中刹等爲別二上十方
 之刹其數如塵三又上十方刹唯約簾說今
 兼簾及細故然上第二義及第三義唯約事
 說俱緣無性皆理也故下鈔云理是佛所住

文影畧故或在下法界中上二融通故事理
 無礙第一義即事事無礙也具四法界方爲
 華嚴之所依處也言塵數如來者屬下句也
 約能數以明故○鈔亦無德不圓下有二釋
 一云復是別一義釋也一云前直彰二果之
 體此以用表之不尔何言亦耶二釋隨通言
 上二自利者或依正二報或菩提涅槃皆自
 得之利益故○鈔通利自他者即是自利故
 通二利也言十號之一者一如來做同先跡
 號二應供堪爲福田號三正遍知徧知法界

號四明行足果從因得號五善逝妙往涅槃
號六世間解達偽通真號七無上士調御丈
夫降生成道號八天人師應根說法號九佛
三覺圓明號十世尊出世獨尊號今即調御
與師不分二別即爲一號即應根說法號也

有云師即天人師即應根說法號調御即降
生成道號則應云十號之二前解爲正鈔主
既自言一何強分二耶或傳寫筆誤後解爲
勝言調御者即調和控御涅槃十八云如御
馬者凡有四種一觸毛二皮三肉四骨隨其

所觸稱御者意如來亦爾一說生令受佛語
如觸毛二說老三說病四說死如觸皮肉骨
名調御丈夫也○鈔成上依處者上塵中刹
若無法界豈能成耶言似當約事者前三義
中唯第一義約事事第二義及第三義中似

銀八

三

當約事即分義今法界言義兼理事即性分
具足有四法界如前可思言佛身充滿下現
相品文又充滿下妙嚴品文兩處疏釋俱云
所遍法界皆通理事然理實應通四法界等
言二者下即功德大悲雲一一稱四法界故

○鈔亦圓明中別義者謂圓明是總即當菩提涅槃二依之果具於有爲無爲二種功德有爲功德即是菩提所收無爲功德即是涅槃所攝今是有爲功德故云圓明中別義○鈔十力者一處非處力二業力三定力四根力五欲力六性力七至處道力八宿命力九天眼力十漏盡力言四無畏者一一切智無畏二漏盡無畏三說障道無畏四說盡苦道無畏言十八不共法者一身業無悞二無卒暴音三無種種想四無不定五無忘失念六

無不擇捨七欲無退八念無退九精進無退十定無減十一智慧無減十二解脫無減十三身業智爲先導隨智而轉十四語業智爲先導隨智而轉十五意業智爲先導隨智而轉十六知過去無着無礙十七知未來無着無礙十八知現在無着無礙有云依雜集論用十力四無畏大悲三念處爲十八法者二釋皆通言百四十種功德者有二釋一云三十二相八十随好十力四無畏十八不共合一百四十四鈔舉大數云百四十也二云諸

契經論皆說如來百四十不共功德謂三十
 二相八十隨好四一切種清淨一一切所依
廉重并諸習氣於自所依無餘永滅故二煩惱
切種所緣清淨謂種種變化所現一切所緣
皆自在故三一切種心清淨謂煩惱已離善
根積集故四一切種智清淨謂如前一一切無
明處重已滅離障故一切所
知境中智無障礙自在故
 十力四無所畏三

念住一者一心聽法不憂二者一三不護一
心都絕二不依止名大悲無忘失法永害習
聞三不依止利養
 氣及一切種妙智也此上功德雖通諸教今
 皆無盡以屬當教二解之中後義為勝前解
 則文無所據後解則依瑜伽等諸經論故數

永樂北藏

華嚴懸談會玄記

第一八三册

亦齊故○鈔大悲普覆下於上無盡德中別
 讚大悲而有三義似於雲故一者無緣大悲
 覆一切二者徧一切而不分別三者遐罪法
 兩等潤群萌故以雲為喻也○鈔毘盧一句
 別歸本師者此句全是現相品文問何故一
 句歸本師答承恩重故○鈔上云功德下問
 前云圓明中別義此言總該無盡其故何耶
 答圓明是總體故前云功德是圓明中別義
 若但云功德是總復分悲智等為別故有兩
 重總別也言別語最勝者果位智強故○鈔

順於光明遍照義故者准下疏釋於毘盧遮那有其三釋一云毘者遍義盧遮那光明照義迴就此方應云光明遍照然有二義一身分光徧照云二界道一智光徧照真俗重重法界二身智能所合為一身圓明獨耀具德無

經八

五

邊故立斯號二云毘者種種義盧遮障義那者盡義即種種障盡種種德圓故三云毘者廣大也盧遮生也那者息也謂廣大生息此亦二義一脩成謂慈悲無邊故廣智慧無上故大生相已盡故生息二本性謂藏識包含

種子建立生趣故廣本覺現量與佛等故名大新新生故名生深淨苦樂所不能動故名息此亦真應合論今順初義故然唯順智光明也言深廣故者法華方便品文假使滿世間皆如舍利弗盡思共度量不能測佛智深也又云而能究盡諸法實相唯佛與佛乃能究竟廣也言大悲深廣者無待無緣故深周徧利樂故廣言智亦如雲者法花云慧雲含潤兩大法兩故然亦具上三義謂普觀一切而無分別含潤法兩故又前言功德下言雖

總該別屬福故又諸佛所依處中云塵刹法界等本師亦然文影畧故○疏所住下言甚深真三字者以法性通諸教故此三字揀之如法性真常離心念二乘於此亦能得今以甚深二字揀之如權教菩薩亦住此法性通以

三字揀之顯所住法性之極也又脩多羅亦總該乎一藏今以圓滿字揀之也○鈔二句歸法下問前云十方已下所歸分齊佛寶中別云塵刹等今法寶中何不別言其處耶答影顯示故問甚深真法性為能依法寶與前

永樂北藏

華嚴懸談會玄記

所依處中理法界云何分別答為教所詮名理法是法寶所依名理法界亦猶法性身為能依法性土為所依也○鈔但歸別相下問何不但歸別相而躡前起後亦歸於同相耶故此答也涅槃云若能知三寶常住同真諦

此即是諸佛最上之誓願故亦歸於同相也○鈔然三寶下承前別列初深後淺為次今口科分二

初標	初相	初深	初淺
初相	初相	初深	初淺
初相	初相	初深	初淺
初相	初相	初深	初淺
初相	初相	初深	初淺
初相	初相	初深	初淺

第一八三册

後釋云 三持症

三持症現門

後發疑

三僧三三僧

初正釋三類三

初義門別釋三

初結名引證

初結釋是故

二類即分齊然

後引證結釋云

後結教通難云

後通難義說

○鈔一約事就義下於別相事體之上就義各有三寶言即以無漏界功德為體者逐難

出體也前言佛體上有覺照義故為佛者不知佛以何為體故此出體也十地鈔引唯識釋云此即無漏界二轉依果諸漏永盡非漏隨增性淨圓明故名無漏界是藏義此中含容無邊希有大功德故或是因義能生五乘

世出世間利樂事故○鈔法有覺性者色性

智性無二性故知一切法即心自性誰非覺

照教理行果皆有覺性故○鈔在眾無違者

僧以和敬為義和通事和理和事和之有六

謂身和同集口和無諍意和無違見和同解

戒和同奉利和同均理和即證理聖人謂三

賢十地八輩上人等敬謂八敬一百夏尼禮

初夏比丘足二尼不得罵謗僧三不得舉僧

罪說其過失四已學六法從僧受大戒五尼

犯第二篇罪應向二部僧

大僧二十 中行摩

那堪此云折伏
貢高也

六尼半月常於僧中求教授

人七不應於無僧處安居八夏訖當於僧中
自恣言無違衆生者即十行願中恒順衆生
願也彼疏云隨順衆生種類根性饒益成就
○鈔今舉佛所住下歸今疏文唯約上說也

畧法上僧各三寶義言理是佛所住者即智
證如如故無漏色聲等皆屬如也十地品佛
住甚深真法性空滅無相同虛空所住與能
住而不定異所流與能流亦不定殊故名同
體此以教法歸佛佛歸理法畧不明僧或所

住能住能流所流無相違反即僧義也○鈔

二會事下會別相三寶歸一理故如波依濕
三皆依真無如外智能證於如佛歸如矣十
二分教後真流故亦歸真性理和之僧亦因
見理而曰僧故亦歸真理○鈔今舉下亦歸

疏文言皆歸真性者上句顯佛歸真下句顯
法歸真問何不攝僧歸真答疏文畧故如以
真如隨淨緣起有三乘僧等佛法既皆依真
僧亦例之可知經云普賢身相如虛空依真
而住非國土即僧同真也○鈔三約理融現

下約理體上義別有三三義朗然曰現通無異體曰融故經云於佛性中即有法僧○鈔由此一門下亦歸疏文也以第一單約事第二單約理第三一門理義融故令如來住真法性若無下反顯問第二門攝佛歸真亦令

鉅八

佛住真法性與此何別答第二門所歸雖亦法性然通但空無理融現之義也思之○鈔三門雖異下結名也初俗次真後中三諦雖異而第一以事就義故同第二會事從理故同第三融理事故同故並稱同體也淨名下

引證即彼不二法門品文也彼疏云智無生佛也理無相法也行無脩僧也正證第二門義證第三門○鈔是故下結釋也或唯結初門或總結三門○鈔義說下通難問既云同體何故說三寶耶上二句通也問既有三寶義別何故復云同體下三句答也○鈔佛即橫該一切者法界諸佛為橫各具十身名豎即別教義言畧舉理教者亦舉勝攝劣故云甚深真法性圓滿脩多羅佛即是果行乃屬借影顯示故僧雖該攝者汎言塵方佛會中

別該通大小今云普賢等且徧語大乘僧求一切智故歸佛求證真法故歸法求入聖證故皈僧也○鈔住持三寶下由前別相同體真實三寶餘勢力故令舍利形像凡僧相續不絕故名住持又以此持彼即攝彼二以住持持同體別相言住持之僧舍在菩薩中者即出家五衆文不別說舍在諸大士三字之中問如形像致敬損壞於何處得罪福答以像表真於真邊得若爾害凡僧應聖邊得罪答塔像無心命乃從其表僧有心命故不從

鉅八

九

聖邊得罪○鈔然三三寶下顯皈分齊言通於諸乘者若同相三門第一門唯除人天通餘四乘但淺深異爾第二門兼除小乘通後曰教第三門兼除權教通後三教若別相住持皆通五乘然就諸教勝劣不同今皈圓教之勝故云以義料揀皈勝非劣此顯深義故揀餘乘言一理統之下此顯廣義謂以一真無障礙法界統之則普收諸乘三三寶也具此深廣二義為所歸分齊也○鈔初句明處下問前云十方塵刹法界等今何但云塵耶

答亦影顯示故言况一一下普賢三昧品云
如此界中普賢於世尊前入三昧如是盡法
界虛空界一切國土塵中一一佛前有世界
海塵數普賢所住等覺之位名普賢位不但
普賢一人海會菩薩莫不皆爾言以是海會

之上首下問上首豈唯此二菩薩法惠金剛
藏等豈非上首耶答有所表故不徒然也理
趣經云一切衆生皆如來藏普賢菩薩自體
遍故此表理也下經云文殊常為諸佛之母
般若以為母故此表智也理智冥合即是遮

那三聖圓融故問佛僧二寶俱就人何不立
人法二寶答因果異故問法中亦有因果異
何不立四寶答人用強勝能兼持法是故分
二法不自私合為一寶問法中果法與佛行
法與僧各何別耶答約如來所成義邊總屬

鉅

十

佛寶約諸菩薩施學義邊為僧下地所學義
邊為法寶但約義別體不殊也問此三寶何
故稱寶答依寶性論有六義故名寶一希有
二明淨三勢力四莊嚴五最上六不變六義
似世之寶故稱三寶問三寶次第何故如是

吞約勝劣次第謂佛法僧能覺彼法所覺隨受有勝劣故若因果次第謂僧佛法由僧先脩次佛圓滿後得法果若境行次第謂法僧佛以法為境僧脩勝行佛果圓滿若師資次第謂法佛僧法是佛師法先佛次後說僧寶

若隨信次第謂僧法佛見僧威儀次信所證然後師佛若示現次第謂佛僧法先本是佛次示為僧法說於後○鈔通顯皈意乃有衆多者准起信疏有六意一荷恩德故二請加護故三今生信故四為儀式故五表尊勝故

六顯益物故行願鈔有七意一顯示吉祥故二今生信故三令知恩德故四為儀式故五表有稟承故六請威加護故七隨順先聖故通上開合總有十意謂後二與前三同後四與前二同也今總相下乃有三意然就中亦可分為十意第二意中有四意故第三意中有五意

故細尋 ○鈔三寶吉祥者第一意也同行願鈔第一意行願鈔云三寶功德第一吉祥最初皈依欲令所製久又流通成實論云三寶最吉祥故我經初說言有皈依能辦大事者第二意也然此二句為一意下三句各一意

即具四意也思之智論云佛如良醫法如妙藥僧如看病者故不增減准此三寶能療一切煩惱之病能辦世出世間諸利樂事即論疏第六意也能生有漏無漏者善根故究竟令離二生死苦得大圓寐又一切經初下第

三意然其別論亦有五意具論疏二三四意并行願鈔二四五六七之五意也初二句為一意例六成就令物生信故如是即法寶佛字即佛寶與大比丘眾等即僧寶乃結集者依佛教勅作斯安立令人生信結集佛經既

爾今造疏應然二有五句第二意也暨佛滅後造論諸師亦先皈三寶顯示所學有可宗故三有二句即第三意不率胸襟無我慢故四有一句即第四意求請三寶威力加被護令無難五有一句即第五意使契合故總唯

三意別則具十以表無盡○鈔然上句自謙下前總出意今別消文言一毛測空下迴向品云一毛度空可得邊十地品云一毛度空可知量皆涅槃八種喻中非喻喻也一喻者二逆喻三現喻四非喻五先喻六後喻七七後喻八逆喻彼設能爾今凡

智測法何能窮盡○鈔但請同體之慈者謂
三寶與我師資雖殊性無二體故名同體而
言冥等者以疏釋經甚有分別契合之處今
言冥暗而契者故云謙詞○鈔第九迴向者
問何不令生等佛而等普賢耶答第九迴向

第六

十三

唯欲等普賢故問何故第九迴向唯要等普
賢耶此牒難詞而通也即無着無縛迴向此
三十一卷皆說願等普賢故云爾也言良以
下出所以也言該因者妙嚴疏說曲濟無遺
曰普大慈隣極亞聖曰賢將至見道此約諸

位普賢諸地前世界成就疏云一位前普賢謂

但發普賢心者即是言徹果及佛後者又云

果無不窮曰普徹果云不捨因門曰賢故云言

佛前者德同法界曰普至順調善曰賢此約

當位等覺成就品疏云位中普賢即等覺位

故言諸佛本等者體性周遍曰普隨緣成德

曰賢即理事無礙也又云一即一切曰普一

切即一曰賢事事無礙法界也故云諸佛本

故法界體故○鈔以斯經下由此經所明法

界等義皆佛親證即如證而說故是一切教

之根本諸教咸以此經而為規模隨根漸設
 故云根本法輪○鈔而聖后所翻者即唐第
 四帝武后則天順聖后皇帝也元是高宗之
 皇后白虎通云天子之配謂之后后者君也
 天子之配至尊故謂之后也其朝所翻之經

無六

十三

有八十卷文富義博賢首造新修畧疏纔至
 夜摩會法界觀鈔云忽然歸寂奄者忽也○
 鈔慨者無聲之歎也瑕玉病類絲病也黠切
 韻云蒙也暗也○鈔疏中欲掩等者後之九
 段皆指其瑕疵而疏中欲掩也問既疏中欲

掩何故今鈔叙之傳者下答也有二意一恐
 後學者要知得失務生正解故二者諸徒堅
 請於理難違故問若爾何不隨疏合說之處
 而即說之答大經文義浩博弘通動便長時
 何煩頻數叙述叙之恐迷宗滯迹耳○鈔世
 路以多岐亡羊者列子第八云楊子之隣人
 亡羊既率其黨又請楊子之豎童追之楊子
 曰嘻亡一羊何追者之衆隣人曰多岐路既
 返問獲羊乎曰亡之矣曰奚亡之曰岐路之
 中又岐路焉吾不知所之所以返也楊子戚

然變容不言者移時不笑者竟日門人恠之請曰羊賤畜又非夫子之有而損言笑者何也揚子不荅門人不獲其命孟孫陽出以告心都子心都子他日與孟孫陽偕入而問曰昔是第三人遊齊魯之間同師而學進仁義

之道而歸其父問曰仁義之道若何伯曰仁義使我愛身而後名身體髮膚不敢毀傷仲曰仁義使我殺身以成名無求生以害仁叔曰仁義使我身名並全既明且哲彼三術相反而同出於儒孰是孰非耶揚子曰人有濱際河而居

永樂北藏

華嚴懸談會玄記

者習於水勇於泅

音日水上浮者也

操舟鬻渡

賣渡利

供百口裹糧就學者成徒而溺死者幾半本

學泅不學溺而利害如此若以為孰是孰非

若者汝也心都子默然而出孟孫陽讓

責也請也之曰何

子問之迂

音于曲也

夫子荅之僻吾惑愈甚心都

子曰大道以多岐亡羊學者以多方喪志學

非本不同非本不一而未異若是唯歸同反

一為亡得喪子長先生之門習先生之道而

不達先生之况也哀哉今借意用之○鈔特

由下如其理淺一人解釋已盡其旨今大經

第一八三册

旨趣既深遠微妙豈但一途能盡其玄言以
 光法施者智論云依隨經論為立名字皆名
 法施運清淨心無希名利之垢以法施他也昔可尚也者舉例
 標之故○五百比丘下釋成如下第六鈔引
 言下經之中者即世主妙嚴品中說也言經

有多家論者如十地經龍樹世親等釋不同
 金剛一經無着天親論釋有異言論有下唯
 識一論十師造釋一護法二德惠三安慧四親勝五難陀六淨月七大勝八勝友九解十勝智月言如拈金杖即脇尊者蒼健陀
 羅王義也具如第六鈔引言或登地者如無

着等或如行者如天親等時英如智光戒賢
 等懸記如龍樹楞伽云大慧汝應知善逝涅槃
 後未來世當有持於我法者南天竺國中
 大名德比丘厥號為龍樹能破有無宗世間
 中顯我無上大乘法得初歡喜地往生安樂

國等言依之修行下亦脇尊者言也足字切添物也○鈔故經云者即金剛三昧經也汝非
 定心證而說故文語非義我如證而說故義
 語非文况華嚴下以劣况勝彼拔未經尚不
 離定心况華嚴海印定中所演菩薩定心所

受而不示觀心耶言親所發揮者周易疏云
動發揮散意云宣說顯示也言不叅善友者
謂修行之人我慢所覆不叅善友而但貴尚
尋文以求通决者豈自根器勝過善財童子
等耶寶積經七十二云得人身者彼應依善

知識聽三世佛平等法聞已應發勤精進依
城邑聚落與大眾共居具四部處更互相與
論量佛法學問難答三世佛平等法得現在
前解一切法無有自性修此解故煩惱漸除
等經既云爾何以不叅善友但尚尋文耶言

永樂北藏

華嚴懸談會玄記

第一八三册

不貴宗通者楞伽經宗通自修行說通示未
悟今宗不通唯攻解釋言說經連文字等故
僧史云註之者務其詞義科之者逞其區分
執塵鹿之大者曰麋群鹿隨之皆看塵匠往
隨塵尾所轉為唯今講者執之象彼有
指揮搖松生公嶺在虎丘時執松枝為談柄
也古詩云聽徒千箇石談柄一枝松

也但尚其乘機應變解分挫銳唯觀其智刃
詞鋒都忘所詮不求出離即其義也言不能
以下肇公寶藏論云古鏡照精其精自形抱
子曰昔張蓋頰及偶豪二人精思於蜀雲臺
山石室中忽有四人黃絹單衣鳥巾往到其
前曰勞乎道士辛若幽隱二人顯視鏡中乃
鹿也搜神記云林慮山下有一亭人每過此

宿者或病死時有郢伯夷宿於此明燭而坐
 夜忽有十餘人來自共蒲博伯夷密以鏡照
 之乃是古教照心其心自明如人有眼耳無
 碎犬由自見以鏡照之則見衆生自性亦爾無由
 自見因聞聖教依教反照方得見也今既不
 能何可照理照心言玄言理說並謂雷同者

經入

去

即祖師門下開決之言不關常習義路理特
 深隱謂之玄言如截斷言思等語句也若依義路尋之
 轉如法界品善財入彌勒樓閣見無盡境出
 已不見善財問曰此莊嚴事何處去耶彌勒
 答云於來處去經中之玄言也理說者即訓文釋義

接引學流乃義學之所習者也此既朗然成
 異何以一蓋俱同曲禮云無雷同注云雷之發聲物無
 不同時應而生芽者取一蓋不分之意問既破他為雷同自立
 頓教兼收南北二宗禪教不分豈非雷同答
 經中具有玄言理說今但破其釋時雷同不
 分今雖一教之中頓漸亦異禪教各別如一
 百法俱為始教所詮而五位依圓成異此亦
 應爾故言不知萬行等者須彌偈讚云不能
 了自心云何知正道由彼顛倒惠增長一切
 惡解脫長者誠善財云善男子應以善法扶

助自心應以法水潤澤自心應以境界淨治
自心應以精進堅固自心應以忍辱坦蕩自
心應以智證潔白自心應以智慧明利自心
等故知萬行皆了自心也言一生驅驅下問
明品云如人數他寶自無半錢分於法不脩
行多聞亦如是疏云但說佛菩薩功德不言
能求諸身心故其無分也
或年事下大法炬陀羅尼經云說法者應常
宣說法不得休懈若常說法則增長利益
人天若不宜說法則衰殄今既棄教則違抑
佛心也言誤後學者如自落坑引他墜井○

第八

七

鈔今皆反此下應皆反上說之謂已叅善友
要自宗通聖教照心智達經旨玄言理說各
別區分先了自心復在勤行自少及老禪教
雙行豈唯上順佛心抑亦為物軌範故製茲
疏言即事即行者即所說事而能行之如說
而脩行如行而說言用以心傳心下以禪
會教也然心非箇物乃不可傳但以符契義
言傳耳南宗則慧能之禪北宗則神秀之禪
雖頓漸有異而見性無殊故皆會之天台山
即智者大師衡山即思大師皆宗空假中三

觀之玄趣而疏文撮以釋經言使教合之言
 之旨者教說契於禪心心同諸佛之心者禪
 心合於教意也無違下禪講兼備也亦是通
 妨妨云上難苑公玄言理說不分今禪教契
 合豈非雷同此答也言不假更看下瑜伽八

十六云不觀他面不看他口於此正法毘奈
 耶中一切他論所不能轉意云既自通達不
 隨他語亦不看他顏面別覓一句一偈謂是
 忘機之法門以依法不依人故但解此疏自
 然諸疑頓息內照自明也言彰乎大理之言

者或聖教彰大理之言疏為辯明令人易了
 文處蓋多難可具迷解字唯買切○鈔三扶首
 大義下以刊定記破昔成非今疏扶昔賢首
 大義不欲掩昔賢故言幽旨包博等者比唐
 經多缺比餘經全盛故言賢首方周者以光

統律師靈裕法師慧遠法師等皆有疏釋唯
 探玄二十卷妙義方周故言講得五雲疑空
 者即講唐經時祥瑞也以講經時口出光明
 須更成於雲蓋等然有三度放光如下具示
 言六種震地一動二起三湧此三約相四震五吼

六擊此三約聲或東湧西沒南湧北沒中湧邊沒六相也即證聖二年十二月十二日晚講至華歲世界海震動之文其講堂內及寺院中忽然震動于時道俗數千共覩歎未曾有有處說四簷垂地故六敬愛寺碑云祥光瑞彩

鬱鬱哉齊日排空佛殿法堂隱隱然垂簷接地等言雖入下前列子中事徒過下法華經中擊珠喻也言大義屢垂者孝經序云嗟乎夫子沒而微言絕異端起而大義垂今借用之可知言立四教者一迷貞異執教二貞一

分半教三真一分滿教四真具分滿教以圓終二教為第四始教為第三小教為第二不立頓教更加第一以當異教故云雜以邪宗言使權實不分者三是權四是實而皆云滿故不分也言頓漸安辯者不立頓教故言拈

鉅八

九

十玄下彼立二種十玄謂德相業用問相用區分豈無異轍答如百法中八識通漏無漏不須分為兩重彼既不爾此云何然言使德相下德相無相即相入二門業用中却有之然體是即用之體今既體無入即體用不相

即也彼立德相唯淨業用通染二門既別無
真妄交徹之義也言出十玄下既立德用二
玄之果所由之因却但准一真如即德用二
門何別自語相違也問准下理性融道具德
用二義何故以此難耶答非不許理性之因
具於德用但不許立二玄別也言以緣起相
由下如光明覺品云一中解無量無量中解
一了彼互生起當成無所畏判定云了一多
互生一多念息一多平等此會差別歸平等
性即理事無礙非事事無礙破賢首云應密

思其文勿謬解也即理性融通義清涼云以
一有力一無力不相違故有此恒相在也緣
起法界數常爾稱斯而見何所畏哉即扶賢
首大義耳若約前釋則大緣起門隱矣今申
上古下新疏謂清涼所造之疏也對判定之
舊故問新疏中多有同判定之文莫不扶判
定否答有同彼文者彼亦用賢首之文今亦
同用之矣○鈔使質而不野者論語質勝文
則野文勝質則史文質彬彬然後君子今借
用之意云言雖簡而理詣故質而不野故春

秋序云言高則肯遠詞約則義微也○鈔多
不窮其始末者或置後引初或隱首露尾但
事偏詞竟無正理言或用法相者且法相名
義諸宗皆有豈可盡為權耶言又不分其通
局者如三性二諦等則通融與不融則局言

契

干

意態者名訓雙舉也○鈔當得佛故者經云
以發心故常為三世一切諸佛之所憶念當
得三世一切諸佛體性平等云云何以故以是
發心當得佛故疏云徵意云何以發心即得
果耶釋云以是發心為因決定當得佛故望

圓極之果故定當成約見性成智身上品云
即得即淨行品初發心時便成正覺之義故晉經梵本此中皆
云即是佛故者當此義也鈔釋云當字是譯
人意欲不壞初後故作此譯今意例顯判定
不曉便以探玄即義釋今當字以此為例上

下多爾言十行已前賢首新修畧疏唯至第
十九卷故

華嚴懸談會玄記卷第八

永樂北藏

華嚴懸談會玄記

第一八三册

永樂北藏

華嚴懸談會玄記

第一八三册

華嚴懸談會玄記卷第九

鉅九

蒼山再光寺比丘 普瑞 集

鈔百四十一願者乃十信中行也疏云表十信圓融一二具十故百三賢十地等覺四十一也明此諸位感障由此能淨所有勝行由此能行故分爲

鉅九

十類一有一十願明在家時願二有十五願明出家受戒時願三有七願明就坐禪觀時願四有六願明將行披掛時願五有七願明澡漱盥洗時願六有五十五願明乞食行道時願七有二十二願明到城乞食時願八有五願明還歸洗

永樂北藏

華嚴懸談會玄記

第一八三册

浴時願九有十願明誦習旋禮時願十有三願明寤寐安息時願故總有百四十一願也言梵行品四果者經云若僧是梵行者爲預流向預起凡地是僧耶預流果是僧耶一來修惑三品未盡一度來生欲界故向是僧耶一來果是僧耶

不還欲惑已盡更不還欲界故向是僧耶不還果是僧耶阿羅漢一云殺賊已繼煩惱故二云不生三界之生分盡故三云應供應受人天故向是僧耶阿羅漢果是僧耶疏云且依小說釋云但畧釋名而已今則欲明梵行粗陳名目若廣引婆娑俱舍等論清淨梵行累於名數矣言

問明品等者即文殊問法首菩薩章中謂隨
 貪嗔痴隨慢隨覆隨忿隨恨隨嫉隨慳隨誑
 隨諂執力所轉等文彼全鈔唯識釋之今疏
 但畧釋其根隨而已前四根本後十隨惑言三倒者想
 心見三倒也疏云依前七識義分三倒謂七

識妄心性是非理顛倒之法名爲心倒依是
 心故便有一切妄境界生如依夢心有夢境
 起即於彼境妄取其相說爲想倒於所取法
 執實分明說爲見倒依此三倒於爲無爲境
 起常無常等八種顛倒也言二十一種功德

者一者一向無碍轉功德二於有無無二相
 真如最清淨能入功德三無功用佛事不休
 息功德四於法身中所依意樂作事無差別
 功德王脩一切障對清功德六降伏一切外
 道功德七生在世間不爲世法所礙功德八

第九

二

安立正法功德九授記功德十於一切世界
 示現受用變化身功德十一斷疑功德十二
 令入種種行功德十三當來法生妙智功德
 十四如其勝解示現功德十五觀察如來無
 量所依調伏有情功德十六平等法身波羅

蜜多成滿功德十七隨其勝解示現差別佛
土功德十八三種佛身方處無分限功德十
九窮生死際常現利益安樂一切有情功德
二十無盡功德二十一究竟功德此中云古
人者無罪
也言又離世間品下言具含諸位者初二

十問荅明十信二有二十問荅明十住三有
三十問荅明十行四有三十問荅明十迴向
五有五十問荅明十地六有五十一問荅明
因圓果滿言名異義同者明一一位中名言
與前六會經文有異於義乃同或前六會中

名義廣此中名義畧也言於四十二位者四
字誤書應五十二位也今具引六會經文者
從第二會明十信乃至第七會明等妙二覺
也言臆說尤多者下鈔云判定將此分為六
位從十住已去不取十信而開等妙與此全

聖九

差以十信文為十住十住文為十行等此判
既乖即知苑公於此一品不解一句以判六
段畫皆錯故言五眼下離世間品云有十種
眼一肉眼眼見一切色故疏鈔云照燭名眼下
釋五眼皆智論文彼
見處近明前障內色今見
一切色已過肉天二眼也二天眼見一切衆

生心故彼見四六不可見有對色為體但人天
 趣別耳今見三慧眼見一切衆生境界彼見
 心通性相依見衆生盡滅一異不能度四法
 彼意眼不依見衆生盡滅一異不能度四法
 生今顯實過權此明能見亦能見理雖知於法不
 眼見一切法如實相故彼中法眼雖知於法不
 反此故明知一切法通事實理實意欲異權
 故若爾何分法慧卷法眼從所知亦通於理

慧眼從能知為名則法慧
 俱通彼後得名異故分二
 力故顯唯無不知今亦同彼
 故見事法眼七光明眼見佛光明故通身智
 法中開出也
 八出生死眼見涅槃故方見九無礙眼所
 見無礙故總見諸眼境皆無礙故此即一十

一切眼即是普眼非但見法界重亦乃法
 障礙法界即眼故為普眼故知十眼全以無
 為體也言六通者一他心通二天眼通三
 宿住通四天耳通五漏盡通六神足通開六
 為十如前已明言十身及智入等如前教迹
 中已畧示言衆海解脫者如妙色隨羅延執

金剛神疏云隨羅延此云堅固由見佛妙色
 皆不可壞故受此名以此神得如來示現無
 邊色身解脫門故為此釋餘可例知言以九
 門六度下疏云瑜伽菩薩地說六度各有九
 門一自性門謂出二一切門謂能三難行門

謂就中 四一切門門謂行五善士門謂作六

一切種門謂遍攝七遂求門謂隨八與二世

樂門謂於現在作大饒益九清淨門謂離相

六度即一布施二持戒三忍辱四精進五

禪定六智慧十度即於智慧中開後四也謂

樂

四

七大願八方便九大力十大智言十忍者經

云音聲忍順忍無生忍如幻忍如燄忍如夢

忍如響忍如影忍如化忍如空忍言五忍者

即仁王經說伏忍信忍順忍無生忍寂滅忍

各有三品如次配三賢十地等妙二覺疏鈔

云然此忍行十忍約位即等覺後心為斷微

細無明若約圓融實通五位寄終極說雖是

一無生智隨義別說二謂二我三佛性論說

特地論說信忍四地論中有四無生三數差別

無生忍四作業無生又思益經說四無住忍五如

無生忍二無滅忍三因緣忍四無住忍五如

仁等等要略經說六忍謂信法備正無垢切

又依五忍位當寂滅十忍中無生者持地論

說三忍信忍三賢順忍加行無生忍正證已

去總名無生今當此無生之因滿位非五忍中

無生彼當七八九地順忍等覺位中無生忍加

行十忍中順為十中無生之加行也通順理事不同五忍中

順忍四五六地亦不同三中順忍屬四加行位音聲忍亦等覺中加行後七喻中前四喻音聲影化喻順忍空喻無生忍言十身融三身者下依主中明言十智融三智者離世間

經九

五

品說十種善巧智明一知一切衆生業報善巧智明二知一切衆生境界寂滅清淨無諸戲論善巧智明三知一切衆生種種所緣唯是一相悉不可得一切諸法皆如金剛善巧智明等七也疏云初事次理次即事歸理此

依顯相然皆權實無礙之智故稱善巧即一權二實三無礙名為三智言十門涅槃者一體性真常門二德用圓備門三出沒常湛門四虧盈不遷門五示滅妙存門六隨緣起盡門七存亡互現門八大用無涯門九體離二邊門十結歸無住門然斯十段隨義雖殊皆含體用互相交徹顯大涅槃言四種涅槃者一自性清淨涅槃二有餘依涅槃三無餘依涅槃四無住處涅槃然上十中體攝性淨用攝餘三故云會通言十種佛智下出現品顯

云一無依成事智二體無增減智三體均益
生智四用興體密智五滅惑成德智六依持
無礙智七窮劫利樂智八知無不盡智九巧
令留惑智十性通平等智上十智融三智中亦可以此十智皆達事名融推照理名融實無碍名融中言一智融於四智者四

用興體密智中經云無染着巧方便大智慧
實即大圓鏡智離諸分別名無染着所緣行
相微細難知不忘不愚一切境相名巧方便
經善分別有為無為法即平等性智觀一切
法若為無為自他平等名善分別經分別說

無量法而不壞法性即妙觀察智兩大法兩
觀察諸法自共相故說無量法而不壞法性
經知時非時未曾誤失即成所作智知根知
時作所應作故問何故將法相釋法性耶答
今一具四豈得同耶欲顯包融故用釋之一

第九

六

智融四則永異餘宗言若為成種智下問廣
立章句令後學者成種智境復有何過答意
可知言若華嚴下問破他廣立章門何以下
疏釋十度十力等亦立章門故此答也意云
既經中廣明非是傍求故須總撮一章令頓

曉其旨也言如十地品內下此中畧於初地
 問何故畧初地耶答以歡喜地名約證真立
 非他施度不同餘九故偏畧之或初地觀行
 在地前故言不了三聚者經云性自遠離一
 切殺生即律儀戒不懷怨恨有慚有愧仁恕具足

即攝善法戒於有命者常生利益慈念之心等即情戒
益有盜等戒准知以是三義就類分之各有
 衆多故名爲聚言離垢者瑜伽云由極遠離
 犯戒垢故謂性戒成就今云不了豈知皆反
 顯也言八禪者禪即梵語此云定也通色無

色若云禪那此云靜慮唯色界四故弘決第
 六云別而言之四色定生喜樂定離生喜樂
淨四空空無邊處定識無邊處定無通云八
定禪或云八定定對欲亂禪亦名靜故諸聖教
 隨用不定言發光之行者唯識云成就勝定

大法總持能發無邊妙慧光故得勝禪定發
 脩慧光得總持教法發聞思光照大乘法等
 言不曉寧知亦反顯也言四地道品者即三
 十七品菩提然有七類疏云一對治顛倒道
 品即四念處心身受法二斷諸懈怠道品謂四正

勤未生惡今不生已生惡今斷除三引發神
未生善今生已生善今增長
 通道品謂四神足神足即心是定神足思慧
揀擇神足四現觀方便道品所謂五根定信進念五
 親近善觀道品謂五力六現觀自體道品謂
 七覺分念精進擇法輕安定喜捨七現觀後起道品謂八

正道正見正思惟正語正業此七次第者若
正命正念正定正精進
 聞法已先當念持次勸勤脩攝心調柔調柔
 故信等成根根增為力七覺分別八正正行
 言成無生之慧光者唯識云安住最勝菩提
 分法燒煩惱薪慧燄增故名燄慧地言五地

諸諦者經中先令觀四諦後就此四明十觀
 門觀於四諦化生差別廣如經說言窮真俗以化
 物者攝論云真俗兩智行相相違合令相應
 極難勝故名難勝地以斯妙智普利群生言
 六地般若等者逆順觀察十二因緣有十門

一有支相續門二攝歸一心門三自業助成
 門四不相捨離門五三道不斷門六三際輪
 迴門七三苦集成門八因緣生滅門九生滅
 繫縛門十隨順無所盡門三觀者一相諦
 差別觀空自利二大悲隨順觀假利他三一

切相智觀中道通二利畧顯十重窮究性相
 以顯無盡並以三觀次第釋之融此三觀唯
 在一心甚深般若於是現前名現前地言非
 是懸指昔三等者華嚴望後故名懸指法花
 望前故云昔三謂此地十二緣生非法花之

聖

八

前四十年中中乘緣覺所見緣生義也言七
 地窮一切下謂經中顯此菩薩具脩十度四
 攝四持三十七品三解脫等名窮一切於念
 念中皆悉圓滿以功用後邊勝前諸地後無
 功用以此能成故亦勝也權實雙行者即止

觀齊運故言八地下七勸者一勸脩如來勝
 調御智自德未成勸二勸悲愍衆生生願未滿勸三勸
 成其本願本願未成勸四勸求無礙智自德未勝勸五
 勸成佛外報化業廣大勸六勸證佛內明無量勝
 行法門未窮勸七勸總脩無遺成徧智道增進求德勸

問始行之流尚脩無住豈深智地取滅須勸
 頗有一人佛不與智便取滅否答有四義故
 所以須勸一為引斥定性二乘明菩薩此地
 大寂滅處猶有勸起况彼所得寧為究竟二
 為警覺漸悟菩薩樂寂之習三為發起始行

無厭上求四為顯此地甚深玄奧難捨所以
須勸也但有此深奧法處必有諸佛作七勸
修故無一人便取永寂又設佛不勸亦無趣
寂為顯勸益假以為言言方見無功之道者
經云即捨一切功用行得無功用法身口意

第九

九

業念務皆息智冥於理無相無功曠若虛空
猶如停海心識妄念寂然不起名不動地由
前七勸方知此故有本云七分者即本地七
分經文也集作地分淨忍分得勝行分淨土
分自在分大勝分釋名分為七分
然不如七勸通諸教故言九地下經文作

大法師具法師行善能守護如來法藏以委
窮根病之淺深設法權實而契當言四十辯
才者一法無礙辯二義無礙辯三詞無礙辯
四樂說無礙辯各古十相一依自相二依同
相三行相四說相五智相六無我慢相七大
小乘相八菩薩地相九如來地相十住持
相理實該通一切且約圓教以列十門故成
四十流於聽表曰辯巧應物心曰才以美妙
音演說法義名四無礙辨內由智起名四無
礙智無漏後得為體然義無礙或通根後以

此教化衆生名善惠地言不將何以亦反顯也言第十地下經云一切種一切智智隨在佛數疏云如初出家隨在僧數言並稱觀行下本爲成就觀行契真法性依之脩行方是佛意不徒說之解之而已學者思之言若不

了法相者問何不唯明真觀而廣陳法相名義故此答也智論云有智無多聞是不知實相譬如暗夜中有目無所見多聞無智慧亦不知實相譬如大明中有燈而不目多聞有智慧是所說應受無聞無智慧是名人中牛

則雙美聞行也言尋文自知者尋下疏文自
知明示法相也○鈔始成正覺等者言初成
佛文則易也而含五教等義趣深也言智入
三世文則易也而有二三四智等義趣深也
如前教迹中示言兔章者未詳何人所作即

經光

十

十忍品如幻忍中引也下疏云法喻各有五
喻中五者如結一手中作一兔一有所依之
中二幻師術法三所現幻兔四兔生即是兔
死五愚小謂實法中五者一圓成法性二因
緣謂業惑三依他即衆生等四依他無性即

是圓成五執為實人法即徧計所執令悟第
三依他成第四即事歸理遣第五遍計情亡
歸第一圓成理顯言如影下此引攝論所說
二影以釋如影忍也一油水現日月影喻定
地所引境界以水有潤滑澄清性故鏡等影

像闕此潤等喻非定地亦日月喻菩薩悲智
水喻機心中之月
喻定地境界二身對上日月為光影喻身映
謂見佛等日等有影故而弄影多端故喻於諸識影
乃隨身不於日內而現喻諸識雖託境生異
自在我非在於境亦日月喻菩薩悲智
物機日照發影以喻現身

永樂北藏

華嚴懸談會玄記

第一八三冊

等三鏡影喻散地果報以影離質別現鏡
中喻報與其處別故鏡喻本識如來藏性
本質喻無明業等使
喻果報又如問明品
鏡像亦喻菩薩現身則
鏡喻菩薩本質喻機影喻菩薩應機之身
言第七迴向下經云刹平等不違眾生平等
眾生平等不違刹平等下疏釋有五種四句

鉅九

二

第一四句者一刹相二眾生相三刹無性理
四眾生無性理第二四句者一刹相即無性
以事不存故二刹相不即無性以不壞事故
三刹無性即刹相以不守自性故四刹無性
不即刹相以性不變故第三四句者眾生真

無性亦同刹說第四四句者一刹無性即衆生無性以無二故二刹無性不即衆生無性以無可即故三刹相即衆生相理性融故四刹相不即衆生相不壞相故第五四句者一刹相即衆生無相二刹相不即衆生無相三

衆生相即刹無性四衆生相不即刹無性後四重四句中初及第三句是相融義二四兩句當句為門雖不相融與彼相即同一緣起故成無礙然為門不同有多差別理實諸句無不融通言第八迴向者經云佛子菩薩見

可愛樂國土園林等云云歷國等境發三十一願疏作兩番釋之先橫對一若見國土當願衆生見法性土等後堅配地位一最初發心同佛見理即信位等言三天者初利夜摩地率各有十方菩薩偈讚佛德多明破相空義

頓義事理無礙義十迴向中第一救護衆生離衆生相迴向亦依真理等明故以般若等文理通釋言普賢三昧者三昧應是行品二字傳寫之誤耳以此品與出現品是平等因果前後因果已是玄妙今此二品又明平等

則玄中之玄妙中之妙也又普賢行品明所
治廣多一障一切障能治深妙一斷一切斷
等故言法界深觀者即祖帝心所作華嚴藏
深觀旨歸義理分齊並賢首造又靈俗法師
亦有華嚴旨歸關脉者未詳准纂玄云文超

聖元

十三

法師作也關鍵亦文超法師造言關中即京
兆府生肇融獻四聖等所作章疏也有唯指
維摩疏者局也此四聖所述今疏所用豈獨
維摩疏耶涅槃心鏡鈔云生公造涅槃五十
餘紙唯盤根錯節難解之處於是經宗大開

奧藏稱為關中疏言繫表者謂出於言繫之
表或唯目於關中或通前諸文或更有古人
玄妙章門皆經論文外深玄之理故云繫表
宗趣鈔云希領文繫之表也表者外也言三玄者
下鈔云然此方儒道不越三玄周易為真玄

老子為虛玄莊子為談玄此皆是有格之言
故或格言者指餘詩書等疏皆借用之所謂
絕妙好辭莫不竭斯經疏故云有美斯經等
言亦有下通難也問上斥他指在別章今觀
下疏亦有指別章者故此答也○鈔昔人勝

負氣高者弘決志云負者不剋負者問不測
 答答不稱問皆名爲負又負在背爲他所負
 故名爲劣言如破娑婆形下經云狀如虛空
 以普圓滿天宮殿莊嚴虛空而覆其上下疏
 云靜法云大小乘經並說虛空體無形質不

堯

三

可見相今云有形者迴文者誤梵云三曼多
周第縛瞞縛曩天伽伽那虛阿楞伽羅莊嚴
僧怛那壯迴文應以形狀置周圓之前虛空
 安天宮之上然後合綴飾云其形周圓以虛
 空天宮莊嚴之具而覆其上靜法此証深有

理致今依經通之亦有理在謂空雖無形隨
 俗說故以俗典指空爲天謂天爲圓穹其形
 如鍤故說天勢圓平野亦如法華云梵王爲
 衆生父亦隨俗說耳鈔云今疏意非不許死
 師但已着在經小有可通即爲會釋不欲使
 人輕毀聖教耳言一朝至此者文通兩勢若
 屬上是刊定言若屬下作清涼語言先師者
 指賢首也是靜法之先師故以靜法造疏時
 賢首已入滅故指爲先師有通指譯場諸德
 爲先師者非若非師資破亦何咎故後云須

存禮樂也智者詳之言又如十行下第八難
得行文也唐經云譬如船師不住此岸不住
彼岸不住中流而能運渡此岸衆生至於彼
岸以往返無休息故菩薩摩訶薩亦復如是
不住生死不住涅槃亦復不住生死中流而
能運度此岸衆生置於彼岸安穩無畏晉經
云譬如河水不至此岸不住彼岸不斷中流
判定記釋中先引古云遠公云前不趣二處
是離有後不住中流是離無謂生死無處名
斷中流不住無故云不住中流也二賢首云

如東流水不住南岸不住北岸亦得說言不
住此岸中流以中無別體約岸分故若爾南
岸亦得何以不言涅槃中流由所度生在此
岸故所以偏就生死而說而判定引竟乃云
今助釋之意乃有二初會文後釋義初中新
舊經本說喻不同謂舊經約河水不趣兩岸
不斷中流爲喻喻菩薩以離有無悲智度生
也新經約船師不住兩岸爲喻喻菩薩以無
住悲智度生也問若爾梵本豈有二耶答梵
本是一由譯者異謂此梵本雖云河水意屬

經

古

船師即是於能依聲處作所依聲說譯者若
 善文則會意譯之為船師若但知文則按文
 謂之河水清涼云上刊定意會梵本雙出二
 從今經義則善經之意及其答結成晉經失旨以
 矣此上許之也二釋義者即准此文有二種
 中流一者生死中流謂南岸中間處自別故

此則存二之中名生死中流如是見者不絕
 生死二者涅槃中流謂離此彼岸即為中流
 更無別處此則泯二之中名涅槃中流如是
 知者必証涅槃故今此喻中喻菩薩大智故
 不住生死大悲故不住涅槃悲智唯是一心

不住生死時即不住涅槃以無住故故但云
 爾清涼云上刊定意以存二岸為生死中流
 於涅槃中流則不順不存二岸是則住
 住中流之義故不取也清涼釋云喻中初句
 喻能化次三句喻悲智不住之行相後而能
 下三句喻不住之功能初二句正於功能以

經九

五

往返不休息一句結能度所以後法合中二
 先正合後徵釋前中具含三段生死即此岸
 涅槃合彼岸合上中流亦言生死者以發心
 之後成佛之前十地菩薩尚居二死是以中
 流即是生死故云生死中流非生死涅槃之

中間名生死中也文旨顯然晉經失旨不應廣引今言古釋詞枝者通指遠公及賢首也今文分明者就船師說故然猶賢首判定清凉三釋今經生死中流一句義各別也學者細詳皆有深理故並引之勿馱繁文言凡破

等者先喻後合其猶下喻也文選云夫係蹄在足則猛獸絕其蹠螻蛇在手則壯士斷其節何則以所全者重所棄者輕言毒蛇者毒蟲也螫者舒亦切說文云蟲行毒也言毒樹生庭者斫毒樹經云舍衛國有宮園生一毒樹

男女遊觀停息其下或頭痛欲裂或腰脊疼痛或於樹下終守園人施柯長丈餘遙斫去之未經旬日生已如故如是過多枝葉隨復如舊團圓樹中之妙衆人見者無不歡喜不知忌諱皆來遭毒園人親族貪樂樹陰盡取

命終園人隻立晝夜憂愁號悲行走智人語云當盡其根柢適欲掘根復恐定死更進思惟出家學道佛言伐樹不盡根雖伐猶復生伐愛不盡本數數復生苦心悟尅責即得初果今借喻破邪義也若邪解下合上喻也言

若似正下先法後喻此法說也應智眼審觀
依准教理詳而決之如欲下喻可知言蓋不
獲已下明破斥之體式也言縱有下問准下
疏文亦可舉非顯是何故破他有是非耶故
此答也銜媒皆自賣者也○鈔若更廣等者

鉅九

六

先廣開列章門懸叙義旨及至本文消釋之
次觸途踈畧則聖教幽旨遂多沉隱言使初
中後善者瑜伽云初善聽聞時生歡喜故中
善脩行時無艱苦雖二邊中道故後善究竟
離苦故言畧述下總結也本意下歸前疏文

然猶畧歸後句義也理實上句大智下句大
悲亦悲智大義也○疏迴茲下證常樂果即
向真如實際上二句向餘二處可知○鈔三
二句下疑云前言盡衆生界如普賢今又迴
施衆生豈不重繁故此答也言及所成德者

疏主脩成之功德也或造疏益生所成之德今
通迴施衆生得菩提涅槃二轉依果也大覺圓
明即無上菩提涅槃常樂即無上涅槃各上二
字體下二字德也○鈔故舉葢之總名含攝華
嚴之別教者此非同別之別乃對上三藏十二分

教之總華嚴乃藏教中一部故云華嚴之別教則
總別之別也○鈔畧廼百千者問准部類品會晉
唐兩本皆稱畧本百千當其下本何以此云畧乃
百千答此但對上廣則無盡故以百千為畧下以
百千為具本則晉唐是彼畧故○鈔九大旨下准

第九

七

此則前八門為懸談義乃優也圭峯云經文浩博
難見首尾故須撮畧關節以示後學○鈔沉隱之
義彰乎翰墨者使經中沉幽隱密之義疏文釋之
彰乎能詮翰墨之間文外宗通之理見乎文字百
千偈之內此正顯疏之功能而助正以此為如來

說經則一時之誤也然上十門生起次第用
易序卦文勢也彼云有天地然後萬物生焉
盈天地之間者唯萬物故受之以屯屯者盈
也屯者物之始生也物生必蒙故受以蒙乃
至有過物者必濟故受之以既濟物不可窮
也故受之以未濟終焉今體此文也○鈔智
論中者詮般若故名為智度論即龍樹菩薩
造釋般若經今即第一卷中文也言須彌山
王不以無事及小因緣者為顯動必有因畧
說十種一菩薩降神二入胎三出胎四十方

各行七步五二月八日踰城出家六正月八日成道七八月八日轉法輪八二月十五日入大寂九修羅與帝釋共戰十金翅鳥食龍時有此大事方震動也○鈔今開須彌下釋上轉勢之義也此有三轉勢一智論須彌喻

所說今開為能說二智論唯約動山喻所說佛智今約動海喻所說佛智三智論智唯所說今智通能說故問智論中乃說般若緣今何用為華嚴緣耶答並即不共般若此句二解不同若會解意云華嚴與般若並是不共

般若故今用之若寂照云雖引彼緣今轉勢用之故此中能所說身智並是不共般若不同智論是共般若顯勝故名不共即是別教一乘後解為勝言又於下於前三轉外又添一意以為四意轉勢用也謂搖須彌亦可喻

第九

六

所說身此經廣說十身故餘三可知然會解云此貼意釋非轉勢也彼般若為所說今佛身佛智為所說文勢皆同非轉用也今詳彼法中佛智為所說雖同通能說及轉喻於海則異也彼喻中搖山喻所說雖同彼喻智今

喻身則異也亦轉勢用者明矣不勞異釋學者詳之○鈔一大事因緣者問經云非以一因等即多因緣也法華唯云一人事因緣者豈不相違答非以一緣明能起之因緣則須具多如此十因十緣等出現為果唯以一大事因緣大事即因緣因緣即是佛之知見故因緣名同義則別也言一大事即華嚴佛智者轉通妨也妨云一大事因緣即法華佛之知見何預於此故此通也以法華佛之知見本為華嚴佛慧為未了者開頌說漸後會歸

時即先佛慧故云我今亦令得聞是經入於佛慧○疏先因後緣者親能起教曰因疎能助起曰緣○疏夫王道坦坦者夫者發語之端如水之先潤火之先煙雨之先雲也王者貫三才主萬物無為化世有道恩民坦坦者能九平廣也既平且廣千古之下孰不同規以况法王一乘至道徧窮時處說法性用咸同故還源觀云今古常然名為法爾即知不待別遇外緣牽之本來法爾常起也○鈔故不思議等者經具十力疏鈔云此即第五即常徧

演法力那羅延幢即帝釋力士之名文中有二初明一身轉後如是一佛下明多身轉前中三初所說多次如是演說下明所說常後所謂下示所說體後多身可知此即不退不退即不退力言音無變無斷盡故是則常恒之說前也

後無涯問約化顯及神通力此是業用法爾應是德相何故引此文耶答就機雖是業用約佛無非德相以德上用故問經云法界眾生靡不皆聞其中衆生皆得解了我等何不聞解耶答生育之徒對而莫覩審此省躬○

鈔結釋經文者前經如是盡法界一一毛端分量之處有不可說不可說佛刹微塵數世界此則及以毛端橫該法界一一世界中念念現不可說不可說佛刹微塵數化身等此則時以刹言那監窮劫海處則下復釋者覆釋前處及時也非有漸次

曰頓無有間斷曰常言不待別因者但佛窮證於時處中法爾頓起常起不同餘教要別有因牽故方起也問既不待別因何須餘九因耶答此顯法爾之功力為總為勝不妨待別因也餘九別因相對起故既總別有異不

可准例難也或可時處既常既頓皆因法爾而有斯則時處不須待於別因非是法爾所起之教不待別因也上二皆助正解今又助釋謂法爾之教不待別因約可流傳故須餘九或可云何法爾不待別因宿因深故故雖

經

子

有餘九皆成法爾不待別因之義也各有深理學者細詳○鈔有伏難云下難云在鈔卷文在疏則應先鈔後疏後皆准此言九會之終者且約現行經說○疏但隨見聞下即下順機感意但隨圓機見聞初成之跡九會之終乃

文殊阿難海等於常徧無盡說中畧此流傳於世也故在機則有始有終約佛則無始無終○鈔以見理下既見真理自含衆妙時處既一多下以所依時處例能依法也一中含多即深不思議一不礙多即廣不思議也○疏

二酬宿因下問既云宿因深故法爾而轉何得上云不待別因答上云不待別因乃不待現因今顯昔因方能顯於法爾故不同也問若爾既由昔因安成法爾義耶以有昔因故應非法爾也答非是籍此宿因方能法爾今

云爾者以佛宿因初入修行之路先悟法爾
心性常徧演法之德遂發悲智願二利之行
稱性行願既備諸惑斷盡證真涅槃成大菩
提還得如性之用常徧演法此即悟修斷證
說法利生皆符法爾之性則以稱性行願而

先

主

為因體但由昔因稱法爾性非由宿因方能
法爾亦非宿因誰窮法爾也此上通用一既○
疏文答上難也
疏夫根深下科云標因深廣據疏云宿因既
深教起亦大次段牒云深大云何等似此科
合云標示深廣其廣字即疏中大字也此屬

教大也以今標釋二科通能起因所起教不
應獨科云標因也恐後人筆誤耳然言宿因
既深教起亦大者因亦可大教亦可深互影
畧故下釋亦然○疏深大云何下一節疏文
鈔無消釋諸家外鈔紛紜不定今亦畧解先

科次釋口科分二

初深大 初深下 初得下 初悟佛 初斷煩惱證涅槃
後釋二 後教次以 後斷下 次修悲智 後斷所得菩提

言我佛世尊者是舉果人以顯昔因也言創
躡玄蹤下二句先悟毘盧法界也上句即寐

之照玄者寐也蹤者照也即初發心時創躡便
成正覺之義問玄為寐則可矣蹤字何以為
照也答蹤者跡也若絕其跡則玄之又玄今
既有其照用之跡故知其為照也下句即照
之寐寐照無礙非照非寐乃初悟之心便同

極果後之斷證亦不離此言悲智下即後修
普賢行門大悲般若常相輔翼成無住行行
類無方故云齊周言是以妄想弗剪下是以
二字躡前修起文雖在初義通下句由行類
圓滿煩惱本空不斷而斷契前即照之寐證

真涅槃故云廓徹性空由前行類得圓滿故
所知本寐弗磨而磨契前即寐之照得大菩
提故云類朗萬法二義同時為真斷證以此
因深教起亦大

甄九

三

華嚴懸談會玄記卷第九

永樂北藏

華嚴懸談會玄記

第一八三冊

華嚴懸談會玄記卷第十

鉅十

蒼山再光寺比丘 普瑞 集

疏諸會佛加皆言願力者即一三四五六此五會入定有加二七不入定故無加第八入定無加而有發起第九會佛自入定

鉅十

故無有加唯五會有加其初會經云毘盧遮那如來本願力故亦以汝修一切諸佛行願力故第三四五六此四會皆云亦是毘盧遮那如來往昔願力威神之力唯第六會遮那如來下加應正等覺本願力故乃至入是三昧令汝說

永樂北藏

華嚴懸談會玄記

第一八三冊

法言及餘諸文者散在一經故云非一○疏主山神者即開華匝地主山神也○疏故堯率偈云等者即精進幢菩薩所說偈也上伴偈云譬如一切法眾緣故生起下半合可知言告功德林者由功德林入菩薩善思惟三昧十方諸佛皆號功德林而現其前告功德林菩薩言此是十方同名諸佛同加於汝亦是毘盧遮那如來往昔願力威神之力及諸菩薩眾善根力故令汝入是三昧而演說法第五會加金剛幢

菩薩亦云及由汝智慧清淨故諸菩薩善
根增勝故言解脫月等者即請金剛藏菩
薩說十地時明機感故言志解悉明潔等
者等有二意一等餘二句文云承事無量
佛能知此地義二等餘處經文如問明

品云其心本清淨諸願皆具足如是明達人
於此乃能觀亦如兜率天子六千比丘善財
童子等皆云於如來所種諸善根等故今云
等也○疏廣顯機感下以根感為因教方得
起下即以法彼根義有左右故分二門由體

無別故指彼說○鈔發心品中十方法慧同
白佛言等者經云十方各過佛刹微塵數世
界外有萬佛刹微塵數佛同名法慧各現其
身在法慧菩薩前作如是言汝能說此法我
等十方佛刹亦說是法乃至我悉當護持云

第十

二

准此鈔中白字誤書應是名字下疏云後益
末世今信仰故今之聞者皆由佛願力深愧
信行○疏四為教本者教謂末教諸經本即
此經此經上有為本之用是教之本名為教
本以此為能起因牽起自體為所起果雖體

用齊時而因果義分然此爲本之義有二說
若玄鏡集玄等記所開所攝三乘等教爲末
能開能攝一乘圓教爲本若察照意但約部
帙以論不約五教而說不爾以義分教一代
時教中但有圓義者皆是圓教豈以圓教而
爲本耶故次云先示本法頌演此經明知約
部帙爲本也後解爲正○鈔非本無以垂末
者法說者顯前句約喻次句約法然鈔釋四
句中前三句轉以喻釋第四句方正約法釋
也此文本出肇公維摩注序彼云然幽關難

啓聖應不同非本無以垂迹非迹無以顯本
本迹雖殊不思議一也彼以體用爲本迹今
借其言不用其意但以此經爲本諸教爲迹
也○疏將欲下問若云將欲逐機故先示本
法者則說華嚴本意應正在逐機耶若若但
讚佛乘衆生沒在苦今欲開頓說漸故作此
言就佛本意純說一極此意在前法爾中也
○鈔天台指爲乳教者補注中破云天台但
判頓部在初喻之乳味何曾指部爲根本也
今據妙玄云呼爲乳者意不在淡以初故本

故如牛新生血變為乳純淨在身犢子若嗽
 牛即出乳佛亦如是始坐道場新成正覺無
 明等血轉變為明八萬法藏十二部經具在
 法身大機犢子先感得乳乳為眾味之初譬
 頌在眾教之首故以華嚴為乳耳評曰既云

初故本故又云眾味之初此初即是本也豈
 非指部為本耶又眾味不從乳出因何而有
 耶此但頌漸對說豈不得然○鈔彼文云等
 者疏鈔云喻善提身初成經有十喻疏會十
 身今當第四喻善
 身提先照須彌等約根說異則照高未能兼下

若照卑山則照高山故說華嚴是照高山菩
 薩如高山二乘不預說阿含菩薩常聞餘例
 可知緣覺如黑山無法空之慧光故聲聞如
 高源淨名法華皆以高源况聲聞不生佛法
 蓮華故大地通喻三聚決定能生喻決定善

根眾生名正定聚得緣方生喻不定聚砂鹵
 等地喻邪定聚然亦不捨故皆普照問日光
 是一佛智萬殊豈為同喻答豈不向說隨地
 高下故知但隨眾生智慧高下佛智無二不
 違前喻問先照菩薩豈非正定次照緣覺豈

非邪定今更言三聚豈不重耶答邪定豈唯
二乘收耶除却二乘先已照故取餘無善凡
夫爲今邪定也又先說二乘是愚法者阿含
中所被故今三聚中取廣慧二乘是三乘通
教所被故其先照菩薩是圓根今三聚中正
定不定是偏根通教所被故乃不重也又此
但願普被故言通照三聚不必與前揀辨屬
配地位也問所被機既不同能被的指何經
答先照菩薩下能被教即華嚴也次照緣覺
下能被教即阿含也後照決定下能被教即

深密般若等經也問喻中從高至下勝劣爲
次法中阿含等所被二乘是愚法最後三聚
中二乘是廣慧况正定聚中亦有權教大乘
并三中一三後一乘菩薩通以大地喻之却
先劣後勝云何不齊耶答愚法二乘能被教
異故先喻別之廣慧二乘與權教菩薩以較
若等通教被故是以一種大地通喻三聚也
設有三中一三後一亦是三乘通教以始終
頓三教俱名三乘教皆爲三乘人所得故未
顯不共不名別教一乘故又漸中先小後大

為次故以經合文甚明○鈔華嚴未有等者
 且約初時說華嚴故以法華下如海流萬派
 百川還歸於海源無二故○鈔義取出現下
 鈔云經但有先照高山之言而無後照高山
 之語今以義求必有之矣會權歸實先棄人

聖十

五

天非出離故如平地落照此約前互相影畧
 不開三聚故次捨聲聞令自悟故如高原無
 光次捨緣覺令起悲故如黑山掩曜次捨三
 歸一如山脚夕陽故云還照高山問准經合
 文緣覺聲聞為未可爾何故今云捨三歸一

答經但言其大格不遮華嚴之後說大乘故
 故前正定聚中兼有大乘也問或台宗學者
 難云既無其文何所據耶答亦智者意故妙
 玄云夫日初出先照高山日若垂沒亦應餘
 輝峻嶺故問言法華涅槃唯聞一極照菩薩

者何言歸於華嚴答二經一極所入佛慧即
 華嚴佛慧也義如前釋問補注難云是則最
 後醍醐上味歸最初華嚴之乳此云何通答
 乳為眾味之本此取先後喻前開漸之本不
 約濃淡為言然華嚴之乳亦純醍醐之乳也

涅槃云雪山有草名為忍辱牛若食者純出醍醐華嚴不說餘乘即純出之醍醐也故法華鑽成醍醐濃味却與華嚴頌出醍醐理同即歸華嚴義也故妙玄云法華開佛知見得入法界與華嚴齊又云菩薩因法華入法界

與華嚴合此義也○疏無不從此等者梁攝論云由如來昔時學三乘十二部經後成佛時各觀一切法無不從此法身生無不還證此法身故一切法門同一法身為味由見修多羅祇夜等經同一法身味是故生喜今

轉生為流字轉證為歸字身為界字問生證轉言流歸其義相順何轉身為界耶答彼論復云諸佛法界恒時應見有五業釋論曰此中明法身業而言諸佛法界者欲顯法身含法界五義故轉名法界一性義二因義三威義四真實義五

第十

六

甚深義前已引釋評曰今欲顯歸華嚴法界具足五義故亦轉名界也故下入法界正用此五義釋界字○鈔此以義證教者法身報化是所詮義華嚴諸經是能詮教故言報化等身者等字等一切法也此論明三身皆依止法身

中正說由五因故佛具五喜偈云由能無量
作事立由法義味能德成一因自能無量故
喜二因作事立故喜三因法美味故喜四因
欲成故喜五因德成故喜今此是第三門法
美味故喜中文也○鈔故吉藏者即隋末唐

初會稽嘉祥寺吉藏法師也問彼師立教後
既不許何故得證此耶答彼立三種法輪欲
收一代時教義故稍有違今但證此經為本
之義則有理也○鈔法華指此下以始見入
佛慧即是此經今聞法華令入佛慧即華嚴

佛慧如海無二故前鈔云以法華攝末歸本
歸華嚴故意表二經佛慧是同勿謂法華唯
是終教教義釋法華云我有如是七寶大車
其數無量為主伴門為是何教妙玄亦云始
見我身入如來慧今聞是經入於佛慧初後

非十

七

佛慧圓頓義齊○鈔既不指下遮難可知問
梵網經云初坐菩提樹下成無上道已初結
菩薩波羅提木叉等豈非鹿野之前一乘耶
答彼但明戒非一代時教本故教迹鈔云未
有一事一理而不極等問無量義經云佛一

切時說大小等如何會通若盡理明下有
十門儀式今且為成為本一邊之義不違無
量義經等問密嚴經上卷云十地華嚴等大
樹與神通勝鬘及餘經皆從此經出此經最
殊勝餘經莫能比等准此則彼經為諸教之

本今經亦無顯文說為諸教之本設依義判
亦違彼經以密嚴經是法性土與諸法為本言
諸經皆從此經出亦猶無量義者從一法生
同教迹中理事相望論本末也今言為教本
依佛化儀先說此圓極之經後方說餘經明

永樂北藏

華嚴懸談會玄記

第一八三册

為教本同教迹中諸教相望論本末也若唯
此為本遮餘為本膠柱何甚十二國史趙王
楚誠之曰至楚之時必如吾言使者曰王之
鼓瑟何其美也立曰瑟方調矣使者曰瑟美
如此可書記膠柱其柱王曰官商移徙不可
常定使者曰明君使臣不制其辭達吉則賀
達凶則弔如王瑟 ○疏五顯果德者以所顯
柱不可常定矣

果德為因能顯教法為果謂欲彰顯果德故
有能詮言教問教不唯言為體通攝所詮為
體因果何分答但以能詮為門一切皆教若
以所詮為門何法非是所詮雖舉一全收而
為門自異問若以所詮為門下地位勝行等

皆其所詮云何成異答雖俱是所詮果德唯
 明佛果地位咸通因果寬狹不同勝行真法
 等各別准知言不識寶玉者或連城別足
 時楚國有姓卞名和者別玉荆山崑岡谷中
 得一玉璞將獻楚文王立文別玉謂和欺
 則其左足文王崩武王立和又進玉武王責
 曰和昔欺吾先君今又來誑我復別其右足

和見二王不識此玉遂抱玉泣於荆山下
 中泣血感得山者何獨怨乎和曰臣不恨
 而足所恨則玉為忠士為慢所以悲耳王
 則使王師剖其璞果得美玉使擊玄估其
 價使外使此王無價一若欲知此玉大也
 楚城為量城之運金後楚城趙女得此玉
 乃號為城之運金後楚城趙女得此玉
 王聞欲得之詩云薛五城莫當門懷玉莫向楚
 城之玉也詩云薛五城莫當門懷玉莫向楚

無別玉所或夜光按劍隋侯一出行見破血
 無蔣蘭也命將欲死隋侯憐之取著水南
 無沙中藥封其患慶得活道然入水於
 洗以神藥子後啣七寸珠來報與侯於
 海龍王之忽有光開謂是賊來遂與侯
 夜庭中忽不見開戶看之曰蛇子按劍向
 而外吐珠之身在地隋侯問之曰蛇子
 戶變作蛇身在地隋侯問之曰蛇子
 生子救命故以身中珠報德隋侯得珠乃
 進楚王

王夜中安殿上見光明或執石為寶
 如畫時有諸人等在池浴乘舟遊戲
 如春時有諸人等在池浴乘舟遊戲
 琉璃寶沒深草中是時各人悉入水
 寶就捉瓦石非真藥各人悉入水
 歡喜故出乃知非真藥各人悉入水
 珠力故出乃知非真藥各人悉入水
 是王大女見寶珠或掬泡為珠
 國王大女見寶珠或掬泡為珠
 有泡女見寶珠或掬泡為珠

頭上髮王使羣匠作水泡髮竟無能者王曰
 若不能作當斬汝輩有一老匠白王女言我
 素不別水泡好醜伏願王女躬自取泡我當
 作髮女尋取泡隨手破壞不能得之如是終
 而捨之去等今欲還源要須明解解不造極
 行非正道故云不知此德安能仰求○蹶然
 果德有二等者依果即世界海此有三類一

等
九


蓮花藏世界海具足主伴通因陀羅等二者
 十重世界海一世界性二海三輪四圓滿五
十相此上九皆三無量雜類樹行等刹皆徧
 有世界言法界上三皆是一舍那十身攝化之處故今
 文云謂華藏世界海等言如來十身等者等

永樂北藏

華嚴懸談會玄記

融三世間十身也○鈔其相即相入相在者
 下云相在是相入也或是微細門以今六句
 多是此門以約一毛一塵現依現正也然由
 科云約用互在故即一多相容門也○鈔若
 約圓說應言等者理實分圓交互具二百五

十六句今以圖示根本十六句每一句中具
 十六句則有二百五十六句也分為十六



分依圓依	塵刹	圓正	佛	分正	毛	圓正分正	佛毛	分正圓正	毛佛
圓依圓正	刹佛	圓正圓依	佛刹	分正分依	毛塵	分依分正	塵毛		

窺

分依圓依	塵刹	圓正	佛	分正	毛	圓正分正	佛毛	分正圓正	毛佛
圓依圓正	刹佛	圓正圓依	佛刹	分正分依	毛塵	分依分正	塵毛		

○鈔相即互止下問前相入有六句今相即

圓依分正	刹毛	圓依分正	刹毛
分正圓依	毛刹	分正圓依	毛刹
分依圓正	塵佛	分依圓正	塵佛
圓正分依	佛塵	圓正分依	佛塵

何唯四耶故此答也問准義分齊相即乃有八句彼不相即互止耶答作句體式異故彼云一者一即一二者一即多三者多即一四者多即多五者一即多一六者多即一多七者多一即一八者一多即多欲明義別故有

八句今以四句明義其第四句佛即刹故非佛刹即佛故非刹以相即互奪故云相即互亡此不同前第四句多即多以不互奪雙亡可加為八句然前相入第四亦不互奪故有六句下義分齊相入中第四句云非攝非入

以入即攝故非入以攝即入故非攝亦相即互亡故無六句則前後互影體式耳○鈔佛體即是法性土者出佛地論云唯以清淨法界而為法身亦以法性而為其土性雖一味隨身土相而分二別又唯識云雖此身土體

無差別而屬佛刹性相異故謂法性屬佛為刹為法性土性隨相異故云尔也今以佛體即土體故即事無礙法界以約差別義名為事故言廢已從他佛體虛故者從緣起相由出所以也土外無佛下理性融通因也或可三句故字後

後出前前之所以也如問何故佛即刹耶答佛體即是法性土故問何故佛體即法性土耶答廢已等可知○鈔刹即佛下准前可知三俱者合上二句俱時無礙故佛即刹故有刹刹即佛故有佛四泯者約互奪故然上四

句俱時為諸法相即自在門有以初二句為相即門後二句為隱顯門者義殊有濫豈相即門中無四句之義耶况科云約體相即故無勞異說○鈔雙結體用者體用約因即入從果言體外無用等者實唯一法約義引根

隨門似異其實就法舉一全收二門同時可為隱顯門以相即故依正雙隱以相入故依正雙顯正顯即隱正隱即顯故曰俱成○疏六彰地位者以所彰妙位為因能彰言教為果言一道者圭山云有三義一唯向南二唯一

因果三萬聖千賢皆修萬行更無異路即行說○鈔天地之大德等者注云施生而無為故能常生彼疏云欲明聖人同天地之德廣生萬物之意也言天地之盛德在乎常生若不常生則德不大以其常生萬物故云大德

也言注云下唯解下句也彼疏云聖人大可寶愛者在於位耳位是有用之地寶是有用之物若以居盛位能廣用無疆故稱大寶以况三賢十地位可寶故行有其成益也○鈔先釋行布等者圭山云發意修習念念在圓

行即有成未成位分因果未成之中復以塵
 習厚薄惑障淺深根有利鈍修習進怠致令
 位次階降不同若不知之恐叨濫上流或得
 少為足言如第二會等者第二普光明堂會
 說十信者一信心信佛常住大乘教法二念

第十

十三

心於六念三精進心如念而修四慧心觀人法
 二種無念解空慶寂六不退心止觀雙融
 七回向心善會平等捨八護法心解理堅固九
 戒心善護身心十願心正求菩提第三切利
 天宮會明十住者一發心住行願入位不退

永樂北藏

華嚴懸談會玄記

起慈心二治地住常隨定心淨諸法三修行住
 悲心空有四生貴住種姓尊貴五方便住真
 巧修正行六正心住成就般若開破讚
 隨俗無量善七不退住入於無生畢竟空性心常行
 動無住故空無相願止觀雙運緣不能壞
 故八童真住邪魔破菩提故九法王子住法

三教生管十灌頂住從上九住常觀空理得
 紹佛位故第四夜摩天宮會明十行者一歡喜
 心頂故二饒益行益自他故
 行三世因果皆悅自他三無違逆行無所違故四無屈撓行息無屈
 弱以慧資定五離癡亂行沈掉故六善現行發三諦

第一八三册

之現前故若七無着行於我及無我故八難得

行乃能得故九善法行則同於九地法師位

故十真實行稱二諦故第五堯率天宮會明

十回向者一救護衆生離衆生相回向大悲

無名曰救生大智無着名曰離相二不壞回向不壞信故三等

一切諸佛回向學三世佛所四至一切處回

向類今善根共具五無盡功德回向盡竟

成無盡善根功德之行六入一切平等善根

得十無盡善根修善事理無七等順一切衆生回

回向以善根等心故八真如相回向如善相合如同

向隨以順益生故

得九無縛無着解脫回向不為相縛不在於名

脫解十入法界無量回向稱法界初聖性具證

天宮會明十地者一歡喜地二初聖性具證

生大歡喜二離垢地具淨尸羅遠靜三發光地成就

勝定大法總持故四焰慧地安住最勝菩提

增慧五難勝地真俗二智行相互違六現前

地最勝般若若今現前七遠行地功至無相住

出過世間八不動地無相別智任運相續九

善慧地成就如四無礙十法雲地智要

合衆德水譬如虛空第七重會普光明殿會

寂重充滿法身故

明等妙二覺者以第七會有十一品十通十
 定十忍阿僧祇如來壽量菩薩住處六品明
 等覺體空大解安心平等照不思議法品十
 身相海品齊種智一相無二致隨好光明品此三明妙覺內謂四照
 鑒法性體無始終窮微盡極故名妙覺上皆行布因果更有普

賢行品出現品二品此二是平等因果即圓
 融義非此所明○鈔後釋圓融等者謂前諸
 位皆不離普賢法界然此法界圓融無限隨
 在一位即具一切如十味香纒燒一丸如小
 芥子十氣齊發若有聞香十味齊得若得沉

氣即得檀氣若得蘇合則得龍腦等服者齊
 得亦准此知問若初後相即應壞因果之相
 答若以因取常是菩薩若以果取恒即是佛
 隨門不同名因果體無前後故得圓融或
 雙存亦因亦果或俱泯非因非果具足四句自在
亦果亦泯 亦因亦泯 亦果亦泯 亦因亦泯

難思疏一一位滿即至佛故者十回向疏鈔
 云然斯位滿總有五重一約信滿如賢首品
 說便得灌頂而昇位等經云若得十地
脫則獲灌頂大神通住於最勝諸三昧則於十方諸
灌頂大神通住於最勝諸三昧則於十方諸
佛所應受灌頂二約解滿如灌頂住及海幢處
項而昇位等

說灌頂住經云此善薩應勤學諸佛十種智
 何者無邊智充滿一切世界普照一切
 法界住持一切諸佛智下疏釋云即佛
 一切法智知一切諸佛智下疏釋云即佛
 佛一切法智知一切諸佛智下疏釋云即佛
 約行滿如第十行入因陀羅網法界等
 十力入因陀羅網法界成就如來無礙解脫
 人中雄猛大獅子吼得無所畏能轉無礙清

淨法四約願滿如第十回向窮證法界故
 此菩薩以離垢而繫其頂住法師位下
 疏云同第十地離垢三昧受職灌頂等
 約證滿如第十地墮在佛數故得受職之位
 入佛境界具足十此五重內隨一成處必具
 力墮在佛數等此五重內隨一成處必具
 理行內相應故皆名位滿然信解等殊故不

相濫○鈔明五位互攝者問何故標云五位
 互攝釋中但明三賢十地之四位耶答下疏
 並就因滿位說若普賢等覺作用大分同心
 佛猶未是佛故合等覺入第十地故言五位
 即第五位在十地中或可五位之中前四能

成後一所以成亦具五位或可此雖有四後引
 證中信該果海影在後故兼信為五後義為
 正○鈔如初住攝於初行等者疏主云然三
 賢如次似於十地等故言故第十住滿等者
 前五重滿中成佛中此唯畧叙第二重住滿

成佛義也言十住滿稱灌頂者明證相似唯
 舉其初後攝中二也十行智度圓下明行相
 似其住向二位第十不與行地二位第十智
 同故畧不言也或可此中畧顯二重位滿成
 佛初住滿後行滿住行既爾向地例然故○

鈔海幢比丘等者上住滿成佛唯約義配今
 約事證明言海幢者下疏云業用深廣而高
 出故正心不動如海最高勝故即善財所遇
 寄第六住善友善財始見海幢身住三昧於
 諸身分現十四類聖凡之衆謂足現長者兩

膝出利帝利腰間出仙人兩脇出龍女卍字出
阿修羅背上出三乘兩肩出羅刹腹上出羅刹
 面門出王轉輪兩目出日輪眉間出帝釋額上出天
 頭上出諸菩薩頂上經云從其頂上出無數百
 千憶如來身其身無等出妙音聲充滿法界

示現無量大神通為一切世間普雨法雨有
十二種法兩前十二法兩為菩薩謂初一為
等覺二為灌頂住三為法王子住乃至第十
一為發心住十二為信位餘所謂為坐道
二十法兩為雜類衆生云云
 諸菩薩兩入普門法雨第十為法王子位諸

菩薩兩音莊嚴法雨第九住乃至為初發心諸

菩薩兩攝眾法雨初住為信解生菩薩兩無盡

境界普現前法雨信十餘二十法雨云云即雜類

眾生也今云頂出諸佛灌頂住後明佛者是

逆次明也彼從勝向劣此從劣向勝故逆彼次也下疏云次十

經十 共

法雨即十住者圓教位中十住滿位便成佛

故意云彼等覺後便明第十住者以住滿成佛故○鈔前唯約理行

圓融下雙出前二所以也言理行融通者理

謂法性融通行即緣起相由又有二義一謂

四十二位之行得理融故隨一行具一切行

行既圓收位無別體攬行以成隨能成行亦

一位中具一切位故二謂直流之行故名理

行能流之真既融諸法混無障礙所流之行

稱能流理還融六位隨一位中具一切位等

故前發心住即攝餘九及攝行向地等問若

初住攝諸位何用餘位耶答若無餘位為融

於何問雖有所融皆發心位全收一切名成

佛為後更修進否答分別心未忘何能收一

切如上所說方便為門故下作句皆云行起

解絕况實證耶言行證相似者以約五位所

修之行相似及契證相似也問前三賢何云
證答宗說不同不應局執尚得成佛豈非證
耶問上二圓融何義爲正答初義爲正故鈔
云兼明行證等也○疏初地云者地字傳寫
之誤合云初經也亦可云初卷以是晉經第

學

七

一卷歎菩薩德中文也彼文正云在於一地
普攝一切諸地功德○鈔以一例諸者此證
上總辨相攝然文中正說十地中一地攝諸
地故以此例餘四十二位隨一能攝一切皆
然上正引文者對次科義引爲證故也○鈔

信該果海者下乍觀似初發心時總攝至果
今詳鈔意即是五位互攝中信位滿成佛之
義前出四位今引信滿五行具矣然有二師
異說若寂照云經不別說十信觀次第與三
賢等相梯明攝以未成位故上依設依始教

說信爲位於行布義亦許雜修故不拘次第
不同住等有次第修義故但總爲一位望三
賢十地名爲五位合等覺入第十地中故若
指玄云則應五位十番梯梯別攝行證相似
即以五箇前九爲行五箇第十爲證二釋隨

取顯義無方故然但指玄配其行證義似大局以五箇十番皆有行證如初信乃至攝於初地豈無所行及所證耶學者詳之然信字望果亦有二說寂照應知此果海言唯火分同佛名果非究竟果海故若指玄云唯第十

梯中果也五位應為五果今合為一果即究竟果也非是常途因該果海彼是初門融攝義故後義為正然應以第十梯信望第十梯果若唯以第一梯中信望第十梯中果者非也此當後以初攝後義故思之言賢首品中

等者文如前引有本鈔云則得灌頂而昇位者則得二字誤書准前經文是應受二字也○鈔正明以初攝後者意云初發心時便成正覺正意只是初心攝後究竟位義兼則通二種初後之義然指玄以此初後義為約時

第十

文

說前二唯約法說故兼前二義之中各含法時二義故此兼證前二門也雖少有理然詳文意恐不如是大凡初後通一切法豈唯約時如言初心後心初地後地等豈約時耶今此正約初後位也此位初後有其二義一總

二別總初後者今第二義別初後者今第一
義五位之中別別有初後故如初住為初十
住為後乃至初
地為初第十
地為後等智者細詳○鈔若住滿成佛者
以初發心是初住望當位後第十住滿成佛
故云便成正覺然此所證前之二義諸師各

異若察照云此從前第一總辨相攝中開出
故兼後義皆證初門以前鈔云當地之中自
互相攝亦證初故今亦當位以初攝後故此
二門皆證前初門也此解即有缺漏之失以
鈔云通於二義故若助正及指玄此門證初

義同前門後即證五位互攝也故指玄云詳鈔
當位字異位字便可了知同前鈔當位五
位之言如次配其二門今詳此中當位之言
非是當位一攝一切只是當位以初攝後雖
含一攝一切之義此中不用只約十住以初

準

光

攝後住滿成佛證前五位互攝義中一分住
滿成佛義也鈔文若住滿成佛一句是舉前
所證即是當位下方合能證也○鈔若究竟
成佛者下此總初後故證前初門正是梵行
經意指玄以證五位互攝悞也如初發心住

即攝餘九住及行向地等至究竟佛果故名
 異位即四十二之異位非五位之異位也若
 唯證五位則後引證亦有隔越之失及能引
 證經中亦不該四十二位之失思之然此中
 究竟望所攝名究竟攝至妙覺之果故非能攝名究

竟此能攝亦大分同佛非究竟也問此望前
 初地文有何所異答前約當位一攝一切此
 通異位一攝一切故非重證或可此二義不
 必證前二義前約一多二義此約初後自具
 二義為門別故義不全同若約證前招難尤

多不證為正○鈔如四十二字下引證即善
 財所遇第四十五眾藝童子所得法門一阿
 二多乃至四十二茶下疏云表四十二位故
 鈔云若初發心便成正覺則初阿上聲短呼
 以無生義攝萬法故後四十一字若言是無生義
 若義皆從此字而生即表初發心住也具後

茶即究竟處表妙覺位故唯證第二初後義也然准指
 玄云且有具字具一切也亦可證五位互攝
 義或通直證二門以初攝後者既下疏明文
 若此不勞異說况四十二字豈五位耶○鈔
 上來下總相料揀意云若圓融諸位相攝豈

獨止前二義耶故此料揀也言五十二位者
開十信故以梁攝論佛性論仁王經皆說十信名位故影顯示故
即初品意二舉一位下亦開十信合等覺即
賢首品意三舉初下即梵行品意此有三文
故為三義問前初後中既有二義今何合為

字

字

一義答雖總別二義皆是以初攝後亦約證
文同故故合為一義問一多二義亦皆以一
攝多何不合為一義答約義少異證文亦異
故不合為一義也○鈔復應下約義應然故
然由前三義有二種四句初後一義別生初

後四句前之二門五位及五十二位總目於
多故合生一多四句義方周因其初後四句
中初之一句文不隔越故不則例一多之中
第一句一攝一切雖義不異前由文隔越故
須具列也餘義可思○鈔上云初發等者上

皆顯義此下指文所出也言正引經文者亦
對前義引耳○鈔梵行品云下下疏釋之分
二先牒前因深初總指前文不思不造萬行
沸騰不但心觀圓明復應廣習佛智等故云
若諸菩薩乃至相應言不生二解者別舉其

要即所行無二二一切下酬其果滿先標後
釋今初一切佛法疾得現前者標也由理觀
深玄了性具足萬行齊修故今大果無邊德
用現證在即一切明其果大疾得現前語其
速證後釋者先釋疾得之言後釋現前之相

第十

主

今初上言疾得得疾在何時故云初發心時
何法現前謂無上菩提也後釋現前之相亦
是出其所因何者夫初心為始正覺為終何
以初心便成正覺故今釋云知一切法即心
自性故覺法自性即名為佛故離世間品云

佛心豈有他正覺覺世間此良證也斯則發
者是開發之發非發起之發也從初信心始
入佛法發心趣求如來果位寂照雙流常觀
心性精修六度功行既著至此豁然開悟如
發金藏了見分明何謂現前之相夫佛智非
深情迷謂遠情亡智現則一體非遙既言知
一切法即心自性則知此心即一切法性今
理現自心即心之性已備無邊之德矣言成
就慧身者上觀法盡也正法當與今諸見亡
也佛智爰起覺心則理現理現則智圓若鏡

淨明生非前非後非新非故寂照湛然言不
由他悟者成上慧身即無師自然智也心鏡
諸佛因中皆師善友何名無師自然答直談
性德本自圓明今情亡契性故云爾也不遮
他成就慧身是覺滿也成就慧身必資理

發見夫心性豈更有他若見有他安稱爲悟
既悟心性自亦不存寂而能知名爲正覺豈
唯定之方寸不取於人哉况初後圓融不待
言也○鈔圓融本是一理者問既曰圓滿融
通豈但一耶答對無量且言一故非有定詮

○鈔故世親等者十地品云攝諸波羅蜜淨
治諸地總相別相同相異相成相壞相十地
論釋之清涼賢首等演之十地鈔云通顯法
之體狀目之爲相法帶六數故名六相貞元
疏云今且約位明總相者一位含多德故即

普賢位二別相者多位非是一位故含多位
之一位故謂信住等依止於總滿彼總故三
同相者多位不相違同成總故謂信住等同
名普賢位不作餘故四異相者橫以諸位相
望各各異故如信非住等由此異故方能同

力名普賢位不望總名異故與別相不同五成相者由此諸緣緣起成故由成普賢位信住等名緣要欲由信等互不相作方成普賢位六壞相者諸位各各住自性故謂信住等守信自性若失信等性則不能成普賢位故

故由六相有圓融義又云依總同成則說圓融依別異壞則說行布下鈔云亦猶探等共成一舍總則一舍別則多緣同則互不相違異則諸緣各別成則諸緣辨果壞則各住自法又云亦可總則攬別而成總別則分總而

爲別同則別別帶總異則別別互乖成則雙攬同異壞則各住自性廣如下釋言若望經則唯是下者十地品初地中文也若望疏文下通指解一經上下疏文也

經十

三三

華嚴懸談會玄記卷第十

華嚴懸談會玄記卷第十一

野一

蒼山再光寺比丘 普瑞 集

○疏七說勝行者以所說勝行為因能說言
教為果若不修行成道無日如數他寶自無
其分說食與人終不能飽匪知之艱而行之

野一

艱經云不如說行於佛菩提則為永離故君
子下君子者大人也賢智有德謂之君子上
敬尊長如臣事君下恤萬民如父育子故曰
君子彼疏云不憂無祿位但憂無立身之才
學身以况行人不憂無圓融行布之位但憂

已德行不立○鈔包氏者後漢儒林傳云包
咸字子良會稽曲阿人也少為諸生習魯詩
論語舉孝廉除郎中建武中入授皇太子論
語又為其章句拜諫議大夫永平五年遷大
鴻臚彼疏云不憂無人知見於已求善道而
行之使已才學有可知重則人知已也今引
上二句行成得位證此由行故得位也求為
可知者行成得名以行為能立名與位皆所
立人為能立行為所立故云及所能立皆是
行也下兩句行成得名非今所用今為下疏

欲證前由行得位故但引前兩句耳○疏一
 頓成諸行者新經疏云此復有二義一約心
 觀二約性融今初謂一念相應能頓具故謂
 知此心即是佛智佛智即是無念無念心體
 內外無著一諸過自防_二忍可諦理_三離身
 心相_四寂然不動_五了見性空_六善達有無
 進詣妙覺_八是真修習_九決斷分明_十
 度具矣十度既具餘行例然故修一行成一
 切行二約性融者以修一行稱法性故性融
 攝故令此一行如性普收無行不具○疏十

住品云下言等者次云文隨於義義隨文如
 是一切展轉成此不退人應為說又彌勒告
 大眾言餘諸菩薩經無量百千那由他劫乃
 能滿足菩薩行願乃至此長者子於一生內
 則能淨佛刹乃至則能具足普賢諸行皆一
 行即一切行義也○鈔等取一障一切障等
 者問今證一行一切行何證以斷障修證耶
 答以此皆行中別義障是行之所斷斷以行
 為能斷修正約行證則行之所證故也○鈔
 初說十句等者此指一斷一切斷等文也經

云欲疾滿足諸菩薩行應修十種法所謂心
不棄捨一切衆生一於諸菩薩生如來想二
水不誹謗一切佛法三知諸國土無有窮盡
四於菩薩行深生信樂五不捨平等虛空法
界菩提之心六觀察菩提入如來力七精進

修習無礙辨才八教化衆生無有疲厭九住

一切世界心無所著十此即初次有五十句

謂十種清淨十種廣大智十種普入十種勝

妙心十種佛法善巧智即今顯成五十二種勝

二字似下疏云能治深妙百若所治即下後五

永樂北藏

華嚴懸談會玄記

第一八三册

十展轉依初十是為初即攝後一治一切治
即今云一斷一切說有前後得即一時評曰
斷此唯約能斷也別是一斷一切斷并一修一切修通一行則
一切行也○鈔一念嗔心下即所斷也經云
佛子我不見一法為大過失如諸菩薩於他

菩薩起嗔心者何以故佛子若諸菩薩於餘
野一菩薩起嗔恚心即成就百萬障門故所謂不
見菩提障不聞正法障乃至遠離三世諸佛
菩薩種性下疏云決定毘尼經云寧起百萬
貪心不起一嗔以捨衆生違起大悲莫過此

故既一惑成百萬障則一障一切障義惑惑皆然今從重說雖標百萬畧列百門古人寄位分五謂十信行十住行十行行十向行是十地行此五約所障惑是法障知通障一切信尚不起况諸位耶又所障法界如帝網重重能障同所亦無盡故知百萬

猶是畧明問上之斷惑約何位斷答准教章云準上下經文有四種一約證謂十地中斷二約位斷十住已去斷三約行十信終心斷四約實無可斷以本來清淨故○鈔故偈中下約所依顯能依行時既延促自在行亦一

多圓融妙嚴品約法顯行可知○疏乃至等覺中行者問前彰地位中直至妙覺此說勝行祇至等覺其故何耶答位是所得通因及果行為能得唯至因圓以等覺因圓便能至果故行不說妙覺淨行品疏鈔說約行修有

障等但四十一位行妙覺位是所求無障非行故○鈔體即三心者是起信文疏云一體直心即大智無所執著絕能所念名念真如後二心以其為本二深心者樂修諸善謂四弘願等雖發此願而無分別契前直心諸行

相中不可稱量故名深心三大悲心者見受苦衆生方便救拔見得樂衆生護令不失雖發此心而無愛見即無緣悲故曰大悲亦順直心又以前二心皆爲衆生則無心非悲以悲直二心皆順深心則行願無涯說即三心

野

四

次第發必不得單行言四弘等者等一切願也貞元疏云以大願爲主然願無量而多說四弘者對於無作四諦理故一衆生無邊誓度者度於苦源二煩惱無邊誓斷者斷於結集三法門無邊誓學者學於道諦四佛道無

上誓成者證於滅理言無作者不同小乘有生滅謂造境即中無不真實陰入皆如無苦可捨煩惱即菩提無集可斷邊邪皆中正無道可修生死即涅槃無滅可證無苦無集即無世間無滅無道即無出世間不取不捨直趣真實若更深入應知一苦一切苦則一度一切度事事無礙故一惑一切惑則一斷一切斷一道一切道則一修一切修萬行一體故一佛一切佛一成一切成等然此深義是上圓融行之願也上圓融雖約行說此約願

說思之○鈔七十八經云者即慈氏章中文也言大悲爲油者約喻即油不盡而燈不滅約法則大悲無盡大願無窮智光不息恒照法界行願品云是故菩提屬於衆生若無衆生一切菩薩終不能成無上菩提言上求即

直心下化即悲願照理起行亦然故云不出

野

五

此故○鈔言相者下釋疏中相字而有四義一無相爲相者以發心文云今所發覺心遠離諸性相故二同法界相者同理事無礙法界事事無礙法界故三無分量相者無分齊

頭數等行相可稱量故四無齊限相者貞元疏云若約悲願二心無齊限盡度衆生盡修諸行故約直心無齊限下無衆生可度上無菩提可求中無萬行可修亦無真如而爲所念淨名云捨於分別菩提之見菩提者不可以身得不可以心得寂滅是菩提滅諸相故若融上三心則度而無度修而無修故光明覺品經云若於一切智法發生回向心見心無所生當獲大名稱○鈔言功德下釋疏中功德字言無德不收者貞元疏云經云一切功

德皆在最初菩提心中安住故是以語其智
等虛空而非類論其德碎塵刹而難量極念
劫之圓融盡法門之重顯初心契於佛智豈
有邊涯微滴入於天池齊無終始○鈔發心
品十種大喻下經云佛子假使有人以一切

樂具供養東方阿僧祇世界所有衆生終於
一劫然後教令淨持五戒南西北方四維上
下亦復如是乃至云教令住辟支佛果比發
心功德百分不及一乃至優波尼沙陀分亦
不及一此即第一喻利樂衆生喻也二速疾

步刹喻三知劫成壞喻四善知勝解喻五善
知根性喻六善知欲樂喻七善知方便喻八
善知他方喻九善知業相喻十善知煩惱喻
十一供佛及生喻隨一喻而十者十門校量
顯勝總有一百一十門今云十喻百門者約

大數耳亦寄顯圓義故問如第十一喻中云
有人以不可說不可說供具念念供不可說
佛及衆生經不可說劫此之功德全比容許
不齊何以不及少分答有三義一無時處齊
限故二稱法性故三事事無礙故問此發心

功德既滿豈是行布行耶答是即圓融之行

布故○鈔獨覺聲聞下問起一念二乘意退

菩提心智論中說有一阿羅漢領一比夫沙彌論便於沙彌身上取衣鉢自學令沙彌前行行經數里間沙彌心念菩薩苦行難成

佛果遂却擬修小乘法難漢又觀知却過與衣鉢還令隨後沙彌都不知意而問羅漢羅

漢方與說其意也何以菩提心出二乘安樂答由佛

出世說二乘法方有二乘得道佛因菩提心

得據本為言亦從菩提心出有解云菩薩發

心非但出生如來亦令二乘回心向大得大

乘安樂之果者非也今云二乘之安樂故同

獨覺自悟出無佛世豈由佛出答說得果時

云無佛世必前世已見佛聞法推本亦由佛

出故又佛昔依一乘發菩提心今於一乘分

別說二乘亦依菩提心出也故十住婆沙論

第二云一切聲聞辟支佛皆由佛出若無諸

佛何由而出○鈔此上三事下貞元疏云體

相德三不相捨離猶如日輪體是珠寶其相

圓明德無不照成熟穀稼廓徹虛空三無離

理言為萬行之本者離世間品云忘失菩提

心脩諸善根是為魔業善財求友先陳已發

菩提心者是法器故彌伽翻禮於初心者敬
白月之新吐者如人禮白分初月不禮滿月
以希現故滿月由時恭收至其滿時而
世間人月初出時恭收至其滿時而
不恭故何以畢竟從初至滿故等又涅槃三十
八云發心畢竟從初至滿故等又涅槃三十
未得禮初發心是海雲驚其初發美青松之
故敬禮初發心是

始萌下經中善財先陳已發心已海雲告言
善男子汝已發心耶善財言唯已發心
然後海雲讚歎等下顯云先讚法器以發心
者難故若不發心不堪受法非法器故如青
松之始萌人愛彼不有凌雲之心豈展垂天
美大松依此成故
之翼若無等佛之志豈成妙覺之尊長派生
死凡夫初發此心為後萬行之本言即此發

永樂北藏

華嚴懸談會玄記

第一八三册

心便名爲行者問此中說勝行何言發心耶
故此吞也十信已上即此發心便名爲行乃
至十度萬行皆名行相問淨行品疏云夫妙
行者統唯無念歷脩萬行疲後身心豈當爲
道吞若斯見者離念求於無念尚未得於真

無念况念無念之無礙耶○疏此二無礙者
問圓融行布復說無礙即可如實能行云何
吞始則圓布別脩淳熟自然雙具亦猶前之
四地真俗別觀至五地中真俗雙運若爾何
殊有作之脩終成敗壞吞善用其心不已故

能無心體極本不以有作為是則非認賊為子也問既無心體極何須斷惡情善但以無心體極善惡無礙行之復何礙耶答為實無心體極謂如能渡水之人逆順出入自在者得無礙行之其有力未任者心雖欲得逆順

出入自在無礙以力未任入必沉沒難得出雖幸須冷暖自知慎勿欺心而已故圭山云世有非法之人假為菩薩之行誑惑愚夫說空無相之言不拘齋戒以兼行為大乘以真脩為小教愚人不知曉却敬彼僉人不知弟子

有擇師之分既聞彼說已仍須勤以聖教合者名正不合者名邪之心在佛道大悲利生方堪歸依無得杜順和尚食肉便乃食肉彼却食屍屍汝何不食志公食魚鱸吐之水盆魚跳躍食鴿口中飛出誌云說人永生人

現盆中時如故曰今弟一足而自食之忽於時有弟子先食彼鴿一足之內誌公既覺曰汝無慙也弟子背而竊訟之曰我食一足便謂無慙和尚每日吞取全身德行如何誌公知已復告之曰汝所食者與我不同乃自張口據所食鴿從口中飛出最後一鴿落之在地乃令看之唯無汝等為能如此一足於是時人咸皆驚異

自在否若更縱無知之心阿鼻地獄何門可

逃○疏八示真法者所示真法為因能示言
教為果欲成下躡前起後不體下我等無始
至今亦曾脩善云何猶不出離良以未能深
心體達理事等真實之法所脩之善得人天
果皆生死之業也今仍不求學通達如何解

野一

九

脫故言故兜率下上二句云眾生無始來生
死久流轉即法幢菩薩偈言此亦下貞元疏云示四
法界今畧言二也○疏九開因性者開即開
說顯示之義以所開因性為因能開言教為
果言上因果理事者因即第六第七果即第

五理事即第八既昏性有不唯但具性功德
爾行願鈔徵云如何開耶答如出現品云佛
子如來智慧無所不在何以故無一眾生而
不具有如來智慧等即開因性也若性非下
喻上性有可知○疏良以下蓋為我等具足

包含恒沙功德為體性即本有涅槃全依本
覺佛智之海以為根源即本有菩提義分理
智實無二體此釋因性二字也○鈔初明因義下恒
沙性德即舉所具德顯能具體即涅槃也本
覺佛智約自體說即菩提也此無二體又本

覺因性與佛果智本新似異然佛果智亦本
 有故故云無二體故疏云因果理事皆由衆
 生性有問此何舉同教沙德本覺之因性耶
 答此性德智海實通別教今且約同教一分
 以釋相也或可然在衆生有之故非同教因

性之義問何以下引涅槃法華爲證答用涅
 槃法華之文成華嚴之義引同入別衆生既
 全包此爲身故衆生與理智而無二體○疏
 但相變下但真性隨緣受五趣身名相改變
 執此凡相謂別有體性以是虛妄情執既生

本智斯隔而非先覺後不覺故圭山云譬如
 賤病苦之身即相變也不見本身即體殊也
 執認病身是我身者情生也不信自身福德
 智慧即○鈔覆彼因義者雖具理智之因由
 相變情生全不覺知即隱覆義故須說經開
 示言迷真如下以楞伽五法釋此二段文也

野一

以瑜伽七十二亦有五法一相二名三分別
 四真如五正智分別即是妄想異名下疏云
 迷如以成名相妄想是生悟名相本如執翻
 成智如外無智智體即如此二猶空寂照無
 礙言上對約境者迷真境以成妄境故下對

約心者失真心以成妄心故本唯一體遂成五法既知如此須開示之此釋開字之因也○鈔今令下正釋開字以能開言教爲果言知心空寂者經中顯說令我等知妄心空寂則無所變名相之境故合體也言達本下通達本有智慧元不於境住著則妄想止滅而正智生如前睡夢之人有覺者警之令寤即夢見惡身便是好身即合體也豈有能合所合是故聖說真智證理之時無能所相故○鈔真本下重釋上文真本約性深源約智亦可

反此如前作夢之人好身何假功成覺時則已功本就覺故正智何假外求如作夢之人不顛倒心何假功用方成覺如行盡源成言若寂照下融理智也若寂然絕相朗鑒居懷行者能爾則因性開矣甘教令人開故或衆生亦具開義言性即知見者即上因性之理野一智即佛知見也本有涅槃知見性也本有菩提知見相也既能寂照雙流所以並皆顯現言故談下顯教爲能開也○鈔如示貧女下涅槃云如貧女舍內多有金藏無有知者時


有一人善知方便語貧女言汝舍內有真金藏等彼疏云凡夫無德稱貧能生真解名女五蘊名舍即蔭有性故言舍內有多金藏不覺自身有如來性名無知者善知造脩顯勝之法名知方便故經合云衆生佛性亦復如是無有知者如來普示衆生諸覺寶藏所謂佛性此但知有佛性未見未證則教能指示令知故云唯明示義○鈔二使其下釋疏第二義中具開示悟入四義使其行者脩行義通開示二義能銓教法使其脩行如令掘寶

藏示義也能令行者見佛性是開義開說名開即開示二義俱是能詮言教行者先來不分明了知今明了知之名悟因悟證達名入即悟入二義俱是行人言顯現之言下即教開說朗然顯現對四義中開示義也或衆生悟入因性顯現分明則對上能詮開顯故云顯現之言等○鈔經云如有大經卷下證上開示義下疏釋云大經者佛智無涯性德圓滿故潛入一塵者畧有三義一妄覆真故二小舍大故三一具多故一切塵者無一衆生

不具佛智故有一聰慧人下出經益物喻上
 離妄現前佛智亦如是下合也佛智合上大
 經衆生身及妄想俱合上塵諸佛下合出經
 益物可知○鈔唯以一大事因緣下解疏文
 一句鈔文分二

野一


士



永樂北藏

華嚴懸談會玄記

第一八三册



○鈔大乘法師者即玄贊疏也言隨應皆得
 意者此段大意但釋知見大事亦可約義曲

配事物等四義也次文又云爲此大事因緣
 所以出現世間大事體即知見總出大事體也真如
 所證義理境界俱名爲義證智能證能知義
 理真境即能證所證能所知見並名知見上約
理智解也此上理爲事義教所詮名義理智
所證名境界上智爲道理以能證真境能知

義理故或知正體智見後得智此二是用此二

本性即是真如合名知見即依本後解也上

義本後一異別以言此二是用者足智體家

用故下三句應配上體是也以嘆云二智有

為應非法性知菩提體是有為本有種子多

野一

無為本來而有自性清淨後逢善友斷障所

顯雖一真如逢緣證別名四涅槃約菩提涅槃釋開知

見也前當因○鈔今畧釋下絕待名一佛因

性此當開字佛果者真菩薩正行為因如來實報名果故

稱為大因果並有幹事之能周易口貞者事之幹也有幹即

能有所謂令物皆得究竟解脫○鈔言因緣

為事謂因由緣由所以之義不分二別但為前

絕待因果幹能故佛出現耳○鈔又因緣下

此因緣屬法分其疎親言屬大事者以狹即

寬故因緣即大事中因義故言正因佛性等

十三

者此出涅槃經今引祖據知彼經文次釋今

鈔彼經二十八云善男子因有二種一者生因

二者了因能生迷者是名生因燈能照物名

為了因煩惱諸結是名生因衆生父母名為

了因穀子名生水土名了六度阿耨菩提名

爲生因佛性阿耨菩提名爲了因復有了因
謂六度波羅蜜多佛性復有生因謂首楞嚴
三昧阿耨菩提復有了因謂八正道阿耨菩
提復有生因謂信心六度又云善男子因有
二種一者正因二者緣因正因者如乳生酪

緣因者如醇暖等又云正因者名爲佛性緣
因者發菩提心又云正因者謂衆生善男子
僧名和合和合者名十二因緣十二因緣中
亦有佛性十二因緣常佛性亦常是故我說
僧有佛性清涼云前有大對生了二因前三對以因爲生因緣爲了因此就能

永樂北藏

華嚴懸談會玄記

第一八三册

生後三對以因下疏云然則緣因即是了因
望果以論生了了因未必是於緣因有親疎故
了因未必是善友是於緣因而必是了因
是緣因是善友是於緣因而必是了因
是緣因是善友是於緣因而必是了因
如醇暖等是酪佛性名爲了因未必是緣此
了因亦是緣因以無漏智性本自具足本有真
約智慧性故實識知等義當體名了又約行

性居然若以第一義空爲佛性者唯是正因
是非了因但爲了因所了而非生因所生
智慧爲性也然涅槃云佛性者名第一義空
第一義空名智慧此二不二以爲佛性然第
一義空是佛性性名爲智慧即佛性相第一
義空不在智慧但名法性由在智慧故名佛
性也若以智慧爲佛性者即是了因結成上義生此文也

若以五蘊為佛性者名為正因亦名生因

是正是生不得名了五蘊名生者能生諸法

故明生因今因五蘊能得菩提豈非生因如

乳生酪如穀生然復生必對了正必對緣

芽皆生因故依涅槃明又云五蘊相續即是

義有二對並如上引

正因亦名生因言正因者是中道義中道即

是佛性

上引祖次釋今鈔者此有二對初正

緣對言正因佛性為因者即上涅槃云正因

者名為佛性即中道佛性也望六度行名為

正因

親故名因緣因佛性者即六度行也

疎故名緣言了因下二生了對也即般若為了因意令行

者修學般若了第一義空之性為因如燈了

物故亦緣因也評曰了因為能了正因為所

了了即體即正因為佛性若以本智為了因則

了因即所了了因所了因即體即本智也然

今以六度中般若為了因故亦即緣因也

言生因下即前五蘊為生因也欲勵行人依

今五蘊

五蘊名發菩提心修菩薩行為緣如

種生現

照上寂若會解云生因亦名正因如穀

生芽正因攝故今由佛種起成菩提故云生

因所生為緣也所生即菩提此是果義今約

以所生目能生故屬因也評曰上二解前解

以能生通緣因

五臨為正因發心等通緣因

後解能生唯

正因前解為正若單穀無土等不能生芽故

○鈔斯則下結揀也通揀四字大事則因果

幹能故寬因緣但說大事中因義故狹也○

鈔故彼經云下證也佛種正因佛性也萬行

為緣通於緣了起斯佛種成菩提故即是生

因故一句經四因皆具也問准下鈔引此文

釋之有因果二種性今何但證於因耶答此

中且說初義於初義內復分二種因緣彼但

是此中後義蓋影畧以明也○鈔廣釋如別

者應指天台文句并慈恩玄贊亦未可詳定

而天台文句初廣引十餘家解次開法華論

意以為四釋一約四位釋開者即是十住初

破無明開如來藏見實相理緣修惑破名使

得清淨示者惑障既除知見體顯體備萬德

法界眾德顯示分明故名為示即是十行位

也悟者障除體顯法界行明事理融通更無

二趣故名為悟即十回向位也入者事理既

融自在無礙自在流注任運從阿到茶入薩

婆若海即是十地位也然圓通妙位一位之

中即具四十一地功德祇開即具示悟入更
 非異心二約四智釋一道慧見道實性實性
 中得開佛知見也二道種慧知十法界諸道
 種別解惑之相一一皆示佛知見也三一切
 智知一切法一相寂滅寂滅即悟佛知見也

四一切種智知一切法一相寂滅相種種行
野一
 類相貌皆識即入佛知見也又道慧如理名
 開道種慧如量名示一切智理量不二稱悟
 一切種智理量雙照為入此亦約實理無淺
 深中而淺深分別也三約圓教四門橫釋四

句者空門一空一切空即開佛知見有門一
 有一切有即示佛知見也亦空亦有門一切
 亦空亦有即悟佛智見也非空非有門一切
 非空非有即入佛知見能通則四所通則一
 開示悟入是能通之門所知所見是所通之

理也四約觀心釋者觀於心性三諦之理不
 可思議此觀明淨為開雖不可思議而能分
 別空假中心宛然無濫名為示空假中心即
 三而一即一而三名為悟空假中心非空假
 中而齊照空假中名為入是為一心觀而分

開示悟入之殊也所以四釋者見理由位立由智智發由門門通由觀觀故則門通門通故智成智成故位立位立故見理見理故名爲理一也恐要知天台宗言畧釋如下者下鈔云古有多釋一法華論云開者無上義

論標名也謂除一切智更無餘事即雙開菩提涅槃二無上果謂見之相爲菩提也知見之性爲涅槃知示者同義三乘同法身故即別示涅槃也悟者不知義不知唯一實事故今令知成報身故入者令證不退地故即是即別悟菩提也因義謂證初地已上菩提涅槃因故證地證

云論意即初深後淺以入約因故然上三句約果中初句總第二第三句別約果也第三句約化悟入約所化能化有大開之與曲示但說有性爲大開言此是凡夫性此是聖人性因果理行所化有始悟之與終入即曲示也然此天台破云經明四句即行契證目之爲

皆云爲令衆生語意為主前機得益非開化主應作所化人開悟那即分兩句作能化開示耶今爲通云如經第二句云欲示衆生佛之知見豈非佛爲能示又法華論牒初句云如經欲開知見令衆生知得清淨牒第二句

云欲示衆生佛知見故皆爲約能開示說也
 若牒第三句則云如經欲令衆生悟佛知見
 故牒第四句欲令衆生入佛知見故此二句
 約所化悟入說也故經論正意自約能所明
 義那忽破云四句皆云爲令衆生耶華嚴亦

云其性本清淨開示諸羣生亦佛爲能示也
 只由此故吾宗多引嘉祥此義也又清涼畧
 釋云謂開除惑障顯示真理令悟體空證入
 心體也又禪門釋者北宗云智用是知慧用
 身身見一心不起名智智能知五根不動名

慧慧能見是佛知見心不動是開開者開方
 便門色不動是示示者示真實相悟即妄念
 不生入即萬境常寂南宗云衆生佛知妄隔
 不見但得無念即本來自性寂靜爲開寂靜
 體上自有本智以本智能見本來自性寂靜

野

六

名示既得指示即見本性佛與衆生本來無
 異爲悟悟後於一切有爲無爲有佛無佛常見
 本性自知妄想無性自覺聖智故是菩薩前
 聖所知轉相傳授即是入義上二各是一理
 上畧釋是鈔主意由鈔
 中指故依會解繫引 ○疏十利今後者自

元疏云諸佛設教起則有始用乃無終若而
滴滄溟與海俱竭一言稱性與性齊終法界
無終斯教何盡故廣利無邊然能利是經所
利是機今取能利為因不同前機感取其所
也○疏發心品云等者此品次前文中由法

慧說此法時諸佛證已次經云汝說此法時
有萬佛刹微塵數菩薩發菩提心我等今者
悉授其記於當來世過千不可說無邊劫同
一劫中而得作佛出興于世皆號清淨心如
來所住世界各各差別我等悉當護持此法

永樂北藏

華嚴懸談會玄記

令未來世一切菩薩未曾聞者悉皆得聞下
疏釋云汝說下顯益證成通二世初顯在後
我等下顯及當來今初清淨心者以聞菩提
見心性故而經多劫者然餘教說定三僧祇
此宗所明劫數不定畧有四類一或展則無

量不可說不可說刹塵劫如法界品說即瞿
野一仙人暫時執手時九二或千不可說或減或增
經多劫等是也如大威太子及此中說三或一生二生如善
財童子現率天子四初心即得如前文說即
發心品前文以是發心即得佛故并發所乘之法
繞發心時即得一切佛智慧等

第一八三册

既自在圓融能乘之人亦遲速不定念劫融故故弥勒云一切菩薩無量劫修善財一生皆得起信則以若遲若速皆為方便此宗楷定為權並有聖言無煩固執不以長時而生退怯不以速證而起輕心若遲若疾擔要當

尅是佛意也

今以起信宗以遲速為方便則定三祇故皆判為權今圓宗遲

速四說並皆實也

○鈔等取餘經者是疏引不盡自

餘經文非是他經疏云吞服金剛喻喻智德

智慧破

如金剛故以有智者必無煩惱故

不共住

彼有三喻喻於三德此即第一喻智德也第二小火燒多喻斷德了惑本

寂故第三藥王徧益喻喻恩德種種利生故

○疏設有菩薩等者

如教迹中釋也言生如來家者下疏云初住見心性故故名生家四地寄出世故生道品家八地無功用故生無生法忍家今此通三兼顯凡夫解心亦名生家因果無礙故○鈔

乃至深入下下疏云生如來家為總乃至所引九句為別一以如境為家無性攝論云謂佛法界於此證會名為生家二以行法為家具家法故行是如來家法故三俗境為家世親攝論云由此令佛種不斷故謂由後得智了達俗境觀機審法說教化

生今生依行成聖佛種不斷故四遠離非家遠離世間不是

五以佛行為家第二說菩薩行此說十住婆

沙論云初地菩薩行如來道相續不斷故六

菩薩法性為家故下疏云亦是佛種性故七

當淨佛家當來至佛位中所得自八住本佛

家住本有性不從師得之佛家也九因果理事無礙家前六

自分家但就因地位說通諸地後三勝進家約果位說也

果是所勝進○疏良以有非等者鏡心錄云依八

識生滅有作之心修於萬行則見有實感可

斷實行可作當果可求名為有作既依生滅

有作心修故所修萬行盡屬有作如木作器

器器皆木若頓悟真心本淨妄心本空故所

修萬行盡是真心既屬真心則名無作如金作器器

皆金非謂全不修作名為無作若全不修作

即是修外求於無修乃外道見也言無心體

極者既悟妄心本無真心本淨故所起心皆

是無心何以故謂知已所起之心本無妄心

元是真心也又若但無心亦未能體極亦不

能一念契證也如肇公破支愆度心無義云

心無者無心於萬物萬物未嘗無與得在於

神靜失在於無虛今云一念契者若三乘望
理為一念契佛家今圓教中一念即無量劫
故一念契時即已究竟生無生法忍家矣故
新經序云失其旨也徒修因於曠劫得其門
也等諸佛於一朝言賢首品下上半證有作

野一

主

之修下半證無心體極由信該果海故勝前
福也下疏云唯明誦持餘畧不說亦顯所行
真行不可校量也即如說而修行其福不可
限○疏成見聞蓋者以成及益皆通能所能
成能益謂法爾常徧之因所成所益謂物之

機見聞唯局所益謂能成名成成之見聞所
成名成成即見聞依主持業二釋如次益字
例知下九亦然而皆言聞者望果聞因故○
鈔所以辨異者亦為揀濫等者以此十因亦
探玄中義而此利今後是者涼新加恐人濫

于順機感中故此辨異也

探玄十因者謂前六與今文全同第七云見聞故

今廣為第十利今後也第九云成行故即今第七說勝行故第十云得果故此中畧無攝在利今後中故今加利今後合探玄第八第十言前但約時者問感者善根豈非行耶何得言但約時答以善根約時中說故言又

順機多約於所等者謂順機約所順之機善
 根為因感能順教為果今此以能順教上有
 能利今後功用為因起教法之體為果故不
 同也既云多約有互通少分二世義故言又
 順機但是別義者即利益總別也○鈔此十
 種益出於旨歸者彼有十門此是第九門明
 經益中文也言從淺至深者准旨歸意前五
 從淺至深皆自利初見聞但泛爾故最淺二
 因見聞而發心故次深三由發心乃起眾行
 故復深四由行成即攝於位更為深五由具

位速證圓滿故最深也六令他滅障音歸云地獄天
子香雲普熏其蒙香者滅八萬四千煩惱等故名利他也七令他展轉得
 益上皆汎明問如滅障已指蒙香者何言泛
是無人故八如善財童子九如六千比丘此
 二別彰得益之人第十揔具深淺前五自他前五
野自利六野總別第十為總等義等前七泛明故
七利他鈔云自利利他等而為其次等字亦等其總
 別汎明別指六字也問造修與起行何異頓
 得與速證何殊答體雖無異而義不同造修
 對劣顯勝音歸云一切菩薩無量劫善財一生皆得起行直彰其

妙音歸云若起一切普賢行遍一切時一切行位一切
 果音悉窮盡具足頓得通得諸益
 一如米十服境界在法海中速證則別明入
 見如歸頓得無量自在法海中速證則別明入
 地音歸頓得無量自在法海中速證則別明入
 可約自起行令他造修自速證令他頓得

利他又起行總指不揀何人造修別指善財
 異也速證總明不揀何人頓得別指六千等或可
 起行約初修造修約成就則勝劣有異速證
 約疾頓得約齊則寬狹有異雖有四意初意
 故後之三意為正音歸有文
 共成初意 ○鈔然見聞下通妨也妨詳此

十益隨舉一益可具十因或隨前一因可通
 成十益今何故以一因為一益耶故此通也
 初二句領妨後三句通妨也 ○鈔便能觸目
 對境者如不思議品云一一毛端處有不可
 說不可說佛刹微塵數世界一一世界念念

野一

至

有不可說不可說佛說法等是知何有不說
 法之時處耶言常如法見者如猶稱也稱法
 而見故言所引經文如前總中者即前法爾
 因中疏鈔所引不思議品第四十七卷經中
 文也此言總者意顯法爾因直談法性不待

別因名總下九因各是別義不同前利益總
別不爾何處更明法爾常說徧說為總耶此
二義總別約法性則初一為總後九為別約利益則第十為總前九為別因之中法爾為深十益之中見聞為淺何以
對深因而成淺益耶答理實法爾皆成十益
深淺皆具今以常徧說上見聞義顯且作是
配非不該於深也下九皆爾

華嚴懸談會玄記卷第十一

永樂北藏

華嚴懸談會玄記

第一八三册

華嚴懸談會玄記卷第十二

野

蒼山再光寺比丘 普瑞 集

鈔又出現品下下疏云藥王遍益喻喻恩德種種利生故然法喻皆說六根清淨不唯局見聞也今但證於見聞故但引見聞經文等餘文也

野二

具云若有嗅者鼻得清淨若有嘗者舌得清淨若有觸者身得清淨若有眾生取彼地土亦能為作除病利益合中具云若有得嗅如來戒香鼻得清淨若有得嘗如來法味舌得清淨具廣長舌解語言法若有得觸如來光者身得

永樂北藏

華嚴懸談會玄記

第一八三册

清淨究竟獲得無上法身若於如來生憶念者則得念佛三昧清淨若有眾生供養如來所經土地及塔廟者亦具善根滅除一切諸煩惱患得賢聖樂佛子我今告汝云○鈔又云佛子下疏云如來秘密藏經明罵藥服之得力罵沉燒

已還香

沉香彼經云赤梅檀今義引耳又彼經又舉罵燈燒之亦能除暗

罵佛亦

勝敬諸外道若爾豈無罵罪耶罵罪非無今語遠益故法華中跋陀婆羅此云等罵不輕千劫墮於阿鼻地獄受大苦惱畢是罪已還受不輕菩薩教化謗尚遠益况深信解行證

悟耶弘持之者勉思此文○鈔上雖明下應
 有問言如上引經足見聞佛益將此證上見
 聞法益佛法既異為證不成故答此也上雖
 說見聞佛之益乃是華嚴中所說無礙法界
 身雲即教理行果四法中果法也以經為門

故如謗常不輕菩薩却名謗法華經例此可
知因不輕記四乘修菩薩
 知行即四法中行法也○鈔舌根嘗法味
 故者有二意一云亦答前難也以連前有二
 故自為二所以答前難也此意謗佛時舌根
 嘗法味故雖謗佛亦成聞法益也二云別通

一難也謂有難云既有毀謗云何成益故此
 答也意云口道佛名方起謗故生公云佛名
 起自聞謗之日即涅槃經意彼云菩薩今隨
 義宗改為佛名也意云後時
成佛得佛之名由今日
 謗時稱佛名而起也○鈔賢首品下證聞
 法益也下疏云佛出懸遠金剛判定記云如
 釋迦彌勒中間相

去一千一百已難可遇唯初成頓說故希有
萬餘年也
 也奇謂初能具後根本法中一特謂迥出諸
 乘此句讚也下文勸也聞謂遇經忍可謂信
因諸事審決印持故是信因
 受謂領文領義讚乃通言通筆說唯約言上
信則心淨

皆所作總說皆難今意若聞已甚難即顯聞
已其益深矣○鈔堯率偈讚品者亦證聞法
益也下疏云初偈及顯次偈順明由聞實法
能成行法後偈由聞理智成於果法○鈔設
有發心下若依權教設爾發菩提心亦不真

實以所詮未臻極故○鈔獲於十眼者經說
得三昧名無礙眼義含十眼如前教迹中引
今但約義言之言善財童子者問准旨歸善
財在造修中今何在頓得內答旨歸約對權
故在造修今約一生頓能圓滿故在頓得又

賢首以善財為解行生故在造修清涼以善
財兼證入故在頓得或可所望別故望寄位
修行在造修中望一生圓滿在頓得內○鈔
如隨好下以等法界三業者疏云由昔起過
既徧諸境今悔昔非故運三業等衆生界一

一佛前及衆生前發露懺悔夫懺悔者須識

逆順十心此依天台止觀第三中意順生死十心者一妄

計我人起於身見二內具煩惱外遇惡友勸

惑我心隆盛三內外既具滅善心事不喜他

善四縱恣三業無惡不造五事雖不廣惡心

遍布猶如獵者萬般禽獸總帶殺心慳貪之
 者舉世資財無一不要事未必遂惡心遍布
 六惡心相續晝夜不斷七覆諱過失不欲人
 知八虜扈不慚不抵突不畏惡道九無慚無
 愧不懼凡聖十撥無因果作一闡提次起十

種逆生死心從後翻破前十一明信因果終
 無自作他人受果二深自剋責天見我屏處
 罪人見我顯處罪生慚愧心三怖畏惡道人
 命無常一息不追千載長往豈可安然坐待
 酸痛四不覆瑕玼玉內有病焉瑕五斷相續

心已能吐之云何却噉六發菩提心七修功
 備過翻昔三業造罪不計畫夜八隨喜他善
 九念十方佛翻昔親狎惡友信受其言十觀
 罪性空○鈔結云若如是知下罪性非有從
 顛倒生無所從來亦無住處非無如幻如影

招妄果報而不差失離斷常故深達罪福相
 也故涅槃經中阿闍世王云若我知是法畢
 竟不造罪故圭山云雖悟理而不息業云欲
 懺悔竟何益歟○鈔說此法時下餘眾獲益
 經具云以三昧力聲普聞故○鈔又諸下是

前所說地獄天子所持供具言而成大益者
聞香得九地見蓋得十地故也言其身安樂
者由脫障故得解脫樂故喻四禪無八災患
初禪出憂二禪出苦三禪出喜第四禪出樂
二禪已上無尋及伺第四禪無出入息也
言若有聞者下合由滅障故得淨善根是為

野

四

益相彼諸下所感八萬四千如前已辨言了
知等者能滅謂惑本虛居然不生○鈔出現
品云下疏一明因果交徹此中若是事成云
何同一性若是理成云何成正覺入涅槃耶
此是華嚴大節圓宗之義不對諸宗難以取

永樂北藏

華嚴懸談會玄記

第一八三册

解然諸衆生若於人天位中觀之具足人法
二我小乘唯是五蘊實法大乘或說但心所
現或說幻有即空人法俱遣或說唯如來藏
具恒沙性德故衆生即在纏法身法身衆生
義一名異猶據理說更有說言相本自盡性

本自現不可說言即佛不即佛等若依此宗
舊來成竟亦涅槃竟理不礙事八相成故事
不礙事一成一切成事不礙理皆同一性又理
理融事故一成一切成答前若是事成若是以
之難也若爾何以現有衆生非即佛耶答
若就衆生位看尚不可見唯心即空安見圓

教中事如迷東謂西正執西故若諸情頓破
 則法界圓現無不已成猶彼悟人西處全東
 若爾諸佛何以更化衆生不如是知所以須
 化此名究竟化廣鈔第十二云一約理觀他
 敬之行二約情計觀他是凡愚苦身的悟解
 知我同佛智可謂能救以成大悲之行三俱

野三

五

約事相觀佛勝以增自利之行觀衆生劣以
 增利他之行四俱約性以成無我平等究竟
 依此行自利利他隨門不同種種有異約成佛
 依此方爲究竟門一切成也言皆同一性者同一無性故得
 現成妄性本虛生元是佛真性叵得非今始
 成○鈔所望處別者前望滅障處爲滅障益

今約地獄天子得益竟展轉得益爲轉利益
 言第三重者下問前教迹此是第二重得十
 地令何云第三重若三重得十地聞香但
 得九地故攝屬初重轉益見蓋得十地故爲
 第二重今約轉利益則聞香滅障已當第二
 重見蓋遇光合爲一重故爲第三重也問聞
 香見蓋理合第二重遇光却是見蓋之轉益
 當第三重今何云爾答理實應爾今以聞香
 唯得九地見蓋及遇光同得十地約其益相
 同故合爲一重也或可第三重字文雖在初意

目遇光為第三重舉其能益顯轉益爾則見
蓋者望前第一重為轉益望第三重為能益
也故鈔云上下影顯思之○鈔會釋經文等
者以今疏會釋發心品中文也所以會釋者
以法慧說十住等時既有此十因此因通於
因緣二也

會今釋說大部經必有所由今開於因緣各
有十義不同彼因緣相參若以疏文對會彼
十因則因緣易知也世尊本願力故即酬宿
因也由願起行行含願中次句欲說佛法利
今後故次句以智慧光普照解了一切佛法

方能行勝行故次句開闡性習二性生菩提
故為真實義是因性故次句證得法界之性
法爾常徧說故次句知衆生根順其機感說
法令喜故又示衆生真俗性相名為真法以
令解了悉歡喜故次句由離障故入佛法位

至因圓故并次句是果滿皆名地位故又既
已果滿果德具足故次句契證了達甚深法
界為諸教本末句說如是法明是說因此上
皆取下疏鈔意說之上約寐照
具配十因若會解意第
二句全同下八句但皆是因然文不全同不

必配今九因若配非今鈔意今既以下疏鈔
 意配釋配亦無妨○鈔十因舉二下問神力
 即緣中加者何名因耶答因緣望所起果俱
 得名因於能起中親疎之異名因名緣○疏
 說時方人等者時方人各各不一故致等言

此即內等名等非外等名等○鈔信聞二種
 等者如是者信成就也智論云佛法大海信
 為能入智為能度信者言是事如是不信者
 言是事不如是故肇公云如是者信順之詞
 我聞者聞成就也我即阿難五蘊假者聞謂

耳根發識親自聽聞言在佛滅後者以佛臨
 涅槃時阿難請問四事佛一一答之此問一
 切經首當安何等佛言當安如是我聞等六
 成就也此二成就雖佛勅令安然在結集時
 方安此言故非起經之緣○疏一依時者十

緣皆言依者教依此十為緣方得起故又此
 疎緣要依親因方始有力能起果故具斯二
 義故皆云依○疏夫心冥至道者心謂真智
 至道即至極之道體目真如道是遊履義以
 是根本智所遊履故又是出生義以智冥理

出生萬德故此文通後三教之義終教則始
覺契於本覺頓教則絕待智契絕待如圓教
即無障礙智契無障礙理言渾一古今者渾
者融也一者周易云一陰一陽之謂道彼疏
釋云一謂無也今意真智契理渾融無古今

也○鈔拂迹顯實者拂可得迹顯真實理故
○鈔故肇公云者即涅槃無名論注云古今
通體始終同源窮本極末未曾有二同一真
體○鈔生公下即法華見寶塔中意釋二尊
並坐之文也彼云多寶在塔全身不散表本

覺不動智釋迦從外同入坐者表始覺智而
契本覺古亦今也多寶即釋迦今亦古也釋
迦即多寶彼表始本非一非異今但取無定
古今之時也○鈔無生即無三世者汎論三
世即有五種一刹那三世前刹那為過去後

那為現在二長時三世如有情未生已前初生至
三神通三世謂現在業行比知當來之果報名為未
世謂觀現在苦樂等報凡知過去之因便於
識起五道理三世者謂隨三世謂隨前念後
念起五道理今於五中五種皆無而偏云刹
為三世也

那安有時分者細者尚無况其鹿耶○鈔出現品等者總引三文證於二義初出現品證約法顯實意云真如所證之法既無生滅豈有三世之時○鈔下經偈云下二段證約人顯實此實幢偈正如鈔引言畧舉人證者疏

野一

八

中缺約法證故言實幢者下疏云以圓淨智照平等理不礙應現隨順一切如摩尼寶故衆生如是下二句蝶妄情如來下二句佛非世法故不繫日○鈔法界品云者應義引即七十三經大願精進力救護一切衆生夜神

所說文也善財問發心久如夜神答之經正云善男子菩薩智輪遠離一切分別境界不可以生死中長短染淨廣狹多少如是劫數分別顯示何以故菩薩智輪本性清淨遠離一切分別網超越一切障礙山隨所應化而

普照故

今鈔引文前却又多數字致前

次喻

三句宛似偈文以經對鈔可知
 之云譬如日輪無有晝夜但出時名晝沒時名夜菩薩智輪亦復如是無有分別亦無三世但隨心現教化衆生言其止住前劫後劫然他宗以今成爲近迹昔成爲遠本乃廣辨

本迹以本獨為勝不知久近對論皆是跡爾
如法華中彌勒與大眾皆疑佛成道方四十
年是菩薩執迹而不知此理故佛以久成
以斷彼疑是隨機對說今此經佛與菩薩約
人約法皆以契實即無古今隨機即有古有

野二

九

今久近雖殊然皆是迹故今並拂以顯實也
○鈔就德顯圓者前拂迹顯實尚通實頓二
教彼亦離時故况圓教具德圓融耶無涯徹
於三際事也稱性常恒理也一念即攝一切
劫理能融事理事無礙念劫圓融事事無礙

永樂北藏

華嚴懸談會玄記

四義渾然故德圓妙不爾何名就德顯圓耶
○鈔自受法樂等者十地論說即所得智慧
寂靜樂也何故顯已法樂為令眾生於如來
所增長愛敬心故復捨如是妙樂悲愍眾生
為說法故○鈔旨歸但云等者彼正云四攝

同類五收異類六念攝劫七復重收八異界
時九彼相攝十本收末今鈔即全依疏書之
者非也若爾如何結
云今加鈔於前無邊下以遍三際中前後際
一字耶各無邊劫同類相攝等○鈔如今娑婆下問
初唯一念二盡七日皆徧一切今何云上七

第一八三冊

重且約娑婆耶答今就此界聞說以為其首
 則起處之時在此而徧無盡故言今辨樹形
 下問時無別體依處等立次說處中異類界
 後明刹種等今何不爾答異類之言已攝刹
 種等又時中初唯一念處中應明一塵如教

迹中一塵遍五類法界等十以非劫為劫應
 次明非處為處等皆義無方影顯示故應審
 思擇○鈔刹既同處等者刹該同類異類也
 既同類刹異類刹同是處所而有同類異類
 形相不同故同類刹異類刹中時亦同是時

分不妨同類異類界時各別分齊非謂同處
 之言定是娑婆界中之異類界為同處也其
 異類刹有二師義一云唯一同類界外異類
 若助正云其異類界之言有在娑婆等同類
 刹中有在同類界外各別安布故下依處○

野二

十

鈔中云向明異類且舉百億中異類既云且舉
 不必定爾此中異類界時通於二義有在同
 類界內有在同類界外後依處鈔中第三唯
 明同類界中異類第四徧刹種方該同類界
 外之異類也欲顯前狹後寬故此中通二義

者無後相對故然有十異至後當會○鈔九
彼此相入下二義釋之即彼下標初義若念
若劫下釋初義此段兩用且如樹形世界中
同類劫相攝四異類劫相攝五以念攝劫六
念劫重收七重重無盡同前娑婆一類界中

四五六七樹形既爾江河形等准知言或同
異類界時下標第二義若念若劫等復更釋
之謂前七娑婆同類界時與第八異類界時
彼此各有攝入之義以同類界中長劫攝異
界長劫短劫攝短劫彼攝於此亦然同前第四

類界中長劫攝異類界中短劫短劫攝長劫
互入亦然五同以同類界中念攝異類界中劫
以異類界中念攝同類界中劫六同又以所攝
劫中各分爲念亦各攝劫等重重無盡七同鈔
以非劫爲本者以時劫稱性離分限而常契
野三
士
理故云本也劫即爲末者以劫波此云時分
說彼差別此即事也爲末今以本收末故令
末中一切時分皆如理融攝故得一攝一
切時也此則由第十義故方得前九隨義融
攝皆自在也言離分限者出非劫所以也○

鈔如華嚴下舉一例顯也以華嚴品經云華
 嚴世界海法界無差別故劫即非劫念即非
 念約不壞相不妨有劫念等華嚴既爾例餘
 華嚴之外十方無間刹海所有時分亦然言
 以時無長短等者釋成非劫為劫所以也初

句釋成非劫而言以染時分者釋成為劫也
 以染形彼淨故謂華嚴無三灾成壞等故以
 染界擬之而說劫數耳有本鈔云以離非染字也
 時分說彼劫故者不必作形染什乃躡上非劫而結
 成為劫也言以時無別體下復通釋非劫為

劫劫即非劫義也時既法上假立別無自體
 今法既融通能依之時亦融也所以得云非
 劫為劫劫即非劫爾○鈔離世間品下疏云
 即無等智由照徹故不偏住著雙住理事名
 無與等經說卜種此當第六故○鈔又此一

部下釋前重通再難也謂前難云畧本至少
 安窮無盡邪故此答云又此一部等此即與
 前如觀牖隙見無際空等義意無別上依助
 正若寂照即於前法爾意外更有此意謂此
 一部即無邊結通無盡勿濫前義不爾既已

如前法爾何云又耶今詳二解前釋近宗前
法爾中通二重難今疏唯舉初重鈔云又者
通第二重也○鈔難云等者等字等七七八
七并五十箇七日也下疏云法華過三七日
方說小

經云我始坐道場觀樹亦經
行於三七日中思惟如是事

四分律

中說六七日方說法興起行經七七日方說
五分律八七日智論五十箇七日有云與十
二遊行經一年大同言四分六七日四分律
云佛坐菩提樹下七日受法樂起已受二賈
客麩蜜食已即於樹下跌坐七日遊解脫三

昧起定由食麩蜜身內風動有樹神獻訶梨
勒果食已風除復坐樹下入三昧起已至一
鬱鞞羅村乞食婆羅門施食食已更詣一離
婆那樹下七日思惟起已復至彼村婆羅門
婦奉食食已復詣前樹下復七日不動起已
還至彼村乞食時婆羅門男女奉食食已
即詣文麟水龍王宮文麟樹下跏趺七日一
思惟時天雨極寒龍出宮以身繞佛舉頭為
蔭過七日已龍化作少年禮佛讚歎已佛起
龍樹下便詣阿踰波尼拘律樹下坐而作是

念我法甚深何器可受思惟默然時梵王等
 遙知即往禮請轉法輪等上皆攝言興起行
 經七七日者會解記云嘗讀此經即無此說
 後讀出耀方見此文出曜經第八云佛受二
 賈客食呪願已爾時世尊七七四十九日默

野三

十三

然不說法內自思惟欲使前人自來請受時
 摩竭人民聞菩薩已成佛道晝夜懇惻追念
 如來教章亦指與起行經似言五分八七日
 者然五分律與四分律雖引事不同皆是六
 七教章又指十誦律亦無此說如五分律第

十四云佛敷草座已繫念道品三明洞然跌
 坐七日受解脫樂從三昧起受提謂波離二
 人麁密呪願已復至一樹下食食已復入三
 昧七日後起到文麟龍王所坐一樹下龍奉
 食食已復入定七日起已到爵鞞斯那聚落
 入村乞食須闍陀女奉羹食食已還菩提樹
 下三昧七日起定復至其舍姊妹四人奉施
 食食已還菩提樹下三昧七日復起向阿隸
 波羅尼拘類樹中路見一女人鑽酪作酥就
 乞食已復至樹下三昧七日過時已後從三

昧起作是念我所得法甚深微妙難解難見
非愚所及佛即默然梵王等遙知即請轉法
輪方往麻園度五人也亦撮疏中答意云
皆是說此經之時隨根見聞故各不同也○
疏廣如旨歸者彼更問云若爾何故佛有涅

槃耶答本不涅槃法界品說開旃檀塔轉發

亦中見三世佛無涅槃者既爾何現涅槃答

涅槃亦是說法攝生與成道說法無別故○
鈔普賢三昧品等者疏云身相如虛空法性
身而住法性土也假說能所而實無差云非

國土○鈔無能所依尚通實損者會之泯之
故分二教皆是拂迹故云通也况於下舉劣况
勝也○鈔刹塵即入即下通局交徹二四句者
即此一界攝一切此一界入一切等第二種四句
又一塵攝一切刹一塵遍入一切刹等四句即下

野二

古

疏云又以一塵例刹亦有四句義兼初一重四句
初重四句無即入故第二重四句但例即入以塵
例刹方有刹塵即入義故對下疏鈔可以詳審
○鈔不壞相故不妨立時者以牒不壞相言即
是牒疏中不壞所依既牒不壞所依之處故須

云不妨立處今以前依時中意例依處故有本
 中是處字其義彰顯○鈔然旨歸下會時處先
 後問旨歸中先依處後依時何以今先依時後
 依處故此答也意云旨歸以七處等先已有故
 佛出於世後方始說經今疏意欲順經初言

一時後言住阿蘭若菩提場中等故問今順
 六成就者何不依時依主依處為次耶答今
 順六成就中先明說時便明說處者即以時
 處為一對依主是人依二昧依現相是法即
 人法為次却踈依主為第三也又以有所依

之時處方有能依之人為次也問六成就中
 何以先時後處答言且便故○疏摩竭者此
 云無毒害法華鈔云上古有王率領此國賦
 性仁慈有犯罪者不行殺戮輕者以寶贖之
 犯重罪者被駢出國不行毒害因此為名又

野三

十五

云摩者遍也竭提聰慧也聰慧之人遍其國
 內言華嚴者蓮花含子之處目之曰華嚴今
 刹種及刹為大蓮花之所含藏故云華嚴○
 鈔娑婆者此云雜會雜惡衆生共會一處故
 又正曰索訶此云堪忍謂諸佛菩薩於一切

雜惡衆生中行利樂時多諸怨嫉衆苦逼惱
堪耐勞倦而忍受故如提婆達多數欲害佛
等欲彰所化弊惡能化悲深常以警之故立
斯名言欲界者下地貪著弊欲曾無厭足唯
此爲界故名欲界○鈔華嚴世界六種震動

者諸會結通之中皆有此文故言其地堅固
者迺世主妙嚴品第一卷初文也言娑婆迺
是土石諸山者即法華經妙音菩薩品文也
○鈔亦如螺髻下即淨名經佛國品中意梵
云尸棄此云寶頂或寶髻亦名螺髻即初禪

梵王也自在天宮即第六欲它化自在天宮
也爲有勝天今在勞天變化五處戲公關中
於中受樂顯已自在故以爲名疏云舍利弗在人而見土石梵王居天見如
天宮問螺髻是初禪梵王應例如色界何故
如六天耶答有二意一云靈鷲等處正在欲

界且指欲界最妙之處以爲例耳二云以身
在欲界佛會中若言如初禪天宮欲界人天
不能了知爲欲令欲界人天俱了知故且就
欲界最勝爲論問梵王見雖同欲天尚是穢
土何以證淨義耶答雖非是淨但證前隨


所見不同之義且佛土真淨超絕三界豈直
 如天宮世淨而已哉設有七劫穢眾生住故亦非淨土也此蓋
 齊其所見而為言耳○鈔華藏品下正引當
 經證也下疏鈔云喻眾生同處異見佛本無
 二金色銀色刹本是一見淨土穢土○鈔即

野二

去

二四句下即第二重淨穢無礙四句中第三
 一句淨穢隱顯無礙勝劣二根同見故刹體
 自在故未能窮究四句融通玄妙之義故云
 近宗若爾前一義亦淨穢無礙初重四句中
 初師得初句第二師得第二句何以偏此近

宗答雖各得一句前二師淨穢各異義局淺
 故後一師且知刹該淨穢稍深於彼故云近
 宗○鈔前一四句以本刹末刹相望成四句
 下一節鈔文釋此四句作二種本末口科分



○鈔華嚴為本刹等女問華嚴既合諸刹何
言淨耶答成就品疏云就佛言之故無國而
非淨也一切淨穢等土皆是如來通慧力成
為物而取擬將普應○鈔若寬狹相望自屬
通局者此有二意若汎論寬狹則本刹通末

野二

七

刹局若以本刹唯淨末通染淨則本局末通
雖有二意皆屬通局非此所論○鈔上三皆
約事者第三祇論娑婆在華嚴中亦非無礙
故云皆約事明○鈔故華嚴品下疏云初句
標名次句不壞分量即同真性次句具德莊

嚴末句無礙安住今此中意初句望第二句
證事末不礙理本第二句望後二句證理本
不礙事末或可通證染淨本末華嚴不壞分
量應劣根故染證初句極清淨故淨證第二
句不壞總分量故華嚴不壞別分量故華嚴

內娑婆證第三句皆即同真性染淨相盡故
證第四句既全不壞即同真性明知四句渾
融無礙○鈔不論本末染淨者不濫前四句
故亦揀非也今正約下顯是也以前四句此
娑婆對華嚴故唯稱染今於娑婆再分故通

染淨亦作二解初約刹體隱顯論二就機見
 勝劣說言俱約二人同見者謂勝機所見淨
 顯穢隱劣機所見穢顯淨隱同時無礙所以
 然者刹土體性自在故○鈔前四句約一重
 等者不論相攝又約人望處說一在此界七

處說二十方諸刹有佛與此齊說上二事也
 三即此一佛七處如月入百川不分而遍事
 事無礙也四以前三句歸理後四句攝入無
 礙前三句事事無礙第四句以前三句歸以
 平等○鈔以龕例細者問疏云以塵例刹科

中何言以龕例細答疏中先言所例後說能
 例科先舉能例後說所例前後雖異大意無
 差言引文如前者即依中現依等中引第六
 經偈云佛刹微塵數如是諸國土能令一念
 中一一塵中現若作四句者一或局此一塵

野

丈

攝一切國故二或通此一塵入一切刹故三
 俱即攝即入故四泯形奪相盡平漫四句例知鈔四
 遍塵道者即空中塵往來遊履之道雖舉所
 遊之道意聖能遊之塵也旨歸云謂十方虛
 空界之一一塵處皆有彼刹悉於中現演說

此經即取十方與娑婆同類中塵道也六該
刹塵者旨歸云謂盡虛空界一一塵道各亦
同前攝自同類無量刹海而於其中亦說此
經八重攝刹者旨歸云謂於此華嚴一一塵
中皆攝無邊諸佛刹海皆於其中說此經法

○鈔以歸華藏等者旨歸云謂此等一切雜
染世界各皆同盡唯是華嚴世界海即此前
鈔云事盡理顯染相盡故雖畧無佛淨相之
文義含在中今言旨歸文云下義引也今疏
加第五遍華嚴但取事相不約同真之義○

鈔此亦賢首下通妨問既破判定不依賢首
今何不取旨歸中義故此答也謂中間六義
雖有取捨離合排次初二及後二與旨歸同
中間六意亦是賢首八十卷經新修畧疏中
光明覺品疏意叅詳用之耳○鈔菩提樹者

野

九

西域記云迦維羅衛國於前正覺山山西南
十四五里有畢鉢羅樹昔佛在世高數百尺
屢經殘伐猶高四五丈佛坐其下成等正覺
因而謂之菩提樹焉言閻浮提者新云瞻部
俱舍云無熱惱池側有瞻部林其形高大其

果甘美提言洲也水中可居曰洲依此立名
 言七處皆爾者經既云一切閻浮提及十方
 須彌頂亦然即顯初會及第三會已遍法界
 餘則類此故云七處皆爾謂佛遍此界七處
 亦遍盡法界中之七處故疏云初此閻浮七

處周法界起自此界七處故最狹而他界中
 但有七處俱為能遍法界為所遍此所遍法
 界最淺下說能遍所遍准此明之而能遍漸
 寬所遍漸深言文中但三賢下即須彌夜摩
 堯率三天也言義如下疏者須彌品疏云初

二會相隣接故不假帶前赴後此三人天隔
 越故須連帶又此三會同詮賢位第六會已
 入證不假帶前七即位中普賢又畧兼云居
 然不假第八頓彰五位體用已融七八亦在
 普光與菩提場相隣人天隔越尚爾况相隣

豈不融耶第九唯明證入體用一味故不假
 帶前赴後上皆明佛不起而遍○鈔大海鐵
 圍者光明覺品疏云大海即七重金山外鹹
 海也百抄云海闊三億二 一四天下一小鐵
 圍萬二千踰繕那量 四周圓三十六億七百萬五十踰繕那量
遊西各五萬六千二百五十踰繕那量

州者東云勝身勝餘洲故形猶西云牛貨以

牛貨易故相圓北云勝生壽定千歲衣食自

然故此洲欲界六天四王切利夜摩色界十

八初禪三天謂梵眾梵輔大梵二禪三天謂

靜過靜四禪九天謂無雲福生廣果無色界

野三 干

四天空無邊處識無邊處無言各有百億者

已上數各百億故此依黃帝算法下等數法

然百三等數法下等十變之十變之從

千已上依中等數法百變之謂百小千方

為一萬若約小數十萬是一億謂十小千箇

永樂北藏

華嚴懸談會玄記

第一八三册

小千為中千方是十萬即十億則有萬十箇中

千始為百萬千數方是一億小數既十中千

為一億百中千為十億小數今有千箇中千

故有百億耳小數下鈔云若以小數計有萬

億也○鈔百億色究竟天者下鈔云初禪量

等四天下二禪量等小千界三禪量等中千

界四禪量等大千界是知三千世界中有百

億初禪百萬二禪一千三禪唯一四禪問准

此唯一色究竟天覆三千界何故亦言百億

耶答且如二禪直語其量等千初禪以千初

說字經正云有不可說佛刹微塵數此正是最中刹種所持○鈔且舉百億中異類者此有二釋若窺照等云是最中一刹種中所有謂如娑婆世界中同有百億世界不妨有形狀不同之異類刹也今方總明刹種此無娑婆界外異類

此意同前助正有二異類若會解云且舉百億同刹種所持中異類非是百億界中自有異類也評曰今詳異類之言有其四類一小刹異類如百億界中自有異類也二大刹異類如一刹種中二十重刹相望有異類也三

刹種異類十不可說佛刹微塵數刹種相望論異類也四刹海異類即十方無間盡法界之刹海相望論異類也故此下云異類之言雖通華嚴等今此異類該前二異類也謂小刹及大刹百億中言含二意故若在內為中

即小刹異類若同處為中即大刹異類前二釋皆取方為正義○鈔然異類言雖通華嚴下通難也問但言異類豈不通華嚴耶答異類言總雖通華嚴而意別唯取小刹大刹異類耳此影刹種問答○鈔言遍刹種者下疏釋種義

永樂北藏

華嚴懸談會玄記

第一八三册

云積多世界共在一處攝諸流類故名爲種
 問若爾前異類中已遍所攝多種世界今遍
 刹種將何所遍答下疏云雖依種類以立種
 名何妨此種別有其體如多蜂孔共成一窠
 豈妨此窠別有其體又云種亦多性性是依
因義

此種性能生世界如依一禾生多穀粒舊經
 云性多取此義恐濫體性故改爲種今此最
 中之種即雙攬第二同類第三異類並是此
 中刹種所持若約與前寬狹異者第二唯同
 類三唯異類此中雙取爲種若爾但雙攬前

二云何次寬於前二耶答豈不前云此種別
 有體爲前世界依起所以寬於前也

野三

三三

華嚴懸談會玄記卷第十二

華嚴懸談會玄記卷第十三

野三

蒼山再光寺比丘 普瑞 集

鈔即取最中無邊妙花光香水海中普照十方
熾然等者第八經說有十不可說佛刹微塵數
香水海在華嚴世界海中如天帝網分布而

野三

住其最中央香水海名無邊妙華光

疏云以多華發

先故亦由菩薩行華而為因故以現一切菩薩形摩尼王幢
為底出大蓮花名一切香摩尼王莊嚴
嚴此花故又從摩尼底而出生故約法即萬行圓明之所成故海能有華故受華台華依於海取有世界種而住其上名普照十方熾

永樂北藏


華嚴懸談會玄記

第一八三册

然寶光明 約事實光遠照故約法其世界種正是所合種子一一皆有智大智光
明過照法以一切莊嚴具為體 嚴性德 有不
界義故可說佛刹微塵數世界於中布列等 已說
界從下至上列二十重第一重主刹有一佛
刹塵數世界圍繞八方過一佛刹塵數世界

方至第○二重主刹乃至第十九重云過佛
刹塵數世界方至第二十重主刹其上下但
有十九佛刹塵數主刹第二十重有二十佛
刹塵數世界圍繞總結主刹伴刹有不可說
等方是一箇刹種中事下鈔云下狹上闊如

倒立浮圖倒安象齒等急備引吞海集中有
 此圖樣數刹種一皆有一皆有二十重刹下狹上
 闊形相亦然



○鈔遍華嚴者不同旨歸如文具之然華嚴
 世界海者迺是本師修因之所嚴淨准第八
 九十經畧示其相其下有須彌山微塵數風
 輪最下風輪名平等住能持其上一切寶燄
 乃至最上風輪名殊勝威光嚴能持大海海
 名普光摩尼香水海海生蓮花花各種種光
 明藥香幢蓮臺面上邊有金剛輪圍山中央
 至圍山臺面十方總有十不可說佛刹微塵
 數小香水海一海有一刹種羅網臺面一一


小海外有一四天下微塵數香水河遶一一刹種內皆上下二十重刹及圍繞刹最下一刹有一佛刹塵數伴刹圍繞最上一刹有二佛刹塵數伴刹圍繞且增觀智一至二十據實上下皆二十也如網孔故若論莊嚴一

一佛刹雲臺寶網園林器具一切衆寶有佛刹塵數之莊嚴一一莊嚴各放佛刹塵數光明一一光明各皆互現如上華嚴世界及莊嚴事及現過去未來一切劫中刹海事之餘者易知唯華臺上有十不可說刹塵數之刹


永樂北藏

華嚴懸談會玄記

種經文長遠難以頓見今以圖示



第一八三册



圖中乃至處經中皆是不可說佛刹微塵數

野三

三

言故有十不可說佛刹微塵數世界種也經中唯列一百一十箇而缺兩箇圖中白環者是也上下二十重亦有列不列者據實皆二十重如網孔故若讀此圖先從中央種次讀次東種次讀次南種如是右旋十種訖

還讀東次下十種次南下十種如是旋轉讀之方是經之次也檢經八九十三卷具說下鈔喻如一盤中盛於十椽十椽之中各盛十彈子一盤如刹海十椽如刹種彈子如一刹

○鈔六遍餘刹海下約華藏不壞分量義故有餘刹海等刹依刹種種依刹海寬狹可知華藏之外下現相品疏云是華藏隣次之刹海故云無間起自十方十億佛刹塵數刹海而盡十方無盡刹海俱為能遍法界為所遍

○鈔一一塵中皆有佛刹前但取所成微刹

今說彼能成塵中復有利也○鈔此不論成利之塵但取容塵之處遍於空矣者意云今明於處合約成刹之塵今第八但取容塵處之空亦得名處故云兼於空矣言如二界中間者如娑婆界東輪圍之外未至阿閼佛國

野三

四

輪圍之際中間唯是虛空今不但取唯空無物處今取盡虛空界但是容塵處佛皆遍其中說經○鈔彼一一微塵等者彼字二師異說助正云指前第七一一微塵也所以不指第八者取虛空難顯重重之義故若寂照云

即指第八中一一塵各攝無邊刹海即所含刹各各為塵復有利海故至重重無盡前義為正第八兼於空但取虛空一一容塵之處為能攝耳不言一一塵也今云彼一一塵正指第七問八中容塵之處則寬九唯塵中攝

刹以至無盡則狹如前也答前能攝似寬所攝但是一重今能攝雖狹而所攝重重無盡亦不違從狹向寬之義○疏然上十類等者問十中前七為能遍法界為所遍可爾後三為能遍與所遍寬狹云何答所通通四法界

能遍各是一義問前六事法界七九事事無礙法界八若理空即理法界理空有刹即事理無礙法界若事空有刹即事事無礙法界其第十例餘佛同總例同前九則具四法界而為能遍更何是所遍法界耶答總言四法

野三

五

界則無所不該此上雖有四法界而但是器界且非是佛及衆生等處故下疏云此猶約器世間說鈔云未說佛毛及衆生毛孔事問若云前九正是遮那說經之處者何故前後皆云說處有十答有二義一云以義相從自

它通收而有十處二云別說前九是遮那處總合為一是餘佛處總不離別皆為遮那說法之處也○鈔若初利等者先按定經說既遍下依前第八為難也言處則雜亂者上達理也何以下達教也言隱顯門者義分齊中

云攝它它不盡不現即隱顯門且是一相之言○鈔若約為門等者躡跡難也如十住為門顯時與十行等隱者為復相見否若相見者還成雜亂以夜摩天等說十行等時亦說十住等故若不相見何以知遍者以不見夜

摩等說十住故何以知遍○鈔餘位如虛空者非是斷滅但十住為能成十行等為所成離能成外別無自體云廢已同它以廢已故非常是所成故非斷其能成者既有體能成它故非斷對所成方有能成故非常既皆非

斷常方是玄門以諸法極於有無故○鈔而有主伴者正明相入帶主伴門令明顯故顯文含多義故言但隱顯不同者以隱顯料揀相即令易了故言亦名下復以純雜門融即入二門恐二門定為天隔故○疏十餘佛同者問處

則佛佛德用說法皆同前依時中何不說耶答影顯示故○鈔故經云者即十地品文也疏中引橫遍今鈔證豎窮○鈔餘佛說處者如人人唯識所變之處繫屬各別故為此問相宗自識緣它變器手唯識義故以為例言若相見耶乖相遍者

野三

六

廣鈔云則乖圓遍難也答中言二互相見主伴義成者如遮那說處為主餘佛說處為伴二互行見遮那亦遍伴處主伴無礙故圓遍義成各遍如乳投水中但名水遍水遍之處乳豈不遍以全一味但名水遍却以水投乳准上應知此名

不相見定非隔別同遍如衆燈光同在一室
 此光遍餘光亦遍即相見不乖相遍○鈔文
 具下消文為主須一為伴多故此正約主伴
 門而兼帶隱顯如此佛為主顯時餘佛為主
 隱等為伴隱顯亦然言非謂下遮妄解也上

皆舉人顯處於人明主伴如主伴重重處已
 說○疏又上十處下恐斯十義而定超然故
 此融之初句緣起相由門後句法性融通門
 且故此闡浮提七處而罔法界收餘九者豈
 餘佛同不是遮那說經處耶餘佛說處准遮

那說而又餘佛不必初闡浮提等遮那亦且約
 此界故則理出文外○疏而隨前下有二初以
 別時望總處又字下別處具總時言頌說此經
 者以十種時隨一圓收今具以一念攝餘九故
 云頌說又以一一時各收餘九時遍別別十處

野三

七

亦偏舉一處收餘九處又隨一一處各收餘九
 處皆具前舉一全收之十時○疏並是遮那說
 經之處者總攝三世間無盡之處皆是遮那一
 佛說經之處問唯識道理它變器界等相分自
 識不能親緣如其緣者識外取法非唯識義云

何它變之處亦為自說經處答十通品疏說若不親緣它却失真唯識義以真心自性自它不定異故經云知一切法即心自性尚即心之自性豈不親緣耶况六相十玄十所因中無有不融通之法也豈可局執○鈔對時顯處者影取

對處顯時義屬前段不爾此義豈唯在處耶以互為能顯所顯故○鈔普賢若如下以等覺位第八識猶有漏故成趣生體故名眾生世間以起二空無漏智故名智正覺世間前持業此相違什又舉普賢下且舉因極以勝攝劣故○疏夫

真身寥廓者且對執迹非真名之為真非揀化身等名真窮源莫二者且對下執迹多端為莫二故下云一身亦在執迹之中設執十身亦非真故○鈔唯一無障礙等者唯乃揀其多執一則破數之稱故云無障礙身故貞

元疏云一亦不為一為欲破諸數故此總釋疏中真身乃至莫二也言隨機教異一句總釋執迹多端已下三句總相收束義不出此自下乃隨文委曲指陳展演明之○鈔若以法界為身者此總含四法界為身既法界即

身不應言合體故普賢三昧疏云一依佛地

論以清淨法界為法身約理二依無性攝論以

無垢無星礙智為法身約智三依梁攝論及金

光明經如如及獨存名法身雙合四經云如來

法身非心非境則境智雙泯五此上四句合

為一無障礙法身六此上總別五句相融形

奪茲說迥然無寄七通攝五分一戒香謂道

定香即背地無漏定三慧香即別境五中無

漏慧四解脫香謂盡智無生智俱時勝解以

能印證四諦理時離縛增故五解脫知見有

者即本後二智謂與勝解心所同時離縛證

增行相自利利它悲願所行恒沙功德無不

皆收以修生功德必證理故融攝無礙以報

法身二身無礙為佛身八攝論云通收報化色相百四

十不共功德等通收報化皆法身矣九通攝三世間具

十身故唯此華嚴十身上分權實唯第九屬

此經若融攝及攝同教總前九義為一總句

是謂如來無障礙身隨義隱顯不可累安達

者尋文無生局見○鈔今以無障礙下含具

前義無障礙智即第二義如字即第一義冥

一即第三義其四五六以義含之但依前三

義別說故言如如者不倒也以離依計二

倒及如如智者從境影名或可智自不倒依
主持業如次如收一切智等亦如故復云唯
智收一切如等亦智故云獨存義各孤立故
加及字二義無違曰共為真身言即令色心
功德者即七八二義亦金光明經意也彼合

野三

九

部光明經云唯有如如及如如智是名法身
何以故離法如如無分別智一切諸佛無有
別法何以故一切佛智慧具足故一切煩惱
究竟滅盡得淨佛地故是以法如如法如如
智攝一切佛法故即今色相功德合如如佛

身也○鈔故令佛身下即九十二義亦無不
包影取亦無不在釋疏羅字○鈔以如來者
一句全是出現品文言假言齊者以一切法
即是佛身法外無身今言齊者假言齊耳○
鈔上二義下此總為體用釋之混萬化用即

真體故言會精廉一致者會無為功德之精
妙有為功德之廉顯為一真身之致也或報
化為精廉或該一切法之精廉言圓融無礙
者歸前總束唯一無礙身也○鈔故次疏云
下明知莫二非是定一謂若下法喻皆遮異

執釋莫二之言謂初二句法說也問下句是
 喻何言法說答以喻顯法故不同後四句唯
 是喻明喻中初二句喻攝末歸本下二句喻
 依本起末言三江者准尚書地理誌中而有
 三名一吳松江二錢塘江三浦陽江有本云

千江者無定名相也○鈔不知多端下以不
 知應迹故成執也了知則不執經論當根因
 隨成益即設教功深餘劣見聞遂生局執故
 須遮遣故結云若識其源一多無礙故普賢
 三昧品鈔云如說海水異於百川不攝百川

非海水故隨文布列乃有不同得意而談一
 融攝○鈔故光明覺品下疏云初偈變化
 智自在上半一多無礙下半隨器普現後偈
 明一多無所從以無生智隨物而感謂一身多
 身但由衆生分別心起故無積無從其猶並

野三

十

安千器數步而千月不同一道長江萬里而
 一月孤影情隔則法身成異心通則玄旨必
 均云云自它於佛何預○鈔此經云下即問
 明品下疏云所證法界體同為一八識心王
 俱不可知故一四智三智二智一智皆無別

故一十力四無畏亦無別故一此五畧攝諸德而言等者等此經中餘之經文如現相品云諸佛同法身無依無差別下疏云體相皆同同義有二一本住法身體同言無依者無住本故體無二故此體同故諸佛同法身也二已證法身

相同力無畏等皆無異故言相同者即相似名同非體故也今

鈔亦具二同故云法身力無畏等○鈔佛地論者論具云佛

有二種身一者生身二者法身若自性身若實受用俱名法身諸功德法所依止故諸功德法所集成故若變化身若它受用俱名生

身隨眾所宜效現生故今鈔云實功德法故者唯釋實報是法身義也自性名法身義易故不釋也○鈔又般若等者即天親論釋金剛經彌勒頌云應化非真佛亦非說法者之義也○鈔又云佛以法為身下現相品文華

野三

十一

焰鬘普明智菩薩偈也下疏云上半是體客塵不染故下半是用隨物見異故亦釋疑難謂雖為物現相不乖如空若不現相云何悟於無相○鈔金光明經又說四下即合本經最勝王經亦說三身分別品正云分別三身有四種

有化身非應身如來已般涅槃以願自在故

隨緣益物如是之身即是化身即隨六道化

故有應身非化身是地前身決定能令受用

不立有化身亦應身住有餘依如來之身有

非化身非應身是如來法身彼說三身品中

智合說即為真身也今鈔標名即隨釋也言四善根即

暖頂忍世第一也以爲見道加行名順決擇

分善根所見之佛王一千大千世界千丈

大化身也言人天同類即丈六金身也○鈔

佛地論中亦說有四者此所引全是論文是

則下揀別經論二四身義也言合法報下此

經後一是法身自報不說它報化身開爲三

類言今約下三身各別云俱開復於報身開

自它受用故曰復重開於報也言雖有四義

理不乖三者唯釋佛地中雖四不乖三身也

則失該揀有本鈔云理不乖此者意云彼二


經論雖各說四不乖此之揀異也有本抄云

雖有四義理全乖者謂二經論雖各說四經

全乖論論全乖經謂經中合法報爲一身實

教義也論開理智而爲法報不得相即如教

義也又經無它報論別立身全乖異也後義
為正○鈔然叡公下諸釋云云不可詳定今
科之為二



永樂北藏

華嚴懸談會玄記

第一八三册

一解釋二 後通論妨難三 後別通二前難二 後法法生果難二

○鈔詳而辨之一法身者隨義不妨分五據
體則無有二此實教理事無礙義也○鈔本
有之法性者此涅槃生因亦是正因如乳有
酪性故法性二字即能生因身字即所生果
即下三身也○鈔推其因是功德所成者即
涅槃緣因及了因體即萬行也上二身皆舉
因目果故皆為佛身也○鈔三就其下三皆
約果為佛身也然為約應大妙三字分三義
也體即無二○鈔所以下問三果之中五四

二果既為佛身何有第三變化身耶前三句
牒難下一句總答意云後二約體雖即無相
如空第三約用就機應別何者下約喻顯也
三有之形精麤小大等喻變化身業因勝劣
喻機緣勝劣也勝機感則現細劣機感則現

麤大小亦然

野三 准散公意此通它受用及
化身准清涼意唯化身也 鈔

如來法身下約第二身通妨難此有二重通
難應先問言前云功德法身功德是因何以
名果法身初二句答也意云以法身功德之
果以因目果故號法身次問能成之因既一

功德所成果相何有三耶功德無邊下答也
言功德無邊者隨順法性修檀戒等萬行之
因無有邊際故虛空法身果亦無邊言功德
無相者稱性之行豈帶相耶如行施時三輪
清淨業故得實相法身迥絕諸相言功德方

便者昔因善巧普應群機故今應身隨宜赴
感○鈔無邊故下約義則三身不同是為下
收皈體用無二即第三是後二體外無用即
後二是第三用外無體故云非有非無等也
○鈔以有此身下約第一身通難也問能生

之因既一法性所因生之果何有三耶故此
答也意云正因佛性以爲生因理實唯合生
一法身然以此法身爲萬化之本故有變化
等身也如冥室下曦光唯一喻所生法身隨
孔萬殊喻變化等也○鈔若直指下上以功
德爲因今直指功德爲果即實功德法故名
法身也亦通前功德中初重難也言假說爲
身者身者體義聚義依義今但以依聚二義
假說爲身非同法相以色相爲功德報身也
○鈔若以下鈔主別配三身不同前觀公義

也言初二爲報此不約因說唯就果明也初
一它報身起信云所現之色無有分齊乃至
非心識分別能知以真如自在義用故今云
法性
生身義
正同也功德法身即自報身也即不空如來
藏修成萬行功德爲因方顯爲真實報下三
野三
配二身可知○鈔又有義下寂照云亦實教
義會解指集玄云即天台四教中第三別教
義也三身體上各義說三然是歷別未會圓
融○鈔如勝天王經說者彼經具云勝天王
問菩薩在何位中得如來十種身佛答住初

地得平等身何以故離諸邪曲通達法性得
 平等故住二地得清淨身戒清淨故住第三
 地得無盡身離嗔恚故住第四地得善修身
 常精進故住五地得法性身說諦理故住六
 地得離覺觀身觀因緣非覺觀所知故住七
 地得不思議身具足方便故住八地得寂淨
 身離一切戲論無煩惱故住九地得等虛空
 身遍不可量一切處故住十地得妙智身成
 就一切種智故下九皆有問此明依主何明
 十地之身答以彼經云菩薩行深般若十地

能得如來十身故天王問曰佛菩薩身應同
 答功德有異佛具德故菩薩不爾今就佛說
 也○鈔已含前後者前即前段所敘後即下
 說正義處皆不出真應一多故若真若應兩
 互相融或一或多二俱無礙今以四義各別
 而徵○鈔或云毘盧遮那者此云光明遍照
 義如前歸敬中釋疏云舍那鈔云遮那者意
 顯但梵音小異不同餘教約法報定分也釋
 迦牟尼者此云能仁寂默能仁是姓我佛上
 代從劫初時立共計王至淨飯王計八萬四

野三

主

千二百五十五王昔有懿師摩王次夫人有
四子並皆聰慧大夫人有一子頑薄醜陋大
夫人恐其四子奪其國祚以情感王令驅四
子出國王依言驅擯時四子奉命其母其同
生姊妹咸願同去一切人民多樂隨從至雪

山北舍夷林中其地平廣遂築城居焉名慕
德風歸者如雲鬱成大國遂立小弟為王名
尼樓數年之後王問四子所在傍臣具答王
歎曰我子釋迦從是已後姓釋迦也寂默是
名契寂理故○鈔餘三皆應第四句常在此

處餘三句即它處者問中間二句既是應身
却言即它處者豈不違前鈔云以應故在此
耶答前約一相義說今亦應影取真身在此
處以理實真應皆在此處它處故問真應與
一多如何配屬答真應盡具一多一多皆有

真應乃互通耳○鈔又云下現相品文也疏
云堅密者齊佛體用堅即金剛之身決擇記云四相
不遷三世不改三賢不測密謂身秘密也十地莫量佛有三密
所謂非色現色摩尼不能喻其多非量現量
應持不能窮其頂不分而遍一多不足異其

體全法為身一毛不能窮其際此身秘密也
 佛言聲也非近非遠目連尋之而無際身子
 對之而不聞非自非他若天鼓之無從猶谷
 響之緣發無邊法海卷之在於一言無內圓
 音展之該於萬類是謂佛口密也意則無私

野三

六

成事等覺尚不能知密之至也今即初密故

○鈔光明覺品下疏說十義一多機於異處

名見佛身不同鈔云今寄五臺求見文殊以
 况法界見佛差別於有十義
 今初也如有五人名為多機各在一臺名為
 異處一人南臺見菩薩一人西臺見師子一
 人中臺見菩薩一人東臺見化佛
 一人北臺見聖僧是各感見一也

二或同處

各見如五人同在中臺故云同處一見三或
 異特別見如一人朝見菩薩四或同時異見
 上異時別見不見化佛是也五
 人謂二人同於晨朝一人見化佛一人見菩薩
 或同時異處見亦約多人同於晨朝一人見菩薩一人見化佛亦同時異處見也
 或同或異或同見化佛亦同時異處見也

六或同處異時見同於中臺朝見暮亦見而

亦通一境異境但七或異時異處見特則朝

取處同時異耳而能見亦通一人多人謂或
 一人朝於東臺見菩薩一人朝於北臺見菩薩
 一人可知然多約一人其所見境亦通同異
 見菩薩如上已明或一人朝於東臺見菩薩
 暮於北臺見師子然
 八或同時同處見亦約

同在中蓋同於中時見菩薩
 所見亦通同異且約同說
 異交互時處見多人所見
 然同時異處即是第五而要
 處即是第六通一人多人今
 多人所見此機亦是思議人
 處見故謂一人於晨朝時在
 於朝於暮見多人所見
 野三
 十或一人於同異
 主

俱時處見一切人所見以是普眼機故
 原異時異處名同異俱時處既是一人時該
 多時處通諸處見通諸境故是普眼機也
 然佛不分身無思普現故現分而遍無思普
 今鈔中但有八七五六九之義也等字等餘
 五句鈔中唯用第九一句餘皆非用故不繁

永樂北藏

華嚴懸談會玄記

第一八三冊

引也○鈔一身圓滿即是真身者以真無不
 在故言圓滿○鈔如一身中現多頭者即不
 思議品一身現不可說不可說頭等即所現
 分也義如前引言頭中有佛下即法界品海
 幢比丘頂出諸佛亦如前引頭字應是頂字

以經說頭出菩薩頂出佛故或但總相言頭
 亦得腰現仙人等者能現之處分也今並揀
 之故云皆全現故即能現所現皆要全也全
 義既成分現之義自立明非一向遮分現也
 ○鈔以離心緣相故者此一句是起信論真

如門中文也○鈔無能測身者離世間品文也下疏云即是第十四如其勝解示現功德謂諸有情種種勝解現金色等身雖現此身而無分別如末尼等故無能測○鈔第八十經下疏鈔云明平等法身波羅蜜多成滿功

德而具攝論五種相攝論釋法身具五種相故初句白法相以是極果圓滿自在轉故次二句不思議相謂真如清淨自內證故無有世間喻能喻故非諸尋伺所行處故次一句無二相由一切無所有故空所顯相是有故有即為無為

無二相次一句無依相雖無所依滅染分依它無不住得淨分依它次句常住相雖無不至即應化普周受用廣遍相續不斷二身常義而不去自性身凝然常義五相相融為法身體次二句喻空盡喻無依相夢喻有無無

野三

六

二相貞元經云如空白日亦如夢空喻無依及常住二相白日喻白法相夢喻無二相欲言其有覺竟無實欲言其無夢境歷然故非有無為無二相其不思議相者即次經云三界有無一切法不能與佛為比喻譬如山林

鳥獸等無有依空而住者○鈔光明覺品下
次前經云如來非以相為體但是無相寂滅
法身相威儀悉具足世間隨樂皆令見乃至
云非是和合非不合體性寂滅無諸相等謂
以佛為有成增益謗為無是損減謗初偈為

亦有亦無是相違謗次二為非有非無成戲
論謗此二中論云戲論破慧眼是皆不見佛
故今遣之謂妄惑不生故非蘊聚起心則生
便成戲論○鈔又云下亦光明覺品文疏鈔
云無染無所着是三念住一者一心聽法不

憂二者一心聽法不喜三者常住捨心謂有
憂喜即染不住捨即著今無憂喜之雜染安
住捨故無所着言無想無依止是三不獲一
惡想都絕云無想二不依止名聞三不依止
利養云無依止次二句雖體叵量具相好故

稱歎○鈔既云菩薩下問跡主下說平道教
根無論凡聖許見十身何故此中云菩薩不
能思明唯佛境蒼等覺已下猶似隔羅殺觀
月故此云不能思以未窮源故下平道教根
勝許分見十身未必究盡其妙但容見耳○

疏融三世間為十身者如前教迹十身相作
 中說○鈔前十身各有十相者下疏云別顯
 知相中十身為八以三身合故然其類例應
 具十文或闕畧且從顯說引上疏科分顯意下
 知其根本也疏鈔注之庶經云此菩薩知衆生身集業身

報身煩惱身色身非色身疏云初三衆生身有五
 妄想深差別此約揔明三界後二約上二界
 就報別開若二界開三無色鳥三集業煩惱
 色身兼欲色五趣報故鳥衆生身十相也
 鳥二報身即五趣報故鳥衆生身十相也
 又知國土身小相大相無量相深相淨相廣
 相倒住相正住相普入相方網差別相疏云二

身假名差別知聲聞身獨覺身菩薩身假名
 差別者疏三有自相同差別假名分別實無
 初方真次中身
 如網實廣初
 如又中即
 帝重一寬
 網重重狹
 差別現煩
 別故入別
 故多名此
 鳥同馬畧
 真初普無
 實地入狹
 義鈔十次
 故云方二
 即交依住
 知業緣故
 報云別

我人假名偏語凡類又三乘聖人方能
 可知假佛超知如來身有云即疏所列
 絕不假云餘之九身既是佛身一有此
 身有十相若更相作則重無盡善提身者
 已成百若更相作則重無盡善提身者
 成正覺故願生兜率故三有佛應化故
 揀異猿猴鹿馬等化云應化即王宮生
 四自身舍利任持故上四於三身中皆化
 攝五所有實報身無遠相海等揀三十二相

永樂北藏

華嚴懸談會玄記

第一八三册

等故云實報即三身中報身六所有光明攝
 伏衆生身故論云勢即同類異世間出世間心明得
 七在解脫上謂若凡若聖類若異類由得地
 前出地隨意得生即若聖類若異類由得地
 在解脫也此通變化及受用八福無所行意
 不生身乘之福能作廣大利益如佛中無漏界
 善根必致佛果九法離世間品十佛中無漏界
 故斯即所證法體故離世間品十佛中無漏界
 法界佛諸義永盡非漏隨增性圓明世諸樂
 漏界是十智身者所無障礙此智謂大圓鏡智
 事出障若證身者所無障礙此智謂大圓鏡智
 已出障若證身者所無障礙此智謂大圓鏡智
 妙觀即成此通作四智被事別皆悉能圓融
 故異諸教用鈔云通作四智被事別皆悉能圓融
 智現自受用平等性智現同法性身大圓鏡智
 現變自受用平等性智現同法性身大圓鏡智
 又如觀身則智亦通四身也知智身善思量相

野三

千

如實決擇相果相行所攝相世間出世間差
 別相三乘差別相共相不共相出離相非出
 離相學相無學相初智約身有十一相攝為三
 二即修惠俱通理教唯證果行相離前三別行
 即是因通於三惠果唯證果行相離前三別行
 八智皆約三位分聖智名爲初出世又通前俗智
 名之爲世三乘聖智名爲初出世又通前俗智
 見道已去名出世五乘者於世中大乘小
 分無礙六二相於大乘中則名共八九二
 般若不共二乘相於大乘中則名共八九二
 相通就三乘縛脫分於乘修成分別知法身
 習未習故後二通於三乘修成分別知法身
 平等相不壞相隨時隨俗假名差別相衆生
 非衆生法差別相佛法聖僧法差別相法身

前能知智此兩如法並通一切智法不同前
 佛論云無量法門明若佛二身故者謂法門是
 雖殊同詮平等法身相即行法論云異事
 皆取諸門攝二起壞名如取行符生理則
 所取善提稱不壞三即無言所化生若
 實之應時說差別故本無言顯理若
 性相實皆深淨平等法身適情非五即
 權若實通深淨平等法身適情非五即
 之境此通深淨平等法身適情非五即

法唯約於淨論云第一相差別三乘同證第
 一義故約智有異三種不同故所顯理亦說
 淺深如常功德辯知虛空身無量相周遍相
 等異如常功德辯知虛空身無量相周遍相
 無形相無異相無邊相顯現色身相疏知虛
 有一切相無量相芥子中空亦無量故二遍至
 一見空此含無為空故亦不可見四無異相
 但見空此含無為空故亦不可見四無異相
 見空又此含無為空故亦不可見四無異相

者無障礙故不同色法彼此相異有障礙故
 五無障礙者謂無始終盡之虛空寬廣
 受色相持現一切諸色既因色分彼是
 非色而能顯現一切諸色既因色分彼是
 虛空則知因顯成實論中虛空一顯色者謂
 青黃赤白等顯成實論中虛空一顯色者謂
 眼見世人見者但見空中光明之色想心於
 中知無實物作虛空解便謂見空其實不見
 涅槃中實物作虛空解便謂見空其實不見
 成實說同評曰據上十多闕畧今云各有十

相者理各合十但文闕畧爾十身相作前引
 釋竟言釋相並在下文者即上引文正是釋
 相也○鈔彼亦會釋者疏云然此十佛與下
 十種見佛名義全同與前十身名有同異而
 義亦不殊一成正覺佛示成正覺故是菩提

身二願佛願生兜率故是願身三業報佛萬
行因感故是相好莊嚴身四住持佛自身舍
利故是力持身五涅槃佛化必示滅故是化
身六法界佛真無漏界故是法身七心佛是
威勢身雖光明亦能攝伏心伏勝故如慈心

降魔等八三昧佛常在定故是福德身定為
福之最故九本性佛了本性故是智身大圓
鏡智平等性智皆本有故故下云明了見十
隨樂佛隨所欲樂無不現故是意生身晉經
云如意佛然佛就內覺身多就相故立名不

同耳○鈔十種見佛者疏云一安住世間故
不着涅槃成正覺故不着生死乘無住道示
成正覺故名無着菩薩稱此而見無着之見依
主為名非謂菩薩於彼不着下九准知二乘
願出生故故無不現又乘此願能生功德

野三

三

故三報即相好莊嚴業即萬行之因而深信
為首故別言之四隨順眾生住持舍利等故
又隨眾生以圓音周遍三世住持佛法故五
化身示滅故名涅槃深入涅槃故能示滅深
入生死故示滅非真六法身充滿於法界故

法界為佛體故七湛然安住真唯識性是心
 佛故八寂然無依心言路絕即三昧義觸類
 皆然故三昧無量九平等性智了本性故本
 覺真性性本了故十隨自它意無身不受故
 依上十見則真見佛既知十佛總別六相圓

融則亦十見無有障礙又此十重五對一所
 出能出對二正報住持對三真常普遍對四
 內住外寂對五體深用廣對如文思之上十
 佛十身類此成對○鈔然無著等復有十義
 下無著十者離世間品云於一切世間無著

於一切眾生無著於一切法一切作一切善
 根一切善處一切願一切行一切菩薩一切
 佛上皆有於無著之言二出生十者如不
 法品中說十種念念出生智三深信十者如
 十藏品說十種信及十地中十種信也四隨

野三

主

順見十者即不思議品十種為眾生作佛事
 五深入見十者如出現品十種涅槃也六普
 至十者如至一切處回向說及不思議品十
 種普遍七安住十者如不思議品十種無量
 住八無量無依十者如不思議品說十種無

量不思議佛三昧九明了見十者四十七經
世尊十種知一切法盡無有餘十普受見十
者四十六經諸佛有十種佛事此上諸十經
文繁廣不能具引要者尋檢故抄云至下當
明○疏用周無礙者以佛即體之用周於上

十重無礙之時處疏鈔引證多是用周於處
但恒轉二字中畧言周時無所不通故稱無
礙經云下妙嚴品文疏鈔云總佛身遍別塵
中○鈔佛身無去亦無來下疏云體用無碍
無去來體也現諸土用也亦總身遍總土中

○鈔如第六經者身業用也法界及國土約
處恒字約時又云下亦現相品文意業用也
疏云於染無碍塵中證法而周行故又云佛
演下語業用也如教迹中已明○鈔或現威
儀者梵行品直釋記有十威儀一三業勇猛

名威三業調柔名儀二三業垢障盡魔怨斬
滅名威三業功德覺花榮茂名儀三佛戒智
光來燭名威佛戒慈澤來潤名儀四法門噴
滅名威法海雲開名儀五聖眾悲加名威望
眾悲喜名儀六眾魔驚怖名威諸天恭敬名

儀上雅自利七摧魔名威善化名儀八律儀下燕二利名威攝善名儀九大智益生名威大悲利物名儀十戒海清淨十身名威戒海圓滿萬德名儀○疏相遍無碍者相字平聲呼謂於前無邊用中互相攝而遍也亦應各相攝無碍

野三

十四

言各攝一切業用故或正攝即遍故云無碍問如鈔中母胎一相八相皆具萬德斯圓故云相遍者據此相字應去聲呼耶答若但明八相互遍可作去聲今兼四儀三乘五道等互攝相遍故平聲也其義甚明○鈔如不思

議品下是舉用周也表一坐成正覺故跏者重也謂累足而坐一降伏坐以左押右二吉祥坐以右押左智論云若結加趺坐身安入三昧威德人敬仰如日照天下除睡懶覆心身安不疲懈覺悟亦輕便安坐如龍蟠見盡跏趺坐魔王亦驚怖何況入道人安坐不傾動言今明即此坐中下顯其相遍義也○鈔嵐毘尼下法界品文嵐毘尼者此云勝樂園光昔有天女下生此處因以為名此園在迦維羅城東二十里是摩耶生佛之處言當我

見下則橫豎無窮但是一重之遍屬前用周
無碍今明下方是相遍無碍對前釋此令易
了故言如三十一經者回向品文顯一相具
多法門又離世間品云下正顯一相具八相
也准下疏云初一通顯地位後一總結多門

野三

五

中間八相童子屬王官相或出家屬苦行相
則為所現七相一住天二初生三處王官四
苦行五成正覺六轉法輪七
八涅槃並一相中同時齊現深密難知故名微
細言又上下示三乘即用周也一乘具三明
相遍也五道六塵例此可知○疏寂用無碍

永樂北藏

華嚴懸談會玄記

第一八三册

者前二皆用中自明無碍今於前或一重周
遍之用或互攝相遍之用皆正用時恒寂正
寂時常用故云寂用無碍也○鈔若取義顯
等者無思惟之心而寂用無碍義得成今用
無私隱不偏在寂在用故亦以無方利物而

恒寂則無分別之心也言摩尼下有歸云如
摩尼兩寶天鼓出聲皆無功用任運成就故
言不思議下一切諸佛於一念中是唐經悉
能示現乃至不可思議境界是晉經由其梵
本互闕故今鈔家以義取之其理方足仍以

此文勘晉唐二經亦有數字加減不同但欲令人易解故晉經在三十二卷初唐經在四十六卷初皆不思議品今證即定即用即用即定也又第一經下疏鈔云依法身寂理名寂而不碍化身也現應化色還如法身在此即是在彼不

待往來第四經下證入無生不得嚴刹○鈔無心頓現海印力故者下鈔作三釋謂雖寂用無心下第一意也謂無心頓現是上寂用即當所起所現也彼但無心成事別無所依海印力故一句即當所依能現也正無心成

事時不妨依海印定力故問前鈔云常在三昧為寂即定即用豈非所依定耶答前雖云定但取能入之心今取所入定也或可前以無心為定即別定也今以海印頓現為定即總定也總別異故言又正依下第二意也謂

野三

二六

無心即是海印以為所依頓現之用即是所起二釋雖異同以第三為依第四為起謂正依海印定時歸所依名依即起前寂用無碍所起名起故云無碍則前別此總殊不相濫會解即以攝用歸寂為第三即寂起用為第四是此第二意者殊失抄旨抄云依定起用

是起寂用無碍之用故又此抄文但釋疏中
無心頓現一句疏文舍二意作兩解也非解
兩解也思之不爾寂用無碍豈不依定而起
用耶言賢首品下總證依起也現十法界如
前教迹中明阿脩羅此云非天福力如天無
實天行故摩睺羅伽此云腹行蟒神之類○

疏應即同法者以此宗理智合為真身亦名
法身故云同法所以不言法同應者欲顯身
為教主故下皆例此○鈔吾令此身下引它
經證成即涅槃中意也言第五經下疏云初
句性淨法身言無相者示真如相身即體義

在纏不染出障非淨凡聖必同故云平等次
句出纏法身也真如出煩惱障故云離垢出
所知障故云光明又塵習雙亡故云離垢真
智圓滿故曰光明淨法身揀於在染上二後
半體用無碍約因即止觀雙運故得果則寂

野三

三七

照為身即用之體故寂即體之用故智體用
既無不在佛身何有量耶故能普應十方三第
四句真應無碍第四句正明化用故經云水銀和真金能塗諸
色像智慧與法身處處應現往金如法身水
般若照作真身隨應言光明覺品下疏云上半深隨一

一相稱真無邊即無相故下半廣十蓮華藏
塵數之相無相之相故然以二義故廣一無
限因成故二應根普現故○鈔法界品云下
及妙嚴品下勘經皆現相品文第六經中也
以一毛下鈔出所以也理性融通故言出現

品下疏云一毛含多同類釋以不生則如理
而含言如一毛孔下上釋支分能現此釋支
分能遍即具遍攝二義也言又如來眼下即
不思議法品說一切諸佛有無邊際無障礙
眼於一切法悉能明見等耳鼻等亦然乃至

結云是為如來普遍法界無邊際法言若分
與圓異下反顯以分圓無碍下順明也言又
法界品下上明佛分具圓此明因分具圓雖
有此義然非因果無碍但取分圓義耳或普
賢一毛之分具自普賢及諸菩薩之圓故也

不濫後義○鈔一一毛孔等者謂佛果毛孔
現自因行本生即十二分之一數如大威光
太子數數轉身值佛等言所成事者即十二
分之本事即行菩薩行所成之事也如威光
所成事業等言亦現下自果現它因第六經

眉間出勝因者現相品文也亦現它因又第一經下通現自佗下疏云是力持身能持自它正報神謂妙智變謂現身轉變現俱名爲變皆能持之尚持於它况自事耶若轉變佛身爲菩薩身自也因也變現它菩薩爲佛身

野三

二文

它也果也上寂照集玄解云光明中現過現佛神變即現果也若現未來佛神變即現因也助正意云神變目因光明目果即取神通乃因人修行利物故今以前解爲正既云未來諸佛及諸佛神變豈即因耶第五經下現自

因也第六經下現它因也疏云海慧菩薩能入勝處諸佛身中修淨國故說則自它義異佛心豈有隔耶故稱無礙○鈔如上說因中釋者問既指同前因者因緣何異答前約果德是所顯之法是佛所爲故爲因也今明依

正自目說主故爲緣也故經云下即晉經首品文

華嚴懸談會玄記卷第十三

永樂北藏

華嚴懸談會玄記

第一八三册

華嚴懸談會玄記卷第十四

野四

蒼山再光寺比丘 普瑞 集

○疏九潛入無礙者從五至十前局後寬謂五局全身六具分圓然唯局果七該因果然局於正八又通依然唯局於因果依正九遍

野四

入生界則寬於前十則普該可知○鈔眾生真心下以實教義喻別教義也故勝鬘經者不變即隨緣故不染而染隨緣即不變故染而不染也皆非妄心可擬並云難可了知真心如佛隨緣如入眾生界等言若轉以喻顯

者轉將海波之喻顯實教法方將前法為喻喻別教義故云轉喻若別是一喻喻佛入眾生則一何須轉字也思之言此以眾生下重顯法喻也可知○鈔此以智身等者以智身別義潛入既爾證十身通義理准應然問若融三世間十身是能潛入更何有所潛入眾生耶答全此全彼故言佛身隨化文處蓋多者如云普現一切眾生前而恒處此菩提座又云了知諸世間現形遍一切如此之文遍於一經故云蓋多今要其潛入義顯故引出

現品文疏云大海濔益喻言八十億小州者以四洲中有八十億箇諸小旱灘謂之小洲也言又云衆生下疏中是義引經正云菩薩摩訶薩應知自心心念念有佛成等正覺何以故諸佛如來不離此心成正覺故等即它果

在我之因非約因人自有佛性此文正辨佛菩提故○疏善化天王等者妙嚴品文即化樂天王也疏云樂自變化作諸樂具而自娛樂又但受自化作不犯它故名爲善化小現大一現多無邊品類一毛頓現故○鈔圓通

無礙下先總出意若指相別說下別示其相初總出意中言遮那佛等者全以四法界混融總爲佛身而無能融之者即前總彰大意中法界無不包亦無能所包以無所不具義名爲包也○鈔若指相下別示其相初對全

野四

二

事全理故云全同法身二中初義以真爲一以應爲多此通同教次義唯就應中明一多自有二義初約一即是多言亦以體融者出所以也以一多之應全依真體真體既融應亦融也又即下一應重化多應也故異於前

光明覺文證後義也○鈔即依即正下第三對也亦有二義初義如前因中約體四句處明通同別二教意今取別教義也次義約融三世間說而云等者等衆生世間皆約正故○鈔證法成人者由證無漏法成菩薩等人

故法即人佛既以法為身故人即法也○鈔不離菩提樹下前一多應身明互即此以身約處明相即言既亦下隨緣赴感靡不周而恒處此菩提座故又即此下前約一佛上論今約多佛上論以諸佛如衆燈光互無礙故

自它不定異故○鈔即非情者下有四所以一者同色性故起信論云色性智性無二性故二者以有情佛身作非情河池等故此同前依正無礙中又此身雲作一切器世間等故三非情之法是有情佛體也初約性同次

野四

約相同三約體同體通事體非唯約性也四蘊界入等

若虛空故者三科等情緣生無性同虛空故情即非情○鈔即深即廣下自有二釋初身同空無相故深同空包色相故廣次義合前深廣為廣離廣相故深問明品下疏云初句

總標體深次句分量廣大次句釋上廣後句
釋上深然有三義一約一切衆生即如來藏
更何所入二約理則非即非異故云入無所
入三約心境心冥真境故說爲入若有所入
境智未亡豈得稱入實無所入方爲真入即

廣之深本超言念即深之廣安測其涯出現
品云下疏云虛空周遍喻况周遍十方身言
非至下亦出現文具云非至非不至虛空無
身故疏云由無身故無可至亦以無身無所
不至如色中空空若有身身即質聚便礙於

色如鐵入水水不入鐵今由無身遍入色中
法准喻知言又如虛空下亦出現品義即廣
也等字等取次經云而彼虛空無有分別亦
無戲論即身義也或上云非色亦深義等即
內等故合中經云佛身亦復如是以智光明

普照一切衆生令世出世善根皆得成就廣
也佛身無分別亦無戲論深也又妙嚴品下
疏云初二句遍四法界則十身皆遍言無窮
盡者一出現無盡若高山之出雲二非滅盡
法猶虛空之常住廣也次句由無性故不可

耳為一異俱不俱等深也後句寂無寂相不礙大用故深也內同真性不礙外應群機故廣也○鈔若以佛身上等者菩提願化力四皆化身攝意生身約一往說亦屬化今約此義屬化若如上引配論意通它受用相好身若別

野四

四

配者唯是實報以約無邊相海故今約通義故通化身以三十二相亦相好故福德亦通三身今據一理故唯報化智身義通三者是四智故即理之智故義通三身若取配本佛以大圓鏡平等性智亦本有故唯局法報也

有本云局唯報身以化身但是成所作智所現影像法身是所證理能所別故不取也然餘教三身有所局故不攝十身今約當教有所通故能攝十身○鈔如來身通三身者具前十身故智身亦通三身者具四智故法身



雖通教理行果然皆是法虛空雖通事空理空並是法也故當法身言餘六通法化下法身是衆生身等六身真體性故即法身隨物隨情應現國土等六身故即化身此化身義有異餘宗然上三十五攝各據一理如此配

攝理實二種十身每一各具三身方為盡理
 ○鈔即以無障礙等者此以佛為門全收一切而不妨礙有所說之法化根等若以教為門則未有一法而非教體等○鈔會起信唯識等文者等取對法并地經地論等也一段

鈔文科分為二

野四

五



○鈔功德成滿者疏云因位窮也鈔云已具佛德進同佛位故○鈔於色究竟下疏云果位彰也鈔云現十重報化萬類生彰表果位墮在佛數言一切世間最高大身者急備錄云色究竟天身量一萬六千由旬俱舍頌云色天輪結

那初四增半半北上天倍倍增唯無雲滅五謂色界十七天初四天各半輪結那至第四天方二輪結那此上倍增者謂第五四第六第七十六第八十三十二第九十六第十合減三也則有一百二十是無雲天欲成都數故第十第十二百五第百第六千八百三十一千第七一萬六千然身高七萬六千由旬也自在天身量三萬二

永樂北藏

華嚴懸談會玄記

第一八三册

千由旬十地菩薩為大自在天王身量倍增故故云最高大也○鈔謂一念相應慧者疏云一念始覺至心源時契於本覺又無間道也鈔云始本相應也言無明頓盡名一切種智者疏云無明頓盡顯照諸法名一切種智

又解脫道也根本無分別智也此釋上自報六自利行滿真實成佛不言方所○鈔自然而有下彼科云利它德顯疏云不待功用後得智利他即釋上它報○鈔地論者十地論也現報利益者彼鈔云於此身中二嚴自利功

德圓成欲明因圓處即自利之報也此自報
實身無有方所由義沉隱以因圓顯果滿也
○鈔後報利益者彼鈔云依利報起利它報
故名後報謂依前因圓所顯自利之實報起
自利它後報故又窮未來際故名為後言摩

醯首羅智處生故者清凉釋有二義一摩醯

首羅智自在故即就攝報之身智自在故賢

海龍王降雨時悉能分別數其滴於一念中
悉辨了即其文也又百福莊嚴經云如器界
將成於第四禪降大雨經五中劫不斷水通
三千上至梵世如是而滴大自在天王悉能
得知則智攝廣矣然此四天何以為智處耶以
下天定少四空定多以四禪中定慧均等以

是色界中極故二攝報智滿成種智故約未
為智自在天也攝報居彼天中智度已圓故云攝
但是十地攝報成彼天上成大菩提具足種智故
報智滿後於彼天上成大三菩提具足種智故
為智處然論成佛通說有三寄化顯實在
不可定其時處身相合總中義 ○鈔寄報
十王顯別十地者仁王經說十信菩薩鐵輪

野四

七

王王一閻浮提十住銅輪王王二天下十行
銀輪王王三天下十回向金輪王王四天下
初地閻浮王王百佛土二地切利王王千佛
土三地夜摩王王萬佛土四地兜率王王億
佛土五地化樂王王百億佛土六地它化王

王千億佛土七地初禪王王萬億佛土八地
二禪王王百萬億佛土九地三禪王王千萬
阿僧祇佛土十地菩薩四禪王王不可說不
可說佛土如來法界王王無量佛土說一切
法門彼經有十三法師兼信十四及佛十五
今此唯明十地故言十王○鈔當此天王者
問作此天王但是菩薩云何受佛位耶答即
轉彼菩薩身爲佛身是第十重它報示成佛
真佛成無方所今在彼天有所化故是知天
王身有二種一已實成佛化作天王轉天王

身而作第十種它受用佛身即是能化云即
於彼身示成菩提等此賢首約二者第十地菩
薩未成佛攝報果作此天玉即是所化故云
第十地寄當此王不爾誰是所化此清涼約今
云示成菩提即取初義也○鈔天官抄者窈

照云准慈恩傳洛州天官寺應是此寺法師
所撰鈔也未見其本不敢詳定四智圓滿者
即前釋摩醯首羅智處第二義也然全現行
抄補別說有五義一云以二衆人報化身爲
真佛不信別有聖人然信第四禪是聖人生

處欲令其知八相非真於彼示成也二云由
三灾不及故三云由欲界色界質塵是有無
色界都無色質是無表離有無契中道故四
云以摩醯首羅面有三眼表證三德涅槃故
五云下界慧多定少上界定多慧少表定慧

等四

平等故○鈔唯識即實報成佛者然一節鈔
次諸釋不同或為天官抄文補答前意便為
會釋唯識今詳鈔大科云一會起信唯識即
是大科會釋之文也屬天官抄之餘文殊失
鈔旨或以天官抄亦是指辭曰餘義云云今

作二字即兩點點也即四智圓滿五字連下
唯識是今抄辭亦非正義既無補義引之何
為即下五字憑何而起無所繫屬故今詳即
下五字是天官抄補第二答唯識已下即是
疏主對賢首起信會釋唯識義也然有問云

唯識之中以為實報今釋起信何為它報耶
故此會也三段如科言唯識即實報成者唯
識第七云謂諸異生求佛果者定色界後引
生無漏彼必生在淨居天上大自在宮得菩
提故彼疏云頓悟異生至八地要生第四禪

得勝身已方受變易身故大自在天宮者謂
淨居天上有實淨土即自受用身於彼初起
證等據此即實報身也○鈔唯識為引下問
彼既它報唯識諸師何為實報耶答以二乘
人取菩提樹下三十四心斷結成佛者為實

野

九

報今唯識為引攝二乘令知彼取非真故且
權指此為實報也○鈔今抄據二文之意者
或起信地論為二或起信唯識為二有以賢
首天宮為二者非也天宮但釋賢首之餘文
同賢首為一文也言十地經通云得一切世

永樂北藏

華嚴懸談會玄記

第一八三冊

間最高大身故十地論科為菩薩盡即第十
地疏云色形中最大故云高大故今解但是
十地攝報十地疏云酬因名報示成菩提非
實果佛現它報身以此經云以攝報多作此
天王亦不必作何定彼天成佛故云約攝報
說又攝居彼天智度已圓縱於彼天得成菩
提具足種智亦是於十地攝報之身得也評
曰上釋色究竟三師有異賢首是它報慈恩
是實報清涼是十地攝報唯識三亦爾起信
例應然○鈔十事功德者涅槃二十四說一

供養功德二轉法輪功德三受持功德四修行二利功德五成熟衆生功德六承事功德七淨土功德八不離功德九利益功德十成正覺功德准此則是第七功德也言悉皆平等者諸佛所變純無漏故皆稱性故言非但

我今者即諸佛化身如衆燈光不相障礙隨諸衆生各見不同○鈔鶻崛摩羅此云指鬘經有四卷初卷中明舍衛城北有村名薩那有一貧窮婆羅門女名跋陀羅女生一子名一切世間現少失其父厥年十二聰明慧辨

復有異村名婆羅訶私有一舊住婆羅門師名摩尼跋陀羅下取世間現從其受學師受王請留其守舍師婦年少染心逼之世間現不受其師婦自懸毀害師婦言世間現強逼師言汝已爲惡當殺千人可滅汝罪即殺千

野

十

人還歸見師師怪其存又令殺千人各取一指作鬘首冠唯欠一人母爲送食便欲害母世尊現前捨母趣佛爲佛所降廣顯深妙具如彼說言不言嚴淨華藏等者五段會教皆應說之○鈔通梵網等者等取仁王經也仁

王受持品云爾時月光心念口言見釋迦牟尼佛現無量神力亦見千花臺上寶滿佛是一切佛化身主此應是舍那以舊翻為淨寶滿即淨花也復見千花葉世界上佛其中諸佛各各諸般若波羅密此與鈔引梵網偈同但所說法異也言周匝千花上復現千

釋迦者千葉中每一葉是一大千世界一尊千文化身所王總有千尊千文釋迦每一大千界有百億閻浮提每一閻浮有一釋迦是小化身則有千箇百億釋迦也言本源盧舍那者以第二重它報是千箇大化及一千箇

百億小化之源故言亦不言下約文總揀也此經述下舉况別揀也即十定品云此菩薩摩訶薩有一蓮華其華廣大盡十方際以不可說葉莊嚴等此是等覺菩薩蓮華以位中普賢即等覺故言十地菩薩之花等者即十

地品但語其量不言葉數經云其最後三昧名受一切智職位此三昧現前有大蓮華忽然出生其華廣大量等百萬三千大千世界以眾妙寶間錯莊嚴乃至十三大千世界微塵數蓮花以為眷屬爾時菩薩坐此花座

身相大小正相稱可等言况如来耶者等覺
 十地之劣尚爾况如来之勝蓮華止千葉耶
 明知下定義也初定所為之機二地戒度圓
 故以初地下定能為之佛此以義說若經中
 言初地百葉二地千葉等但云得百三昧

得身百佛百佛身能動百佛世界能過百
 佛世界能照百佛世界能教化百世界衆生
 能住壽百劫能知前後際各百劫事能入百
 法明門示現百身於一身能示現百菩薩
 以為眷屬初地既余二地至十地但增倍數非有上事也今以諸事

例知初地百葉華二地見千葉花等也然此
 所引鈔文有數字傳寫差悞如三地應云百
 千葉鈔云八地應云百萬三千大千世界微
 塵數鈔云九地應云百萬阿僧祇鈔云百
 言猶是畧說者今以十地攝報果得不可說

等葉望上所引受職中尚是畧說爾明知梵
 網攝二地也○鈔若直說下此中總有三例
 配釋初三大直配三身次依賢首體相二大
 為法身用大開報化然報唯它報三清涼相
 大亦是自報身用中二義初縱成它報後奪

亦唯化大意如此對詳可了初後清涼義言中是賢首義言

隨勝業約自體大用等者謂報化二隨機緣

勝業現簾細二用也隨地上機現細用即報

身隨地前機現簾用即化身也有本云隨染

業幻者彼鈔云隨所化衆生染緣起利它之

對四

三

業幻作六根境界等言體相二大俱名法身

者以此宗如外無智不立自報唯一法身也

然清涼約真報故相大為報身也○鈔揀濫

者為揀權外立實濫於會權立實也汎言三

身隨根約教權也體即十身何定權耶汎言

十身約教對它實也何礙三身豐定實耶或

可約全揀故三身權也約全收故三身即實

若一向揀權立實故失圓融宗也上皆隨義

會之就佛自體孰可思議○鈔一此三昧是

法體等者十住鈔云一是所證法體欲說此

法要須心冥此體二揀異未證之人亦許比

量心合法故則是生滅下即淨名經彼疏云實相幽

玄妙絕常境非有心之所知非辯者之能言如何以生滅心行而欲說云乎三絕

思方說亦通未證明要亡心方能契上所證

法體之義也言前約顯實此約遮過者二師

異釋若察照云前即第一約直顯所證之德
 此二三兩義皆約遮過同有非字故若指玄
 則云此唯揀別二及三也以同有非字似重
 繁無別之過故遍辨耳前第二來顯此三遮
 顯故不重也初義易知不須辨別無非字故

野四

十三

後釋為正言然上三義下以絕思量故證證
 則契於法體故云後後釋於前前然上三義
 即十地論意也四觀根審法下十住鈔云觀
 根則識病所宜審法則知藥功力不觀人根
 不應說法不審而說理事或乖應病與藥則

得眼行五散心不能堪任諸佛加故言因緣
 知合者是入定之因緣和合方能入定從定
 而起方可說故言六成軌儀者十住抄云菩
 薩常定但為物執菩薩將說尚須入定况凡
 天耶○鈔今疏含具者上懸釋疏意此下方

消疏文言含前四意標也靜者離思量第三鑒者

證第二義法體第一靜鑒前理觀機審法也

第四也上依指玄若察照云靜鑒前理一句唯

含三意并前示軌後徒即第六意為含四意

靜者離思量也第三意鑑者證法體也第三意此

證也靜鑿前理觀機審法也前字無機故四第
若意但言前則觀根也以前字含二義法也
無根謂兩無故即第四意其第二意自在下
文二釋之中寂照為正鈔文隔斷甚分明故
若指玄意分離鈔文似穿鑿也然指玄破云
寂照前四有第六者難用前字今以鈔文大
段之前非六中之前也又破云抄別牒靜鑑
前理一句如何含得第六義耶以第六在於
物執句者今詳雖別牒一句而示執一意在
前已釋故無前段為四意也智者詳之○鈔

言佛加可知者即第五意易故不釋○鈔非
證不說者并照即第二意指玄反結第二意
不是正配第二今詳前二正文是非證不說
今抄亦云非證不說何有反結義耶若以抄
有亦字為非正配者非是前文已配今又配
野之為亦以對下進顯一義之亦故云亦也以
兩句疏文含二義故抄作兩釋故云亦也指
玄又以申二解故非正配者前靜鑑二字兩
用何亦正配思之○鈔第一會下具云入一
切諸佛毘盧遮那如來藏身三昧言普賢入

者以說普法故顯佛普德唯普賢故心冥於境故稱為入毘盧遮那者此云廣大生息慈悲無邊故廣智慧無上故大生相已盡故云生息涅槃云離有常住故名如來萬德含攝是謂藏身即出纏之法身也三昧此云等持遠離沈掉平等持心趣一境故又云正受不受諸受名為正受又云正思瑜伽云謂於所緣審正觀察心一境性故則無正不正亡思之思但為引於邪念又不同於虛空無思強號為正思故若以光明遍照解者毘盧遮那

即能觀大智如來藏身即所觀深理凡雖理有佛智方照又毘盧遮那亦通本有真實識知遍照法界義故斯即本覺迷而不知不得其用唯佛覺此能無不為故云一切諸佛揀非凡及因也顯於依正離如來藏無別自體故入此也野四○鈔第三會下法慧入者是眾首故顯十住法慧能說故慧住深理寄圓說十心詣於法云入揀異果定故云菩薩任性能知觀解善巧故名方便十住各攝多門善巧故云無量心○鈔第四會下表

第一會說所信依正故也

主

說十行衆德建立故揀因異果故曰菩薩下
思准巧順理事揀擇無礙無心成事名善思惟
 ○鈔五金剛幢下表歸向高出等故智即是
 體謂根本智光有三義一智光前相如明得
 定等此約寄位在賢終故二光即根本智用
 對治無明故三光即後得智了所緣故二智
 無礙朗照法界故此約金剛幢自體釋之○
 鈔六金剛藏下表地智善根堅實能壞一切
 難壞煩惱有堅利義如金剛故含攝衆德出
 生因果名藏智慧是體光明就用照二無我

證如名慧照事名智此二無礙見道能破見
 惑乃至十地斷無明故名曰光明大有二義
 一揀異凡小地前菩薩故名爲大二能斷大
 惑證大理成大果故名爲大前對它名大
 與理冥云入有本鈔畧無大字○鈔七如來
 自住下此會等覺上同佛位與妙覺同會故
 佛自入住即入義經云入刹那際諸佛三昧
 故即窮真原謂時之極促曰刹那窮彼刹那
 時相都寂無際之際名刹那際此就能入佛
 釋所以此中特名刹那際者爲顯將說等覺

位故菩薩地盡唯有果累變易生死生相未
 寂猶名識藏尚有刹那若以無間智覺心初
 起心無初相遠離微細念故即無刹那名利
 那際此是等覺言諸佛者若入此際即見心
 性常住名究竟覺故云諸佛三昧此會亦說

野四

六

妙覺故○鈔八普賢入者是會主故說普行
 故佛華嚴者萬行披敷嚴法身故即以法界
 行門心海為體三昧者理智無二交徹鎔融
 彼此俱亡能所斯絕故經說二千行具因果
 故○鈔九如來下表證法界唯佛窮故以定

業用從喻為名展舒四體通暢之狀即用之
 體寂而造極則差別萬殊無非法界即體之
 用不為而普周故小大相參緣起而無盡故
 曰頓申自在之義前已具引○鈔未入位下以十
 信位性不定故猶如輕毛於資糧等五位之
 中未入正信故言說世間法者有二師義助
 正約餘教說人天因果尚須入定况此經十
 信耶寂照則約此經然有二義一約行布三
 賢有漏比觀是外凡名世間故夜摩偈讚鈔
 云地前名世間登地為出世故以况圓融十

信為出世信該果海故下鈔云約相名世間約性為出世故二云初會世界成就等說眾生業力所感世界及華藏中雜染眾生所居末刹有漏世間尚須入定况十信中得灌頂而昇位等甚深法門耶三釋隨取但顯文缺

野四

七

漏耳○疏有不入者至文當辨者名號品疏問云云何不入定答以未入位性未定故若爾後十定等豈散善耶然說法之儀通有四句一定後說如諸會二說後定如說無量義經已入無量義處三昧三定中說如第九會

永樂北藏

華嚴懸談會玄記

第一八三册

無出言故表唯證智能說一得永常不礙起用故四不入說如此信中及第七會諸文非一第七為表常在定故又入為受加彼不須加故說後入者說在行故將起行故是故動寂唯物聖無常規鈔折向說唯向○鈔故下

十信不入義也

經云者即光明覺品如真應無礙中已釋但此要無相不礙相義與前不同以經含多義故○鈔十地經云下下疏云證窮性相初半偈證體無相次半偈起用相也合上二無相不礙相次半偈用不離體相即無相後半偈

體用泯絕以無相之義亦不當情若見無相
 可得亦是有相以不能亡情境牽心故豈是
 真無相耶真實無相空容情擬哉○鈔如說
 法華等者彼經云入於無量義處三昧身心
 不動是時天雨曼陀羅華而散佛上即雨普
花也

佛世界六種震動即動地也爾時佛放眉間白毫
 相光照東方萬八千佛土等即放光也○鈔將說
 涅槃下即聲與光遍告也經云臨涅槃時出
 大音聲其聲遍滿乃至有頂普告衆生如來
 今日將欲涅槃一切衆生若有疑者今悉可

問為最後問又於口放衆光遍照三千大千
 世界遇者滅垢啼集雙樹彼疏云面門放光
 多為授記下說衆生皆有佛性悉當作佛即
 普授記○鈔如說般若下經云出廣長舌放
 無量雜色光一一光中現寶蓮華千葉金色

野四

大

嚴麗鮮馨花臺各有化佛說般若遍十方十
 殞伽沙世界等○鈔六種震動者謂動遍動
 普遍動起踴震吼擊各如上三相疏云搖颯
 不安曰動自下漸高日起忽然騰舉為踴隱
 隱出音為震雄聲郁遏曰吼砰磕發響曰擊

唯一方動直爾名動四方動名遍動八方動
名普遍動起等准知六中前三是形後三是
聲各舉初一故云震動勝天王梵天經說所
爲有七一令諸魔怖故二爲說法時大衆心
散亂故三令放逸者生覺知故四令衆知法

相故五令衆生觀說法處故六令成熟者得
解脫故七令隨順問正法義故若約心地聖
賢地法性地亦有震動等義可以虛求○鈔
花雲香雲等下疏云然諸供養具皆稱雲者
乃有多義謂色相顯然智攬無性從法性空

無生法起能現所現迥無所依應用而來
無所從用謝而去去無所至而能含慈潤
法雨益萬物重重無礙有雲像焉○鈔現相
品五相者一函門光相召十方衆二眉間光
相示說法主三振動刹網以警機四佛前現

野四

九

花表說依報五白毫出衆表教從佛流○鈔
加於妙德者即如來性起妙德菩薩也下疏
云所以加此菩薩者如名所顯故性有二義
一種性義因所起故二法性義若真若應皆
此生故亦有釋云此云妙德即是文殊說此

法門加性起稱此釋無違大理以文殊大智
 為能顯普賢法界為所顯共成遮那之出現
 故亦是解行滿故佛出現行也○鈔白毫光
 明者白為衆色之本毫即毛也依觀佛三昧
 經太子初生時舒長長五尺樹下之時舒長一丈四尺五寸成佛

已後長一丈五尺色如珂雪皎潔分明故○
 鈔初面門等者疏云面門即口言衆齒故表
 教道遐舒即教智光故言從佛口生者法華
 云從佛口生從法化生得佛法分故上表教遍此表
 張言總處者口為說法處一切法門總從此

演故又表下約齒義明吐約等者等取齒有
 四十問故○鈔通表一乘下以初會是總明九會皆然云通
 於體不計有無二邊於義不着常無常等諸
 法相邊於行不習苦樂二邊斷見計樂行常見計苦行
 道不住邪正二邊正因邪說無邪正不立故

於人不執因果交徹故於教不說世出世二
 邊相待立故於諦不見真俗二邊二諦非一
 非異故於化不定權實二邊權實相即故故
 佛於肩間放光也○鈔為行本者智論云身
 得住者皆由於足言信該果海下輪者圓無

缺故○鈔足指安住者足指拒地得住有力
成位不退而行有恒○鈔依行故者足上謂
跌背行必動故背依輪指得有用故表行信
解而成用故○鈔膝輪等者位漸高故又表
回因向果等有屈伸進退之相故又悲智相

野

干

導屈伸無住故大智照極令稱法界故伸雖
廣化衆生而自智居懷故屈雖智居懷而今
悲無緣故伸雖悲用外施而令智不沉寤故
屈又悲智相導故或屈或伸皆不離身並向
實際故無住○鈔出現下表證道離有無二

邊無住道雖真應二邊白毫表所出現性無
垢故能詮出現諸教本故入如來性起妙德
菩薩頂中令請法故○鈔又口放光下表教
道傳通故入普賢口中教以傳故如佛說故
○鈔第八會下由二千行依前六會修因契
果之法生智解之光方成行故不須放光或
經文缺畧故無也○鈔表證等者令尋智光
為能證故表即法界中道無漏正智方能證
故言廣如下疏者即今所引者也○鈔揀同
異者若約起後是同以為教緣若約慶前是

異不為教緣今取其同不取其異言說此等者疏云如來現相顯說無功用行無動之動難思議故特此現通今義兼起九地法門故為緣也○鈔然法有四種下且就一相說教理無廢興行果有廢興理實四皆約法無廢

野四

主

興就人有廢興何者由人弘故教法流行由人修行理法彰顯行果亦許性具故前疏云目果眾生性有又起信說法性本無慳貪等為六行故又以三大三身是本有果故○鈔今取傳化者心鏡鈔速公涅槃云由比丘不

知審藏懈怠懶惰不能讀誦亦不為它宣揚分別是如來法將滅盡相經用涅槃○鈔即第十六下須彌偈讚品文也本疏云閻中寶者正因佛性也圓明可貴所以稱寶居於無明五蔭室內如在闇中燈喻緣了之因下半法

合無人說者闕於緣因雖慧莫了義含二意一本有慧即正因合上寶也闕於善友緣因故不能了二佛法即寶以闕善友緣因雖有修生微劣慧眼不成了因不見真性此則喻中缺眼○疏今此能說通三世間者問前說主融三

世間與此說人何別答前則佛爲教主無法非佛雖舉佛身全收一切仍是教主爲門今約能說乃通一切不必爲教主與前體雖是同而義各異問正覺與衆生可名說人而器界等何名說人答菩提樹乃至四大微塵恒演法門如正覺及衆生故得名人也○鈔爲三乘者然據前後所辨智正覺或局佛以普賢等望主佛亦衆生世間攝故或普賢等亦智正覺攝以望衆生說故今通三乘聖人皆正智覺者以佛菩薩聲聞各證自菩提故凡

夫未證故唯衆生攝也然又大乘分二謂因與果緣覺攝在聲聞之中亦三乘故

華嚴懸談會玄記卷第十四

攝

三

永樂北藏

華嚴懸談會玄記

第一八三册

華嚴懸談會玄記卷第十二

野五

蒼山再光寺比丘 普瑞 集

跡普賢行品云等者下疏云一頌知四種說法而刹說等者畧有三義一約通力二約融通一說一切說故三約顯理是說菩薩觸境皆了

野五

知故則觸類成教如香飯等鈔中云即三世間及時為四若時分三世則成六種若於三世各三世間則有九種總一切說即是十義○鈔有情者下佛名有情雖無情愛等而有情愛識純無漏故○鈔上之七下問下明三

世佛說等者則但是上之七種何有十耶若於七外唯取三世并上七種開十之義則成為復三世說義云何答若不言三世但為上七一時之間可有說義今盡於三世中取上七種皆恒說故則別為七總為三時中取法

於義異故○鈔三俱融者疏云人法同一緣起隨義相分融攝無二四俱泯者謂平等果海離於言數緣起性相俱不可得若爾何有說義答令當根解俱泯之義已名為說五無障礙者謂合前四句於彼人法一異無障存

亡無礙自在圓融故○鈔初門十等者一事
 法界謂十重居宅等二理法界者謂一味湛
 然等三境法界所知分齊等四行法界悲智
 深廣等五體法界謂寂滅無生等六用法界
 謂勝通自在等七順法界謂六度正行等八

逆法界謂五熱無厭等九教法界謂所聞言
 說等十義法界謂所詮音趣等此十法門同
 一緣起無礙鎔融一具一切○鈔人法界等
 者疏云此十並緣起相分參而不雜善財見
 已便入法界故名人法界○鈔外道者即遍

行外道也餘皆可知○鈔百一十城者即善
 財所經之處問今此說友何舉城耶答下疏
 云有二義一者友必依城則一城一友二者
 於一城值於多友或求一友歷於多城而要
 一百一十以順表法故表法如前然此一百一十

野三

二

善友諸說不同一云理應具有但文脫漏二
 賢首前後諸友總五十四分出德生有德為
 二則五十五人各有自分勝進故有一百一
 十判定破云經言一百一十已方至彌勒彌
 勒等三非一百一十之數明矣三判定解云

成數十耳實唯一百八人謂此前除遍友但
五十一人各有主伴成百二人遍友指示衆
藝雖非主友而是伴友爲一百三更加無厭
足王處空天瞿波處無憂德神摩耶處蓮華
法德身衆身及妙光明神守護法堂善眼羅
刹合前總有一百八以空天等相問答故得
在友數非前主友稱名指示故非主友但名
伴友清涼破云若爾違下餘城之言下自釋
云前至童子童女已經一百一十今更後文
殊所故云餘也謂若此爲百八加慈氏尚始

百九并後文殊方至一十何有餘耶上并四
清涼會釋云若會通者三釋皆得一種取更
加不動優婆夷處覺悟菩薩如來天使足成
一百一十則餘亦成以彼二聖亦教善財故
得爲伴友○鈔三千知識者再見文殊已後
野五
即見三千大千世界微塵數善知識皆親近
受法修習成熟斷障證真等○疏聲聞說者
即舍利佛爲六千比丘廣歎文殊十德等○
鈔經云等者妙嚴品文也疏云以如如力則
智演法音音還如性故無盡極廣多故無盡

豎長故無極無間故稱恒○鈔師子座說下亦妙嚴品文也疏云人中師子處之又說無畏之法得法空者何所畏哉說即教從法空所流問此等無情而得說者貞元疏云畧有四意一業用佛菩薩力故二德相法爾能如是故三顯法則常是說四性融以性力故一無不具是故一說即一切說以性從相有說不說會相歸性都無所說以性融相一說一切說無說無不說若約觀心但隨自心有說不說○鈔善慧地云下以居大法師位故能

演法自在○疏畧有十類者妙嚴品疏一影響衆諸佛菩薩爲主伴如影之隨形響之應聲二常隨衆如普賢等作輔翼三守護衆如執金剛神等諸佛住處常勤護故四嚴會衆如道場神等常爲嚴淨佛宮殿故五供養衆如偈讚法供華幢財供等六發起衆如解脫月等諸請難者七當根衆且言即時在會者若准根感通現未來根八表法衆十首表信十林表行等及座出菩薩等顯容持故亦通表萬行俱成佛故九證法衆證法佛菩薩等

證說不虛故十顯法衆如聲聞顯法不共除
當機是因中機感以親能起教故爲因餘九
非正是所化踈能起教名爲緣○鈔列子云
等者操七到夫音勤彼文有少加減此云必
得之彼云必遊野五泰之陰者彼云遊泰山之陰
善得其意又

音曲每奏彼云曲每奏貴令易解耳夫志想
象猶吾心也者彼注云言心闇合與已無異
○鈔文選等者即司馬遷報任少卿書具云
蓋鍾子期死伯牙終身不復鼓琴何則士爲
知己者用女爲悅已者容若僕大質之虧缺

矣雖才懷隨和行若由夷終不可以爲榮適
足以見笑而自點耳○疏然唯約說者下唯
約能說所有智慧等則前依說人是總體此
依德本是別法問何不依教主之德答教主
之德是果德故當行人所求是經所詮故屬
說因也問說者前人此法而俱是經教主是
人宿因行願是別法何故人屬說緣法屬說
因答以宿因故令佛出世宿因勝故屬因令
說者別法迺是助佛說教踈故爲緣也○疏
智慧最爲首者爲人說法若非智慧明了何

以說耶故為最勝問智既最勝何不別開三
 昧亦是說人別法何以別開答智由三昧深
 照所緣親冥法性外感諸佛三業加被有此
 勝能故別開明從定起已對根說法智慧最
 勝并餘行願並為德本餘行願者此一餘言

野五

五

而有二意一前智慧之餘以非最勝故二化
 主行願之餘以非根本有力故○疏若感者
 善根下揀疑濫也前疏云所修諸善根力恐
 濫相感中善根望所說教有力親故為因此
 德本中善根非正有力起教踈故為緣又前

疏云汝修一切諸行願力恐濫化主行願故
 此揀也智慧無濫故不揀之問顯果德中正
 果彰地位中果位與緣中依主及加者何別
 而分因緣不同耶答果德乃當根所求此是
 別義地位則行人所歷是其總義總別既異
 所以分之此所詮義望能詮教親故為因依
 主但遮那一佛故別望根心上起教但增上
 緣故加者通十方佛故總是以分之加者與
 說人之力展轉更踈故並為緣○鈔五性通
 馬者論語疏引白虎通云五性者何謂仁義

禮智信也仁者好生愛人義者宜也斷決得中禮者履也履道成文智者知也於事見微知著信者誠也專一不移也紫玉精歌者不知所出今引意者有云稱其風雲水山四德悽悽者風之德溶溶者雲之德潺潺者水之

德蒼蒼者山之德今詳四德皆顯玉之德釋疏中山有玉而滋潤之義以况說者內有德本方能說故○疏現相品當辨者疏鈔云請有二種一言請二念請答亦二種一言答二示現答交絡相望應有九句一言請言答即

第一會中三昧品內以言重請下之三品亦以言答及第八會普賢二百四十一二言請示相答三言請言及示相答四念請言答五念請示相答即第九會顯以心傳心唯證相應離言說故又令目繫而自證故海會念請如來入定示相答也

野五

六

六念請言及示相答如第二會海會念請佛示相答菩薩言答佛心自在不待興言佛力殊勝現相能答七言念請言答八言念請示相答九言念請言及示相答如第一會現相品長行念請共聲言請初光示法主現華表

義現衆表教即示相答在文唯四約義有九
故云諸會有無然其有無所以者初二後二
有問中間五會無問下疏云初會標果起因
故問第二尋因至果故問但因有差別寄六
會以答之果無差別第七當會答也然諸會

更有問者並當會別義以總收之或重明於
前非大位問第八會因果純熟故須有問謂
脩行無礙六位頓成故當會答第九會明稱
性因果故別有問謂俱入法界無差別故亦
當會答四處都有三百一十句問爲初及第

二各四十問第八二百第九三十中本廣本
問則難思問大衆同請豈無當根又如來請
爲此攝否答當根善根即是因收以內有根
外陳言請義相稍踈故在緣收如來請者疏
云不以常口求請而以云臺發言不以常身

野五

七

展敬而以光業代者爲不輕尊位故要復請
者爲重法故光臺說偈請名爲加請復是教
主上別義故請人中攝約與說者之力即是
加者十地疏說前加分中遮那但意加今具
身口故復重加或以加從請但請者中攝故

彼疏云因加勸說目之為請加即是請故云
 加請○鈔民罔常懷等者彼注云民所歸無
 常以仁政為常鬼神不保一人能誠信者則
 享其祀故以下文中下即十住品疏云謂無
 作三昧顯自覺智寤不失照同契佛心故現
 三業加也○疏然佛若等者僧祇隨好皆佛
 自說不待加故如第七會其中除上二品餘
 品普賢等說要假佛加仍是冥加無顯加有
 云第九會者誤書也言第八會下說所成行依前六會
 之法而修前六既已有加此不異前故畧無

加或可畧故無加別為一義經文缺畧也言
 二七等者第二會不入定無有加言七字亦
 誤書應是九字下疏云普光法界無顯有冥
 故以第九會佛雖入定菩薩不入而普賢文
 殊二聖開發皆云承佛神力故有冥加而無
 顯加已上二七八九之四會約無顯加故云
 無加也○鈔皆與智勸說者與智故意同勸
 說故說同也○鈔上顯通方下既此方說與
 十方佛同說故知是通方之法此一人說即
 是一切佛說顯圓融無礙之教也○鈔故十

永樂北藏

華嚴懸談會玄記

第一八三册

地經云下上二句云一切佛神力咸來入我身論釋云下全是論文下疏云若直望論意即指義大爲果分故不可說說大爲因分是則可說更以義取畧有二種一唯就十地以明以證智爲果分方便寄法等爲因分此復

野五

八

二義一以修證相對則方便造修爲因分息修契實爲果分二以詮表相對則以守法顯地差別爲因分真實證智爲果分二約究竟佛果對普賢因說義通一部謂即此證智冥同究竟果海爲果分如迹處之空不異太虛

地相之因同普賢因以廣說則有無量差別事以勝願力復過於此故是則迹處之空隨於空處之迹亦有說地智亦可寄言標舉故○疏若爾僧祇等者若諸佛同加即同說及一說一切說佛不說顯果海無言加菩薩說表因相可說爾僧祇隨好二品皆佛自說應非一切佛通方之法亦非一說即一切說亦應表果海可說因相不可說此上躡跡相翻例難也○鈔對前同說等者以初意答前二難僧祇微細隨好難知故佛自說或可僧祇

難知下位難知故隨好微細法深益勝故或
 可雙通二品鈔各舉一隅耳言僧祇數量重
 重者疏云是圓教所明深廣無涯唯佛方測
 不同凡小所知如黃帝算法但有二十三數
 始從一二終至正載謂一至十為十火有十
 三數謂十十為百十百
野五已說天地不容小乘
為千十千為萬火億兆六十已至無數此有百二十四倍倍變之故
京師埃壤洞正載是也非餘測故數終寄不可說况復偈初更積不
 可說歷諸塵刹以顯無盡所以佛自答者正
 表難思故此與今初意同又明此品統語因位終德

故佛說之此等竟位故云終隨好光明者下
 疏云佛自說者有二意故一僧祇因終此品
 果終二品說果故二皆佛說二好用劣相下足
 一而用難思三重恐物不信故佛自說初意
 一表後意即今初意○鈔超出因果下後意答後一難
 若一向加菩薩說則說與不說二相定然今
 以相待意答○鈔如鳥跡同者地經云如空
 中鳥跡難說難可示○鈔約表小異者由法
 理微隱故託事以表彰應知大意必均何得
 觸途生滯○疏加有二種者下疏問云加之

與定何先何後若先定後加則不應言汝能入是三昧此是諸佛共加於汝若先加後定則不應在三昧分後又散心不能受加古人通云加定一時難云為因不成不同俱有因義加定可分故示正義云加有二種謂冥與

顯冥加在定前加令得定顯加在定後要得定方堪受加故○鈔然意與智等者廣鈔第一云由身語表意亦成顯加也冥唯與智者意加為冥無身語顯時與顯具三業不同○鈔二七兩會等者二會如前第七會佛入

定普賢等說主不入定說十定品等皆承佛威力故唯冥加○鈔第八會下問前釋入定為受佛加今第八會普賢既入定何無佛加故此縱答也以缺佛加一分經文故但有下唯有一分發起作用經文經云入此三昧時

野五

十

十方一切世界六種十八相動出大音聲靡不皆聞疏云動地警群根故出聲令聞法故前諸會表解可從它得故有它加此表行由已立故自力發起又表行依解起無別法故無顯加問既無加何須入定答攝解成行亦

須入定是故聖旨多端不可一准○鈔法界品下釋法界品無顯有冥然有二義初顯無以是如來自說非唯無顯亦無冥加故二普賢文殊下顯有冥加即如來入師子頻呻三昧已次下普賢開發文殊述德是也有本云

第七普賢第二文殊者悞也此由後人不曉鈔意悞有改作次前已說由二七不入定等是也今何復云又此釋法界無顯有冥既如來自入三昧不可有冥加豈成釋疏耶故知此示下開發述德經中皆言承力故是法界品中無顯

有冥義也○鈔以如來下佛有力能與有慈能普常有冥加即是通義伸未入定緣缺無顯加即是別義上釋前冥即未必有顯○鈔顯加之時下釋上顯必有於冥也顯加之時是別義冥常不捨即是通義此恒加也○鈔

有多義門下如隨經疏會說之故云隨文具顯也○鈔各以異名揀之者謂世親攝論無性攝論梁攝論○鈔即十勝相者謂應知依止勝相體即阿賴耶識相也二應知相勝相體即依因計二自性三應知入勝相體即唯識性也四應知彼入因果勝相

體即六波羅蜜五應知彼修差別勝相體即十地六應知

修差別中增上戒勝相體即七地七應知增

上心勝相體即三摩地八應知增上慧勝相體即

無分別智九應知果斷勝相體即十地十應知果

智勝相佛三身故故鈔云等十相皆言應知

者即理事等法皆應知也皆言勝相皆以能說主所

說法皆殊勝故或能所詮皆勝故然此十

勝相即正標論中所釋義也非該二三藏

義○鈔疏家轉將者攝論及莊嚴論釋藏

者攝義疏轉釋云攝者包含義故標云藏

者以含攝故○疏正翻為線等者探玄記

第一云正翻名線何故稱經謂線能貫花

經能持緯義用相似但以此方重於經名

不貴線稱是故翻譯逐其所重廢線存經

唯識疏亦云線華與旨等則知先古諸德

多同此譯故次鈔云此中總舉先古諸德

不唯賢首一師○疏五印度者梵語也一

切經音義云天竺者相承音竺准梵聲合云

篤也古云身篤或云賢且新云印度皆訛傳

也正云印特迦羅此翻云月也彼方月有千

名斯乃一稱如此土蟾蜍桂影等也西域記云良以彼土佛日既隱賢聖挺生相續開導如月照臨故以彼國而得此名○鈇有三失下一經是敵對言非敵對故失二契字是義不是名而以爲名故失三三歲十二分各有

野五

十二

兩重總別但分一重故以修多羅爲別名非總名故失○鈇既無欲底下結難也既梵語中無欲底二字但云修多羅明知名中本無契字○鈇集起下即第八識集諸種子起現行故詎者何也○鈇判定記文猶似難見者

永樂北藏

華嚴懸談會玄記

第一八三册

以彼將歲與部合說似覺文難故清涼爲釋分歲部別各分兩重義即易見○鈇雖標總稱即受別名者如云第一契經歲對三歲言但是一歲故別對餘二歲亦有貫穿所應說義攝持所化生故即修多羅却得總名以用

貫攝二字釋修多羅名故十二部中修多羅總別准知○鈇若不通者結難也言契理合機者以契理釋前貫字合機釋前攝字非以契字爲修多羅名也○鈇今謂下清涼自釋也亦是破判定之義然三歲中但有一重總

別十二分中却有二重總別皆破判定各於後重總別中各有一失初約十二部中後重以通為局失謂十二部中修多羅本通自餘十一部及於三藏故涅槃云佛說十二部經出修多羅等故知十二部中修多羅為本而

野五

主

彼局唯通自十一部不通三藏故有此失其判定所立總別亦不得成何者總則不該三藏總不成也別則本通餘三藏對彼名別而汝不通別不成也後約三藏中後重以局為通失以三藏中修多羅唯通當藏十二部不

通餘二藏故局而判定却通餘二藏故有此失其總別亦不成也以依十二部中部帙分成三藏故三藏中各有十二分一代時教總分為十二分如十二味香分為三藏如香分為三九三藏中各有十二分如三九中各有

十二味今修多羅藏唯通當藏中十二分如第一九自通當九中十二味由部帙各別故不通餘二藏如第一九不通餘二九故三藏中無第二重總別問餘二藏中有契合義否答雖有屬總十二分中修多羅分通之問修

多羅藏從總十二分中分之通當藏中十二分餘二藏亦從總十二分中分之何不亦通當藏中十二分答以名中云修多羅藏故餘二藏不例問修多羅皆通當藏中十二分應復是一重總別答若欲作十二分中總別今

以修多羅藏通之故義不成欲作三藏中總別又不通餘二藏故不更為一重總別問三藏中各以修多羅分通各自當藏中餘十分更作一重總別復有何妨答前以總十二分中修多羅一分通總十二分中餘十一分

竟義已通盡何須更說問三藏不出總十二分既前已通十一分何要更通三藏答一代時教大分為二一十二分者義類別故二三藏者部帙異故皆通之○鈔破於遠公三修多羅者次下當引○鈔初全縱者約名敵

野五

西

翻則四名皆敵而古德以言線為敵言經非敵則古德之義如其所破○鈔二半奪也者若約義翻一敵三非而判定但言經線皆敵不言敵是聖教故半奪也○鈔今引音者下即本論假修多羅名欲揀盡濫釋論云聖教

明知是翻譯修多羅為聖教也○鈔儒即儒教等者莊子疏云昔有鄭人名綏學於求氏之地三年執成而化為儒儒者祖述堯舜憲章文武行仁義之道辨尊卑之位故謂之儒也而綏第名翟綏化其第遂成其墨墨者禹

道也尚賢崇禮儉以蕪愛摩頂至踵以救蒼生此謂之墨也言九經五經者一周易二尚書三毛詩四禮記五春秋經五加周禮經六又加論語孟子孝經為九經也○鈔雙含二義者一此方既以聖人言教方得稱經今譯佛教

經各不失聖教之義二四實中經能持緯今經亦能持法持根故但言經雙含此二義也言俱順兩方者順此方名順西方義故或可順此方常也典也之二義亦順西方席經聖教之二實也○鈔古人既以等者躡上所說

野五

五

通前以義為名失也古人既以敵對單立線名無有契字明知古人經上加於契字是半從義耳問准前所釋若直譯為聖教諸過皆離何須委曲作此解耶似涉穿鑿故妙嚴鈔說苟文小左右貴為旨不乖中有理可通

則為出意釋之使夫後人不輕聖教若理不可通則正之以梵本須為辨明令邪正區分今既有理可通故出意釋之○疏意義相似者況言皆有貫攝之義今以聖教上貫攝義取之合具上三實之義也○疏義同并索等

者經中義味無竭展轉無窮本為汲引有情令通達法性故措定邪正者若不依聖言取決邪正何由定耶言能持於緯者即攝持義理及攝持根心故言線能貫花者即貫穿法相及貫穿根行故并前無竭滋多汲引有情

皆是聖教貫攝顯理度生之意故上云義意相似聖教一名義多含也○鈔依古疏等者即探玄記也言取義便者先涌而後出也然是古人依附論文助意以義為欲令易解非是後人理長於論主也○鈔一通二局者由

論云能貫能攝上通舉所應說義所化生故此併舉既能所併舉故初約通釋然諸家疏所併攝鈔多唯約局說則分貫穿對所應說義攝持對所化生也故探玄唯云貫穿法相攝持所化圓覺疏鈔亦唯局義故下引論釋貫穿唯

約貫穿法相爾○鈔說經因緣者所被機是因十方佛是加者解脫月是請者此二為緣此唯約人中說因緣也故此引梁攝論云是人又及多所譯攝論云依處依人依所為故○鈔即說經意者問發心品文准前第二鈔

野五

六

釋俱是因緣中收何以此文不名因緣而名該意耶答總說因緣此之三義不出因緣今又立一說經處二根為因加之與請為緣三以所說法為欲利益無盡智照諸法令行妙行故開本新佛性令至佛果為實義故等俱

為經家所貫穿之法故異於前然前十句中佛神力故世尊本願力故二句屬前佛加故今唯引為欲下諸句也等字等餘五句言是用者利生行行開顯佛性是經勝用故○鈔言相者乃至更無餘相者問經說三諦等義

云何更無餘相答中道諦亦依二諦但義別故亦不離二諦又第一義諦依真開之或二諦通所依體體不離義故○鈔一一皆通二諦者約八諦四重前後相望故一切諸法皆通二諦也言蘊即五蘊者光明覺鈔云色受

想行識五名蘊者積聚義也若過去若未來若現在若內若外若麤若細若劣若勝若近若遠如是一切畧為一聚名蘊一色蘊中可見有對色為麤不可見無對為細又不可見有對望上為細望不可見無對為麤不可見

野五

十七

無對色唯是細染汚名劣不染汚名勝現在名近過未名遠餘蘊例然但麤細一門有異謂意相應四蘊為細五識相應四蘊為麤依五根故或約九地下地為麤上地為細廣說八蘊謂色四地水火風心四受想行識中說

永樂北藏

華嚴懸談會玄記

記蘊畧說二蘊所謂色心言十八界者謂六根六境六識也界者一種族也是生本義二族類義種類自性各不同故十二處者謂六根六境也處者生門義謂六根六境是心所長處亦名十二入瓔珞經云六根六境為識所入處故然上三科愚心所為我故說蘊愚色說處愚心色說界又上根聞畧得悟說蘊中根聞中得悟說處下根聞廣方了故說十八界又樂畧樂中樂廣故說三不同言十二因緣者謂一無明即根本煩惱內痴一法為

第一八三册

體二行者造作為義以身語意三業思為體
 三識者了別義然唯種子約當生現行位言
 有了別次下四支義准於此即取第八識親
 因緣種子為體四名色者四蘊心心所種子
 為名色蘊種子為色五六處者即內六根是

六識生滅之處故六觸者以能觸對前境故
 取第八識相應觸及前六識一分異熟無言
 說觸種子為體七受者謂緣境時有領納義
 亦取第八相應受前六一分異熟無記受種
 子為體八愛者能染於境名之為愛唯取現

取介一法為體此通

取現

行能所生種子也九取者執着追欲義也即
 全界煩惱為體十有者即識等五現行果法
 事是三界所有名有十一生者起義即有支
 種子生起現行故十二老死者壞滅義將死
 正死故名老死言四諦者苦以逼迫為義集

野五

大

以增長生死為事道以除患為功滅以累盡
 為名四皆真實故名諦也言食即四食如世
 親論第十初說者論云四種食者一不清淨
 依止住食謂段等四食等於觸思識之三食
 令欲纏有情不淨依止而得住故二淨不淨
依止住食謂觸等三

食等思識也 令色無色纏有情淨不淨依止而得
住故由此依止已離下地諸煩惱故說名淨
未離上地諸煩惱故說名不淨是故名淨不
淨依止如是依止由觸意思食而住二一向
淨依止住食謂段等四食令聲聞等清淨依
而得住故四唯示現依止住食謂即四食諸
佛示現受之得住是故諸佛食此第四示現
住食者為令能施諸有情類淨行為因福德
增長雖現受食不作食事如來食時諸天受
取施佛意許諸餘有情由此因故彼諸有情

速證菩提論大皆若起世經云何等衆生段食
如閻浮提人豆麩等餘三天下食細段食六
欲天亦然色界以禪悅為食也二觸食即一
切卵生得身者也三思食如魚蛇等以意思
而潤身也四識食即地獄及識處天也評曰
前攝論段等四食義通凡聖唯色無色界無
段食起世經約別義各說乃增勝義違非不
通凡聖也言四靜慮者一有尋有伺靜慮二
無尋無伺靜慮三離喜靜慮四離樂靜慮俱
舍頌云初尋伺喜樂後漸離前支是也言四

無量者即慈悲喜捨緣無量有情起無量行
 解感無量果故名無量言四無色者即四空
 處一空無邊處二識無邊處三無所有處四
 非想非非想處言八解脫者一內有色想外
 觀色解脫謂於內有色想貪為除此貪觀外
不淨背於等色令貪不起故名解

脫二內無色想外觀色解脫謂於內身無色
馬堅固故觀外不淨背於第三淨解脫身作
等色令貪不起名為解脫第三淨解脫身作
 證具足住謂觀淨色令貪不起名為解脫
澄得具足圓滿得四空無邊處解脫五識無
住此定名具足住四空無邊處解脫五識無
 邊處解脫六無所有處解脫七非想非非想

處解脫四無色定為此次四解脫各能第八
處解脫素背下地貪故名為解脫也第八
 滅受想定解脫身作證具足住素背受想
八亦名八背捨謂未發真無漏慧斷三界諸
業即名背捨斷已即名解脫言八勝處者華
嚴孔目云勝於境界勝於煩惱故名勝處智

論云譬如人乘馬能破前障亦能自制其馬
 故名勝處亦名八除入謂於前八背捨
 有色想外觀色少好色惡色謂用前觀而不
則長而不能轉變故不得隨心自在二內有
少則能觀不淨心得自在不起憎愛二內有
 色想外觀色多好色惡色無妨得自在通達

不淨 三內無色想外觀色少好色惡色義若如前

四內無色想外觀色多好色惡色五內無色

想外觀青色青觀青光觀青色轉變少在

色照釋亦不起法愛六黃七赤八白准上言

見青相亦不起法愛六黃七赤八白准上言

野

干

四即并黃赤白伏心燒勝前故言十徧處者謂青黃赤白地

水火風空識觀十方青等十法無二無量故

名徧處言三十七品者即四念處四正勤四

神足五根五力七覺支八聖道如前已明四無

礙解者法義詞樂亦如前辨無諍三昧即空

定也既迫絕諸相豈有諍耶○鈔如說一切

等者不顯了故名審所說三性等即顯了說

言四意趣者普賢三昧鈔引攝論無著說一

平等意趣謂如說我昔曾於彼時名毘婆尸

此云正覺等者無性釋云謂一切佛由資根

等互相相似故說彼即我非昔毘婆尸即今釋

迦楞伽中約四義釋一義等二語等三身等

四法等云真實故說即彼而實非彼二別時

意趣謂如言若但誦多寶如來名者便於無

上菩提已得決定又由唯發願便得往生極

永樂北藏

華嚴懸談會玄記

第一八三册

樂世界無性釋云謂觀懈怠不能於法精勤
學者故作是言此意長養先時善根如世間
說但由一錢而得千錢解云以後別時得彼
千也以一錢為千錢因念佛為菩提因發願
為安樂因三別義意趣謂如說言若已逢事

野五

三

爾所疏伽沙佛於大乘法方能解義無性釋
云意約證相大乘不約教相大乘故作是說
四捕特伽羅意樂意趣謂如如來先為一人
讚歎布施後還毀者謂隨此人得成何心故
若人於財物有慳悋心為除此心先為讚施

若樂行施施是下善欲令渴仰餘勝行故毀
之不達者言互相違餘行例然此等背佛意
趣耳言四隨者出於禪經問明疏云一隨樂
將護彼意稱樂其心故二隨宜附先世習令
易受行習已成性故三隨治觀病輕重設藥

多少故四隨義隨根熟時聞即悟故等字等
取四悉檀智論第一云有四悉檀此云義總
攝一切十二部經八萬四千法藏皆悉是實
無有相違一世界悉檀有法從因緣和合故
有無別性人亦如是五眾和合故有無別人

二各各為人悉檀觀人心行而為說法於一法中或聽或不聽如為斷見人說雜業故雜生等為常見說無人得觸得受等三對治悉檀對治則有實性則無如酸鹹等於風病名藥餘病非藥不淨等於貪等亦爾

治貪是藥
治真非藥

四第一義悉檀一切法一切言論差別皆悉平等一味又廣鈔云天台釋意分別令稱根適悅是世界令生善心是為人令惡除滅是對治令入聖道是第一義又云雙說空有是世界單說有為人單說空是對治非空有是

第一義義等無方也○鈔所作事名義者既云所作事故名義則顯非所詮名義也○鈔謂佛世尊於彼方所者即前是處也為彼有情者即前由此也依彼所作諸行差別者即前為此也上三同攝論依故演說無量蘊相

野五

主

應語乃至廣說者即攝論相故法故也何者前云蘊等諸法一一皆通二諦即是相故蘊等即法故

其表故
在乃至

中或即次云能引義利是前義故前義故是次義利故前義為證○鈔名為法本者經云法論者法本如重頌如受

記如不誦偈如無問自說如乃至十二部經皆云如既十二部中初合云契經如而云法本如明知譯修多羅為法本也十藏品疏遠公以五義釋之一教為理本二經為論本三總為別本四初為後本五畧為廣本後三即

二修多羅也名直說言者總相而言名為直說一一語言多義分別名非直說聖教及經義如前說○鈔又遠公下一總相謂涅槃十五云始從如是我聞終至歡喜奉行皆名修多羅即總為別本二別相謂就前總相分出

十一餘十一不收者還後攝在修多羅中名為別相用斯別相望祇夜等為其本故名初為後本三畧相於彼別別十二分中初總標舉名修多羅後廣釋者隨別名之如言色者即是根本畧相復云青黃等者是名廣相故

野五

主三

云畧為廣本刊定記破於後二者彼云別相無聖教亦乖證理畧相違雜集雜集云修多羅者謂長行綴緝畧說所應說義刊定釋云畧說所應說義者即是長行綴緝曾無先畧標舉後廣釋之相當知畧者總之異名

謂修多羅

一分是總餘 十一分是別今修多羅依藏部中總相業用而立其名餘藏部名依藏部中別相業用所以者何修多羅業能貫攝故餘藏餘部所詮所化由此貫攝彼方成故涅槃十五云始從如是我聞終至歡喜奉行皆修多羅

故評曰此即判定立破 意許其總相修多羅無後二修多羅也准知前立二重總別中後重總別亦取遠公總相之意非新自立也言並在十藏品中救之者下疏云然其後二不違雜集長行綴緝等言綴緝即是十一不攝者如

賢首品云爾時文殊師利說無濁亂清淨行大功德已等類名長行綴緝此是結集綴緝非佛正說故云十一不攝者若長行綴緝即是總相修多羅爾既即總相何但言長行摶偈頌耶此成別相其畧說所應說義者即是畧

為廣本如賢首品欲顯示菩提心功德故即其類也即是畧相畧標下之所說亦順成實論名直說語言此通十一分皆有此一則不違雜集論也此成畧相若十二分中修多羅並通前三種若三藏中修多羅唯局總相但開雜

永樂北藏

華嚴懸談會玄記

第一八三册

集別義以成後二有不曉者妄非先賢等問
有總相處必有別畧二相何以三藏中修多
羅唯局總相若據義合爾理已極成今欲章
十二分中修多羅具通餘十一分及於三藏
故云具三相以從總相立於經藏揀異二藏

野五

三西

明局故不通二藏設有別相畧相但局當藏
中者不能收餘二藏中別相畧相又此三藏
中總相修多羅若望總十二分中修多羅亦
但是少分若爾餘二藏中豈無總十二分中
修多羅之分耶若雖畧有少分而立調伏對

法之名不名修多羅故十藏鈔云餘二藏有
契合者即十二分中修多羅耳此約義該何
須更立兩重總別則三藏中修多羅為唯總
相是故不通餘二藏也是知三藏中修多羅
雖言總相仍狹如十二分中總相此即言總
意別也○疏調練通於止作者於三業不行
惡曰止行惡曰作此約惡而言止持作犯也
又於三業行善曰作不行曰止此約善而言
作持止犯也故南山云言止持者方便證念
護本所受禁防身口不造諸惡目之曰止

而無違戒體光潔順本所受稱之曰持言作持者惡既離已事須善脩必須策勤三業脩習戒行有善起護名之爲作持義如前說言作犯者出家五衆內具三毒我倒懷鼓動身口違理造境名之爲作作而有違汚本所

野五

五

受名之爲犯言止犯者癡心急慢行違本受於諸勝業厭不修學故名爲止止而有違反彼受願故名爲犯然今疏意通上義文唯止惡作善故云通於止作等言契經藏中類有此釋者應云能詮藏上有契理合機之功能

永樂北藏

華嚴懸談會玄記

名有財釋也○鈔准判定記者辨異翻也言證稱爲律者弘決志云不取律呂之律但約如世律令陶虞所造蕭何以爲九章漸分輕重委悉故也爾雅云法也法律所以詮量重輕犯不犯等雖舉此欲令人知不犯此正依

素律師也○鈔素律師者名懷素按開元釋教錄云俗姓范氏京兆人世襲冠冕真觀九年出家投禮襲三藏爲弟子立性聰敏專尋經論進具之後偏肆志毘尼依道成律師學四分律不淹時序而爲上首先居弘濟後住

第一八三冊

太原學侶雲奔教授無輟以先德所集多不
依文率已松見妄生增減乃檢尋律藏出戒
心羯磨任取成文非妄穿鑿可謂嗣徵迦葉
繼軌波離又控四分記鈔兼經論疏記等五
十餘卷現行於世今此即四分律疏第一卷

中文也

此與草書懷素但名同爾彼與類書
公同時與素律師相近行百年

言或云卑鞞泥迦毘那耶等者律鈔解云明了

論言本音毘那耶此畧言毘尼有五義故一

能生種種勝利謂引生世出世善二能生身

口二業清淨及正直三能滅罪障此同四能

引勝義在家者引令出家乃至引到梵住聖
僧住無餘涅槃五勝人所行事謂最勝人是
佛次獨覺及聲聞是勝人等皆行其中若凡
夫行者亦是勝人方能行故言傳有訛畧者
下三訛上一畧俱不得其證名○鈔東塔又

野

弄

云者以素律師住東塔寺故亦第一疏故言

又云○鈔釋曰下清涼評義也今既毘膩多

此云已調伏是滅義准母論毘尼翻為滅則

毘尼是毘膩多之畧梵語也與前段云毘尼

是毘柰耶之訛畧翻為調伏之義有乖此即

難意也而上又云下躡前釋之既毘尼舍調
伏與滅二義故前段云毘尼是毘柰耶之畧
稱即翻為調伏今第二解又以毘尼翻為滅
也故疏云毘尼或翻為滅或是不定之辭故
不可定取也○鈔滅有三義下謂律行之體

非即是滅今云滅者前二義從滅得名後一
義從所得果為名故云滅也言不殺盜等者
即三業七支等滅未起之非也○鈔故律中
有犯毘尼有諍毘尼者亦彼疏文也然有本
鈔云有淨毘尼者淨字悞書也諍字為證故

四分律毘尼有二種有犯毘尼有諍毘尼如
四十七八卷中廣說今當畧示其相謂所滅
之病是其四諍一言二覓三犯四事能滅之
藥是七毘尼謂現前憶念不癡自言治多人
語罪處所草覆地此七毘尼能滅四諍名七

滅諍也

即有犯毘尼也示滅
七種違犯之過故

一言諍者謂辨

法相是非邪正各執已見而生其諍諍由言
起故曰言諍二覓諍者比丘犯過理須為除
制有三根無貪無嗔無癡
是為不諍根五德有二五德一自
慈悲五德二樂罪
如常舉彼同來詣僧伺覓前罪令其除殄因

舉彼犯遂生於諍諍由覓生故曰覓諍三犯
 諍者有過在懷宜須懺盪罪相難識詞各紛
 紜遂生諍競由犯之故曰犯諍四事諍者羯
 磨彼事義在精明片有乖違即不成遂獨情
 忍易同和理難各執一見無能辨事因斯致

諍諍起由事故曰事諍上四是病起之源有
 犯毘尼即七滅諍者一者應與現前毘尼當
 與現前毘尼緣中如佛在舍衛國迦留陀夷
 與六群比丘往阿夷羅跋提河中浴時迦留
 陀夷先出錯著六群比丘衣去六群後出不

見衣止見迦留陀夷衣即言迦留陀夷偷我
 衣人不現前便作滅擯羯磨迦留陀夷聞已
 有疑即往佛所以此因緣白佛佛言汝以何
 心取荅言謂是我衣不以賊心取佛言不犯
 不應不着衣而着不應人不現前而作羯磨

呵責羯磨滅擯羯磨等乃至自今後謂諸比
 丘結現前毘尼滅諍應如是說現前毘尼滅
言諍即無二者應與憶念毘尼當與憶念毘
共言也尼緣中佛在舍衛國時沓婆摩羅知僧事六群
 得惡房卧具惡請處起嗔謗言有愛有恚有

怖有癡遂將姪事誣諍親於眾中僧問處實
彼言我從生來乃至夢中不行此事况於覺
悟比丘以事白佛佛令反結問六眾便言沓
婆摩羅清淨無如是事佛言沓婆摩羅無着
人無有故犯應白四羯磨與憶念法也此滅
无諍

野五

天

為舉人過
須令憶念三應與不痴毘尼當與不痴思尼
緣中佛在舍衛國難提比丘得癩狂病來出
入不順威儀多犯眾罪比丘詰問便言病時
造罪病瘥不作以事白佛佛言有三種痴一
常憶來二不憶不來三或憶不憶或來不來

永樂北藏

華嚴懸談會玄記

此人應白四羯磨與不痴毘尼證病時造罪
非犯瘥後不作應僧清淨得足僧數故因制
法亦滅无
諍也四應與自言治當與自言治緣中
佛在瞻波國僧說戒時佛在眾中坐默然不
說阿難請佛說戒佛言欲令如來於不淨眾

中說戒者無有此理時大目連入定觀見犯
戒者近佛而坐即以牽出白佛眾已清淨應
說戒佛言從今後不應如是為凡有犯須取
自言方得治罰因制此法滅犯
諍也五應與多人
語當與多人語緣中佛在舍衛國時諸比丘

第一八三册

諍事不息遂至僧中斷不可了白佛佛言應
 與多人語為諍法不定應行除取多人語行
 時有三一顯露二覆藏三耳語若上座向如
 法人顯露貴望多人俱隨若向非法人覆藏
 耳語行恐多人隨之此滅言六應與罪處所

野五

无

當與罪處所緣中佛在婆兜釋翅搜國象力
 釋子能善論議得外道問前後相違僧中亦
 爾比丘以事白佛佛言應白四羯磨與彼羯
 磨治取本罪奪三十五事若伏首本罪者應
 白四羯磨如法為解故立此法亦滅无七應

與如草覆地當與如草覆地緣中佛在舍衛
 國比丘共諍七年難滅以事白佛佛聽彼二
 眾相對共懺各眾上座互白云我等行來出
 入多犯諸罪共長老作草覆地滅白已彼此
 和合罪諍俱滅更不相舉如草覆地不得舉

起有新制也此滅犯諍若滅事鈔是發業之
 本者業是所發即前七支等業皆以煩惱為
 本煩惱即發業之無明也言調伏貪等者等
 癡慢疑惡見即六根本發業煩惱也滅此今
 盡故滅煩惱○鈔三得滅果者律鈔云薩婆

多言毘尼四義餘經所無一戒是佛法平地
萬善由之生長二一切佛弟子皆依戒住一
切衆生由戒而有三趣涅槃之初門四是佛
法瓔珞能莊嚴佛法具斯四義功強於彼今
即第三義也言便得第一等者即得滅果也

○鈔或名尸羅下疏翻云清涼律鈔云尸羅
言冷無破戒熱及三惡道熱故探玄記云三
業過非由如火然戒能息滅故云清涼又素
律師疏云惡能令生心熱惱戒能安適故曰
清涼又惡能招惡道熱惱戒招善趣故曰清

涼又究竟鮮脫寂然常樂清涼果也故云雙
從因果得名○鈔非是定共者具云定共戒
新云靜慮律義以法爾一切上二界有漏定
俱現行思上有防欲界惡戒功能為體道共
者具云道共戒新云無漏律儀爾名聖所受

野王

手

戒以法爾一切上地所有無漏道俱現行思
上能防欲界犯戒功能為體唯識云戒依定
中止身語惡現行思立故是假有本疏述曰
謂依定中止身語惡現行思上立定道戒不
約種子此名隨心轉故現行思可爾種子不

爾故止身語惡者假色為色所由

惡色殺盜妄等今不現前遮防身語

防色故此無來假立色名言是遠離下此

釋能揀之別解脫戒謂於師前虔恭合掌口

陳乞戒之詞心所熏種羯磨竟時種體之上

防非發善功能倍倍增長此防發功能是別

解脫體問此三種戒雖種現不同何故皆取

思之一法答以造作義名思力最勝故以此

戒異定道之戒故云為別別則別於他定道

戒有餘勝能復立別名然此疏中第二意名

三業七支別別防非等者謂隨一一戒各能

遮防一種過非今不起故名別三業諸過能

令行人不得自在故如羈縛招果不失謂之

業緣由是無始至今不得出離今以此戒悉

能遠離故名解脫○鈔即第三名中別義者

是唯從果為名也疏中有為無為二種解脫

果者即有餘無餘二涅槃果也示可理智名

無為有為種體之上防非發善功能隨順此

果解脫名前解自體名解脫此解從他名解

脫故遺教經下證唯從果為名也又相續解

脫經云下亦可證雙從因果得名依此下鈔

釋也依此經故五分法身及涅槃名解脫果由受持此戒爲殊勝因能得彼果故以隨順爲因也然此第三名後疏中有第四名曰性善者性能發善故又能止惡故言守信者是第四名中別義也昔於師前期心受戒性遮

並護始卒無虧以文義易故鈔不釋也○鈔又判定下皆是四異名外更有異名初離障解脫次作用解脫後之三名非今所用因便揀之○鈔謂制伏過非等者一滅業非不殺盜等也二滅煩惱調伏貪等今盡故即皆是

止行調練三業者即前疏云調練通於止作如跳行倚住不踟趺坐左脇卧等應止而不行行做象王之步住如山王不動坐必踟趺卧右脇等此皆應作口則不風恐言非順道等此應不說有益始發言故意則妄念分別

止今不起出離觀行動而行之言性善守信通於止作者謂受持衣鉢等應作之離衣畜仗等應止之故云通於止作言毘尼以止惡作善爲宗者是惡應止是善應行如前所說應止者止即成持作乃成犯應作者作乃成

持止乃成犯故云律宗其唯持犯等此上總
意下雖別說示不出此故云總為顯相○鈔
五眾罪者笈多譯云五篇罪今云五眾約能
犯之人以目所犯罪也即比丘比丘尼式叉
磨那沙彌沙彌尼各有所犯如比丘犯二百

野五

三五

五十戒等或云於五篇中有多條數故云眾
也然五篇名義繁廣恐學者欲知當依律鈔
各示其相南山云五篇七聚約義差分證結
罪止樹六法今依六聚且釋其名一波羅夷
二僧伽婆尸沙三偷闌遮四波逸提五婆羅

提提舍尼六突吉羅此上六名並無證譯但
用義翻畧知途路又云今五七不同具有三
義則入五中一者名均二
則體均三則究竟均不其此三通義入聚攝
而六七差別者六合吉羅以同體故七難於
惡說以過多故身名惡作
口名惡說此聚分二也初波羅夷者義當
極惡三意釋之一者退沒由犯此戒道果無

分故二不共住非但失道而已更不入二種
僧數說戒羯磨三者墮落捨此身已墮在阿
鼻地獄故十誦云墮不如意處四分云譬如
斷人頭不可復起若犯此法不復成比丘二
僧伽婆尸沙者善見論云僧伽者為僧婆者

爲初謂僧前與覆藏羯磨也言尸沙者云殘
謂末後與出罪羯磨若犯此罪僧作法除故
從境立名婆沙云僧伽者爲僧婆尸沙者是
殘若犯此罪垢纏行人非全淨用有殘之
罪由僧除滅故也四分中證明僧殘便成

野五

三三

上解又云有餘以行法不絕爲名也毘尼
母云僧殘者如人爲他所斫殘有咽喉故
名爲殘理早須救故戒律云若犯此罪應
強爲波利婆沙等由隣重罪故也三偷蘭
遮者善見云偷蘭名大遮言障善道後墮

惡道體是鄙穢從不善體以立名者由能
成初二兩篇之罪故也又翻爲大罪亦言
龐惡聲論云證音爲薩偷羅明了論解蘭
爲龐遮那爲過龐有二種一是重罪方便
二能斷善根所言過者不依佛所立戒而

行故言過也然偷蘭一聚罪通證從體兼
輕重律列六聚七聚並合偷蘭或在上下
四波逸提者義翻爲墮十誦云墮在燒煮
覆障地獄故也四分僧有百二十種分取
三十因財事生犯貪慢心強制捨入僧故

云尼薩耆也餘之九十單悔別人若據罪體
 同一品懺出要儀云尼薩耆舊翻捨墮五波
 羅提提舍尼聚耆義翻向彼悔從對治境以
 立名僧祇云此罪應發露也即此律戒本中
 具明悔過之辭六突吉羅聚耆善見云突耆

聚也吉羅耆耆者聲論證音突悉吉粟多四
 分律戒本云或又迦羅尼義翻云應當學胡
 僧云守戒也此罪微細持之極難故隨學隨
 守以立名十誦云天眼見犯罪比丘如駛雨
 下豈非專翫在心乃名守戒也然七聚中分

此一部以為二聚身名惡作口名惡說者或
 云突吉羅惡說也然二不定法託境以言通
 該六聚若論罪體生疑不信是突吉羅又影
 三罪二罪者畧舉生疑之事矣七滅諍中罪
 亦通有但為競於四諍彼此未和故制七藥

野五

三四

用以除殄而僧尼同數共成通戒焉○鈔等
 起等者釋中由四因故而犯諸罪則四因皆
 能等諸罪一無知故者從受後不學律故無
 知或可雖學以愚暗故無所知識二放逸故
 者放縱逸蕩不檢三業故三煩惱盛故者以

貪嗔等增盛不能制故四不尊敬故者以無
慚愧故不尊重敬愛如來所制清淨禁戒或
可四義相躡而起由無知故放逸放逸故煩
惱盛煩惱盛故無慚愧也○鈔還淨等者上
二約犯此下約治也言由意樂者二師異說

寂照云謂設有違犯悔懼交至自陳所犯不
由他舉方受治罰如昔所受律法儀或隨犯
輕重誠心懺悔既洗滌已戒還清淨此是通
相之意若會解云由意樂者以造業時但起
心念未曾發動身口故懺悔時但須責心不

須治罰故律鈔云若不動身口則輕責心即
滅若動身口則重對人方滅今初義也又云
輕罪者但云不應起如此心是名責心懺悔
又云行婬時先起心未動身口責心即滅即
今由意樂不由治罰也故笈多譯論云由心

野五

三五

淨非治罰言如受律儀者次引梁論云如本
受持時受持由責心即對治故二釋之中後
釋近宗先治輕後治重故○鈔出離等者七
種中一各各相對者如犯第五篇罪二人各
各對首發露遮相續故律鈔云提舍尼此翻

為各對應說對人說所作罪也又吉羅中動
 身口罪亦對人懺滅也此二望前諸聚亦唯
 出離輕罪爾二誓受治罰者此治重罪如僧
 殘罪請二十僧六夜行摩那埵供給承事那摩
僧祇云折伏下意即今誓受治罰之義也七

日滿僧為羯磨除罪還令戒淨如本所受等
 故得出離三等有妨害等者謂等所制有罪
 則妨餘事如制僧不得故弄除出精後有僧
薩者中制不得畜長衣後阿難得一貴價納
永欲與迦葉十日方還後佛問云過十日不
淨施犯律中先等制後有妨害餘亦如律中
事便問者極多故云等有妨害

比丘不得畜八不淨物一田宅二種植三所積穀帛四畜諸奴僕
五畜養群畜六錢寶七象牙毛毳等八銀鐵釵釧等言還開許者如第
 一田是妨道別人不開善見云居士施田宅
 地別人不得用若供養僧者得受二種植中
 除供佛供法供僧為僧得也三貯積穀帛者
 僧祇云若比丘齋時作念此後時恐貴今糶
 此穀我當依是得誦經坐禪行道四畜奴僕
 中僧祇云若人言施供給僧男淨人聽受若
 施別人一切不得若施淨人若料理僧故別
 人得受五畜畜生中若人施畜生不應受謂

馬驢猪羊等若見比丘不受云我當殺之應語今自施水草勿令傷害等餘皆例之四別立等者謂隨時隨處眾僧和合立所制法則後還捨眾所制法即是隨方毘尼眾既制已犯必有罪如今堂儀等後僧和合還捨所制

野五

三六

先犯罪人是時出離此意出梁攝論又如律中佛聽曠野中行多比丘於布薩日應和合當下道集一處結小界說戒白二羯磨即別息也結界說戒已還作白二羯磨以解小界而去即僧和合已捨所制也五轉根者集玄云比丘比丘

尼共住犯不共罪若轉男根以為女時與尼共住即無所犯尼轉反上六真實觀者上五約事云離今六七兼理觀證道也盟拖南或云鬱拖那縕拖南此云集施又集總散又總攝又散又攝施與集法義施他也或云鄔拖

南此云標相無常是有為法標相苦是有漏法標相無我是諸法標相涅槃寂靜是無為法標相或名四法印能作無常等觀出離眾罪故瑜珈四十六云後次有四種盟拖南諸佛菩薩欲令有情清淨故說四種如前無常

永樂北藏

華嚴懸談會玄記

第一八三册

等故鈔云諸行相觀等七由法爾等者即見
 道位見諦理故任運出離諸罪也○鈔毘奈
 耶復有四義者此別明戒相也補特伽羅此
 云數取趣數數造業取諸趣故此雖名總別
 目人趣即是約人律儀唯局人中制所學處

野五

三七

聲聞之戒不許餘類故

天多樂逸地獄苦逼
鬼志羸苦畜生痴暗

故不能受持律儀
唯人是法器故

○鈔白彼補特伽羅所犯

者如第二篇中第一故弄陰失精者佛在舍
 衛國迦留陁夷欲意盛於房中漏失比丘白
 佛因制此戒五篇皆有緣起即因彼彼人所

犯已大師集僧制所學處而言處者瑜伽云
 一自利處二利他處三真實義處四威力處
 五成熟有情處六成熟自佛法處七無上證
 等菩提處由尸羅不清淨三昧不現前以依
 定故方得法慧是故偏得學處之名根本能

生故名為處是處應學故名學處故遺教經
 云戒是順證解脫之本故○鈔三分別者如
 十二年後方制廣戒是也○鈔四決擇等者
 集玄云如殺戒中杻作人想壞而有罪人作
 杻相壞而無罪又如鮮白比丘尼遠道詣佛

路遭強者逼而無樂想故亦無罪此等之類
皆決判所犯也○鈔然明了論等者此釋前
第七出離中小隨小之義也此依彼論取義
釋之如論證文云論具名二十偈云解小隨
小非小戒釋曰佛世尊立戒有三品一小戒

二隨小戒三非小戒小戒者僧伽施沙等

即僧伽婆尸沙也論有隨小戒者是彼不具
分罪今鈔云二種方便者以是第二篇方便
突言羅也律鈔云一遠方便如行姦時先起
心未動身口責心即滅二次方便謂動身就
彼或就欲作此等對人戒即滅通名吉羅三
近方便至彼人違或欲磨觸身未交通是偷

永樂北藏

華嚴懸談會玄記

第一八三册

蘭遮期行姦事故磨觸非為戲樂故偷蘭遮
不成僧殘此對人穢除評曰初方便既云
不成吉羅近方便即論云彼不具分罪也然偷蘭
不成為一方便唯論云彼不具分罪也然偷蘭
但為提三十九故成一為一百二十而無偷蘭有
二便故通蘭吉也野五非小戒者四波羅夷
是今但云性罪然後次小戒者諸戒中性罪手八

罪非是四波羅野五隨小者諸戒者所有制罪與
夷之性罪也隨小者諸戒者所有制罪與
文不受持衣鉢因佛制之方成罪也問性罪
是故云非小罪者四波羅夷等然彼論釋性罪制罪云佛所立學處有三種
文云一性罪二制罪三二罪此中性罪者若身

口意惡業所攝或由隨及惑等流故犯復於
 此過犯中故意所攝有染污業增長與此俱
 有罪相續流是名性罪異此三因所犯或由
 不了別戒或由失念或由不故意過犯此中
 若無惑及惑等流及無念念增長是名制罪

若具二相是名制性二罪准此今云性罪則
 諸罪中三業煩惱等俱念念相續故名性罪
 見諦道中斷分別煩惱故無此罪其四波羅
 夷律中雖有懺辭然現身不得道果故今七
種出離
唯約後○鈔那引小教者以雖引攝論等文
四篇也

皆是論中明小乘戒相故此難也卷中今更
 下以菩薩攝律儀戒亦以七衆戒為體但持
 心異戒條名意大同故得引小乘戒相又上
 所引下是鈔主第二意也次大乘律中此土
 多闕故○鈔又上云者下逐難釋之即如初

野五

三九

受戒後而持之其或有犯如其輕重治令清
 淨故疏相者性也下體性有同有異異者相
 據於外性主於內體者性相之通稱則寬狹
 之不同然今性是體性故名相也問所對法
 中既唯四諦之境涅槃之果何太局耶答然

以四諦有生滅無量無作不同通大小乘權
實等義又涅槃通三乘所證故對法藏中四
諦等攝一切法盡也

華嚴懸談會玄記卷第十五

永樂北藏

華嚴懸談會玄記

第一八三册

華嚴懸談會玄記卷第十六

野六

蒼山再光寺比丘 普瑞 集

○疏對向者俱舍論文向前涅槃疏配釋也
 對觀云論文觀前四諦亦疏配屬問何故望
 涅槃名對向不名對觀耶望四諦名對觀不
 名對向耶答探玄第一云一對向謂因智趣
 向涅槃二對觀謂果智觀證涅槃滅故雖
 因智亦有對觀然仰求進修故名對向
 ○疏及相應心所等者慧亦心所則別境
 中一數今無漏慧起時必與餘心所相應

永樂北藏

華嚴懸談會玄記

第一八三册

而起謂餘徧行五別境五與善十一也言
 等者等取五蘊故鈔云總說無漏五蘊為
 對法此約總說別證取淨慧五蘊即隨行
 爾○鈔故為此通者由對涅槃果故云對
 向對四諦境故云對觀此清涼意對向唯見
 道已去因對向涅槃果對觀通因果智對觀
 四諦境不爾因果智對觀四諦豈非境耶言
 揀濫者恐能對慧既持自性何不亦名法耶
 濫所對故言若據法能持自性下此是通相
 之意慧是能對但名為對非所對故不名為

法為分能所即是別義如斯揀也○鈔慧依於法慧為主故者以論藏研窮性相證為發生無漏智慧故云慧為主故即是名中對字非依主釋中主為法體主為法體即是今法字或可上句出法論所以下句出慧論所由

學者任意言出其異名者此因便故來以辨異名在後段故應是阿毘云無比達磨云法兼猶更也更成立上慧義故○疏對義同前者論但云此法對向無住涅槃能說諦菩提分解脫門等故數者下皆是論文○鈔如十

地疏明者下疏云自相者色心等殊故共相者同無常無我故又自相即俗諦共相即真諦等○鈔亦如初地中辨者瑜伽四十五云一論體有六一言論二尚論三諍論四毀謗論五順理論六教導論一言論者謂一切言

野六

二

說言音言詞是名言論尚論者謂一切世間隨所應聞所有言論等諍論者謂或依諸欲所起自他所攝諸欲相侵奪等或因惡行所起自身惡行他譏毀等或依諸見所起毀謗論者謂懷憤發者以染心振發威勢更求擯

毀所有言論順理論者謂於善法律中為諸有情宣說正法隨順正行隨順解脫故教道論者謂教習增上心學增上慧學增上成學等此六論中最後二論是真實能引義利所應修習中間二論能引無義故應遠離初之

二論應分別之第二論處所者有六種一於王家二於執理家三大眾中四賢哲前五於解法義沙門婆羅門前六於樂法義者前第三論據有十即依義所依有十也其中所成立有二一自性二差別自性謂有立為有無

立為無差別者有常無常等能成立法有八一立宗二辨因三引論四同類五異類六現量七比量八證教量云第四論莊嚴畧有五種一善自他宗謂於彼此毘奈耶中讀誦受持思惟純熟二言具圓滿謂凡有所說皆以

野六

三

其聲不以非聲聲具五德一不鄙陋二不輕易三雄朗四相應五義善三無畏謂在大眾中心無劣懼身無戰怖語無蹇弱四敦肅謂如有一人待時方說而不僥速五應供謂如有一人為性調善不惱於他乃至言語柔軟

如對善友第五論墜負者有三種一捨言意取謂詞謝對論者言我不善論汝論為善等二言屈如立論者為對論者之所屈伏或托餘事方便而退或引外言或現發憤或默然等三言過謂雜亂鹿獮不辨了無限量非義相應不以時不決定不顯了不相續等第六論出離者謂立論者先應以彼三種觀察論端方與言或不與論名論出離謂一觀察得失二觀察時眾三觀察善巧及不善巧觀得失者謂我立論將無自損他損具損等耶觀時

眾者有僻執耶有正見耶觀察善巧不善巧者謂自我於論體論處等為善不善等第七論多所作法者有三種一善自他宗二勇猛無畏三辨才無竭由有此三能善酬答故名多所作法耳上皆也經鈔文○鈔立破二能者即雙釋上能立能破之所以也所以者何故釋云由正說依止等方便故言依止等者即前所引依止勝相等十勝相也○鈔言迦多演尼子者亦名迦旃延子傳云佛滅後五百年中有阿羅漢名迦旃延子母姓迦旃延從母為

名先於薩婆多部出家本是天竺人後往罽賓國國在天竺之西北與五百羅漢及五百菩薩共撰集薩婆多部阿毘達磨制爲八迦蘭陀此云八結亦云八捷度亦曰白節謂義類各相結屬故云結又攝義令不散故云結

野天

四

義類各有分限故云節亦稱此文爲支慧論以神通願力宣告遠近若先聞佛說阿毘達隨有多少可悉送來於是人天龍神乃至阿迦尼師吒天有聞佛說乃至一句一偈悉送與之迦旃延子共諸羅漢及菩薩揀擇其義

若與修多羅毘那耶不相違背即共撰錄違者棄之所取文句隨義類相開若明慧義別安置結中餘類悉爾八結各有五萬偈造八結竟復欲造毘婆沙釋之馬鳴菩薩是舍衛國婆枳多士人通八分毘迦羅論

此云

等及

三藏文字學府先儀所歸迦旃延子遣人往請馬鳴解八結阿羅漢菩薩等即共辨義意若定馬鳴隨即著文經十二年造毘婆沙方竟凡百萬偈毘婆沙此云廣解又云種種說評曰既云集佛所說阿毘達磨故云迦多演

尼子諷誦而已既是彼撰集故云亦是彼說
○鈔是則論藏下定斷其義上小乘論或佛
自說故或菩薩說今大乘論亦是佛說即阿
毘達磨經等有是菩薩取經中義等即瑜伽
唯識等若依後義以佛經為本統菩薩未論

野六

五

未不離本亦佛說三藏也○疏畧二門等者
問尅性門三藏何詮法多寡不同答以三藏
自性寬狹不等故也問何故古起信疏尅性
門各詮一學兼正門依雜集論第十一經詮
三學律詮戒定論詮慧耶答乃古疏傳寫誤

耳以論唯詮慧何有兼正義耶應以今疏為
證○鈔又能說三學等者三學俱詮以根本
故福慧俱詮生立素怛纜藏言能成辦等者
詮戒定者立毘奈耶藏以戒淨無缺身心安
淨後不憂悔漸得定故涅槃十一云愛見羅
刹全乞浮囊如犯夷半如僧殘三分之一如
蘭手許如墮塵許如吉羅囊全能度海戒全
出生死海此即輕重等持之意以是漸得深
定心一境性名定故云心學言即無悔等者
等取眠尋伺此四即四不定法今由尸羅無

此四不定故得三摩地也言能成辦增上慧
等唯詮慧者立阿毘達摩藏謂能決判揀擇
無顛倒義味故問戒淨無悔漸次得定詮此
二故立毘奈耶藏理應依定發慧詮二故立
阿毘達摩藏戒定俱福類詮生並調伏定

慧福智殊生詮異藏收問定慧類殊別藏攝
理應定散異故非調伏以別解脫戒是散善
故答定散雖殊俱是福不能斷惑俱調伏福
智二種專擇異斷惑有差別藏攝問三藏次
第經律論云何三學次第戒定慧答三藏約

本末寬狹為次三學約難易修習為次戒易
修故定稍難故慧最難故從淺至深修行法
爾又無次第隨宜說故為利根備說三學而
能成辦三學後二不言能說影取後二亦有
能說後二言成辦影取初一亦有成辦為鈍

野六

六

根者說戒心二學而能成辦戒心二學既戒
淨得定為說慧學而能成辦慧學此在實成
辦故名剋性非但詮說而已故論有成辦之
言成由言說故名所詮○鈔兼各通三者經
律論各證詮一多分說故兼餘詮二少分說

故則易知毘尼增三下釋律兼三也楞嚴云
毘柰耶中宣說修行三決定義所謂攝心為
戒因戒生定因定發慧三學皆云增上者以
行有萬差此三最極增上此三既立萬行自
成故法華玄義云佛法曠海此三攝盡後名

三學者諸佛本意欲令人學戒定慧非謂
欲令學於文字言教而已縱始實廣解名數
問即皆知善於立破轉增我相輕侮餘人故
昔人云自經論學出世因解來翻更長貪嗔
猶火出水中云何可滅則甘露反為毒藥非

自咎為誰學者當審此言體三學之意也等
字取論兼三也可知○疏詮示聲等者能詮
示即教所詮示即理行果四法具矣言攝大
乘同此者彼論云如是三藏下乘上乘有差
別故則成二藏一聲聞藏二菩薩藏○疏此

野六

七

就二乘理果同故合之者生空理同故有餘
二種涅槃果同故瑜伽八十二說聲聞理者
生空偏真也行者次位果者有餘依無餘依
二涅槃菩薩理者二空行者六度果者無住
涅槃教行別者四諦十二因緣教行別故問

既教行別何不別立藏耶答獨覺教少於聲聞又初入法多依聲聞教又四法之中所貴為理果是所求所得故既理果同故不別立問因人立藏曰菩薩藏佛是果人何不別立曰如來藏答因果雖殊四法無異不別藏欲

顯行願深大偏從菩薩立也○疏如普超等經者普超三昧經云如此大乘中亦有三乘則為三藏謂聲聞藏緣覺藏菩薩藏唯大乘中得有三藏餘二乘中則無此也入大乘論中亦同此說○疏攝屬聲聞者下云然緣覺

永樂北藏

華嚴懸談會玄記

聲聞各有二類總相而說聲聞觀四諦緣覺觀因緣聲聞依聲緣覺依現事而各成二者一聲聞聲聞謂本求聲聞亦觀四諦於最後身值佛成果二緣覺聲聞謂由昔緣覺觀十二因緣於最後身值佛為說十二因緣教依

聲悟故名緣覺聲聞言緣覺二者一緣覺緣覺謂本求緣覺於最後身不值佛世自藉現事因緣得道二聲聞緣覺謂先求聲聞悟得初果未現涅槃人天及七反滿已值無佛世藉現事緣而得道果評曰今即四中第二緣覺聲聞既皆

第一八三册

聲聞教故聲聞攝探玄問云等是下乘何故獨
 名聲聞藏答以緣覺亦有出無佛世無教故聲
 聞不爾故偏得名藏評曰此意約緣覺不定在
 佛世又多不藉世間經故偏云聲聞藏也○鈔
 小乘經律論別者別字有本作引字誤書也准

野六

八

此分之當知藏約部帙言四阿舍者一增一阿
 舍二中阿舍三長阿舍四雜阿舍皆言阿舍者
 此云教或云傳言五部律者一曇無德部此云法藏亦云法鏡二薩婆多部此云一切有
 亦云法藏亦云法鏡即四分律部主也三迦葉遺部此云重空觀即解脫律四彌沙
 也主三迦葉遺部此云重空觀即解脫律

塞部此云不暑有觀五婆釐富那部此云積子
 佛聖意愍念名常憐愛以大根未熟懸委當佛
 教化開導云將詣師所欲令受學慮彼賒晚名
 懼不速成攝之從已名尋便將還勸學教小名

教半字未授以大故言而不教誨毘伽羅論弘
 决志云毘伽羅者世間文字之根本也典籍音
 聲之論宣通四辨呵責世法讚出家法言詞清
 雅義理深邃將是善權大士之所為也故以此
 論喻方等經然寄居傳云五天俗書總名毘何

即五明是也舊云
是伽羅論者訛也言半字謂九部經者於十二
部中除三部故一除記別以無授記作佛故二
除自說以小無為不請友故三除方廣以小無
廣大利樂故然十二部經各有二相今約一相
說以乘中無此三相故也餘如此說言何名為

野六

九

藏者彼疏云恪惜名藏根熟時為說大乘故無
秘藏何字應是可字即反顯也陀羅尼者此云
總持言五明論者一聲明釋詁訓字詮目疏別
二工巧明技術機關陰陽曆數三醫方明禁咒
瀰邪藥石針艾四因明考定正邪研覈真偽五

永樂北藏

華嚴懸談會玄記

內明究暢五乘因果妙瑾如西域記說○疏正
唯修多羅攝者此約部帙唯修多羅藏攝此經
兼詮戒慧亦通餘二藏攝約彼此義同故故探
玄記第一說或第二第三藏攝此約同教辨言
若就修多羅下約別教說或上約自他分彼

此此約目經中復分彼此以攝也言以義揀
教者以三藏是教即言教非教攝中教也而
三藏名通權實上辨兼證乃約同教故今以
無盡之義揀同取別唯信等十藏攝此經
也自他探玄記云對下文十藏所攝以主伴

第一八三册

具足顯無盡故此約別教又綱要云若依此
 經十藏品中自明信等十藏為實攝於此經
言十藏者謂信戒慚愧聞施慈念持辨十皆云藏 問何以十藏一品
 却攝一部耶答說處雖在一品約義該攝一
 切以皆明具足主伴等 十玄舉初後二門攝中間之八門故取中

准則此經流類之經及十地等論皆十藏攝
 問二藏能詮是教十藏是義如何以義而攝
 教耶答小乘教義俱不融三乘義融教不融
 一乘教義俱融故得攝耳意云十藏之義即
 能詮教或可詮到十藏義之能詮方攝此經

非詮餘義之能詮可攝此經也故云以義揀
 教○疏通相十二分教等者下疏鈔云舊名
 十二部恐濫部帙改名分教各有二相修多
 羅或二或三 已如前 二祇夜此云應頌一與長
 行相應之頌由於長行說未盡故雜集云不

了義經應更頌釋如十住品發心住頌即其
 類也二為後來應更說故如涅槃云佛昔為
 諸比丘說契經竟爾時復有利根衆生為聽
 法故後至佛所即便問人如來向者為說何
 事佛時已知即因本經以偈頌曰我昔為汝

等不識四真諦是故久流轉生死大苦海等
三授記梵云和伽羅那亦云記別授者與也
記云錄也別者分別佛與記故一記弟子生
死因果其文非一二記菩薩當成佛事如記
彌勒云未來有王名曰穰佉當於是世而成

佛道等發心品中及出現內並有此類四伽
他此云諷頌即是孤起頌舊云偈一為易誦
持故二為樂偈者故三天偈讚皆是其類五
尼陀那此云因緣一因請方說為重法故如
十地品三家五請二因事方說知本末故如

觀善財又雜集云又有因緣制立學處即因
事制戒亦第二攝六優陀那此云自說一為
令知而請法故如十地本分等二為令所化
生啓重故念佛慈悲為不請友如普賢行品
等七本事梵云伊帝目多伽一說佛往昔事

野六

土

如威光太子等二說弟子往事如說諸善友
因緣等八本生梵云闍陀伽謂說昔受身一
說如來如說威光數數轉身值佛等二說第
子諸善友等然其本事但云其事除所生事
本生要說受身九方廣梵云毘佛畧一廣大

永樂北藏

華嚴懸談會玄記

第一八三冊

利樂故二正法廣陳故此經一部全受斯稱
 涅槃云所謂大乘方等經典其義廣大猶如
 虛空雜集開為五義云方廣者謂菩薩藏相
 應言說亦名廣破一切障故亦名無比法無
 有諸法能比類故一切有情利益安樂所依

處故宣說廣大甚深義故

釋曰開總菩薩藏
相應古說為四并

總為五也十未曾有梵云阿浮達磨亦云希有法
 一德業殊異故如初生即行七步斯經不起
 而昇四天等二法體希奇故謂菩薩不共功
 德經文非一十一譬喻梵云阿波陀那一為

深智說似令解真故如法華云諸有智者以
 譬喻得解如出現品一一喻明二為淺識就
 彼類誘令信故如為擔人說二蘊等此經所
 無故僧伽吒經云色為一頭心為一頭身為
 重擔甚可怖畏三毒所壓不可得勝去來常

擔不能速離

法喻各有六事喻六事者二擔
頭為二三擔身四擔中物五打

擔人六去來常擔法六事者一心二色三連
合色心為身四三毒五二蘊假者六六道去
來不離其所歷之雜集通說為令本義得明
 了故十二論議梵優波提舍一以理深故二
 義不了故並須循環研覈或佛自說或菩薩

相論如問明品等然契經望餘總相畧相則
許通有別相無此下料揀十二互有無也今
長行縱雖是餘應頌諷頌互望並無本事本
十一所不析故上二過去記別未來故自說因緣容得互有

野六

三

如因事說不由請故除上所除皆互有謂如
除頌頌餘皆有諷頌示除應頌餘皆有刀至
本事除本生及記別餘皆俱有等餘義惟思
問此十二分於大小乘為局為通若皆大者
何以涅槃云護大乘者受持九部經俱云若
身之具亦常豐足復能護持所受禁戒能斷
子吼演說妙法謂修多羅祇夜受記伽陀優

永樂北藏

華嚴懸談會玄記

第一八三册

隨那伊帝月多加聞他如昆佛畧阿淨達磨
以如是等九部經典為陀廣說利益眾生等
法華第一云我此九部法隨順眾生說瑜伽
等論說聲聞無方廣故荅然諸經論且約一
相故作是說如實大小皆具十二分解深密
經說菩薩依十二分教修奢摩他瑜伽云佛為

聲聞具演十二分教故今疏云通相十二分
教亦分大小對下隨人各立之教故名通相
於十二中雖大小乘增減不同亦聖教自分
但是通相之義實通有十二分故然涅槃中
但有九者依三部中之小相故謂因緣中因

事制戒辟喻中誘引淺識論議中約非了義
故唯有九法華小乘唯有九者三部中大相
故於記別中記當成佛自說中為不請友方
廣中廣大利樂明知且約一相然此經之中
具十二分義如上引○鈔由前經藏等者三

野六

三

藏二藏等皆有權實此即攝前起後也隨其
自宗不同各自立教異故鈔畧語深者以海
喻深廣冲深但語深也言法雲智光畧明深
廣者以此深廣說之難盡故且畧明法雲約
橫明廣智光約堅顯深○下經云下義引十地

品文下疏云從所受處名法雲地謂佛身雲
遍覆法界法雨亦多澤彌唯此能受若直
從所受法應名法雨地若從能受應名法
海地以此法器廣大如海故能安者堪能
安受文故受者信受故上二受文攝者思惟
攝取義故持者持取彼文義成二持故支持
雲雨說法故者次經明法雲地菩薩自以願
力起福智悲雲普霑法雨滅惑塵蔽生善益
根故即從自受名今既雲雨說法用證上法
雲也○鈔夜摩下疏云悟說勝義甚深之法

表十行建立故云勝林赫日之言但取陽光時長難窮其際言孟夏者禮記注云孟者長也仲者中也季者少也此乃取意譯也梵本敵對翻後熱月即四月十六日至五月十五日也西域一歲立為三際謂熱兩寒從正月十六日至五月十五日為熱時從五月十六日至九月十五日為雨時從九月十六日至正月十五日為寒時今後熱日兼得此方孟夏後半故合中明佛德廣博經云功德總該一切踰日智先且從勝說以果位智強故○

永樂北藏

華嚴懸談會玄記

第一八三册

鈔妙辨巨窮下佛迹明玄四辯八音具如前明○鈔全依體上等者無言真體性不變易體全為用說法應根說無休息故非是無言言中求體竟不可得故非在言然能說之妙下明不可取文字所說之深下以言不及故○鈔故經

野六

西

云下即十忍品前二句了體而能示言說起用也如響徧世間者踰云一空谷二有聲此二是緣三聲擊空谷便有響應此明所起四有而非真此彰無性五愚小謂有谷喻如來藏聲喻緣感以如來聲不違法性而能隨類

故徧世間令聞響之教了如響之聲通達性相無礙之法上皆深故巨窮也○鈔故下經云下妙嚴品文下疏云初句即能照法門如一日宮千光並照隨舉一法有無量門然有二義一約相類如一無常門有生老病死聚散離合得失成壞三灾四相外器內身剎那一期生滅轉變染淨隱顯皆無常門餘亦如是二就性融不可盡也次二句普運照義一日周天則日日無盡一門歷事則劫劫無窮方便多門終歸一極廣者無邊大者無上末

句普運光明日天子了達前法故能說多端也○鈔所感非一故者能感所應之根既無窮盡所感能應之教亦非一故助證云感字誤書是應字則所應非一故以上句能說多端下句所應非一正相對故或可依字不改

野六

五

是順尋常語言如云所生父母父母豈是所生此以所目能耳今雖言衆生所感亦目衆生之能感耳義雖可通然今以能應之教為門上句能說多端此句能應非一所感即能應故前釋為正言九地云下疏云問卷成就以

居法師位故能普應也故肇公云般若無知對緣而照萬機頓赴而不撓其神千難殊對而不干其慮若守分別之情何能頓領殊難自非般若之功孰可斷疑今喜即證所感能應之教非一也菩薩尚耳下舉劣况勝可知

○鈔出現品云下亦證能應巨窮也故下但結如來教法能深等言如來音聲者次前經云佛子如來法輪悉入一切語言文字而無所住譬如書字並入一切事一切語一切算數一切世間出世間處而無所住今但引其

合文也下疏云無住故用而常寂即無變也遍入故寂恒用即之變也上皆廣故巨窮○鈔是知下總收上義深廣即前二義高而無上猶高峯四絕喻法以四邊不可入故可仰則但可知其高勝巨昇則莫能窮究其極遠

而無邊猶大海周天雖涉而難越度喻雖趣入其法難盡邊涯又高遠故巨窮也○疏極位所承等者承者稟受挹者斟酌鈔十地菩薩等者十地名因位極者約不開等娑竭羅此云大海於海中此為最尊獨得其名言唯

除者唯海能安受一切水故受者不濁故濁如不信合信故不濁攝者餘水數入失本名故持者用不可盡故如來秘藏者意取法明照兩蘊在法界藏故所受法妙言大法明者論云性故謂三慧所知名法自性大法明是

野六

去

聞思二慧攝受故照是修慧所攝受故大法兩者論云作故謂說授衆生如雲與地雨兩故言皆不能下能安受文故如前已釋○鈔第五經下妙嚴品文也言佛子者下疏云一外子謂諸凡夫未能紹繼佛家事業故二庶

子謂諸二乘不從如來大法生故三真子謂大菩薩從大法喜正所生故即九地已下三種佛子皆不能測言精進力下即法界品說大願精進力主夜神也善財見彼雖寄第八地應是極位菩薩示居八地也有本云喜目

者誤書也○鈔應有難云者躡跡難也答意云若凡自力誠不能測今依聖教及正理方能知故○鈔故涅槃下問前云九地不能安等今具縛何能知耶答前明一切佛雲雨說法故不能盡知今憑教理少分比知故不相

違○鈔即仰推之智下即勝曼經意彼經有三種人於甚深法義離自毀傷生多功德一成就甚深法智二成就隨順法智三或有於甚深法不自了知仰推如來所知非我境界彼疏云初是地上菩薩證理次是三賢順法

野六

七

而行後是十信高推信仰故既推佛能窮究知之今但深生淨信比解佛教證理斯言無過矣○鈔如龍樹下謂龍樹造智度論釋大品般若無着造能斷金剛般若論釋金剛般若僧肇等造四聖疏釋淨名經等言生公之

立四輪者彼云始於道樹終至泥洹凡論四種法輪一善淨法輪謂始說一善乃至四空令出三塗之穢謂之善淨二方便法輪謂以無漏道品得二涅槃謂之方便三真實法輪謂破三之偽成一之美謂之真實四無餘法

輪斯則會歸之談乃說常住妙旨謂之無餘餘至下文當知○鈔周易等者義引繫辭證云天下同歸而殊途一致而百慮注云夫少則得多見或塗雖殊其歸則同慮雖百其致不二苟為其要不在博求一以貫之不慮而盡矣今順疏中同歸故引前却耳○鈔謂若下舉况

也爾雅云一達謂之道路長二達謂岐旁支

旁三達謂之劇旁四達謂之衢四道五達謂

之康六達謂之莊七達謂之劇驂三道交後

八達謂崇四道九達謂遠四道交後有旁道今言此

寺雖異所入王城不異也言九流者前漢藝

文志說全身保國凡有九流一儒流袒述克

文武宗師仲尼絕禮樂去仁義獨任二道流清虛者也本出史官

三陰陽流敬順昊天曆象日月四法流賞罰

以補禮制者也異名仕不同禮亦六墨

流推兼愛之意七縱橫流言其當制宜受奉

出清廟之官而不受詞者也出

於行人八雜流法出於職官九農流播百穀

以足水食者也言百氏者即諸子百家雖文

說異而大道何殊○鈔今疏借用下合釋言

一約教者始則四十年前教隨根異故殊途

終則法華一極故一致二約根者不揀何時

而至理常一三約體者一實體外無三權等

○鈔一音即是下佛國品文也彼經云佛以

一音演說法眾生隨類各得解言藥草喻者

玄讚云去疾神功名藥稟潤之形曰草喻行

藥草稟教修生品中詮此故云藥草喻品妙

嚴品鈔引彼經釋云三草者謂小草中草上
草二木謂小樹大樹以人天為小草經云或
處人天轉輪聖王釋梵諸王是小藥草二乘
為中草經云知無漏法能得涅槃起六神通
及得三明獨處山林常行禪定得緣覺證是

中藥草菩薩為上藥草經云求世尊處我當
作佛行精進定是上藥草此通說大乘為上
以大乘登地已上慈蔭義廣復加二樹七地
已前小樹經云為諸佛子專心佛道常行慈
悲自知作佛決定無疑是名小樹八地已上

為大樹經云安住神通轉不退輪度無量億
百千衆生如是菩薩名為大樹佛平等說如
一味雨○鈔如來知是一相下證成上法雨
一味也一相者無異相故無相相故般若云
皆同一相所謂無相無量義云一相無相一

野六

九

味者一無漏味殊勝資益無別體故何者是
一相一味之體所謂下出其體也文有五句
前四德後一一性解脫相者我德脫二障縛
得自在故
離相樂德離變易
衆苦故滅相淨德性純
染故常寂滅
相常德四相
不終歸於空者即四德不空藏

同歸空藏爲體是一相一味也○鈔原聖本
意等者原者鞠窮之義若據機緣請說即隨
機勝劣亦三乘淺深若欲鞠窮我佛出世本
意唯爲一佛乘故彼經云諸佛世尊唯以一
大事因緣故出現於世等○鈔如經說一無

常下文有六義乃含多意一以生滅代謝等
者有二說會解云即小乘中意尚通人天乘
齊照則云是小乘義并立相始教二或云無
彼常故名爲無常會解二什一於依他法上
無餘性釋謂依他法上無彼徧計常無相之

常無彼圓成常有相之常故云無彼常是無
常也二亦於依他中約染分同徧計故無彼
淨分同圓成之常故云無彼常故名爲無常
初意即大乘初教中義後意通實教義齊照
則云於依他上無圓成常亦始教義三釋皆

通三或云不生不滅名爲無常者此具一論
二經之文即有多意一論者即中邊論故下
疏云依中邊論約三性說則初後二性不生
不滅是無常義謂徧計無可生滅故圓成體
常湛然故約二性說不生不滅是無常也此

有二義若依他無性即是圓成即實教義若以即空即破相始教義言二經者淨名經迦

野

子

殊絕乃至云以遣常故故言無常非謂有無常無常常無故云畢竟不生不滅是無常義即破相意也生公釋云無常者以事驗之終

永樂北藏

華嚴懸談會玄記

第一八三册

在哉推無在之為理是諸法實義實以不生滅為義豈非無常之所存乎此則正就生滅

會解唯實教

二即菴提遮經

若知諸法畢竟不生不滅隨如是相而能隨其所宜而有所說是無常義等故下疏云菴提遮經說不生不滅是無常義生滅即是常義等鈔云此意正顯性相交徹二義相成生滅相盡無常即常故不生不滅是無常義隨

緣不變常即無常是生滅義也又性即相故不生不滅是無常義相即性故生滅是常義互奪則雙非互成則雙立釋曰今唯取性即相故即終教義也四或無法可常者決擇記云絕待真理無彼對待可常故名無常是故

野六

主

真如門隨順但具非常非無常之言念爾今遮可常故名無常或即無法可常者約真望俗俗諦門中無有一法可謂常者初即頓教義次通相真俗相望若寂照云約徧計無法可常以理無故亦通相約諸教說也五或云真如下即終教意六或聞

無常下即雙非顯中是頓教義言等者等取圓教中義下鈔云若華嚴宗一切法趣無常無常攝法無遺義理無盡方真無常總收諸義以為一致皆是此宗一義所收也此則一無常言自含五教攝乎多義如何定分耶明知下但隨人解不同法元無異無常既爾餘若空等例然如十住疏鈔具明○鈔乃有種種者即生滅無生無量無作四種也如下天台教處說○鈔十二因緣下此通相之意不同別義唯緣覺觀緣生故二乘不見佛性利

鈍分二十地見佛性不了了佛了了見故因果不同菩提者皆無漏智也○鈔又如中論者即天台四教所化之根各緣三諦之境以成三觀之解即四或字下爲四教也初藏教中緣生色法其體不無析盡方空謂呼析盡

之空方爲空也十字即刺或可不刺意云但析色明空不得即空十方虛空方可呼爲即空也言賴緣故假非施設之假者假猶藉也以彼不了法空不知從空施設權假以利有情故弘決志云今此虛假賴衆緣成非從空

出設權利物言離斷常故者離外道斷常二邊名中因緣生故不斷析之空故不常然但約有爲事中離斷常爾非佛性中道也言雖三句皆空者初析法空故空二無實故空三無邊故空初一自體名空次二空他名空尚

野六

字一

不能成通教即空之淺義况別圓教即假即中之深義耶○鈔或云因緣下第二通教機解也言體即是空者體達緣生之法無性故即空而不得即假即中者斥無法性妙假妙中設作下許有自義以設作假中之解皆順

入但空故言離斷常二邊者一切諸法當體
 即空故非常空非斷滅故非斷既離斷常故
 云中亦即空或云離斷常云中者亦即離空
 之斷離假有之常故此通教即色明空即色
 故非斷明空非常也言三獸渡河者優婆塞

戒經云佛告善生如恒河水三獸俱渡免不
 至底浮水而過馬或至底或不至底象則盡
 底即十二因緣河也聲聞渡時猶如彼兔緣
 覺渡時猶如彼馬如來渡時猶如彼象今鈔
 借意證此通教三乘同稟明依此教三乘之

人作是解故不遮其中解心復有淺深成三
 乘故或可證此中論一偈四教機解淺深不
 同然前解為正○鈔或謂即空即假下第三
 別教機解也言迤邐者展轉之義以三空三
 假三中而義各異故名別教如觀一緣生色

野

至

法上論三空者弘志云無住故空真諦中空
 也虛設故空俗諦中空也中理無邊故空中
 道諦中空也雖似一空一切空然不無次第
 故屬別教言同有名字故假者以有空名假
 名中名故三皆假然亦三名不同故屬別教

言三種皆中等者真諦雖有無故中俗假涉有就根施設化用不住愛見之悲化邊不住沉空不化之邊故中言約一實下色等實性真如寂諸邊故中也○鈔或謂即空即假即中下第四圓教機解也即空下標雖三下釋

如一緣生色等義雖有三據體一故雖是一體不礙三故言思道斷者以詮緣無寄即不思議空也但有名字者圓融三諦假名詮說設圓融之言亦假設故但有名無實即是相故者謂空中有中義即是實相佛性中道之體則觸處皆中

此上總意但以下別釋但用空一名即具假中之義悟徹空義即悟假中之實以理事等皆融通故言餘亦如是者謂但以假為名即具空中悟假即悟空中但用中為名即具空假悟中即悟空假故云餘亦如是○鈔是知隨聞下總結

前說可知○鈔法界品下即守護一切城王夜神說此目因時海雷音光明王佛涅槃之後法欲滅時有千部異執千種說法等○鈔夫子云等者論語第二篇文也注云攻者治也善道有統殊途而同歸故異端不同歸彼疏云此章禁人邪學異端諸

子百家之書也言人若不學證經善道而治乎
 異端之書斯則為害之深也已可得下釋成可
 知圭峯云即留支羅什一音教是此意也○
 鈔今欲分教等者詮義淺深不同故教權實
 成異欲使不迷耳故處處經中皆云依了義

野六

三

經不依不了義經故須分其權實耳○鈔一
 音但是教本等者佛一妙音是今之教本故
 故佛音聲非即是教教乃在根所聞今分隨
 根不同豈遮異教○鈔長風是一百竅異吹
 者喻顯也先順後豈以下反顯莊子獨不聞

之琴琴乎良批反即山林之畏佳子唯反即
 大木百圍之竅穴似鼻似口似耳似柝又音難
 肩即屋櫛也圍具院反如羊似曰反其九似注者於
 及謂曲而據似汚音烏即汚者上八象形勢之不
 有激者經歷反如水謫者音孝如箭鐵叱者
 異音激者音謫者音叱者音

目實及吸許反及如叫者古邪反如讓者音
 咄辭也於克反深也若咬者於交反廣如彼
 說言百竅齊響者即是不分清濁高下等音
 名為齊響廣鈔云便為百竅為一音響非是
 同時響為齊響也即顯清濁等各異也○鈔

以一音一兩下應有問言前不分教疏中雙
明音兩今分教疏中何但言一音而不言一
兩耶故此答也意云前彰義有所憑故雙引
二經今以一音是法一兩是喻義相不異也
○鈔一隨自意語等者如華嚴經二隨他意


野六

五

語等者如阿含等經三隨自他意語等者如
淨名經等言不分初一者若約一實異權等
三亦是分也○鈔如前所引者謂無常四諦
緣生等然此亦約一往而言若約如無常中
各隨異義并四諦等天台分爲四教豈曰不

可分耶故今猶半從之未是全奪故也○鈔
若說二空此可名大下問下叙通教云二乘
同學二空又阿含云無是老死無誰老死亦
明二空彼何名小耶答通教廣慧二乘得學
二空今據愚法不明二空阿含少分明法空
今從多分但明人空又雖說法空而未明顯
今就顯了唯明人空○鈔一善會佛意等者
佛意說權乃是隨機佛意說實乃是稱理佛
意如是要善解會既佛意雖分而不成枝流
故不執異而迷同也二有開顯等者以教中

佛自說於開顯然開字有二義一於一佛乘
 分別說三名之為開即是從本流末二開者
 開除開發故是則說三為方便歸一真實即
 攝末歸本也今約後義豈成枝流○鈔涅槃
 第九等者一段鈔文義科為三



後明標中次第初又
 初明喻次第初今
 後顯同異初
 後明會次第三
 三行成蜜意三
 三後垂鈔者而
 初總明義三
 初前前修合
 二別明後三
 二第四明四空合

○鈔先陀婆者彼疏云即是山名此山出好
 盞器水馬以處目物四種同名先陀婆也此
 從重至輕以苦空無常無我為次也○鈔釋
 中一水二盞等者此依王所作業為次法
 中無常苦空無我為次也總舉一名別索四
 物故名蜜語法中如一無常名含苦等四義
 一解脫名含常等四德也○鈔是大乘經下

合也言有四無常者彼疏云一分相門唯一無常苦等則非二攝相門無常為主統攝諸義悉成無常苦等亦然四權既爾四實准知今據攝相四俱名無常如三空門以空為首故名三空大乘菩薩如智臣也○鈔為衆生

說如來涅槃者此下法喻有似不齊喻中先陀婆一事法中云佛涅槃等四名然但約同是密語不約數齊或此四約攝相門皆得一無常名則法喻正齊也然其次第與前標別此約其三寶修證次第故前三修第四證○鈔為計

樂者說於苦相者由法滅故人多造惡受諸苦報故偏受之以明苦也破計生死為樂故說名苦○鈔我今病苦者舉佛助顯衆僧破壞虛假義顯故就之偏明無我令修無我之觀十住鈔云畧不說空即是三修所畧空義

野六

主

為計生死為淨故觀為空如常多說不淨觀治計為淨今此復是別門隨根異故又義深於不淨故而無不空之德不如斷不淨而有淨德也故名權行十住鈔云空亦不淨是有為故即心所變之空相故涅槃云淨者諸佛菩薩正法名

為善有此中應問云且如空行為淨有為不淨若是淨者與本倒之淨實德之淨既同是淨如何翻對若是不淨却違般若等教空是淨義故又問實德淨與本倒淨為空為不空若空故名淨本倒如何計空若有故名淨却

違般若等教淨是空義故答空與淨皆通二義空通淨不淨二對本倒名淨對實名不淨淨通空有二本倒實德皆通空有但諸教臨時各取一義不可互准為難且如空行為不淨者真理離邊空有皆絕若言空者即着空相為不淨汚真淨理故

實淨對破之餘義易知思之可了○鈔所謂空者下至不變清涼涅槃疏意但是權行中空義清涼意具無我等四義所謂下至則名為空空屬生死無常故次鈔云由於生死無常等中密顯常等故為密語即非一切法中

證解脫十住鈔云一切法屬有為故證解脫既非一切法明是無為於此中無權四行彰其四德故為密語言無二十五有者舍利弗毘曇論偈云四州四惡趣梵王六欲天無想與淨居四空并四禪此等計我今無二十五

有以明無我法中蜜顯真我故言是解脫中
無有苦者起信云覺即不動動即有苦今既
不動無苦蜜顯樂也言無有色聲等者色等
為相相即不淨設淨分之事妄未盡故今無
相故蜜顯淨也十住鈔云若有處所則非清

野六

天

淨淨無淨相方真淨故言常不變易等者起盡故無
常不安隱故熱惱不恒故變易今無彼無常
故常無熱惱故清涼無變易故不變皆是常
義故具權實八義○鈔一切衆生下涅槃疏
意彰實常義隱權無常清涼意具常等四德

○鈔是諸比丘若能如是下總結今順學為
佛真子故十住鈔云以絕常無常之淨心照
常無常之圓理苦樂等准知即定即慧而雙
修依此法生是真佛子○鈔彼經疏下一就
佛明無常二就法明苦三就僧明無我四就

解脫明空五就佛性說常此五中皆有權實
前四彰權隱實後一彰實隱權○鈔今謂下
清涼釋也先明喻中次第言當其空有器之
用者語出老子三十輻章彼云當其無有車
之用河上公注云器中空虛故得有所承受

下鈔云器中不虛即無所用故器喻空馬由人策不自在故故喻無我此上直喻無常苦空無我四義如次○鈔合中無常苦無我是三修法屬生死者意云若順喻次第第三合器當說於空今順三修為次故立空義却為

癸

无

第四也然涅槃有劣三修即無常苦無我有勝三修即常樂我下鈔云涅槃哀歎品有三修比丘修苦無常無我經云我不但修我無想亦修習其餘諸想無常想無我想畧不說空故云三修然空非生死是三修法依生死

法修三觀故故云屬生死○鈔四合空等者是正解脫中空彼無我空彼苦空彼不淨空彼無常一向空他四義並以器之空義喻矣言即是常者語畧應云即是常樂我淨故以連帶無常之言故但翻云即是常故又或以常義顯約攝相門樂我淨等皆常也○鈔最後佛性者即前云或復說言一切衆生有如來性等此中妙有者非情謂之有涅槃云有名執着無名虛妄當知難擬故稱妙有此對前第四但明空義故云妙有即合前馬者

馬是喻依喻體有三一由人策不自在故我者自在既不自在故喻無我二不無義以喻妙有前取初義今取此義三進止無滯義後文說之以喻真我○鈔然空中四義等者別明後二義也以釋此二義與彼疏不同故

須別明委釋也或可通重繁妨妨云空中已有四實與第五節豈不重耶釋意遮表異也第四真空實德四義遮權四行第五佛性妙有直顯四德故為異也言亦應具下亦重通妨難云既遮表別遮中既有四德表中何但

云常故此答也意云但經文畧故亦應具說我樂淨故此約別相門答也若攝相門如上已明或含在正解脫中故畧不說此別作一不分同彰義答遮表八行故何者遮中不動故樂無相是淨無變下是常與佛性真常無異馬又我義者即

野六

辛

前第三義以自在故喻真我即前遮中無二十五有無我中密顯真我也是則此證解脫中具彰八行在境名德在心名行皆是觀行故也是則寂而常知常無常等既不生二解朗鑒居懷豈非妙行耶○鈔由於生死下釋

成密意可知○鈔又初標中下釋初標中次第也有漏皆苦我所成空有為無常非實主宰故云無我從重至輕以為次也○鈔然引此文下總收前說令解達諸教隨所言說須善得意趣何礙分耶○鈔不能正修下既解

初心作佛是方便權說即不能如法證修言高推聖境者如云此是入理聖人境界我何能耶即不能速證果也幸有善財龍女等能正修行速證菩提言失大利者以深為淺而復自欺故○鈔數息看心者由散心難制佛

令數出息一入息二乃至出息九入息十數了却從一至十不限番數使出入無至數自不錯等然數時有四行相一以二為一以二以三為一三順數四逆數言以一為一者入息為一出息為二如上所明二以二為一者即

野六

至

將出入二息合為一數亦從一至十三順數者上之二義從一數至於十四逆數者從十數至於一如是觀時以一為數亦得以二為數亦得於順逆次第終而復始但無三失一數減失謂於二為一於三為二等二數增失

謂於一爲二於二爲三等三雜亂失謂於入
爲出於出爲入等又順證理師又有三失一
太緩失爲修觀時加行心緩因此觀行不得
成就二太急失修此觀時由加行心燥急因
此內身風大不調脉候不安而便病生三散

亂失謂修觀時心多散亂由此爲緣却生煩
惱等此乃意令看守其心令不餘轉修學既
久亂想皆絕其心寂然行人不了耽以爲真
雖勤苦久修只得小乘之果不得大涅槃一
日之價法華云我等從佛得涅槃一日之價

意云三祇方得大涅槃今三生六十劫拙度
小果但得大涅槃一日之價鈔云不得者顯
因異果也其猶求利之人自身負擔貨遷有
無等用功雖多所獲至少蓋法淺也或得仙
方使瓦礫爲寶等用功極少所獲甚多蓋法
深也○鈔謂分析權實等者三乘是權一乘
是實空即破相有即二乘頓漸等爲偏圓教
可知取捨之言通上及下若淺之深捨權取
實此言捨者非謂厭棄但知是方便不奪方
便之意故此言取者非謂執取但可依之修

學故一乘三乘等取捨准知遲速者通上權
實空有偏圓小爲速三生六十劫四生一百
劫但得小果故大爲遲修行長劫得大果故
三乘遲一乘速龍女速成是一乘故又破相
名遲般若五百八十四云若諸菩薩起心我

野六

圭

當精勤經爾所劫流轉生死定當引一切智
智若起此心不能證得一切智智問心作分
限有何過耶答是諸菩薩厭怖生死速求菩
提由心速故便作分限不能圓滿自他善根
田怖生死或隨二乘若作分限設經殞伽沙

數大劫不滿六度以六度皆無邊故一切智
智亦無邊故始終二教名速三祇必成佛故
又始終名遲頓教一念不生即佛故速又偏
教定遲定速圓教遲速無礙義是前說如此
分折方知佛法無不包也譬如下託喻及顯

也可知又若下重釋若不分則人以邪正爲
一例也今正中尚有深淺儒道豈可同佛教
耶○鈔深密解節金光明經者義如下說涅
槃半滿如向所明言又約五味之差者涅槃
十四云譬如從牛出乳從乳生酪酪出生酥

生酥出熟酥熟酥出醍醐佛亦如是從佛出
十二部經從十二部經出修多羅修多羅出
方等方等出般若波羅蜜般若波羅蜜出大
涅槃然此經古德取意不同遠公以佛即應
身十二部經即小乘經修多羅即大乘相教

對

三

以方等經即大乘空教以般若即離相證實
之慧若約行辨教即般若經以大涅槃即了
因所了實性若約實辨教即涅槃經若南中
諸師以乳為有相教即小乘合以酪為無相
教以生酥為方等褒貶教以熟酥為同歸教

永樂北藏

華嚴懸談會玄記

以醍醐為常住教若天台以乳為華嚴酪為
阿含生酥為方等熟酥為般若醍醐為法華
涅槃天台所用轉變不定此配五味多約此說然上諸說對於經
文義多不順如遠公以方等為空教復以般
若為般若經般若又是何教南中諸師以熟

酥合般若之教以為法華等天台修多羅為
小乘以涅槃為法華文多不順現相品鈔清
涼釋云佛自揀此經異於小乘今牛出乳是
大乘教若爾何成五味謂十二部經辨所說
教出修多羅者出生契理合機之義由契理

第一八三冊

故顯出真理廣陳為方等依理生智故出生
般若般若以智契理成極果故出大涅槃此
意明智契理為大涅槃經正詮此即實教義
此釋多順經文之意然今文約五味之差皆
佛自分即前諸師配屬諸教無失但各是一

意耳○鈔無着之扶五性者無着所造顯揚
論第三云可救者謂三乘寂滅法性不可救
者謂無三乘寂滅法性其不定性從在三乘
之中若以此為極則三時之義自立言龍樹
之判四門者即智論開空有兩亦雙非為四

門及共般若不共般若等也○疏後魏菩提
流支者即北朝元魏時也據於曹魏故云後
魏姓托跋都雲中至孝文帝時遷都洛陽改
姓元氏復名元魏菩提流支此云覺希亦名
道希亦名覺愛此印度人徧通三藏妙入總

野六

三四

持志在弘法廣流視聽宣武永平元年歲次
戊子至洛陽武帝親慰勞住永寧寺供給七
百梵僧以流支為譯匠凡譯經論三十九部
梵本萬夾筆授草本滿一間屋洞善方言兼
工雜術常坐井口操罐置空或呪井令滿酌

而爲用言同時報萬者報者告也探玄記第一并教義云留支立如來一音但隨根異而今疏云者應是流支義亦不定互說不同今且叙一邊耳○疏二姚秦羅什等者姚秦亦若後秦以符堅號前秦也姓姚氏正姚興時

也具云鳩摩羅什此云童壽本印土人父以聰敏見稱龜茲王聞以女妻之而生於什什居胎日母增慧辨七歲出家日誦千偈義音亦通至年九歲與外道論義辨挫其邪鋒咸皆愧伏年十二有阿羅漢奇之謂其母曰常

守護之若年三十五不破戒者當大興佛法度無數人又習五明論四韋陀典陰陽星算必窮其妙後習大乘數破外道遠近諸國咸謂神異母生什後亦即出家聰拔衆尼得第三果什既受具母謂之曰方等深教應大闡

野六

三五

秦都於汝自身無利如何什白菩提之行利物亡軀大化必行鑪鑊無恨從此已後廣誦大乘洞其秘奧西域諸王請什講說必長跪座側命什踏而登之符堅建元九年歲在丁丑太史奏云有德星現外國當有大德智人

入輔中國堅曰朕聞西有羅什襄陽有道安
 將非此耶後爰遣將軍呂光率兵七萬西伐
 龜茲得什同歸至涼州聞堅為姚長所害因
 據西涼亦請什同留至姚興弘始三年興滅
 西涼得什方入長安秦主興厚加禮之延西

明閣及逍遙園別館安置勅僧叡等八百沙
 門諮受什旨興卑萬乘之心尊三寶之教於
 草堂寺共三千僧手執舊經而叅定之莫不
 精究洞其深旨時有僧叡甚嘉什所譯經叡
 並叅正允譯經論九十八部○鈔則順下出

現品等者經云應知如來音聲遍至普遍無
 量諸音聲故隨顯音一隨顯音隨其心樂皆令歡喜說
 法明了故隨欲音二隨樂音隨其信解皆令歡喜心得
 清涼故隨解音三隨根音化不失時所應聞者無不聞
 故四時音無生無滅如呼響故五我無主滅無

主修集一切業所起故六內集緣成其深難
 可度量故七非一非多能一無邪曲法界所
 生故八純稱無斷絕普入法界故九橫入無
 變易至於究竟故十豎踰一極上復有十喻
 如教迹中已辨言六句融通者次經云應知

如來音聲非量非無量非主非無主非示非無示疏云一莫窮其邊故非量二隨根隨時有聞不聞故非無量三多緣集故非有主四純一法界生故非無主五當體無生故無能示六巧顯義理故非無示言初師善口天女

野六

美

等者即第四喻合前第三隨根解音也言後師順如水一味等者即第六衆水一味喻第八無邪曲音經云譬如衆水同一味隨器異故水有差別水無念慮亦無分別佛音亦爾一解脫味隨根差別言齊楚俱失者有二說

永樂北藏

華嚴懸談會玄記

第一八三册

一云莊子徐無鬼篇云齊人竊也亦反于於宋者其命闇也不以完疏云闇守門也齊之人棄竊其子於宋仍命守門者刑今自以為是不其求鈇鐘以束縛其求唐子也而未始出域有遺類鈇音形小鐘也唐亡出境域束縛鈇鐘恐其損壞貴器夫楚人寄以為不惹遺其氣類亦言我是

而竊闇者夜半於無人之時而與舟人闇未始離於岑岸也而足以造於怨也楚郢之人因子客寄近於江濱之側竊守門之家夜半無人之時與入他人舟上而舟未離岑岸已共舟人闇行不懷思德更造怨辭亦云二云即子虛上林我是慧子之徒此之類也二賦之意初子虛賦中誇楚之雲夢高奢顯

侈而馬有先生人說齊地之大云吞若雲夢

者八九於其胃中曾不蒂初戒切芥此齊楚相

誇則今云互不相許也至上林賦初云亡是

公聽魚謹切然而笑曰楚則失矣齊亦未焉得

也此則齊楚俱失也且夫齊楚之事又焉足道乎君

野六

至七

未觀夫巨麗也獨不聞天子之上林乎云此

則並奪之也二釋隨取但取其並奪之喻耳

以此二師既不通達十義無礙六句融通故

並奪之然此猶縱其各得圓音一義猶半奪

也又並為教本下望於分教圓音但是說教

之本非即是教又都奪之可知

華嚴懸談會玄記卷第十六

華嚴懸談會玄記卷第十七

野七

蒼山再光寺比丘 普瑞 集

疏西秦曇牟識者西秦即乞伏氏或云乞佛也據金城苑川自號西秦當晉武帝大元十二年立號曇牟識亦云摩識無識此云法

野七

豐以道法豐盛故為名即中印土人別傳云是伊波勒菩薩六歲出家日誦萬言初學小乘五明諸論後因遇白頭禪師教以大乘十句或云十日交諍方悟大旨遂得樹皮涅槃經本因專大識明解呪術所向皆驗西域號為大

永樂北藏

華嚴懸談會玄記

第一八三册

神呪師以北凉沮渠蒙遜玄始元年歲次壬子至姑臧賁涅槃經前分十卷并菩薩戒止於傳舍慮失經本枕之而臥夜乃有神牽識墮地謂盜如是三夕乃聞空中聲曰此是如來解脫之藏何為枕之識慚悟乃安高處果有盜者夜捉捉舉意不能勝明旦識持不以為重謂聖人悉送來拜謝而蒙遜北凉王名也聞識名厚遇請譯遂以玄始三年歲次甲寅起譯至十年辛酉譯大般涅槃等經二十三部然初譯涅槃品數未足更至于闌得經中分復

詣姑臧譯之後又遣使于闐尋得後分續譯
 為三十三卷後以呪祛疫鬼出境遜益加敬
 事至承玄二年蒙遜濟河伐乞佛幕末於抱
 罕即西秦也以世子興國為前驅為末軍所敗擒
 興國焉後乞佛失守幕末與興俱獲於赫連

定定後為吐谷軍所破興國遂為亂兵所殺
 遜大怒謂事佛無應即遣斥沙門識又格言
 致諫乃止時魏虜托跋燾聞識道術遣使迎
 請但告遜曰若不遣識即便加兵遜既事識
 未忍聽去後又遣太常高公李順策拜蒙遜

為使持節侍中都督涼州西域諸軍使太傅
 驃騎大將軍涼州牧涼王加九錫之禮又命
 遜曰聞彼有曇牟識法師博通多識羅什之
 流祕呪神驗澄公之足朕思欲講道可驛送
 之遜與李順醮曰天子信納佞言苟見促迫

前遣遠求留曇無讖而今更來徵索此是門
 師當與之俱死每不惜殘年人生一死詎覺
 幾時順曰王穎誠先著遣愛子入侍朝廷欽
 王忠績故顯加殊禮而王以此一道人虧山
 岳之功不忍一朝之忿損由來之美豈朝廷

相待之厚竊為大王不取遜曰太常口美如
蘇秦恐情不副詞耳遜終吝識不遣至遜義
和三年二月讖固請西行更尋涅槃後分遜
忿其欲去乃密圖害之偽以資糧發遣厚賜
寶貨臨發之日讖乃流涕謂眾曰讖業對將

至眾聖不能救矣以本有心誓義不容停比
發遜果遣刺客於路害之春秋四十九准此則元

在北凉今疏謂在西秦再詳言亦半滿教者纂玄云依涅

槃經判一代聖教不離半滿謂初直明華嚴
之滿開半次方等形半明滿次般若待半明

永樂北藏

華嚴懸談會玄記

第一八三册

滿次法華捨半明滿始則從滿開半終則廢
半歸滿故知一代聖教其唯半滿言隨遠法
師者即大遠也名慧遠姓李燉煌人述持地
疏五卷華嚴疏七卷涅槃疏十卷維摩勝鬘
等皆有所述又製華嚴十地記十卷夢登須

野七

三

彌四顧周望唯海水又見佛像身色紫金在
寶樹下北首而卧體有塵埃遠初見禮敬後
以衣拂周徧光淨覺知所撰文疏頗順化之
益今判半滿依彼涅槃疏云爾○鈔但順通
相之意者但順一代時教通途形相不出大

小故疏隋延等者高僧傳云延幽居靜志欲著涅槃疏夜夢有人被於白服乘於白馬駮尾拂地而談授經旨延手執馬駮與之清論覺後謂馬鳴菩薩授我義端執駮知其宗旨便述成疏卷軸放光塔中舍利放光明三日

三夜合境望光皆來拜謁遂於延興寺講之天兩四花等○鈔半滿順違即此順違者謂頓即前滿漸中二乘是半大乘是滿雖有二大乘於中不分權實故成違也探玄記第一云遠公亦立頓漸二教與延公同疏唐初等

者探玄記第一云如江南敏法師印法師等華嚴疏中說○鈔華嚴梵網等者此恐後人悞添梵網二字以下正申難處全不言梵網故教義及廣略鈔疏亦只言華嚴故問探玄記第一云如華嚴等梵網既在華嚴舍那佛

說明亦平道答探玄記說彼師自釋四異中此平道是舍那十身所說豈梵網經是十身說耶又衆異云極位同說即華嚴中文殊普賢與佛同說豈梵網經佛與菩薩同說耶而言等者即等取脩慈經金剛鬘經等言對治

行法等者如對治貪作不淨觀等評曰上刊
定之意以如來藏性真常之理名爲平道以
四諦緣生隨順調伏對治行法等名爲屈曲
故作是難也○鈔又一時頓演下第二義答
上則稱性此則頓宣既一切法門並一時頓

野

四

說平道之義尤彰問圓覺疏云本末無遮頓
演說鈔云所說末皆是即本之末未曾遮本
說本皆是即末之本未曾遮本本末俱說相
即無碍此得爲平道否答雖本末相即要須
泯末歸本亦屈曲收不同華嚴若本若末皆

是海印定中同時頓演無盡無盡等○鈔又
說隨衆生者疏外更進義答即指餘教隨根
意以法逐機差務在益物調生故問彼引普
賢行品經文具云佛子如向所演此但隨衆
生根器所宜畧說如來少分境界本疏云指
前差別因果逐根就病未盡法源故名少分
則指當經何云非此經中是隨根說答今且
約揀義故作是說故名號品云十方世界一
切諸佛知諸衆生樂欲不同隨其所應說法
調伏欲分曲平之異故問說華嚴時未有餘

教何言餘處隨機答有二義一約本末同時亦有隨根教故二約依本起末不妨後時有隨機故○鈔不同華嚴權實齊彰者圓必攝四豈可不具權耶問如下云權實齊明如諸般若此亦平道不答般若雖權實齊明而不

野七

五

相即故當屈曲也○鈔若同若異等者同謂一乘異謂三乘空不空等者等常無常等問如涅槃云空者所謂生死不空者所謂大涅槃等豈非空不空等一時頓演耶若爾亦應云平道教若涅槃雖空不空常無常等雙明

要皆會異

無常若空

同歸常住不同華嚴全性全

相措舉一法即同無盡○鈔日月燈明佛等

者法華序品說昔日月燈明佛

文讚云日月有

二成熱月有二能一除熱二清涼

能一導明

一破暗二傳照顯佛能導迷至覺成器熟根

除煩惱之熱得涅槃之涼永破愚痴化生傳

法表此義也故立其名榜嚴搜玄抄云名日

月燈者喻三智也謂一切智道種智為衆說

一切種智三智備足亦三德圓滿也法華經六十小劫已便云如來於今日中夜

而般涅槃等古德解意於六十小劫最後一

日晨旦說經竟中夜便滅度故涅槃經或不

說也又迦葉佛時亦爾悉不說涅槃今此時

根鈍故於法華後說涅槃○鈔究竟不破者
以一乘根未熟故則法華或不說也問法華
華嚴同是一乘既唯說三乘則應不說法華
則華嚴亦成屈曲之教答此約機未熟故不
說法華破三華嚴稱性不妨偏說豈以約機
而難稱性耶若無稱性一乘為本約機三乘
之末從何所流故法華雖說一乘乃名破異
一乘須就機而說華嚴明真體一乘以稱性
故無有國土不說例如本末差別門中始終
俱三終至涅槃亦唯三乘豈妨華嚴常說偏

說耶○鈔我不見下即十地品既常既偏故
為平道法華涅槃雖是一乘亦不言常說偏
說○鈔發心品中亦同此說者經云汝說此
法時有萬佛刹微塵數菩薩發菩提心我等
諸佛悉授其記於當來世過千不可說無邊

野七

六

劫同一劫中而得作佛皆號清淨心如來軒疏
已引出現品亦云我亦與授記於當來世經
不可說佛刹微塵數劫皆得成佛同號佛殊
勝境界○鈔恐有破云下名號品云或名釋
迦或名遮那似涉疑故應曲平二教其立不

異故今通云下意云若約當經二身相融若約餘經但約化身以當經具於十身總得具別別不具總故二主異問涅槃豈不說吾今此身即是常身法身答縱許互融亦但約理事無碍義說曾不說言十身無碍等問圓覺

經標娑伽婆彼疏釋爲報化不分之身今何言是釋迦化身說耶答以少從多故又以十身揀故○鈔餘處王城舍衛者謂說餘經處王舍城祇闍崛山舍衛國給孤獨園等未曾言是華藏中娑婆亦但教說不直明刹體今

說此經七處於自宗中有二義故得同華藏言亦是華藏界中第十三重者即最中央刹種二十重中第十三重也如前圖示問既只在中豈是同耶答餘經不明娑婆在華藏中則一向局故今明華藏之內娑婆如粧嚴城

野七

七

中舉一小室同一城故問如法華說三變土由八方嚴淨圓覺佛地等經皆居淨土申說亦非娑婆界內豈非平道教耶答以少從多故又法華正宗分但是娑婆木樹草座說至流通分欲容分身佛變爲淨土仍有分限亦

不言華藏又圓覺等縱是淨土但是隨機別設淨土亦不言華藏本刹故佛地經爲地上菩薩說佛地功德故在三界外受用土中不言即華藏等故○鈔豈非菩薩之器者反顯是菩薩之器也又况此經初發心時便成正

覺正覺尚成况不是菩薩耶既是菩薩何所難哉問若有難云此經唯被菩薩者何故第九會中却有聲聞此云何通答彼中列聲聞者有二意一寄對顯法故爲示如聾如盲顯法深勝也二文殊出會所攝六千比丘等非

是前所列衆中唯菩薩故○鈔其說異下謂所說一事一義一品一會皆結通十方一切世界皆同此說主伴具是他經所無無可涉疑難之處他又不破故此不救○鈔一教門儀式異等者此一中別分六義一全依海印

無出定入定故下經雖說入出皆隨機感見以動靜唯物聖豈然乎曾無出入問淨名豈不亦云不定不亂答彼曾不說海印玄微故問大集經中豈不亦說海印定耶答彼雖說之德用不具賢首品鈔云大集等三賢位中

能現八相故得海印依此經中具十義故且
 如九十二義若非德相為是何耶具如前引
 二一時頓演一語言中演說無邊契經海等
 故三放光數目一多異下多二字現上品云
 即於面門眾齒之間放佛刹塵數光一一復

野七

八

有佛刹塵數光以為眷屬異與餘教如法華
 唯放一白毫光等四集眾通局異通局二字
 次經云其光普照十有谷有一億佛刹塵數
 世界海有十億佛刹塵數菩薩一一各有世
 界海微塵數菩薩圍繞而來集會等五請有

言念答有現相及言異等字等取義有九句
 與餘教不具此請答故異也六道場莊嚴勝
 劣異廣博嚴麗極於空界有重重諸供養雲
 略列各有百萬億為量等具如妙嚴品鈔二
 所詮理致異此下釋文之中多唯約平道說

形對屈曲之彰其異思之可了○鈔三成佛
 遲速異者發心品疏云起信則以若遲若速
 皆為方便此宗則以楷定為權畧有四類遲
 速自在義如前引言或唯一念者如初發心
 時便成正覺等如發心品說或無量劫亦如

上引法界品等說但念劫圓融速自在不定同瑜伽起信等三祇實成及初發心住現八相應化之佛故非實成也或屈曲中三祇是遲應化六年故速也○鈔四見佛通局異下此經之根三賢十地皆見十身無碍佛不

野

九

同餘教地前但見大小化身入地方見佗報等○鈔始成即說下問與前一時頓演何別答前說一時且為對前後次第以時不同今雖標始成即說乃具明十重之時也三七等如前○鈔六見境寬狹異者約所化人所見

有異言地獄天子者經云得十種清淨眼等又彼經云如以億那由他佛刹碎為微塵一塵一刹復以介許塵數佛刹為塵如是微塵持以東行過爾許世界乃下一塵如是東行盡此微塵南西北方四維上下亦復如是十

方所有世界若著微塵及不着者悉成一佛國土又以千億佛刹塵數如上所說廣大佛刹抹為微塵以此微塵依前譬喻一一下盡乃至集成一佛國土復末為塵如是次第展轉至八十反寶手若人聞此譬喻而生信者

我授彼人無上菩提記等如是一切廣大佛刹所有微塵清淨金剛轉輪王位菩薩業報清淨肉眼於一念中悉能明見亦見百億廣大佛刹數佛如玻璃鏡光照十佛刹微塵數世界疏云菩薩頓證未轉凡身清淨肉眼見如是境肉眼尚爾餘眼玄妙不可說也如玻璃下明見之相以無心無去來故言六千比丘則得三昧名無碍眼故經云悉見十方無量無邊一切世界種種差別亦見一切世界微塵等言不具三千者離世間品鈔云凡夫

肉眼見百由旬二乘肉眼同凡夫見如大品說菩薩肉眼極遠見三千界如來肉眼與菩薩同見境分明等○鈔七因果行位等者如前彰地位及說勝行中廣辨○鈔八此經語廣則無量乘語深則一乘一多無碍故不同

野七

無漏定立三乘兼有漏定立五乘也○鈔塵塵刹刹下随好品說一随好中常放四十種光一光照億那由他佛刹塵數世界随諸眾生種種業行種種欲樂皆令成就一光既爾况四十光耶一随好尚爾况十蓮華藏塵數

之相各有多隨好耶故利益無盡餘教雖說利益多劣於此故云勝劣異耳○鈔諸佛親護者發心品等說證法塵數諸佛親護窮未來際不同餘教小乘雜類等護持○鈔過此更有者如親起十因異疎起十緣異所起教

體異所顯宗趣異等故云多異也○鈔既不判等者違理可知聞上遮他破今何自破答以無過處破有過此妄破也今破有過處非妄破也其猶病者患熱愚醫言是冷疾豈名識病智醫授以涼藥豈非允當疏隱士劉虬

等者姓劉名虬字百龍形雖隱俗道高真侶傳云初發心菩薩也言鹿苑者佛昔為鹿王時林中多鹿一日一鹿以供人王之膳鹿王以身代一姓鹿人王重其至德遂施林苑與鹿名為鹿苑佛於此處初為五比丘說法不

野七

土

忘其本仍名鹿苑也言雙林者佛涅槃時於四雙八隻林樹之間說涅槃經故云爾也○鈔前來以引者日照高山喻以證頌義如為教本中已引慈龍降雨證漸義前無引文之處若約義引即為教本中已引故經云如摩

那斯此云慈心龍王將欲降雨未便即降先起大雲彌覆虛空凝停七日待諸衆生作務究竟何以故彼大龍王有慈悲心不欲惱亂諸衆生故過七日已降微細雨普潤大地佛亦如是將降法雨未便即降先興法雲成熟衆生令其心無驚怖待其熟已然後普降甘露法雨演說微妙甚深善法漸漸滿足一切智智無上法味疏云漸降成熟喻先小後大即是漸圓疏南中諸師者天台云南謂南朝即京江之南也以當宋齊梁陳之間諸師以

此四代皆都建康而曰南朝故也略抄第二云齊梁晉宋之間南中諸師也疏六年之內者玄義云成道年即說鶻崛摩羅經言偏方不定者非正所談故名曰偏方者法也即偏法也或偏者傍也正說小時傍說大法故云偏方○鈔波斯匿者此云和悅才利此名爲鬘有德曰夫人夫人之女摩利室羅此云勝鬘以相好勝母故或王讚此女妙勝花鬘故以名也娉與阿闍世王爲新婦相去千里彼初無佛法時佛初成道未久於祇洹說法夫

人見佛聞法生信王亦受化遂憶女聰明寄書嘆云此有佛出廣嘆功德女得母書則說偈言今聞佛音聲世所未聞有所言真實者我今應供養仰惟佛世尊普為世間出亦應垂哀愍必今我得見即生此念時佛於空中

野

三

現普放大光明現於無比身勝鬘及眷屬頭面接足禮等○鈔金光明經既非第一頓教等者據天台光明玄義云舊明此經非會三非褒貶非無相不列同聞眾但云是時如來遊於無量甚深法性等既無常隨等眾故非

永樂北藏

華嚴懸談會玄記

第一八三册

次第之教也若爾既信相疑佛壽八十八滅豈非末後明常住耶答據真諦云此經是法華之後涅槃之前九十日說引涅槃云佛告波旬却後三月吾當涅槃信相聞斯知八十應滅以真諦但立三法輪從三十年後皆持法輪攝故法華光明至涅槃皆持法輪

不同南中第五方明常住也據此則光明在法華之後涅槃之前退非同歸進非常住故屬不定收也若天台判屬方等部收却在般若之前會解以約前義為不定今詳抄意似約後義為不定也以在有相之後無相之前而說常住故

云不定○鈔二種如來藏者經云世尊有二種如來藏空智世尊空如來藏若離若脫若異一切煩惱妄染本空世尊不空如來藏過於恒沙不離不脫不異心鏡鈔釋云一切不相離也一德之中具含萬德不遺脫也體常

野七

十三

無邊不改異也不思議佛法性德本具即佛性妙理也言又歎佛三身者即勝鬘夫人讚佛偈也如來妙色則謂身世間無與等無比不思議是故今敬禮化則謂如來色無盡智慧亦復然謂報身也一切法常住是故今歸依謂法身也了一

切法即常住性即見聞覺知等無非法身故禮化身影取三身皆敬禮歸依法身影取三身皆歸依敬禮但約投誠措想由其暫爾故歸依言願從今身盡未采際故二不同法苑有七義揀別不能具引○鈔廣說法身常住

者經云法身者非是行法故異無有故是自本故猶如虛空故說為常乃至廣說云或分為二即是半滿者此與無識名同彼通此局以此唯就漸中分爾今不指能判人者天台法華玄義云菩提流支明半滿教十二年

前皆是半字十二年後比是滿字

彼云南北通判類漸

不定三教漸中開合不然彼列在北地判教

中今謂南中故略不指人名也疏武丘等者此叙全是玄義中文但彼云虎丘耳言見有得道者問小乘見人空得道何言見有若見

有應同外道答有二義一云有相四諦但是調心方便實不得道須見空時方得道也此言有者以法有也二云二乘雖見人空而執實有能證能斷智所證理所斷惑等之法故云見有也言最後雙照竺者以雙照破情計

之空有不除其法故次疏云持前二故即空

有二法也法華玄義云虎丘岌公頓與不定如前漸更為三最後雙林明一切衆生佛性等今既云齊至法華明知法華亦常住教中收疏唐三藏者名玄奘姓陳氏漢大丘仲弓

野七

古

之後也洛州緱氏人有兄素出家即長捷法師也以奘少懼窮酷偏意携守年十一誦維摩法華東都恒度為僧後入蜀受學復別兄徧往叅學嘗歎曰余周流吳蜀爰逮趙魏未及周秦頗有講延率皆登踐已布之言今雖

蘊曾襟未吐之詞宗解籤無地若不輕生殉
 命誓往華胥何能具覲成言用通神解一觀
 明法了義真文要迺東華傳揚聖化於是勵
 志得達印度於那爛陀寺戒賢論師處留五
 年學瑜伽顯揚對法諸論又停二年於鉢代
 多國學正量部根本論攝正法論等却往杖
 林山勝軍論師居士所學唯識決擇論意義
 論成無謂論等首尾一年又先於曲女城學
 佛使日冒二毗波沙於毗耶摩那三藏所經
 于三月後在杖林夜夢寺內及外林邑火燒

成灰見一金人告曰却後十年戒日王崩印
 度便亂當如火湯覺已向勝軍說之裝意方
 決嚴具東返後永皆之未戒口果死世時貞
 觀十九年正月二十四日屆于京郊後所翻
 經論七十五部計一千三百三十五卷享壽
 六十五歲序云春秋寒暑時經一十七年耳
 目見聞處越百十七國雖徧參學而偏宗戒
 賢故依彼判三時教如下具述時在印度造
 會宗論三千頌會融瑜伽中論之旨又造制
 惡見論一千六百頌制十八部小乘破九十

聖

十五

五種外道後戒日王欲為流通於曲女城集
十六國論師斷云能破一偈當截舌為謝經
十八日無敢破者故西域稱為脂那大乘天
也其見重西域也如是况歸此國王臣欽敬
亦可知也今言大同者初有次空後中然彼

通判一切此局在漸中故有異也疏真諦三
藏者梵云拘羅陀陳言親依或云波羅末陀
此云真諦並梵文之名字也本西印土優禪
尼國人以梁武太清一年屆于建業頃屬梁
季崩亂不果宣傳雖翻經論捫遑摩托逮陳

武永定二年七月還返豫章又上臨川普安
諸郡雖傳經論本意未申更觀機壞遂欲泛
舶往楞伽脩道道俗挽留遂停南越與前梁
舊齒重覆所翻至文帝天喜四年楊都建元
寺沙門僧宗法集僧忍等並建業標領遠浮

江表親承訪問帝欣其來意乃為翻攝大乘
論首尾兩年又舶至梁安郡欲返西國學徒
追逐續留至三年九月內發自梁安從舶西
引夜風飄還廣州十二月中上南海岸刺史
歐陽穆公欲延住制旨寺請翻廣義法門經

唯識等論後穆公薨世子紇重請傳經而神
幽通量非情測嘗居別所四絕水州紇往造
之峻嶺濤湧未敢凌犯帝乃鋪舒坐具在水
上跏坐其內如乘舡馬浮波達岸帝既登接
對而坐具不濕或以荷蓐水乘之而渡神異

野七

六

例多至光太二年六月馱世願生勝壤遂如
南海北山將捐身命時智愷正稱俱舍聞知
馳往道俗奔越盈川三日未肯迴請迎還止
于王園寺時宗愷諸僧欲迎還建業會楊釐
顧望恐奪時榮乃奏曰嶺表所譯衆部多明

無塵唯諦言乖治術有蔽國風不隸諸華可
泝荒服帝然之故南海新文有歲陳世以泰
建元年染疾正月十一日午時遷化年七十
有一明日於潮亭焚身起塔十三日僧宗等
各齋經論返佳山自帝來東夏雖出衆經而
偏宗攝論從陳武永定二年至孝宣泰建元
年譯經論三十八部餘有未譯梵本並多羅
樹葉凡有二百四十夾若依陳紙翻之則列
二萬餘卷今正譯訖正是數夾之文並在廣
州制旨寺王園寺其法寶弘博可知矣言依

金光明經者即真諦所譯七卷中業障滅品
文也經云頂禮一切諸佛世尊現在十方世
界已得阿耨菩提者轉法輪照法輪持法輪
兩大法兩擊大法鼓等問上鈔云依解節金
光明經今疏何不言耶答解節二字相傳皆

野

主

云別有解節金光明經然今大藏既不收此
經不可為定然別有解節經一卷亦真諦所
譯而不說三輪之事准大周目錄云解節經
一卷見解深密第四一品十紙據此則是解
深密之別名但真諦具一世以即於義節唐

三藏譯為解深密即解義之深密也准此則
真諦立教不唯金光明亦依解深密也以彼
第三教指解深密經故今疏畧故唯言金光
明也深密二時如後○鈔疏文稍畧彼云等者即真
諦部異執記說也言轉四諦法輪者自我之

彼名轉法即執持流演圓通名輪又如王輪
寶一圓滿義二摧壞義摧壞煩惱如摧未伏
故三鎮邊義已伏煩惱令勢轉遠如鎮已伏
四不定義從見至修修至無學從自至他他
信至解解至行果等又動宣言教顯揚妙理

運聖道於聲前起真智於言後圓摧障惱名
轉法輪如此是教理行果一示相轉言此身
是苦業惑為集此滅為滅能滅此為道爾時
生聖慧眼由依去來今有差別故如次名智
明覺此之一智總名為眼有三行相名智明

覺依詮證滅說通三世非是滅諦通三世有
四諦各有智明覺明十二行則三轉各有十
二行也二勸修轉云此是苦汝當知此是集
汝當斷此是滅汝當證此是道汝當修亦生
眼智明覺三作證轉此是苦我已知此是集

我已斷此是滅我已證此是道我已修亦生
眼智明覺又三轉四諦為十二行相也成實
論師初轉生聞慧次轉生思慧後轉生修慧
言謂轉照法輪者轉義如前照謂以空照破
有執令捨小取大言又於三十年後者准探

玄記并下疏皆云三十八年後說解節經今
疏鈔並云三十年後未審何者為正探玄又
云真諦此說必有聖教豈可自立年數則知
光明但有三輪之名分其年數又別有所據
又今云解節即真諦目解深密經然深密自

在淨土說非鬼王法堂今作一指者應指三
十年始於鬼王法堂說餘第三時教經非解
節經解節經乃至三十八年後說也例如第
二時教在智慧河邊說然般若十六會四處
說鷲山祇園摩尼殿白鷲池側皆不在智慧河邊亦是指

七年之始耳或可解節非是深密乃別是一
經此土未至真諦依梵本判耳多聞闕疑任
情去取毘舍離此云廣嚴言具有轉照及持
者轉照如上持者雙持空有離執寄詮明空
有故若就遮過即雙照破空有之執也皆云

法輪者一輪自性謂八聖道具輪轂輻輳故
正見正思惟如轂是根本故正語正業正命
如輻由轂有故正念正精進正定為輻攝歸
餘故二法輪因謂能生後聖道諸教聞思脩
等諸經論中多說佛教為法輪故三法輪卷

野七

九

屬聖道助伴五蘊諸法四法輪境聖道所緣
四諦因緣三性等理五法輪果謂道所證菩
提涅槃具如普賢行願鈔請轉法輪中說疏
即宋朝及法師者前約處標揀故云武丘此
約朝代標揀故云宋朝二師各未詳上字然

天台玄義云宗愛法師頓與不定同前就漸更判四時即莊嚴曰文師所用三時不異前更於無相後常住前指法華會三歸一萬善悉向菩提名同歸教此叙與今疏全同但標人有異○鈔應且列之有一有相二無相三

同歸四常住疏道場惠觀等者玄義叙玄定林柔此二師及道場觀法師頓與不定同前更判漸為五時即開善光宅所用也云云同今疏今云等者等取次二師也○鈔上元道場寺僧者傳云宋朝京師道場寺慧觀清何人姓

崔氏弱歲出家咨稟遠師什公入關乃之什所叅扣研覈新舊經旨宋元嘉年中卒年七十一言柳挫等者止觀云若以大破小如淨名所斥取其不見中理與外道同非是奪其方便之意疏即前劉公等者玄義云北地師

亦作五教而取提胃波利為人天教含淨名般若為無相教餘三不異南方據此則北師所判今云劉公者乃是荊州隱士正在南中此則南北皆有立耳○鈔上來諸師從二至五等者然上所叙諸師非皆立不定之教如

唐三藏唯分三時本不立頓與不定故又真諦亦立頓漸即同前隨然不立不定劉亂亦無不定教然亂與諦頓漸之義所立亦別如上已辨然上三師皆無不定則招難尤多除此三師餘立不定者而於所立名義之中有

多難也疏初明十一年前下此中四段破文全依玄義言自達成論者玄義一則成實論師自証已論也以有相教是小乘成實論亦是小乘故云自違○鈔不可不見下前即違教此則違理意云若不證見空理何名得道

以生空理是真實證故准玄義云復沙十二年前名有相教者為得道為不得道若得道則乘成論論師云有相四諦是調心方便實不得道須見本乃能得道既言有相那忽得道若不得道用此教何為又若得道教同無

相若不得道教同邪說又若得道得何等道若見空得道還同無相若不見空得道亦同九十五種非得佛道有相之教具有二過云云○鈔經文相續云者次前文云說是老死誰是老死二皆邪見玄義云三藏經中自說二

空二空豈非無相此言即十二因緣人法空
 義者如雜阿含云十二因緣從無明至老死
 若有人言是老死若言誰老死皆生邪見乃
 至逆推無明亦復如是若說無誰老死當知虛
 妄是名人空若說無是老死當知虛妄是名

野七

主

法空乃至無明亦復如是○疏言十方空為
 大空者智論云何等為大空東方東方相空
 非常非滅故何以故惟自爾故東西北方四
 維上下南西北方四維上下空非常非滅何
 以故性自爾故是名大空小乘法空為大空

可知○鈔彼釋十八空者論云不為內空彼
 般若波羅密不為外空內外空空空大空第
 一義空有為空無為空畢竟空無始空散空
 性空自相空諸法空不可得空無法空有法
 空無法有法空故行般若波羅密等疏十

二年後方制廣戒者此疏主新加玄義所無
 ○鈔善護於口言等者口過易成難防故令
 善護舉心則妄念攀緣應須自淨身諸惡行
 殺盜染等動則多不饒益自他俱損故應檢
 束言大仙道者即佛道也言此是釋迦等即

四分律七佛畧戒中釋迦畧戒偈也一毘婆尸佛偈云忍辱第一道佛說爲無最出家惱他人不名爲沙門二尸葉佛云譬言如明眼人能避險惡道世有聰明人能遠離諸惡毘舍浮佛偈云不謗亦不嫉當奉行於戒飲食知

止足常樂注空閑心定樂精進是名諸佛教四拘留孫佛云譬如蜂採花不壞色與香但取其味去比丘入聚然不違戾他事不觀作不作但觀自身行若正若不正五拘那含牟尼佛云心莫作放逸聖法當勤學如是無憂

愁必定入涅槃六迦葉佛云一切惡莫作當奉行諸善自淨其志意是則諸佛教七釋迦佛如鈔言爲無事僧者不因犯方說故從是已後方因犯廣說戒故知明有○鈔通說般若者常說名爲通說也言般若明空之智故

野七

主一

者又大論云從得道夜至泥洹夜常說般若即空慧故○鈔第二破不明常住於中四者前三皆玄義意言初反質破者即反徵破也玄義云若不明佛性法身常住者共般若可非佛性法身常等不共般若云何非佛性耶

○今改彼不共寫實相也鈔此即聖言量者玄義云大

經云佛性有五種名亦名首楞嚴亦名般若
乃是佛性之異名何得言非彼若救言經稱
佛性亦名般若若是三德之般若何關無相之
般若若爾涅槃第八何意云我先於摩訶般

若中說我與無我其性不二不二之性即是
實性實性之性即是佛性如此遥指明文若
是何意言非○鈔謂二種般若即二佛性等
者玄義云故得法性實相是正因佛性般若
觀照即了因佛性五度功德資發般若即是

因緣佛性此三般若與三涅槃佛性復何異

也但以三般若見天台所立故有資發般若今
但用二次下廢破今疏不引故此不錄

鈔第四縱奪破者此疏主新加也言理絕百

非者准起信論中謂一異空有四句為本本

各有四一有四者一非一亦一亦非一非一

野

至

非非一一既有四句餘三例然故成十六隨

三世各十六共成四十八斷常各具四十八

成九十六并本四句乃成百非已上且如是

配如實言者以諸經中所有之非不但百數

今言百非者總相而言也言若但以空為般

若非真般若者問圭山多指八部般若為始
教豈非唯約空說答彼約多分故通目之非
謂無餘本義也但近人不曉堅謂唯空豈一
經不具多教耶言般若非有相等者釋雖四
句也○鈔餘文可知者上但釋存有一句引

證經文也其餘三句文雖不引其義可知謂
既般若不壞體色明空雖不壞有以無自性
故亦非有故雙取則兩亦互泯則雙非故云
可知言則四句皆實者中論亦有此偈青目
釋云一切實者推求諸法實性皆入第一義

平等一相所謂無相一切不實者諸法但衆
緣合故有三俱四泯於四句無戲論聞佛說
即得道○鈔有遮有表者於即中上說遮表
二四句亦空亦假名表非空非假名遮即空
為第一句即假為第二句並於一緣生色上

說四句也是知下以各執句為是設四句俱
取有所得故皆成謗也無念而知寂照居懷
得旨而成四德故古人云般若如大火聚四
面不可趣如失意也般若清涼池四門皆可
入如得意也○鈔結止正義者疏中是知二

字結前餘皆立正義也言各得之意者小乘四門唯得初有一門大乘四門得次空一門故云各得也○鈔阿毘曇著亦云阿毘達磨此云對法如前釋俱舍此云藏即庫藏之總名一切有部即薩婆多部是俱舍所宗故然

野七

五

俱舍題具云阿毘達磨俱舍論言毘勒論者此云篋藏有三百二十萬言佛在世時大迦旃延之所造也佛滅度後人壽轉減憶識力少不能廣誦諸得道人撰為三十八萬四千言若人入毘勒門論義無窮其中有隨相門

對治門等言車匿者華明鈔云藏釋迦舊云車匿訛也即僕夫也惡口者以太子性善國王使惡僕侍之令熏習故經音義云本是守馬奴之名也出家之後自恃王輕諸比丘不遵僧事智論云如解脫戒經說身口意業應

如是行車匿比丘我涅槃後如梵天法應當

治謂默損也以梵天中法罪之治別立一壇其犯罪者令入此壇諸天不得與語今亦如是若心柔軟復應為說那陀旃延經或云

延離有離無乃可得道今以教中不言何處

解釋此離有離無之法故云未見論文言有

解

云犢子部者以梵云婆瓮富羅此云犢子此
部我非即是蘊亦不離蘊而有實我非即是
有義非不離蘊是非空義以此部律文未至
故云亦計我非有非無也此方難以覈定故云恐未指定○鈔如涅槃
下言如乳有酪性者應言有酥性恐是後人

野七

五五

傳寫之誤或等字等酥無妨經文具云善男
子譬如人家有乳酪有人問言汝有酥耶
答言我有酪實非酥以巧方便定當得故故
言有酥衆生亦爾悉皆有心凡有心者定當
作佛以是義故我常宣說一切衆生悉有佛

性言石無金性者即現因無果性也經云譬
如衆石有金有銀有銅有鐵俱稟四大一名
一實而其所出各各不同要假衆緣衆生福
德爐冶人功然後出生是故當知本無金性
不名爲佛以諸功德因緣和合得見佛性然
後得佛言乳無酪性者經云善男子如其乳
中有酪性者不應復假衆緣力也如水乳雜
臥至一月終不成酪若以一滴頗求樹汁投
之於中即便成酪若本有酪何故待緣衆生
佛性亦復如是假衆緣故即便可見若待衆

永樂北藏

華嚴懸談會玄記

第一八三册

緣然後成者即是無性能得無上菩提言衆生佛性猶如虛空下經云義引修大涅槃於一切法悉無所見若言見空空是無法為何所見我在迦維羅城告阿難言汝莫愁哭阿難言今我眷屬悉皆死喪時琉璃王以害釋種以五百釋種長者共與世尊造立講堂自相誓曰沙門梵志乃至羣黎不得先佛安陞此堂若有違者罪在不測舍衛太子名曰琉璃自省定外氏見堂高麗憇止于上貴姓聞之遣使罵辱催逐令去太子懷忿勅太史記之須

吾為王當誅此類於後即位領兵伐迦維羅國殺舍夷人三億乃至佛言彼琉璃王却後七日當入地獄王聞恐怖造舡入海冀得自免水中火出自然燒滅等云何不愁啼耶我與如來同生此城俱同釋種云何如來獨不野愁惱佛言汝見迦維羅城真實而我見空寂以備空故悉無所見等又云衆生下經云即一切衆生定有佛性是為執着若無佛性是名虛妄智者應說衆生佛性亦有亦無彼恐不信有故云若定無者則為虛妄言非有如

虛空下經云善男子衆生佛性非有非無所以者何佛性雖有非如虛空何以故世間虛空雖以無量善巧方便不可見佛性可見是故雖有非如虛空佛性雖無不同兔角龜毛何以故兔角雖以無量善巧方便不可得生佛

性可生是故雖無不同兔角是故佛性非有

非無約彼疏中見生二義言百非斯遣者別說

則百非斯遣總論乃不出有無故總雙非以明中道○鈔若取經論下上約大乘一經具四此下通約大乘經論具四對前小乘故言

唯識多明有門等者以諸義互有皆就多分各但判屬一門也疏淨名云佛身無爲等者玄義云佛身無爲不墮諸數金剛之體何疾何惱爲度衆生現斯事耳即何難章立又辨金剛言猶是無常涅槃亦辨金剛那忽是常又云

觀身實相觀佛亦然又不思議解脫有三種真性實慧方便即三佛性義且復塵勞之儔是如來種豈非正因佛性不斷痴愛起諸明脫明即了因佛性脫即緣因佛性三義宛然判是無常涅槃三種佛性何得是常耶但今派

用前玄義又破彼非第三時之說般若時諸
 大弟子皆轉教法雖不希取咸以具知菩薩
 法門何得被呵茫然不識是何言不知以何
 答故知褒貶不應在般若之後非第三也
 以淨名在方等部中故破彼不合在般若之
 後今疏主但破不明常住難其立名而已不

妨是第三時不玄義又云淨名所呵事在往
 破其次第也
 昔追述以辭不堪當知十二年前已應被呵
 意云抑揚在前般若之出也今應問彼云如
 阿難是佛成道後生二十出家三十命為侍
 者彼宗十二年說阿含八年說方等是則說
 方等時阿難尚未出家那十二年方前阿難亦
 被淨名呵故知天台此說甚違道理今疏主
 不取故上抄云於所立名義中皆有難也

疏般若亦云等者玄義云若言般若無彈呵
 者大品云二乘智慧猶如螢火菩薩一日學
 智慧如日照天下又十王卷云譬如狗不從
 大家求食反從作務者索當來若善男女
 棄深般若而攀枝葉取聲聞辟支佛應行經

豈有彈呵更劇於此
 疏亦未明常住等者玄義云第四
 勞繁引不
 同歸教正是收束萬善入於一乘不明佛性
 神通延壽前過恒沙後倍上數亦不明常條
 所立破云若言常住語少者如天子一言可

非勅耶文云世間相常住又云無量阿僧祇
壽命無量常住不滅伽耶城壽命及數數示
現是應佛壽命阿僧祇壽命無量者是報佛
壽命常住不滅者是法佛壽命三佛宛然常
住義上破不又云我不敢輕於汝等皆住今疏正同

當作佛即正野因佛性又云為令衆生開佛知
見即了因佛性又云佛種從緣起即緣因佛
性等佛上破不明○鈔許其涅槃是常住義等
者約時破也此疏主新加不用天台以彼破
全無理故彼文云第五時教雙林中常住衆

生佛性闡提作佛者問成論師依二諸解義
第五時教為二諦攝否若二諦攝與諸教同
後二諦猶是無常雙林二諦何獨是常者雙
林不出二諦能照別理破別惑得是常者前
教所明二諦亦然照別理破別惑那忽無常
衆生佛性闡提作佛例如此難故知明理不
異前時據何為常住耶此破全無理也以獨
據成論故今以涅槃多分正明常住故云許
其等責其涅槃無有小乘者然准圓覺鈔說
小不定故涅槃時度須跋及小乘見等此則

南中自立此義收在不定教中今疏主以此破者恐南中本無小不定義圭山以意加之耳以玄義與今疏只言不妨初時正說小教亦說大乘故以為不定教也○鈔純陀等者純陀此云妙解義工巧之子作優婆塞栴檀

野七

无

者音義云此云與藥以白檀治熱病赤檀去風腫皆能除病故名與藥後患脊痛者興起行經說佛昔凡地作刹利姓力士與婆羅門種力士大節會日對王相撲拆損他脊因果不亡故涅槃時現患脊痛等拘尸者此云軟

草或云香茅以多出此草故那者具云那伽羅此云城今略云那復言城者唐梵雙舉故此城在中天竺周千餘里言逆順者俱舍定品云往上名順謂從初禪入出已入二禪二禪出入三禪三禪出入四禪還下名逆從四

禪入出已入三禪乃至二禪出已入初禪或逆或順超中二一等最後於第四禪中入火光定化火燒身舍利者具云舍利羅此云身骨恐濫凡夫身骨故存梵語實能生六道之福今從勝說故云人天故知第五時亦說小乘

華嚴懸談會玄記卷第十七

永樂北藏

華嚴懸談會玄記

第一八三册

永樂北藏

華嚴懸談會玄記

第一八三册

華嚴懸談會玄記卷第十八

野八

蒼山再光寺比丘 普瑞 集

疏提胃雖說戒善等者玄義云彼經但明五戒不明十善唯是人教則非天教縱以此為人天教者諸經皆明戒善亦應是人天教耶

野八

又彼經云五戒為諸佛之母欲求佛道讀是經欲求阿羅漢讀是經又云欲得不死地佩長生之符服不死之藥持長樂之印長生符者即三乘法是長樂印者即泥洹道是云何獨言人天教耶又云五戒天地之根衆靈之

永樂北藏

華嚴懸談會玄記

第一八三册

源天持之和陰陽地持之萬物生萬物之母萬神之父大道之元泥洹之本又四事本五陰本六衰本六四事本淨五陰本淨六衰本淨是等意窮元極妙之說云何獨是人天教耶餘引不起等與今抄同言又違密迹經者疏主新

加也○鈔提胃波利者行集經云一名帝利富婆此云舊名提胃二名跋梨迦此云舊名波梨此二居士者身居俗室道同真侶即居家士夫也百法鈔云是碎葉國人因與五百賈人南海採寶遂至如來成道之處菩提樹

神現霖霖車馬泥滓不能前進遂祭樹神欲
 希止雨樹神報言悉達太子於此成道汝若
 供養功德無窮提胃聞已即往佛所說偈門
 言未審誰家子親族是何人安然窳不動今
 者何所須世尊答曰我是金輪王淨飯王太

子成道來七日無人施我食於是提胃即獻
 密麩如來受已即說三歸五戒等言鎖龜易
 卜者是將此土陰陽之名以目西域陰陽之
 法也言四天王奉鉢者梵語鉢多羅此云應
 量器是過去維衛佛鉢入涅槃後龍王將在

官中供養釋迦成道龍王送至海水上四天
 王欲取化為四鉢各得一鉢以奉如來如來
 受已重疊四鉢在於左手以右手按合成一
 鉢此是紺琉璃石鉢也○鉢此約小乘相者
 結前雖說戒善也不妨為大者起後得道皆

野八

二

通三乘也言五逆者法華疏明薩遮尼乾子
 經云一破塔壞寺焚燒經像竊盜及用三寶
 財物二謗三乘法言非聖法障得留難隱蔽
 覆蔽三於一切出家人所若有戒若無戒持
 戒破戒打罵訶責說其過失禁閉牢獄或挽

袈裟逼令還俗責役駢使責其法調除履或云課朔負斷其命根故大集經云說一破戒比丘過
過出萬億佛身血四殺父害母殺阿羅漢出
佛身血破和合僧五起大邪見謗無因果長
夜修行十不善業此是大乘五逆若小乘說

五逆者即是此中第四所攝言四大本淨者
淨是空義寂照云皆了本空故決擇記云悟
彼性空舉體即真百法鈔云於四大等中二
我本無故云本淨○鈔得不起法忍者即無
生忍菩提留支云即是初地無漏智印忍無

永樂北藏

華嚴懸談會玄記

第一八三册

生之理故或是八地仁王五忍中第四無生
忍三品是七八九地此當中品柔順忍者順
後無生即四五六地分順忍為三品故五忍一忍
言三百龍王得不起法忍者問龍趣難身何

野八

三

能入聖答願力為龍非是業繫豈得聖道亦
猶獨覺出無佛世豈為難耶○鈔又普曜等
者經具云佛宿夜七日不從坐起觀察道樹
化七十一億令生道心思惟寂然地六種震
動時有梵天厥號識乾見佛新得道果快坐

七日未有獻食者時有離胃波利五百賈人以識乾力故使躓不行天說偈言如來成佛道所願已滿足汝等貢上食因是轉法輪時五百賈人獻佛妙密四天王奉鉢如來呪願畢已即食食已即為授記言已足得本於將

來世諸賈客等當得作佛名曰密成如來十號具足今云齊成應是密字○鈔提胃塔者探玄記第八云真諦三藏引十二因緣經八人應起塔一如來露盤八重已上二菩薩七重三緣覺六重四羅漢五重五那含四重六斯陀

含三重七須陀洹二重八輪王一重見輪王塔不得作禮非以聖人故今提胃已得不起法忍即初地等應起七重露盤之塔故鈔偏舉之不爾何忽言其塔耶○鈔此經即大寶等者此經總四十九會百二十卷令疏所引

別行經檢大寶積當密迹金剛力士會四十九會中當第三會也言卷當第八者然第三會起自第八卷今所引者即第十一卷末并十二卷初文也經文稍廣不能繁引要者尋彼是西晉竺法護譯○鈔揀去不定等者寂

照會解皆引廣鈔云初空後有先大後小是不定也今揀去之則先小後大初有後空之判無失非謂指前不定教也指玄等正是指前不定教也彼於漸頓中不定故前抄云金光明經既非第一頓教又非第二漸中末後而明常住明

野八

四

是不定故頓漸中不定也此唯漸教五時中不定也故云揀去不定則無剋定之失評曰今詳抄意指玄之義似長也既前抄云又非第二末後而明常住豈非亦約漸教五時明不定教耶况今抄云不違密迹等經者以上

難五時之教有二例難一約所立時難二約所立名義難初約時者如難第二時中云十二年後方制廣戒又云始從得道乃至涅槃常說般若難第五時有小乘見難人天教即引密跡經鈔舉第四等上三難意云此之四

難皆揀去之以屬前不定教攝故非謂揀去而不用故云揀去不定故集玄云顯不定教之也之也順理也二約所立名義難者如第一難有相教而言有空等乃至難提胃經謂通三乘等今從多分說亦不成過也故抄云不違自所

立名義也疏後魏光統律師等者傳云慧光
姓楊氏定州盧人年十三隨父入洛四月八
日往佛陁禪師所從受三歸陁異其眼光外
射如皸深惟必有奇操留之誦習博通人號
聖沙彌也陁曰此沙彌非常人若受大戒先

野八

五

宜聽律律是慧基若初依經論必輕戒網於
道覆律師所聽習後從辨公叅學經論教揚
趙郡會佛陁任少林寺主勒那初譯十地光
預其席自此地論流傳命章開釋四分一部
草創并其華嚴涅槃維摩十地持地等並疏

其真旨初在京洛任國僧教後轉為國統故
云光統○鈔孝文見重等者傳云孝文敬隆
誠至別處禪林鑿石為龕云云見本傳後隨帝
南遷定都伊洛復設靜院勅以處之而愛幽
栖林谷是託屬往嵩岳高謝人世有勅就少

室山為之造寺今之少林是也後知則天所
取遂指山水透谷而西流尋水而西去時又
入洛將度有緣時慧光年十二在大街井欄
上反蹋蹠堵音陀地一連五百衆人誼競異
而觀之佛陀因見而怪曰此小兒世戲有功

道業亦應不昧意欲引度權以杖打頭聲響
清徹既善聲論知堪法器乃問能出家不
曰固其本懷耳遂度之前傳云四月八日姓
出家也又令弟子道房度沙門僧稠此化行
東夏唯此二賢得道之記諒有深擬言稠禪

師得道者傳曰僧稠姓孫元出昌黎末居鉅
鹿之瘦陶焉幼學世典備通經史徵爲大學
博士講解墳索聲蓋朝廷將處觀國羽儀廟
廷道機潛扣歛默世煩一覽佛經渙然神解
時年二十有八投鉅鹿景明寺僧寔法師出

家初從道房禪師受行止觀房即佛陀之神
足也既受禪法北游定州嘉魚山歛念久之
得定常依涅槃聖行四念處法居五夏又詣
趙州漳洪山道明禪師受小六時勝法鎖仰
積序節食鞭心九旬食米唯四升石上單敷

野

六

不覺晨夕布縷入肉挽而不脫或者煮食未熟
入定並爲禽獸所噉又常脩死相遭賊怖之
無畏仍爲說諸業行皆摧弓箭受戒而去又
嘗於鵲山靜坐有神來媿抱肩築腰氣噓項
上師以死要心因證入深定經九旬起定情

想澄然覺世間全無樂者便詣少林呈已所
 證佛陁曰自葱嶺已東禪學之最汝其人矣
 故今云乃更授深要住嵩岳寺等後詣懷州
 得道也西王屋山脩習前法聞澗下雨虎交鬪咆響
 震巖經日不已遂持錫解之虎各分退廣如

彼說疏上達下上妙智慧了達隨分階昇佛
 境界人也解脫者即作用解脫或通離障究
 竟果德者揀因德也圓極者揀偏也秘密者
 權小不測故六相十玄等名自在法門也○
 鈔不同延公大小等者以後刊定難中正約

機難頓漸故今揀此不同延公約機今亦約
 化儀以立故致刊定所難皆通也故今預揀
 之疏此亦約化儀以立者以前南中諸師所
 立三教約於化儀故此云亦更有一義如抄
 中釋二句疏文有二義釋一云上句總標三

野

七

教故標寬也下句唯局漸教故釋狹也二云
 言前後者通釋三教前漸次頓後圓但說有
 前後故○鈔義多順理者以判華嚴為圓此
 師創意多順道理故且不辨其違然於漸中
 不分權實亦有小違非全無也○鈔同時說

空不空者只是一會中說故名同時非一念
中名同時說不濫圓教○鈔今不以根定於
頓漸者意云既昔曾受化名爲根熟即顯根
熟不約頓立根熟既非由頓立根生亦不約
漸故○鈔况初心下進顯一也問上達分階

佛境分爲二義似涉穿鑿卷前義但置汝舉
發心謂非分階佛境然經自說初發心時便
成正覺豈不名分階佛境人耶又准法華玄
義云光統亦判四宗教一因緣宗指毘曇六
因四緣二假名宗指成論三假三誑相宗指

大品三論四常住宗指涅槃華嚴等疏隋末
唐初吉藏法師者傳云吉藏俗姓安本安息
國人祖世避仇移居南海遂家于交廣之間
復遷金陵而生藏年在孩童父引見真諦三
藏乞名詔之諦問其所懷可爲吉藏遂名焉

後出家爲道云云故內學之長勿過於藏注引
宏廣咸由此焉講三論一百餘遍法華三百
餘遍大品智論華嚴維摩等各數十遍春秋
七十五武德六年五月坐滅詳本傳○鈔依
法華等者七卷成部者當第五八卷者當第

六言從地湧出者玄贊云湧謂上昇出謂顯現明依四安樂行以持經湧出生死之地故

四安樂一正身行二正語行三意離惡自利行四正脩諸善利它行速補曰安適悅身心

樂言問訊世尊者執言曰問通問曰訊訊者

解也言少病少惱等者法華鈔云依佛化相

身順世俗而問也佛金剛體何有病惱言安

樂行者行字通平去二音若平聲者即問四

威儀安樂行不若去聲者依化身相順世俗

為問也如有病惱即遷流造作義故名行也

即是目於五蘊亦名五行故蓋問佛之身安

樂不故云安樂行不法華文句云一問如來

安樂二問衆生易度如來答安樂易度兩事

相成易度則安樂安樂則易度為二一根利

德厚始入佛慧二根鈍德薄後入佛慧餘如

前釋○鈔唯有大小等者以初後皆大亦不

判權實中間枝末唯指學小乘者今以此判

於法華已前諸經應皆是小乘故致違理故

前半滿順違即此順違○鈔法華別為一類

滯小之機者如下立十門化儀此但攝末歸

本門中一類機爾此一類機雖歷前三三等

時然皆滯於小見言執三疑一者亦由小見不除故執三乘爲了三若爲了即存小乘故成彼見小今皆顯實小見方除也若不執小見者在前二三時中宜得大益則非法華所會也而天台亦然根鈍後熟今入佛慧故如

野八

九

法華唯爲一類鈍根耳言則抑諸大乘者以經但云除小乘故○鈔開宗立教中收者若考之下文正是總相會通中依本起末門攝末歸本門中收之初門先大後小即今根本法輪後起枝末也次門先小後大即今攝末

歸本也今云開宗立教中收者恐失對會故或可立教中三終教說二乘得成道收此中學小乘者今聞法華入於佛慧五圓教中收華嚴經一分爲本之義小教即是枝末法輪故此約義說而無顯文言先出經意下即前

鈔文法華別爲一類下是也正是會小歸大即攝末歸本也疏梁朝光宅法師者潤州江寧縣梁武帝潛龍時宅嘗七日夜放光帝曰非我所居乃捨爲寺今約處稱名故云光宅法師即釋法雲也姓周氏宜興陽羨人晉平

西將軍處士之七世孫也母吳氏初產在草見雲氣滿室因以爲名七歲出家更名法雲從師住莊嚴寺爲室亮第子亮每曰我之神明殊不及也方將必當棟梁大經矣年三十建武四年夏初於妙音寺開法華淨名學徒

海濤時人呼爲作幻法師矣講經之妙獨步當時齊中書周顒琅琊王融彭城劉繪東苑徐孝嗣等一代名貴並莫逆之交孝嗣每曰見云公俊發自顧缺然初雲年在息慈雅尚經術於妙法華研精覃思品酌理義始末照

覽乃往幽崑獨講斯典豎石爲人松葉爲拂自唱自導兼通難解所以垂名梁代誠謂有聞嘗於一寺講法華經忽感天花狀如飛雪滿空而下延于堂內飄颻不墜訖講方去有寶誌神僧道超方外與雲互相敬愛呼爲大

野八

十

林法師每來雲所輒停住信宿嘗言欲解師子吼請法師爲說卽爲剖析誌便彈指讚言善哉微妙微妙矣儀同陳郡索昂云有常供養僧學雲法華日夜發願望得慧解等之忽夢見一僧曰雲法師燈明佛時已講此經那

可卒敵也大通三年三月二十七日卒于住
房春秋六十有三兩宮悲慟琅琊王筠作銘
誌湘東王蕭譯為制文○鈔四衢即四諦者
此亦智者意文句云四衢道中者舊云四濁
障除如四達路更得一濁除如露地坐以經云於

四衢道中露地而坐故也今不爾五濁真明若障之法未
論治道不應譬衢道衢道正譬四諦四諦觀
異名名四衢四諦同會見諦如交路頭見惑
雖除思惑猶在不名露地三界思盡名露地
住果不進故云而坐故今用之以譬四諦大

般若中說四衢道為四諦故今就三乘同觀四
諦理中引入真實一乘也○鈔有三所以故
三乘是權者由古人多不許三中大乘不得
車故是權故立多難今出三所以辯大乘通
索皆是權也言而義勢連環者何以三皆
野八是權一俱不得故云何不得二並無體故何
土以得知無體三諸子皆索故○鈔昔指三乘
三界門外者法華疏云三乘之教合為門理
出教外故名門外言菩薩出三界豈有真實
證者但約教說人見道後出界實未出界○

鈔盡智無生智是二乘車體不出三乘體也
 據天台文句出此體云舊解小車者小果也
 果有有為無為功德正取有為以譬車運運
 入無餘也有為果中具有福慧為正福屬餘
 度具其慧有十而八通因果

一法智二類智
 三法智四集智

五滅智六道智七它心智八世俗智
 此八通因果九盡智十無生智 盡智無生
 智唯是果位乃取二智以譬車果以是義故
 車在門外若依大品云是乘從三界出到薩
 婆若中住若未出時已乘是乘爭出火宅何
 故復言車在門外若先在門外乘何而出然

但乘通因果三十七品斷見思惑皆是因乘
 盡智無生智皆名果乘要因因乘斷惑盡方
 得果乘盡智無生智故言車在門外若內因
 斷結運義名乘外果不運云何名乘然果無
 斷惑之運要以盡無生智入無餘涅槃方是

妙運也上皆評曰天台引古釋亦應光宅等
 義也故今亦以盡智無生智為體然盡無生
 二智通大通小十地疏云因亡曰盡即盡智
 也後果不起名為無生即無生智也上大若
 小乘說現在惑亡名為盡利根之人保彼煩

惱更當不起名曰無生此盡無生是其滅體
無學之智如是而知今取小義即是果乘車
體言丈六淺智有本云推智是牛車體者問
此約何智名丈六淺智耶答亦盡無生智但
揀小乘不成丈六果佛故云丈六智也問云

野八

主

何知是盡無生耶答如光宅尚以大白牛車
亦盡無生智為體况三中大乘不指此耶光
宅云佛果究竟盡無生二智為車體達出五
百由旬之外對昔為高具舍萬德對昔為廣
以經云各賜諸子等一 以此推之古師凡論
大車其車高廣等也

車體皆以盡無生智為體以此二智皆通大
小乘今取大乘義也又唯約果說乘義雖通
因果然今正約果論故唯此也問此文六淺
智是大乘中佛耶小乘中佛耶答此文六應
佛通大小乘如天台藏通二教但是界內教
並以門外三乘為自位果但機有利鈍分二
教謂一拙一巧也如藏教拈色明空故拙通
教體色明空故巧雖巧拙不同而同斷見思
同出分斷同證偏真故通教果頭佛與藏
教果頭佛齊故今通約一類從界內出至門

外為三乘自位果也上會解意文六若寂照

釋云小乘中說大乘菩薩三十四心成丈六

佛身獲生空權智是牛車體唯廣鈔第三云

丈六佛智是牛車體及般若中說菩薩二空

果智大來自說大乘四智菩提皆名權智以

野八

體是有為非真實故皆是牛車體准此則有

中說大乘般若中破相大乘深密等中法相

大乘今抄唯言初一影後二也三皆是權為

牛車若助正云丈六化身權智是報身法

身是所證之法此出果體唯約於智不可言

於法身故云丈六權智而言權者對一乘實

故昔大為權耳評曰上之解初師則有昔三

無法相大乘之失次師則鈔文有缺畧之失

後師則有昔三無破相之失亦違光宅本義

故今三師總取解之丈六者通小乘中說大

乘成佛及通教中揀小乘不成為自乘成佛

也言淺智者有云亦通三義或破相二空果

智或法相四智菩提皆望一乘深智為淺故

言二乘之智既非真實等者二乘果智若就

自乘各實證得即有其體今以一乘佛慧映

奪但是佛智少分功能故得出界恐認為究

竟故奪云無體丈六權智等皆謂是實今以一乘佛慧映奪亦云無體非如兔角名並無體無有一人唯成丈六佛及般若深密等中所說佛果也故知皆入一乘如戲場內加三人為官二為小官一為大官執為實有後實

官者云二小官劣既非實得大官更勝豈實得耶法合可知○鈔然上不得下揀一二兩所以成別也不得二字指前第一所以非是遮詞有解二是遮詞也即不得約人就法者誤也以正是約人就法故○鈔羊車鹿車下

彼疏云羊多附人如聲聞鹿多靜處如獨覺牛能負運如菩薩二利彼抄云因位牛車者能一能證理二能引後智鈔一者機索者即密索也二口索者即顯索也○鈔三乘之人以佛教門下尋言趣理出三界苦故問三乘

野八

十四

出界俱至本果不答二乘到極果菩薩未到極果問三乘皆虛指何以偏二乘至果菩薩不至耶答二乘不求作佛得至小果菩薩意欲成佛至法華時三祇之行未滿故問既菩薩未至果何故此中謂究竟答小乘已得果

謂為究竟菩薩但聞故說謂為究竟此時雖未解索一乘法已被三乘法門淘煉既久堪受一乘根器發起上扣擊於佛心密有索義也○鈔三根者身子為上根第一周法說即解故四大聲聞須菩提 迦旃延 迦葉 目連也為中根第二

周喻說方解故富樓那等五百聲聞等為下根第三周聞宿世因緣始解故言求法求記者如方便品舍利弗三請即求法也如四大聲聞等聞舍利弗授記而有以譬喻等皆是求法求記也如方便品開示悟入即為說也

如譬喻品授鷲子記等八處授記即與記也問二乘自知小果非真求記可耳菩薩自知當得大果何故亦求記耶答般若深密所化菩薩在見道前元意各趣當教之果今自生疑悔故別求一乘記也○鈔彌勒序品陳四

眾疑者由佛放光彌勒與四眾咸疑問文殊野八云何緣世尊現斯神變放光照東方等徵佛定因也欲迴未達令入實故 豈彌勒猶有疑也 應知菩薩出界方始求記亦但約又偈云佛坐道場所深入地之後心入實故得妙法為欲說此即求也為當授記即求也即一

人發言言三人心也○鈔諸求三乘人等者若非三乘皆索比中文殊何故許斷三乘人疑也○鈔開權顯實已是畧賜未曾有法亦是許與菩提之記○鈔法說索車者此直就法索一乘是當可聞可得故索不合前喻故云法說亦不同前喻中不見三車故索三車身子三請在前方便品故喻索三車在後譬喻品故○鈔騰疑白佛者時舍利弗既得授記復白佛言我今無疑親於佛前得記是諸千二百心自在者昔住學地佛常教化言

我法能離生老病死究竟涅槃而今於佛聞所未聞皆墮疑惑善哉世尊願說因緣令離疑悔即騰舉眾疑啟白世尊請說譬喻之車除彼疑悔○鈔彌勒陳疑者以下方菩薩從地頭出而佛言皆是我化時彌勒及無數菩薩心生疑惑惟未曾有云何世尊於少時間教化無量無邊阿僧祇菩薩令住菩提父少而子老舉世所不信○鈔開示知見者答前身子三請說佛壽量答前彌勒請說果車由佛三身壽量長遠故能化爾許菩薩也等字

等於譬喻品火宅喻等賜牛車答前請說喻
 ○鈔菩薩聞是法下即方便品文亦酬前身
 子之請即彼第三請中云及餘求佛者是等
 聞此法則生大歡喜今既聞已即疑網除故
 云歡喜既云菩薩疑網除明是地前菩薩疑

野人

六

唯分別入見即除故○鈔故合喻云下初得
 佛知見中道智光如日無明在如夜自得中
 道智光如日慈悲入生死如夜常行悲智二
 法劫數遊戲三乘之人同入佛智故云與諸
 菩薩及聲聞眾緣覺攝在聲聞之中○疏此

則前三等者此師以法華之前皆名三乘權
 教由未明說唯為一事出現於世一切眾生
 皆得成佛法華名實教一乘則依乘及時以
 立四乘今一昔三權實異故不違教理○鈔
 則抑昔大乘了義之經者華嚴圓覺等了義

大乘皆悉為權彼亦說一切眾生皆得作佛
 等義何抑為權耶○鈔若爾等者若昔大明
 權實爾即躡前答問轉有此難也應超聞讀文若會三歸
 一昔應無實無實迺不抑昔時聖教故若會
 二歸一昔應無權無權則四乘之義不成汝

何許我四乘義耶此是光宅難清涼所辨順
違皆不應理起故為釋云下清涼答也會權
歸實則是會三為一昔時有權教大乘故許
汝四乘之義為順理也若破小顯大即是會
二歸一明昔有實教大乘而汝抑昔聖教故


野

七

名違理也昔之權實二義亦存汝何不分昔
大權實耶言爾耳者上言爾即如是也乃指
此段疏文下言耳者即是語助起上言若作此
宗難者清涼復難光宅昔有權教大乘故說
會三歸一昔既有實教大乘會二歸一義則

分明汝何不說耶然有本鈔是北字若北宗
難者即唯識宗也對光宅是南宗故云北宗
此二宗皆難清涼也所以知者以天台然師
云今時言北宗者謂俱舍唯識據此然師與
清涼同時則北宗正是唯識也難意云既昔
有實昔三中大乘是實唯會二歸一義則明
矣以彼宗不立四乘故今答意云約昔有實唯會二約
昔有權則會三二義俱成等法宗何獨立三
乘耶准此則北字為勝若作清涼難光宅則
與答文不相應也○鈔謂有向言等者此一

段鈔科分為二



○鈔約會取則下釋為取之意也問今言為取昔之三乘為取何乘故此答也問三乘是權一乘是實權實既異何故取權為實耶以其理不可分下答也理體無二故行雖曲直不同皆是一乘佛因故○鈔若約廢昔等者釋

歸廢之意也問言廢昔歸今者昔三乘中為廢何乘故此答也問權外無實何須廢耶以其約教下答也彼教但假名引導眾生故廢果但虛指化城故廢○鈔然開廢等者以科有為歸二字疏有開廢二言故鈔復泛明四字以彰通局也或可上總明中但有會廢二義於會中含開於廢中含歸今明通局則分或開會廢三於會中復有會為會歸故成四義以對教理行果四法也言約教則廢者昔三乘之教虛設故廢別立一乘言教昔所未

野八

六

說而今說之今證入故言約理則開等者廣鈔云各以所證為真實則無由見圓通法性故言約行則會三為一者以三乘之行各趣自果今會為究竟佛因既達真理人天施戒尚皆佛因况三乘行耶故云汝等所行是菩

薩道等言約果則會三歸一下大乘教說之果皆是究竟佛果少分之義奪果成因咸歸一果故全性之果無別新生二乘之果但是三昧權教大乘之果但舉之以為所忻作起行方便究竟無實故華嚴中說脩因契果行

相方名生解望當所證一乘之果皆為方便故俱名因但前行為遠因今奪果為因義稍近故以為異耳○鈔若約通者下廢但配教此猶是局謂三乘教是虛設一向須廢別立一乘今入證故問准前後說廢通於果今何

野八

九

唯教答果有二義一約果相虛設則廢二約果體為因則不廢今從後義前後廢果約初義也言開會等言者等取會為會歸准此則本會字從共二字即以開為歸三義通配理行果三法今言並通四種者四字誤書應是

三字廣抄中亦是三字彼疏云廢立局教餘
三通三鈔釋云初句猶局謂三乘教是虛設
名言已定一向須廢不可開會唯立一乘令
證入故次句方通也言餘三者開顯攝會為
會歸等也言通三者理行果以此照之義甚

明矣上寂照及
會解等意今詳廣鈔別是一理今鈔既
是四字不可不同廣鈔判為錯也不錯無妨
以此標云約通今廢字已局餘三不通於教
則又局矣其通義安在如經云此經開方便
門若不約教為門豈非開字通於教耶又前


云會於昔三歸今之一歸字亦通於教其為
字者三乘之教所詮行果亦許為因其能詮
教豈不許為一乘因之能詮耶又經云如世
間一切語言皆與實相不相違背世間語言
尚取况出世三乘言教耶故以四字為正問

次段開字通中何不言通教耶答教上有三
義一局定義二為因能詮義今約後義次約
初義例如果上二義故鈔欲具顯二義故前
後互彰也智者詳之言今疏從此者從此通
義也但於疏文若開權顯實則三是一更無

別一等中含此通意○鈔約開三顯一者此
 有二釋一云取義牒疏也若開三疏中顯一
 實字則三即是一與疏者正牒文一云牒通義
 中開字釋通以例為歸二字也後義為正以
 在後方牒疏文分科故然猶懸釋疏意也二

義無別以今疏從通義故言今示法身是同
 者法華論云示者同義二義可知已上開義
 通理行果三法皆開無別詮取其體故若例
 為義通三法者以三別理別行別果皆為一
 理一行故昔三果為能成一果之因二乘取

其果體大乘取其教說佛果皆以三別而為
 一總若例歸義通三種者以昔三乘理行果
 咸歸今一乘理行果其猶眾流歸海同一海
 故鈔疏先明已上懸解此下方消疏文○鈔
 後彼經云下一段鈔文科分為二



○鈔故淨名云下即彼經不思議品仍是義引文云一切聲聞聞是不思議解脫法門皆應號泣聲振三千大千世界一切菩薩應大欣慶頂受此法肇公云所垂處重小乘之人心變一切法及即空之淺義况今聞室尚不許惟故假野八

言應號泣耳二乘憂悲永除尚無微泣况震三千乎以抑揚時聽故然上云不思議解脫法者即室容高座芥納須彌等法也言我等何為永絕其根者彼抄云永絕其根者大乘菩薩心根也言敗種者朽敗種子種之不生

等也今不能發菩提心義亦如是矣○鈔今但引等者會疏也問經說行果二義疏何但引會行之言故此答也意云欲明三乘行今會之即為一乘行故若約果者三乘果非即一乘果但為因故故疏不引准此故知果教皆有二義前後

彭五又廢果是廢權約局中義今約通義開權故不引也○鈔復經少時下天台疏云鄙棄先心欲求大道大根發也何名少時一云說般若竟於異處遊觀尋思所領大乘法門心生貪樂為失不為失如此尋思即是大機發

時也此時去法華未遠故言少時又當說無量義時大乘機發既聞無量義者從一法生思惟昔三皆從一法生如是三乘亦應入一如是思惟漸已通泰大心即發故云成就大志昔受化者名子法身菩薩影響者為親族

諸經益根興廢有時部部不同名國皆言第一即王彌勒等皆是等覺為大臣初地至九地為利利法王種姓中生故三十心為居士實從我受學從我起解是我所生我實曾於二萬億佛所曾教大法故實是父肯此大乘

起無明闇遁入主死故言捨吾逃走伶俚切韻者行不正也備經六趣故云五十餘年以脩羅或天趣等攝故復言餘昔在下自昔法身地中常以二智觀覓可化之根始於今日感應道交故曰忽於等一切財物萬德萬行

要

三

也

華嚴懸談會玄記卷第十八

永樂北藏

華嚴懸談會玄記

第一八三冊

華嚴懸談會玄記卷第十九

野九

蒼山再光寺比丘 普瑞 集

○鈔金銀等者彼疏云金即別教理銀即通教理大品所明真諦不出共不共二而云多者約種種門言多如破十八計名十八空此

野九

即取三乘理令一切衆生當得究竟諸法實相為一乘理一切法門皆是珍寶倉即定門百八三昧庫是慧門十八空境也通別兩種定慧倉庫包藏一切定慧無有缺少內充外溢故云盈溢言其中多少者說於般若則有

永樂北藏

華嚴懸談會玄記

第一八三册

廣畧二門菩薩行般若廣畧相畧則為少廣則為多自行為取化他為與大品中云汝也現當為菩薩說故云汝悉知之言慧命者玄讚云在俗之徒皆愛身恒之壽聖者之輩並寶智慧之命故○鈔今疏下會疏意也問此文通會理行二法以金銀喻理故何故疏中但引會行之文耶故此答也意云欲會三因為一因故前雖有果此雖有理疏中皆唯會行言餘畧不引者以正明中義通理行果三今引證中二文皆有三行為佛因是約行中

開權顯實故今云餘畧不引也

准疏中引為果准抄引中

會理果二法亦具也○鈔義說為四者以但廢昔三教

下纂玄說云此准前科合雙會教果三果歸
行前文已會故此鈔更不言但會教也准寂
照則雙會教果鈔中但廢下會教也但三為

別一為總耳者即會果也二釋隨取今依後
義初廢教者如何廢耶三乘但是假名字引
導衆生則廢昔三教故言昔三是權即今一
實便顯以昔三教互不相見故權今會歸總
成一教即是實也故方便品初云吾從成佛

已來等既言方便令離諸著故三乘教皆是

權今合前教便顯一乘故經云知諸衆生有

種種欲深心所著乃至方便力故而為說法

如此皆為得一佛乘等故三外無實之法

教亦會取正依此也○鈔但三為別一為總者如二乘

野九

二

已得之果權教大乘之果互不相見故權今

三乘故果皆全是一實相之果則廢三別而

成一總故云但三為別一為總耳則二乘果

智為因趣大乘果以因地心與果地心同亦

令二乘皆得大果豈非即是一乘果耶

意云以二

乘果智是一乘因地中本覺真心少分之用
此因地心與一乘果地覺心同一體故故云
以別果為權教大乘菩薩比觀所解四智等
總果也

大果皆實教佛果少分之義故亦是一乘果
○鈔此喻至出現品下彼鈔云涅槃第二云
我今當令一切衆生及以弟子四部之衆悉

皆安住秘密藏中我亦復當安住是中入於
涅槃何等名為秘密之藏猶如伊字三點若
並則不成伊縱亦不成如摩醯首羅面上三
目乃得成伊三點若別亦不成伊我亦如是
解脫之法亦非涅槃如來法身亦非涅槃摩

訶般若亦非涅槃三法各異亦非涅槃我今
安住如是三法為化衆生名入涅槃然有云
伊字如品字有云如倒書品字後義為正由
此見異古德解義取捨不同或二德在上一
德在下百法鈔去滿州沼法師云此約勝劣
依止次第而作是說兩點在上左喻

般若右喻解脫左勝而右劣故一點在下
者喻於法身上二是能依法身是所依故
一德在上二德在下沼法師此約能所證次
第一目在上猶如般若
以是能證故二目在下左喻法身
右喻解脫俱是所證故在於下並不得意
西方伊字二點在上天目之喻不可二目在
一目上如來恐人誤作此解故以天目轉喻

伊字則不得定一二上下但取不可縱橫及

並別耳

百法抄云平迷法師云舉斯二喻况於三事而互說不定者非約勝劣

依止及能所證次第而釋若定說一上二上

非唯義理不得圓妙致令二喻自互相違謂

梵書者二此西方伊字三目之一當於眉間

此其狀也諸公何惑等又云然此二種不離

一如德用分異即寂之照為般若即照之寂

為解脫寂照之體為法身如明淨圓珠明即

般若淨即解脫圓體即法身約用不同體不

相離故此三法不縱若法身本有次脩般若

後得解脫名縱亦名三為別法異體同時為

橫亦名為並對縱為橫對別為並故經云若

並縱別則不成伊一一異體為別今三但不

思議焉可為縱橫並別耶以即一而三即三

而一非三非雙照一三焉可作一三等思

若作體一用別而未免於並別也○鈔昔

三既別下昔般若等雖明實相佛性等實法

而不兼權設二乘之根亦皆具證此實法咸

得作佛名不兼權此如伊字中但是一點聲

聞如一點緣覺如一點云點別非伊非今一

乘全兼昔三皆當作佛等如伊具三點合三
爲一無三各別云廢三虛上喻及合中疏今
昔有異者異字有三意一云今法華一乘別
有法門全異昔是三乘非是合三爲一揀異
前段會昔成今義說爲四之義也故○鈔云

野光

四

前但合三爲一等二者彰今異昔今法華一
乘異昔一乘今一乘兼會三權對三立一昔
一乘不兼會三乘非是對三立一由此對三
立一則三權一實四乘義成其不對三立一
則於昔權外別爲一類一乘之機說於一乘

故昔實不滯方便法華不會也意顯四乘義
成是順之由三權之外別有一實是違之由
此爲疏文之意非昔實亦會爾○鈔前但合
三爲一下對前揀異也即前第一意昔字指
前三乘言昔所未說者法華經文也言謂昔

日雖有下乍觀謂字似重釋前義觀其所釋
與前義別前但揀別三乘外別有一乘此釋
今一乘與昔一乘義別即前疏中第二意也
學者細詳勿濫二意謂有妨言昔日實教大
乘亦詮如來藏性涅槃法身真常之理與法

華是同何言法華方說昔所未說等耶故以此第二意答也意云顯說不顯說而今昔有異言未曾顯說者明昔雖是實不及法華之實也言則一乘三乘下通結上二意皆成四乘義也如向所明○鈔叡公者傳云僧叡魏

野元

五

郡長樂人司徒姚嵩深相禮貴姚興問嵩叡公何如嵩荅實鄴衛之松柏興曰乃四海之標領何獨爾耶什公翻經叡並叅正正法華受决品云天見人人見天什譯至此乃曰此語與西域義同而在言過質叡曰將非人天

交接兩得相見什喜曰實然後出成實論令叡講之什曰此諍論中有七處文破毘曇而在言小隱若能不問而解可謂英才叡啓發幽微果不謬什而懸會什嘆曰吾傳譯經論得與子相值無所恨矣叡常修西方臨終沐浴向西合掌而卒是日同寺咸見五色香煙從叡房出春秋六十七矣今引所說但證昔實悟物雖私未曾顯說佛之知見不及法華之顯說也有以證昔權今實者非也豈可般若等深經盡為權耶此中雖有善權之言非

是指為權教但對體用分權實耳豈可疏主
自語相違耶言道者即指學道之者也言乘
者即能乘之人也言實體不足者以昔實未
曾顯說衆生皆有佛性故實體不足也皆屬
法華者即今法華一實具足顯說也○鈔根

敗之士下即淨名經中佛道品文也即眼等
五根隨有敗壞之者其於色等五欲塵境不
能緣了受用利益身心喻於聲聞已斷煩惱
障不能留惑潤生於生死中廣利群品不能
成佛果故彼經次云正使聲聞終身聞佛法

力無畏等永不能發無上道意發心尚不能
豈得當成佛果言豈非不兼權耶者以淨名
經中既說二乘不得成佛即顯昔日實教豈
不是不兼會於權反顯昔實雖妙不兼會於
昔權非謂昔實自
兼於權也今法華兼會權故今昔有

異昔劣今勝是其本意也○鈔又云下亦淨
名不思議品文如前
引釋於大乘中無所堪任故
已如敗壞種子不能生芽顯煩惱障已斷不
能留惑潤生反入生死化衆生也故淨名佛
道品又云當知一切煩惱是如來種肇公註

云凡夫沉淪五趣為煩惱所蔽進無無為之歡退有生死之畏兼我心自高唯勝是慕故能發跡塵勞標心無上樹根生死而敷正覺之華等疏於文有據者於法華經文有所據所立之義而亦極成以至理須然故彼此共

許故○疏天台智者承南嶽大師者南嶽名慧思俗姓李氏武津人嘗夢梵僧勸令出家時慧文禪師聚徒數百乃從受正法累夏習禪未有所證傷已昏沉放身倚壁背未至間豁然開悟法華三昧大乘法門一念明達十

六特勝背捨徐入便自通徹不由他悟因此學徒日盛攝自它眾雜以精齋由此是非鋒起怨嫉鴆毒毒所不傷異道與謀不能為害乃顧徒曰大聖在世不免流言况吾無德豈逃此債債是宿作來時須受然我佛法不义

野光

七

應滅當往何方以避此難時真空有聲曰若欲備定可往武當南嶽是入道山以齊武平之初昔嵩陽領徒南遊至光州值梁孝文傾覆權止大蘇數年歸從如市造金守法華般若後命江陵智顛代講金經至一心具萬法

慮顛有疑焉思釋曰汝向所疑此乃大品次第意耳未是法華圓頓旨也吾昔夏中一心頓發諸善吾既身證不勞致疑後因烽警山似棲遑遂趣南嶽告衆曰吾寄此十年過此必事近逝又吾前身履此即古寺也因掘得

故基遂立寺行道神應極多終於陳大建元年六月十二日正住此山十年如初言也春秋六十四或諮師位應是十地思曰非也吾是十信鐵輪位耳○言智者名智顛字德安姓陳氏潁川人也有晉遷都寓居荊州之華

容焉即梁散騎益陽公起之第二子也母徐氏夢香煙五彩縈回在懷欲拂去之聞人語曰宿世因緣寄托王道福德自至何以去之及誕育之夜室內洞明信宿乃止內外相賀盛陳鼎俎火滅湯冷爲事不成忽有二僧扣

門曰善哉義兒宿德所重必出家矣言訖而隱賓客異之隣室憶先靈瑞呼爲王道兼復用名光道故小立二名叅王稱之眼有重瞳二親蔽掩時人已知卧便合掌坐必向西一年已來口不妄噉見像便禮逢僧必敬七歲

喜往伽藍後尋明師莫依出家年十有八投
 湘州果願寺法緒出家後詣光州大蘇山思
 禪師受業心觀云云思令代講躬自聽之語學
 徒曰此吾徒之義兒恨其定力少耳及學成
 辭師思曰汝於陳國有緣往必利益思遊南

野元

嶽頭往金陵綿歷八周講智論等次說禪門
 用清心海後往天台有問其位者荅曰汝等
 懶種善根問他功德如盲問乳蹶者訪路吾
 不領衆心淨六根為他損已只是五品內位
 耳春秋六十有七開皇十七年十一月二十

四日坐脫於天台山天石像前東西垂範化
 通萬里所造大寺三十五所手度僧四十餘
 人寫一切經一十五藏金檀像并畫像十萬
 許軀五十餘州道俗授菩薩戒者不可稱紀
 傳業學士三十二人習禪學士散泝江漢莫
 限其數沙門灌頂奉付弟子也○鈔陳朝一
 帝即是後主者顛師已在天台行道陳後主
 意欲面禮顧問群臣沙門誰為名勝陳宣奏
 曰瓦官禪師德邁風霜禪鏡淵海昔在京邑
 群賢所宗今高步天台法雲東靄願陛下詔

之還都使道俗咸荷因降璽書重沓七反皆
帝手疏方肯出山迎入大極殿之東堂講智
論帝躬設禮候延於靈耀寺學徒雲擁靈耀
褊隘更求閑靜忽夢一人翼從嚴正自稱名
云余冠達也請住三橋嶺曰冠達梁武法名

野

九

三橋豈非光宅耶乃移居之其年四月陳主
幸寺修行大施又講仁王帝於衆中起拜慙
懃儲后已下並崇戒範有受法文其末云今
奉請爲菩薩戒師便傳香在手而臉下垂淚
斯亦德重人主也如此言晉王請爲菩薩戒

師者傳云隋主躬製請爲菩薩戒師之文及
受戒時師白大士爲度遠濟爲宗名實相符
義非輕約今可爲總持用攝相兼之道也王
頂受其旨帝曰大禪師禪慧內融導之以法
澤輒奉名爲智者故下云帝爲立號等○鈔

言天台山名等者傳說初至金陵夢巖崖萬
重雲日半垂其側滄海無畔泓澄在下又見
一僧遙伸手臂挽師上山覺謂門人咸曰此
乃會稽天台也昔僧光道猷法蘭晉宋英
達無不栖焉因與慧辨等二十餘人挾道南

征隱淪斯山先有青州僧定光久居此山積四十年蓋神人也顛未至二年預告山民曰有大善知識當來宜種豆造醬編蒲爲蓆更起屋宇將以待之後往天台與光相見光曰憶吾早年山上遙手相見否顛方知夢之詳

也遂卜居焉等○鈔韋虛舟下即韋虛舟侍郎所撰傳也言又入道場下顛初到大蘇見思思便云靈山同聽即示顛普賢道場爲說四安樂行顛乃於此行法華三昧始經三夕誦至藥王品心緣苦行至是真精進句解

悟便發見共思師處靈鷲山七寶淨土聽佛說法思大師云非汝不證非我不知又在熙州白沙山如前入觀於經有疑輒見思來冥爲披釋等廣如彼說○鈔廣如四諦品者疏云四聖諦者聖者正也無漏正法得在心故

野九

十

諦有二義一者諦實此約境辨謂如所說相不捨離故真實故決定故謂世出世二種因果必不虛妄不可差失二者審諦此就智明聖智觀彼審不虛故凡夫雖有苦集而無審實不稱諦無倒聖智審如境故故名聖諦瑜

伽云由二緣故名諦一法性也此法性也二勝解故愚夫有初無後聖具二故偏說聖諦鈔云諦通二義聖之一字唯屬審諦瑜伽法性是實義勝解是審義今皆云四真諦者即實義也其四種四諦隨下四教中各為引釋○

鈔苦以逼迫為義下釋名相也然此名相正在小乘亦通大乘以大乘但推此相無生無量無作爾故下疏云四諦性相云何逼迫為苦釋名辨相也即有漏色心性也增長為集釋名相也即業煩惱出體也寂靜名滅謂即涅槃出離

名道謂止觀等等五八道此約相說通大小乘智論云小乘三是有相滅是無相大乘四諦皆是無相此但約通教義探若無量無作即後二義對今鈔云但滅道釋名有異然出離與除患則名異義同累盡及寂靜通局有異累盡唯局滅惑成實

論說譬如燈滅則膏明俱竭若言寂靜非唯滅惑實乃法身常住寂靜為滅即本來滅故鈔言滅者非先有今無名滅但未脩道未證得理現無故名滅言正道生者現起證得故名生言故得名真者下謂若諦實名諦真即

是諦審諦名諦真與諦異境智別故二乘審知是苦等故玄義第二云四種四諦者出涅槃聖行品約偏圓事理分四種之殊所言生即一偏滅即二偏真重故從事受名而狹於無量即三偏四圓理也即四偏 疏通教言三乘同稟者問與藏教

三乘何別答巧拙不同利鈍不等以三藏析色明空故拙通教體色明空故巧故分利鈍也問若爾何用二乘同稟答引小乘漸入實故○鈔從緣生法無性即空者問滅諦是無何名緣生耶答因滅惑顯亦是從緣○鈔無

生四真諦者玄義云迷真輕故從理得名而不具德為偏緣無性故空名之為無非斷無也○鈔謂解苦無苦等者義引涅槃也經云諸凡夫人有苦無諦以無審諦支計為樂也 聲聞緣覺有苦有苦諦而無真實無無生也 諸菩薩等解苦

無苦是故無苦而有真諦有無生諦 凡夫人有集無諦聲聞緣覺有集有諦而無真實諸菩薩等解集無集是故無集而有真諦聲聞緣覺有滅非真菩薩有滅有真諦聲聞緣覺有道非真菩薩有道有真諦等菩薩四皆言真諦者即四無生理也

然言解苦無苦等者玄義云苦無逼迫相集
無和合相道無不二相滅無生相等言不同
初教下對前彰勝是摩訶衍下對後彰劣言
未彰妙有中道者以未彰妙有故劣於第三
未彰中道故劣於第四也或可後二教雖即

野九

三

不即異皆明中道此雖亦明中皆順入空故
故前鈔云中亦即空等○鈔遣蕩小乘執心
者以此教三乘同稟令三乘分達二空然猶
成已見故云傍為言令漸通泰者法華經文
如前已引○鈔此雙證名及所被機者先出

證意既三乘下證名二乘既學下證機云何
下徵釋疏文也言聲聞學無生等者以二乘
分解法空而不取證故下云以此義推二乘
學二空也言但欲趣寂者法華信解品聲聞
自述好滅沉空故言若聞無生下緣覺之人

知其從緣生滅即顯諸法無有自體言即生
滅而無生滅者緣生無性故不得於生滅者
無性緣生故○鈔羅漢得之者金剛經云實
無有法名阿羅漢世尊若阿羅漢作是念我
得阿羅漢道即着我人眾生壽者此四種統
唯我相是

主半義但由展轉約義故有四名迷識境故
 初取自體為我和計我未展轉起行緣起
 為人相計我過去從無始來種種生死為眾
 生相計我現在一報命根不斷而住為壽命
 相緣覺例上知之言菩薩得知下即般若心

經云以無所得故菩提薩埵依般若波羅密
 多故心無罣碍故無有恐怖遠離顛倒夢想

野元

七

究竟涅槃等○鈔通則上通別圓下四教義
 云通前藏教通後別圓故名通教又從當教
 得名謂三乘人同以言說道體色即入空故
 名通教據此則正釋并引證是當教得名故
 疏云通者同也今此通妨是約通前後名通

也所以爾者以此教菩薩中有二類根故謂
 利與鈍鈍則但見偏空不見不空止成當教
 果頭顯佛行因雖殊果與藏教齊故即今云
 下通二乘若利根菩薩非但見空兼見不空
 即中道分二種謂但中不但中若見但中別
 教來接若見不但中圓教來接故今言上通
 別圓只由此義故立通名不名共也問既通
 餘三豈不相濫答下疏云若覈其定實餘不
 成唯成當教中義也○鈔又言皆通者下牒
 疏釋也又別顯一意釋通上唯約機然有二

今正約法

意一云教理等八法上通別圓下通藏教以
 餘三教亦皆有此八法故此但名通非約義
 通二云此之八法三乘同學同脩同證故名
 通教也一教通等者約後義釋此唯通淺義
 也言偏真之理者即生空也主本悟我空偏
 真之理喻伽八

十二云聲聞理者生空偏真也或但明空未
 願不空之德亦曰偏真涅槃云聲聞但見空
 不見不言巧度一切智者大品三智中即
 一切智也止觀云從假入空空慧相應即
 能破見思惑成一切智能得真體對愚法
 二乘拙度故云巧度拙於巧○鈔界內惑

等者以煩惱障發業潤生不出三界故云
 界內見道脩道位斷見思二惑二教同也
 但巧拙異故○鈔五行通者雖諦緣度不
 同而入見脩位中通是無漏行故○鈔六
 位通等者下鈔引智論及天台意云一乾

慧地三乘初心通名乾慧大乘即是三賢野見
 若小乘說一五停心觀法華玄義第三云
 有定故言停有慧
 故言觀觀能翻邪定能制亂一數息治散
 二不淨治貪三慈悲治嗔四因緣治痴五
 念佛治障道廣抄第十一云界分別治者
 我不說念佛治障道應教不界亦不相
 違二別相念處觀色蘊不淨受蘊是苦識
 無常想行二蘊為無

我各別配三總相念處觀總觀五蘊無我已上

三種總觀無生四真諦理故名乾慧意云

未得定水故當外凡位二性地自下定種

性故性但脩得非本有故玄義云得相似

無漏性水故若用總相念成三十七品無常如以

為門脩四念處勤脩四觀名四正勤定心中
法故名四如意五根生故名五根增長遮諸惡
道上行名六正道苦空等例上可知初發

有漏善入後頂忍世第一法皆名性地成內

凡位二八人地謂隨信行人隨法行人體見

假以發真斷見惑在無間道遠公云古莫沙
說須陀洹向以

為第八對前七方便名第八故又從羅漢數

之亦第八又心鏡鈔云見道八忍為無間道

智為解脫道一即第八忍名八人地依智隨

於忍不別為一即第八忍名八人地依智隨

第五十見地即是三乘同見第一義諦之

理同斷八十八使盡也當初果俱舍頌云苦
道離三見道除於二見上界不行悲釋曰見
道苦諦下具十煩惱一貪二嗔三慢四無明

五疑六身見七邊見八邪見九見取十戒禁

取集滅二諦下各除身見邊見戒取各斷餘

七合十四道諦下斷八除邊身二見此上皆

欲界四諦下共斷三十二除上二界四諦下各

除一嗔於前三十二中除四各有二見道所

斷如俱舍論第三十二說成八十八皆見道所

邊二見身執身斷常見唯於苦果處執身為我

無二見問戒取之人何故迷苦道二諦耶吞

戒體是苦取以爲淨故迷苦諦邪戒非道取
 以爲道故速道諦問何以戒取集滅處無道
 戒取有二非因計因迷苦果起二非道計
 道速道諦起故集滅二諦無戒取如弘決
 及淨名疏鈔起二心鏡鈔說廣第九云集滅
 三見者身邊二見及戒禁取身是苦本觀苦
 時已斷邊見依身行位故斷集諦不計非
 道爲道滅諦又非計道也又成實論云唯
 計戒爲得道之因不知得果在於達理而修

初行則是戒取非狗 五薄地發六品無間道
 牛等戒方爲戒取 斷欲界俱生煩惱六品證第六解脫欲界煩
 惱簿也當第二果六離欲地謂斷欲界五下
 分結盡離欲界煩惱也當第三果一身見二
四欲貪五嗔恚俱舍二十一云何緣此五名
順下分順益欲界由貪嗔不起欲界設有能

起由身見戒取及疑還下故云順下分七已辨
 二不起由欲三復還下故云順下分七已辨
 地發真無漏斷五上分結一色二愛二無色愛
二界慢五二界無明貪過重故二界別明餘
三輕故二界合說有此五結不起上界名順
五分俱舍二十一云此并八十八使見修斷
五順益上界故名上分盡此三界事究竟故云已辨不能侵習氣故

當第四果八辟支佛地緣覺功德力最大能
 侵除習氣故如燒炭成灰九菩薩地從空入
 假道觀雙流深觀二諦斷習氣色心等無明
 得界外法界道種智遊戲神通學佛十力淨
 佛國土等故十佛地機緣若熟以一念相應

慧觀真諦究竟頓斷殘習坐七寶菩提樹下
 以天衣爲座現帶劣勝應身成佛爲三乘根
 性轉無上四諦法輪緣盡入滅正習俱除如
 炭灰俱盡故智論云聲聞智慧力弱如火燒
 燒木雖然猶有炭在緣覺智力強如小火燒

野九

六

木然炭盡餘有灰在諸佛智力大如劫火炭
 灰俱盡等問今鈔何故唯齊辟支佛耶答大
 品云菩薩從乾慧地至菩薩地皆覺而不取
 證佛地亦覺亦證據此後二地非二乘所證
 故唯齊第八也問若爾菩薩佛地既異二乘

何言通耶答名雖有異同是無學應共得二
 涅槃共歸灰斷證果是一名義不殊是名同
 義究竟同也○鈔九無間同者亦名九無碍
 即無碍即無間道取斷非想一地九品思惑
 時名有一無間道正斷惑也以前八地或與
 聲聞伏斷不同唯此因通也言九解脫者即
 解脫道親證果時或前智斷惑已有離縛義
 故二種涅槃有餘依無餘依二種同也○鈔
 通義有八不通妨謂有問言通義有八何不言
 通理通智等而偏名通教耶故此答也可知

○疏無量四真諦者前通約理智許二乘同
學無生此約量智揀於二乘知鹿相相不知
苦等各有無量故涅槃聖行品云迦葉白佛
言世尊昔佛一時在恒河岸尸首林中爾時
如來取其樹葉告諸比丘我今手中所捉葉

野光

七

多一切因地草木葉多諸比丘言因地草木
葉多不可稱計佛言我所覺了一切諸法如
因大地生草木等葉為諸衆生所宣說者
如手中葉迦葉難云如來所了無量諸法若
入四諦則為已說若不入者應有五諦佛讚

迦葉今汝所問能益衆生善男子雖復入中
猶名不說何以故善男子知聖諦有二種智
一者中二者上中者聲聞緣覺上者諸佛菩
薩善男子知陰為苦名為中智分別諸陰有
無量相悉是諸苦非是聲聞緣覺所知是名

上智善男子如是等義我於彼經竟不說之
次歷入界如陰所說又別歷色等五陰一一
皆言有無量相其集滅道各有無量相也鈔
即第三四諦者玄義云無量者迷中重故從
事得名苦有無量相十法界果不同故集有

無量相五住煩惱不同故道有無量相恒沙
佛法不同故滅有無量相諸波羅蜜不同故
又涅槃疏云苦集該於分段變易二種因果
滅道統收分段變易兩種對治觀法寬廣故
云無量不同小乘苦集只在分段因果滅道

但是分段因果對治而寬於生滅○疏如靜
如盲者彼四教中言如聾者啞以信解品云
見父睹師子林故今用法界品云如聾如
盲然天台以此不涉二乘名別而吾宗亦以
此聾盲故名別二別字雖同而二義天隔學

者知之○疏圓以不偏為義者不偏即滿故
證以圓滿經而四教儀云圓明圓妙圓滿圓
足圓頓故名圓教也雖以五字釋云皆以不
偏之義謂偏則不明偏則不妙等也是則不
偏是通釋名明妙等是別釋名也○鈔畧無

野元

大

無作四諦之言者以前鈔總標四種今疏畧
無若欲釋者下疏云又此四諦非唯但空便
為真實今了陰入皆如無苦可捨無明塵勞
即是菩提無集可斷生死即涅槃無滅可證
邊邪皆中正無道可脩無集無苦即無世間

無滅無道即無出世間不取不捨即同一諦
鈔釋云即無作四諦也○言非唯但空者揀
上無生但顯空義便為真實正是所宗今言
陰入皆如者前云即空今云即如理已別矣
又言無苦可捨非是空故無有可捨今體即
如如外無苦何所捨耶此句言如如尚似空
集諦言無明塵勞皆即菩提豈同前空菩提
體外無別可斷不同無生空無可斷前則空
中無花云何可摘今則波即是水不得除波
下二諦例然生死即涅槃非是體空無生滅

也邊邪皆中正非離邊外有中道非離邪外
有正道亦非無邊無邪無可修也細尋可見
勿濫無生上皆下法華玄義云迷中輕故從
理得名以迷理故菩提是煩惱名集諦涅槃
是生死名苦諦以能解故煩惱即菩提名道
野九
九
諦生死即涅槃名滅諦而具德故為圓釋籤
第三云即事而中無思無念無誰造作故名
無作又無作約行望後更無餘觀可作名為
無作以究竟故○鈔言不思議因緣者下以
不思議言貫通兩處此貫通佛性中道二又

因緣下貫於因緣言二諦即真俗下釋二諦
 中道義有其兩釋一約三諦各別釋如起信依
 第一義諦之一心開真如生滅二門名真俗
 二諦二言又融二諦即是中道者只融二諦
 便是中道更無別體言不似下揀前通教無
 相多約真諦以明雖有俗諦有義少分說故
 別教歷歷區分多約俗諦以辯雖有真諦無
 相少分說故○鈔通多約理下問與前何別
 真諦與理通教是同俗諦與事別教有異如
 唯識等說百法三科等皆約俗諦明異即事

理皆異唯識云前所說唯差別相依理世俗
 非真勝義今事唯有為事法與俗不同也又
 真俗二諦明淺深無謬云諦理事語其體故
 不重也言無理不明下重釋具足義也上之
 無礙亦具足義故○鈔即圓融之機者以心
 智融通無阻滯故堪可信受圓融之法故以
 名也○鈔即晉經者彼經入法界品善財參
 願勇光明守護衆生主夜天今唐經云大願
 精進力救護一
 切衆生主
 夜神也彼天為說過去本生時為善伏太
 子於寶光世界中有閻浮提中有城名寶莊

嚴彼有大林曰善光明中有道場名善華有
佛出世名法輪音聲虛空燈時城有王名勝
光人民多造罪業犯王法故囚執囹圄太子
愍之往父王所以身代救大臣譖故王欲誅
之夫人白玉願與半月假隨意布施後受苦

野元

子

楚太子往城北大林名為日光於彼設大施
會時佛知衆根熟大衆圍繞即往彼林為太
子并衆會說法門名圓滿因緣修多羅時八
十那由他衆生皆起離垢清淨法眼等改頌
中有此疏中偈也言今當七十三經等者勸

經以圓滿音說修多羅名普照因輪今能說
音與所說法合為其名又圓滿一字出晉經
因輪兩言依唐譯故以名也又唐經言因者
即晉經因緣義言輪者即晉經圓滿義普照
二字即晉經所缺亦即圓滿義以今經頌中

唯言法燈普照即晉經圓滿義也故云義即大
同名有小異○鈔對前結成者以圓別對前通
教應說八事故八名雖同義隨教異意在後教
被接於通教中勝機故皆說八也一教別下謂
恒河沙數大乘佛法唯被菩薩故二理別下集

玄云如來藏真識體上有恒沙性德行相名
 別對體真諦一味名俗諦故是教所詮故名
 理即義理也或是種智所了故名理三智別下
 即法空加行後得智以生空法空俱空皆有
 加行根本後得今欲別於二乘故但云法空

野

主

又別教多約於事故唯言加行後得不言法
 空根本也又或道謂無漏種謂所知種類非
 一道智於種類諸法無所不知種之道智故
 道即是智或道者一切道般若云菩薩應學一
 切道謂聲聞道緣覺道菩薩道佛道於此諸

道速令圓滿而不令其證於實際以要嚴淨
 佛土成熟有情修諸大願故准此則所知之
 道種類不一故云道種道即是種道種之智
 二釋可知四斷別等者別斷所知障也見斷
 分別修斷俱生由此障故不達諸法故云無
 知即不染汚無知也此乃所知障以不招生
 死故曰不染汚即界外迷事惑也頭數廣多
 故曰塵沙以非正發潤招生三界故曰界外
 又言無明即迷理惑也止觀云若從空入假
 分別藥病種種法門即破無知成道種智能

得俗體此雙證知斷也六位別下別教有七位一信位伏見惑當通教初三地謂乾慧地性地八人地二住位此位初住頓斷八十八便見惑當通教四見地次住至七住斷思惑當通教五七八地後三住分斷塵沙當通

教九菩薩地三行位全斷塵沙當通教十佛地四迴向位習中道觀伏無明今約通相三十心皆伏無明然約別二乘故不言斷惑唯言伏斷無明也言三十心即十住十行十向皆未起無漏真智以有漏道伏無明故堅強

不退賢者堅也又玄義云定慧均名賢不均非賢如世賢人智德具足智則無所不閑德則美行無缺許由巢父乃可稱賢賢名賢能亦名賢善善故有德能故有智能善具足故稱賢人五十地位破十重無明謂從歡喜地已去

野光

三

發真無漏智方斷無明獲聖性故聖者正也以真正故六等覺位破十一重無明七妙覺位破十二重無明今抄畧初一後二但揀別二乘故七因別者下謂十地滿心等覺位後前念金剛道為因後念解脫道為果今取前

故八果別下解脫二字取上後念對金剛之
 因故涅槃四德者即常樂我淨四德異二乘
 二種涅槃也○鈔一教圓者下言教圓妙不
 偏局故二理圓者下雖說二諦無不皆契中
 道圓融理故三智圓下一切智即真智種智

即俗智雙融真俗二智為一智名一切種智
 也鏡玄記云以真理周徧一切色心等法與
 彼為性根本智能證此一切法所依真如理
 故依主為號名一切智又有為法色心種類
 有眾多故以後得智能知種類法故從境為

名是種之智名為種智亦依主釋又楞嚴鈔
 云道種智見俗諦理一切智見真諦理一切
 種智見中道諦理四斷圓下無漏智起時性
 相無礙方能斷結故云無明惑斷也六位圓
 下彼說圓教有八位一五品弟子一見開隨喜二讀誦

思修三說法利生四兼修六度五正修六度能伏見惑二十信位
 初信斷見惑盡二至七斷修惑盡後三斷塵
 沙惑盡三十住位四十行位五十向位六十
 地位七等覺八妙覺此四十二位斷四十二
 種無明盡成佛也然能一位具足一切

功德故爲圓也。七因圓下言自然流入者皆契中道不假功用流入佛果海故止觀用纓絡經云二觀爲方便得入中道雙照二諦心寂滅自然流入薩婆若海八果圓下三德之果如前三點成伊處已引釋問何故後三教各分八義唯藏教不分八義耶答彰其最淺故不明其八事但從能詮立藏教名

華嚴懸談會玄記卷第十九

永樂北藏

華嚴懸談會玄記

第一八三册

華嚴懸談會玄記卷第二十

野十

蒼山再光寺比丘 普瑞 集

○疏又此四教由三觀起等者由依假空中淺深法門及其觀行優劣不同起言詮說亦有差別乃為四教○鈔然依中論三觀之偈

野十

者出其所宗也止觀第一云智者師事南岳南岳事慧文禪師文師用一心依釋論是龍樹所說即以龍樹為彼宗高祖師也是則智者已前但傳觀而已依觀立教智者方周故但云天台四教也○鈔三離合用之等者只

用初二句成初二教名離通用四句成後二教名合若爾何以次文今合初二句成初二教若對四句各別故此名合若對後通用四句却名為離言如云從假入空下牒疏此真語因緣所生色心等為假入析之無體方為

即空或說色心等從緣故假無性故即入空言義同下以此師所立之義同彼論文下皆准知即離用也從空入假者下我說即是空入亦為是假名此空後明假深於空也即從空出假權實施設故不同藏通二教直語因

緣所生爲假復從假入中此次第入故爲別
一心俱入故名圓故云通用四句爲別圓二
教也問中論此偈爲是何教中收答是圓教
兼餘教義似此例者豈可定判鈔言從假入
空析體異者下已上總明大意此下別消疏

文謂觀下總標云何下徵釋初析色中有二
初總相分析一色蘊爲十一分故色蘊空又
於下別相析法爲空謂觀一眼清淨色根能
造四大所造四塵離八微外而無色根百法
鈔云且能造中地大極微未來世中而有無

限各各別住若爲能造時便遷至現在七箇
合爲一微而有方分作用俱起方名能造地
大既爾餘三大亦然所造色香味觸皆爾如
色塵極微未來世中亦有無限各各別住若
合爲所造時便遷至現在七箇合集一處方

野十

二

名所造色塵既爾餘三亦然每造一塵時便
有一具四大至如欲界一小色法有一百四
十箇極微所成且如所造中有四塵每塵各
有七極微成四七二十八又所造四塵每一
塵中皆有一具四大每造一大中有七極微

成還有二十八具四大足成一百一十二
兼前所造二十八箇極微足成一百四十箇
極微而言微者是極少義或有頌云極微微
金水兔羊牛隙塵此爲八微今析故成空說
此觀行之言名爲藏教○鈔若云因緣所生

下謂此色根向若有體不應假緣方有既假
緣有故知性本自空何須分析方始空耶故
云即空問此中何以離用初之二句成藏通
二教不合用四句耶答藏教明因緣生法猶
是假有更深推究要析盡方得名空即成之

義尚且難成况空八假等耶是知藏教正唯
初句兼次句也復何能入三四句耶通教雖
體達即空亦無任運施設權宜化用之假雖
有中名終歸空理故弘決志云許有當教假
中二名未見別理唯成但空等○鈔三觀逆

遮者次第觀察展轉造極言動寂無二者約
能觀心遠離空有者約所觀境所觀遠離空
故能觀心不沉寂所觀遠離有故能觀心不
動亂不寂故雖廓爾無相而應動無方不動
故雖嚴土利生而畢竟無相依次第觀察之

法門以言宣說故云別教○鈔三觀一心
 下以無念之一心寂照居懷三一互融而俱
 存三一雙亡而無在一心通達既爾念念皆
 然依圓融觀行法門以言顯示故名圓教止
 觀云為破二邊名中為破次第三觀名三觀

一心實無中及一心定相○鈔餘師或云等
 者劉公等慈恩慧觀等光統等如次配云皆
 局定一經故為所揀故彼師云下此約部帙
 具教多少言三藏但者小乘經說大乘之
 義亦多分小乘義相故名為但即阿含等經

五部等律俱舍等論但名小教故法華玄義
 云三藏客作但是方便唯半不滿律經中客
作人等
意以長者引之方便且今客作
不得非堂喻如來隨機方便等言方等對下
 對小而存愚法玄藏云方等彈呵則半滿相
 對言般若帶下廣慧之小大品領教帶半論

滿半則通為三乘滿則獨為菩薩言華嚴兼
 者以彼宗迷華嚴一分行布之義謂兼別說
 圓也言法華無復下以正直捨方便但說無
 上道故唯圓教玄義云法華富財廢半明滿
 若無半字方便調熟鈍根則亦無滿也○鈔

淨名云下言是身無常等者決擇記約生老
病死配之緣初起名生本無今有故無常也
老奪盛色故無強也病為疾苦所侵故無力
也死來滅壞故無堅也此約廢事無常亦云
一期無常言速朽之法不可信也者此約細

野十

四

相無常亦云刹那無常若悟此生滅無常得
四沙門果故即藏教義也言不生不滅是無
常者天台疏云若了諸法非生非滅橫計生
滅故以四句檢生叵得即無有滅是則不生
不滅即無常義餘義如前言富樓那章等者

非富樓那為諸比丘說法時淨名責云唯先
當入定觀此人心然後說法無以穢食喻如
置於寶器喻如無以瑠璃喻如同彼水精
喻大乘法乃至淨名入定令諸比丘自識宿命皆
發大意等正別教也反顯大法小根不預故

言須菩提章下斷媼怒痴乃聲聞也與媼怒
痴俱乃凡夫也大士了媼怒痴即是涅槃所
以不斷不俱又即性故不斷即相故不俱是
則斷之不斷不斷之斷方為真斷也言不壞
於身而隨一相者以聲聞人由滅諸見方同

無用故大士達身見空即是一相也又理不
礙事故不壞身事不礙理故隨一相言不滅
痴愛等者聲聞以痴噎智要滅痴以方明以
愛繫心因除愛而方脫大士了達痴愛性空
即明脫也又明與無明性無二故不滅痴而

野十

五

起於明了本無縛真解脫故不滅愛而起於
脫又彼疏云不斷等二句了惑即性爲集諦
不壞等二句悟陰即理爲苦諦不滅痴起於
明漏即無漏爲道諦不滅愛起於脫縛本無
生今則無滅爲滅諦也是爲無作四真諦圓

教義也而抄言等者等取以五逆相而得解
脫亦不解脫不縛以真隨妄緣而即性故得
解脫亦滅諦也○鈔般若部中唯有三教下
問前云般若帶小說大既是帶小豈無藏教
耶答般若帶小說大小是通教之小非藏教
之小故無也有通教者三乘皆學般若故有
別教者雖廣說佛德二乘無分故有圓教者
有色即空等義故○鈔涅槃十仙果證羅漢
者彼經三十九及四十二云闍提首那等十仙
外道聞佛說常樂我淨聚衆白阿闍世王

領外道同見佛論議各各詞屈求法出家十
 仙者一婆羅門闍提首那二梵志婆私吒三
 梵志先尼四梵志姓迦葉氏五梵志富那六
 梵志淨名七犢子梵志八納水梵志上八計
 漢九弘廣婆羅門發菩提心十須跋陀羅亦證阿羅漢果

彼疏云初二人邪見外道說涅槃法為無常
道宿邪及淨名邊見外道犢子是疑心外道
疑道有無并疑得者納私是自然外道說
 一切法皆自然有亦邊見攝和廣及須跋戒取
 外道和廣執取乞食為道須跋執取苦行為
 道問既皆外道何以速能得道答止觀云若

福德法昇天甚易取道則難見是慧性沈淪
 亦易悟道甚疾言具於四教者會解十仙一
 發大心然從多分云皆證阿羅漢果即唯當
 蔽教餘畧不指寂照則十仙之中自具四教
 謂淨名梵志求法佛說捨故不造新是人能

知常與無常梵志云已知已解佛徵云何知
 解答云故名無明與愛新名取有若人遠離
 無明愛不作取有真實知常無常半月後得
 羅漢果即蔽教也須跋陀羅求法佛答一切
 法皆是虛假隨其滅處是名實相乃至三乘觀

故得三乘菩提即通廣也。如教婆羅門問法
 佛答云：八聖是真涅槃，是常如一城無孔竅。
 唯有一門，其守門者聰明有智，善能分別，可
 放則放，可遮則遮。城喻涅槃，門喻八正守門。
 喻佛婆羅門言：如來善說微妙法義，我今實

欲知城知道，自作守門。乃至此賢劫中，當得
 作佛。此別教也。犢子梵志問法，佛答若人脩
 習止觀，得十地，乃至首楞嚴三昧。此云一切
抄云此之三昧能觀三科七大無上菩提，此
等諸法皆如來應故云尔也圓教也。○疏又更以四種化儀收之者，上以

義類分判，一代時教。今又判一代時教，有四
 種化生儀軌法式。此總判部帙，漸說頓說等
 言收之者，以此四儀收前四教。故頓儀收圓
 別二教，餘三儀各具收四教。然智者於妙玄
 初亦同南中諸師，唯立頓漸不定三教。後方

開於不定，復成秘密。故有四義問探玄云：一
 三藏教亦名小乘教，二通教亦名漸教，三別
 教亦名頓教，四圓教亦名秘密教。其故何耶？
 答：復是一理，亦但傍義立名。雖有六度菩薩
 說在小乘，故從藏入通名，漸別望直入大乘。

名頓圓以聲聞如聾如盲故名秘密無執一文為定也○鈔二始從鹿苑終至鶴林三乘一乘並稱為漸者此與四教儀異彼云漸教者即以阿含方等般若為漸教不至法華說法華云開前頓漸會入非頓非漸等今鈔意

者天台頓漸二儀既用前劉公等義劉公所立漸義本如是故又况智者妙玄第十釋漸教相云如涅槃經十三云從佛出十二部經從十二部經出修多羅從修多羅出方等從方等出般若從般若出涅槃如此等意即是漸教相

也又始自人天二乘菩薩佛道亦是漸也即以五味皆名為漸故至涅槃皆稱漸教不入則四化儀教收經不盡也○鈔然此二教下問此頓漸二教本是劉虬所立何故疏云同前爰公故此答也意云以南中諸師於頓漸

外加不定以為三教已復於漸中開之初開有三對唐三藏等故云初開之謂有相無相常住即是爰公所立此開漸儀中所收藏教同彼有相通教同彼無相別圓同彼常住以常住教有圓融歷別二儀故劉虬所立頓教爰公亦許立

之若指劉公頓義可同漸中既分五時義乃
 多別故云漸頓如前岌公或可劉公唯頓漸
 二教岌公兼有不定今天台亦有不定故唯
 指同岌公頓漸也立不定教雖有多師然漸
 中開合岌公首有名字故指同也○鈔而與

野十

前不定不同者前約時前後大小不定此約
 隨說一法二根互聞不同即本質教不定大
 定小二根互知影像亦不定也互不相知者
 但影像教上有秘密之義也問若大小互之
 何有別教答聞小者但總相知彼人聞大何

能委知其法門縱許皆知自亦無分問大小
 互不知何有通教答聞大者一類通教法門
 不遮廣慧二乘亦修學故○鈔大師判教本
 意如是者以荆溪禪師已來但以法華為非
 頓非漸故於今宗大師本意也後來宗徒失
 天台之本意也致使四儀不收盡一代時教
 也○鈔又詔圓教亦名為頓者此約化法中
 圓即頓以非漸次歷別為頓即圓融之義名
 鈍故彼釋名云圓謂圓明乃至圓頓前同故名
 圓教若化儀中頓不得即圓唯是頓義也言

止觀云者證成圓即是頓以彼立三重止觀
一漸次二不定三圓頓釋第三云菩薩聞圓
法起圓信立圓行住圓位以圓功德而自莊
嚴以圓力用建立衆生等皆華嚴賢首品意
也言華嚴爲頓頓者上頓字化儀下頓字化

野十

九

法圓即是頓義也法華名漸頓者漸字化儀
頓字化法亦圓即頓義也是下釋成可知
然法華補注義師破此義云根本即是法華
一乘圓頓止觀清涼棄之別立華嚴名爲頓
頓形斥法華謂之漸頓遂立三重止觀之外

別立一種頓頓觀門乃棄於法華根本之實
而隨華嚴蕪別之權抑實揚權何有益益以
天台判四時頓漸並是所生枝末之法清涼
不曉却立華嚴以爲頓頓豈非乃是隨於末
見耶又華嚴歷別及以圓融經文顯然妄謂

頓頓一槩圓融法華開顯微妙一乘認言漸

頓劣於華嚴

上全是
破文

會解評曰義師爲曾見

此中頓頓義故作此破者是不曉清涼之意
可謂大無識度也若曾不見此文而破者妄
生破斥無根之談是可笑也此中清涼出汝

天台大師之本意何曾自教中別立頓頓觀門頓頓觀門却是汝自宗立也若清涼自宗華嚴圓教具圓融行布同別二門十十無盡汝宗三觀三諦之圓尚但唯得同之一門况欲與之齊耶今明頓頓是汝宗大師本意以

汝後人不識汝大師本意以法華爲非頓非漸故特出大師本意爾何以妄救耶又汝若以華嚴爲末者玄義辨二經十異竟結云種智法界等無差別豈以華嚴法界爲末耶又智者既以華嚴爲頓教餘經爲漸教開頓說

從華嚴開出漸教令漸入頓會漸還入頓教即法華也又判漸教五味皆漸涅槃在法華之後說正當第五味豈非法華亦漸耶若法華非漸屬何化儀所收若言化儀唯收枝末者則四儀有攝經不盡之失法華亦有無化

野十

十

儀失也當亡情體之疏義似小濫者約判定意教義實有濫約下會通故云似也○鈔特違至教失者即法華云不得親近小乘三歲學者○鈔文有四節下一出三歲下通濫涉大乘失特違至教失二立三歲下稱通濫涉

大乘失及不定失三明後三下通大無三藏
失四明不名下別通不名小乘難也已知總
意次別消文言濫涉之失不在於已者此但
假設出意若作此救亦未免過故前云正許
初失以難中故今推過不在已者以依二論

故若有難言下二師異說一云言隨自宗者
隨小乘自宗隨它宗者隨大乘它宗以大乘
傍呼彼小乘名二藏非共許名也一云自宗
即大乘自宗呵彼之語名爲小乘它宗即是
小乘隨它小乘宗中讚美之言故云三藏既

大乘隨小乘云三藏則非大小共立三藏各
也二釋之中前解似勝若依後義則不成難
大乘既隨小乘它宗名三藏小乘自論亦名
三藏豈成違耶今以大乘名三藏者是隨它
大乘中宗說豈小乘自宗亦名三藏耶故成

野十

土

難也思之故今答意云若智論中三藏名是
隨大乘它宗名爾成實論是小乘云何亦言
我今欲說三藏中實義此三藏名豈是隨它
大乘宗耶由此義故濫涉之失亦不在已言
即由上義不違至教者即由上智論及成實

論皆但云三藏無小乘言故不違法華至教也或法華言小乘三藏亦但如智論隨自它宗立名非是以小乘言揀異大乘故不違至教也言以羅什等者問上說智論隨自它宗何干法華而會云不違至教耶故此答也或

可唯依智論隨它宗云三藏今欲成文故加小乘爾問為欲成文何不加於三藏之義而特加小乘二字耶小乘之過下卷也不訶所詮三藏但責狹小之心故加小乘二字爾○鈔亦猶五塵皆色等者五塵通具變礙義故

總稱色也而眼所緣者是可見有對由鹿顯故獨得總名餘者是不可見有對等不顯著故各受別稱○鈔即涅槃第二等者彼經云譬如國王闇鈍少智有一醫師性復頑器而王不別厚賜俸祿療治眾病純以乳藥亦復不知病起根源雖知乳藥復不善解或有風病冷病熱病一切諸病悉教服乳復有明醫曉八種術善療眾病知諸方藥從遠方來却為王說種種醫方王聞敬信舊醫痴騃驅令出國令眾斷乳以種種藥療治眾病皆得安

樂等○鈔狗等戒者下鈔云十住毘婆沙云
多諸外道有持牛戒者鹿戒者狗戒者馬戒
者象戒者釋曰此皆外道所持惡戒通由二
因生此妄計一由天眼見有衆生從鷄狗等
即生天上故二由非理尋思妄生此計婆沙

野十

主

一百四十四有二外道一名布刺拏憍維迦
受持牛戒二名頗制羅樓你迦受持狗戒二
人異時往詣佛所種種愛語相慰問已時布
刺拏先爲它問此樓你迦受持狗戒修學已
滿當生何處世尊告曰汝止莫問復再三請

佛以慈悲告言諦聽受狗戒若無缺犯當生
狗中若有缺犯當墮地獄聞佛語已悲泣哽
噎不能自勝世尊告曰吾先告言止不須問
今果懷恨時布刺拏白言不以此人當生狗
趣故我悲泣然我長夜受持牛戒或恐亦當

爾耶唯願大悲爲我宣說世尊告曰非前此
應知此
等皆由不了真道婆沙又問云何受持狗戒
牛戒名無缺犯答一如狗法一如牛法名無
缺犯也○鈔十善道者不殺不盜不邪淫不
妄語不綺語不惡口不兩舌不貪不嗔不邪

見鈔九十五種者薩婆多部律說外道六師各有十六種所學法一法自學餘十五種各教十五弟子師徒合有九十六外道一種順正故言九十五種也即九十五種外道所說鬼神之法皆從邪定而起或於定中知世凶吉現神變相也野十○鈔四無量者即慈悲喜捨此四定為生色界因亦能發天眼天耳它心宿住神境五通也○鈔因身邊見下執五蘊身為我所是名身見執身常斷是名邊見由計我身既有斷常故起斷見撥無因果也

次正慧中見我身而有斷常必有因果相生故起世智說有因果也然上舊醫各有邪正三學者全乖正理名邪似鄰內教名正智論云十善戒佛不出世世常有之故名舊戒凡夫亦修八禪故名舊定等對今佛出故稱舊也○鈔即是新醫從遠方來者經上文彼疏云明醫喻佛能宣治法故說為醫曉八術者一知病體喻佛知煩惱輕重二知病因喻知煩惱起因謂不正思惟及邪師教三知病相喻知煩惱相如瑜伽說貪心即下慢心即上等

四知病處喻知煩惱起處謂順逆境等五知病發時是如是病喻知煩惱起時少時老時貧富寒熱饑飽時六知其藥體喻佛知不淨觀等七知此藥治如是病喻知不淨治貪欲等八知禁如是病忌如是食等喻知不淨觀

時不應取彼順情境等善察知方八種差別如阿舍中具說言從遠方來者真理難見喻之為遠應能隨感故名為來○鈔五種得戒者一善來得謂佛命善來比丘時爾時得戒即尊者耶舍二見諦得謂五比丘一云此時

得二云見諦已後為受從見諦為名初解為勝受時未有僧故然唯初非後後已有僧故三三歸得六十賢部共集受戒等部者類也此六十人是尊者耶舍少小朋友聞尊者耶舍歸佛出家遂亦出家聞三歸時即得具戒

野十

西

四八敬法即敬受八法謂大愛道尼此時未有尼故唯此一人或及眷屬五百同得已後不得以有尼故如八敬前五羯磨得此云辦事能成辦一切比丘比丘尼僧事故即中國十僧邊國五僧羯磨方得戒也言一切律儀者律

者法也儀者式也無作有作者舊譯也新云有表無表依俱舍說一師云表色有變礙無表隨彼亦受色名第二師云所依大種變礙故無表業亦名爲色也涅槃云菩提王子意疑比丘善心受戒至惡心時失比丘戒佛言戒有七種從於身口有無作色以是無作色因緣故其心雖在惡無記中不名失戒猶名持戒以何因緣名無作色非異色因不作異色因果釋曰此有兩重答問之意前答不失戒因因無表故後非異色因下自釋無表得

名色所由言非異色因者明以色爲因不是異色之外別爲因也言不作異色因果者特明作色果也不作異色之外別物之果既以色爲因不異色作果故無表戒得成色也言如五部毘尼者如前所引○鈔八背捨者一野內有色外觀色背捨二內無色外觀色背捨三淨背捨身作證四無色定及滅受想定爲五八背捨止觀云斷惑究竟名解脫若或未盡定未備但名背捨背者馱下地及自地淨潔五欲捨者捨是著心故或果中說因語八解

脫焉八背捨義亦可通弘決十四云若言背捨解脫但名異者乃成大妨違婆沙等故言九次第定者四色四無色及滅盡定爲九行者自試其心不令異念得入於此功德心柔軟善斷法愛故能心心相次如智論第二十

四卷聲聞法中說言發六神通者百法鈔云六通以慧爲體故依定發也且初明天眼天眼通者先要得四禪定修行時於近色聲而作遠想於遠色聲而作近想障內者作障外解障外者作障內解問若爾應成顛倒答

以不妄分別實計爲內外等故非顛倒由此加行極淨修持至成滿位勢力所引法爾便能依根發通見聞障內障外遠近色聲二辨它心通者於加行時先觀它人善惡二色比擬它心善惡二事由此加行極淨修持勢力

所引至根本位若觀它心時變起依心相分即於如是相分之中便能達於它人之心善惡等事三明宿住通者於加行時先要假想於過去一生兩生或大或小住胎出胎善惡等事由此加行極淨修持勢力所引至根本

位正發通時法爾能現過去等相於相分中而能觀達過去一一生事四明神境通者於加行時想於自身如同飛花輕舉自在由此加行修持圓滿勢力所引至根本定位任運復能發生神通飛騰虛空若鐵若金不能障

野

去

礙五辨漏盡通者隨三乘性於加行位作四諦十二因緣三性三無性等觀伏除二障由此加行修持圓滿勢力所引後至根本定位任運能生漏盡通法問如是六通於彼四禪八定之中是何等定能引發耶答有大小乘

所說各別若小乘說前五通依四禪根本定起以勢力廣大能引發神通未至中間慧多而定少四無色定多而慧少又云發通必依散地無勞簡辨四禪定近分觀多止少四無色地止多觀少是故唯依四禪根本又云欲界散地無通四禪近分無別處所無色界無色皆無眼耳通是故唯四根本也若漏

盡通四禪根本未至中間下三無色皆能引起皆許有無漏若大來說前之五通與小乘同若漏盡通上二界八地總有以有頂地遊觀無漏不無等問初禪有中間禪及未至近天在存尋有伺地上無尋無伺地下兩中間故中間禪言未至定者即加行定未至根本

故近分者亦加行定於根本分有通悅義故
 即初禪未至近分體一義殊而有二名若二
 禪已上但名近分不
 名未至已有定故 ○鈔身邊二見者唯識
 云薩迦耶見謂於五取蘊執我我所一切見
 趣所依為業等彼疏云具云薩迦耶達利瑟
 致經部云薩是偽義迦耶是身達利瑟致是

野十

十七

見身是聚義即聚集假應言緣聚身起見名
 為身見薩婆多云薩是有義迦耶等如前雖
 是聚身而是實有身者即是自體異名應云
 自體見大乘云僧吃爛提底薩便成移轉義
 以心上所變之法故言移轉身見依五蘊起

此我見諸見得生執斷常名邊見言六十二
 見者對法第一云如計色是我我是色色屬
 我我在色中一蘊有四五蘊有二十句三世
 各有二十為六十加身即我見我異身見為
 六十二又計常無常等為六十二見言十一

智者離世間品疏云一法智二比智三它心
 智四世智五苦智六集智七滅智八道智九
 盡智十無生智十一如實智止觀云世智它
 心智照俗八智觀真如實智觀中道問法花
 釋籤第四云大品說十智小乘第十一智屬

大乘答此是局義次云大小通立如實智今
 依通義故亦緣小乘中道此是天台意也言
 三無漏根者回向疏鈔引俱舍說一未知當
 知根謂在見道八忍七智如苦法忍與疑得
 俱未知若諦名未知後至智位必當知故名

未知當知根如苦忍既爾餘七忍亦然中間
 七智雖能證知良由知諦未遍中間起故亦
 名未知當知於已知根道有增上用見道引
 修道故名根七已知根從道類智已去乃至
 金剛喻定皆修道上下八諦總已知竟無未

曾知但為斷除迷事煩惱貪瞋癡慢四隨眠
 故於四諦境復數起智知名為已知於具知
 道有增上用引無學故名根三具知根在無
 學道謂盡智無生智作知已知之解故名
 為知有此知者名為具知於涅槃有增上用

野十

六

由具知根心得解脫方證涅槃故名為根○
 鈔法句經者後經六度皆融至空寂今唯證
 三學但引二偈以證戒定耳如施云說諸布
 施福於中三事空究竟不可得施福如野馬
 忍度云若見嗔恚者以忍為轡鞅知嗔等陽

焰忍亦無所忍進云若契精進心是妄非精
進若能心不妄精進無有涯般若云森羅及
萬像一法之所印云何一法中而生種種見
一亦不為一為欲破諸數淺智之所聞見一
以為一其戒定二偈如鈔言無智無得即般

若心經意也或暗用法句經一亦不為一即
是無智亦無得也言般若無知者即肇公般
若無知論意也既般若無知何有慧相可得
言意融三者融其執定相三故○鈔一一法
門下此以三學既皆不離法性又以一性統

之三學中別明一一法及自餘一一法豈定
別耶亦不令其無礙以是別教歷別修故不
同圓教明無礙故不同通教融至空故不同
藏教三學迢然故論云下起信論也五欲謂
色聲香味觸此皆能令有情起貪欲過故名

野

九

五欲以知等三句皆是解隨順等三句皆是
行也論中亦說六度今唯證三學但引三度
也言等者等取諸經似此者故鈔三僧祇劫
者從初發四弘願一未度者今度緣苦諦二
未斷者今斷緣集諦三未安者今安學法也

緣道諦四未得果者令得果緣滅諦且第一

僧祇如釋迦菩薩從古釋迦佛所婆沙云過

壽百歲有佛出世名釋迦牟尼利帝利姓釋
種中生母名摩耶父名淨梵子名羅候羅所
居之城侍者弟子出五濁時皆如今佛時彼
世尊化道有情恒涉道路為風所薄肩背有
疾令阿難陀往陶師家求胡麻油及以坡水
以為吾塗洗時彼侍者至陶師家廣讚佛德

求索油水時彼陶師名曰廣熾辦胡麻油及
以香水為佛灌洗風疾除愈佛為說法彼聞
歡喜即發願言願我未來當得作佛名號春
屬時處弟子如今世尊等無有異彼陶師者
即是也至罰那尸棄此云寶髻佛值七萬五
千佛初劫滿離女身及惡道識宿命准望二
乘當五停心總別念處以慈悲心行六度名

外凡第二僧祇自尸棄佛至燃燈佛值七萬

六千佛名劫滿得受記當來作佛當暖位解修六度名

內凡第三僧祇自然燈至毘婆尸此云勝觀

佛值七萬七千佛名劫滿當頂位修六度故

俱舍云八十中大劫是劫一增減為一中

時為八十中劫今此中劫此後更有百大劫

脩佛相好然釋迦菩薩由精進故超過九劫

唯九十一劫脩相好如吳經說過去有佛

一名釋迦二名慈氏彼佛觀二弟子誰根先

熱慈氏先熱復觀二人所化有情釋迦所化

後釋迦尋見師龜中入火界定忘下一足經

于七日說一偈云天上天下無如佛十方
 世界亦無此世間所有我見一切無有
 佛者由九十一劫成過佛也言別脩六度各有
 九劫但九十一劫成過佛也言別脩六度各有
 滿時者如尸毘王代鴿檀滿依賢愚經毘首
 化為鷹逐鴿至尸毘王前入腋下鷹索鴿三
 剖肉代之與鷹轉秤轉重王割肉無吝天復
 本形驗知將來普明王捨國尸滿經說若智
 必當作佛故

野十

干

論乃是須陀摩王即華梵之異爾此王持戒
 常依實語欲出遊觀始至城門有一淨行來
 乞王曰待我還園時有飛來捉王去時王
 神誓取千王唯汝大語利人何故泣耶王曰
 涕泣康足語曰汝大語利人何故泣耶王曰
 我不畏死以不妄語適來出城許一淨行
 復來康足坐信即放千還七日羸提仙人為
 歌利王割截無恨忍滿可知常大施太子抒與

切訓除也海進滿即大施太子為國人
 也因其寢臥專珠還海太子發願抒海求珠
 神因其寢臥專珠還海太子發願抒海求珠
 以濟眾生故助其神力行尚闍黎鵲巢頂上
 念其精進半龍即還珠行尚闍黎鵲巢頂上
 大海螺髻仙人名尚闍黎鵲巢頂上
 禪滿無出入息端坐一樹下凡人得第四禪
 不動謂之是木於頂上生即若起行鳥母不
 其鳥生卵頂上即思惟曰我若起行鳥母不

來卯必破壞乃再入定勅嬪大臣分閭浮提
 鳥子飛去方起遊行也勅嬪大臣分閭浮提
 七分息諍智滿具云勅嬪大地作七分若干城
 邑聚落村民盡即菩薩大心思惟分別也此
 悉皆作七分是事禪智但能伏惑故此六度滿望聲聞位
 是下忍位也言皆是有漏者以三祇六度滿

望聲聞位方當下忍位次入補處生兜率天
 托胎出家降魔安坐不動為中忍次一剎那
 入上忍皆是有漏故云未入見道言以無常
 狼者此約喻顯法毘柰耶雜藏事云昔有國
 王號曰重興曾於一時欲試諸臣誰有智慧

野十

王

便以諸羊人與一口勅令看養肥盛其肉不
 得有脂諸臣無智皆養令肥時有一臣名為
 大樂頗有智能與羊飲食令其飽然後刻
 木以為豹狼時來恐怖羊雖得食而肥怖故
 乃無脂也法中菩薩亦爾以無常苦空狼令

結使脂消諸功德肉肥能伏惑障皆名有漏
 言直至菩提樹下等者以降魔安坐已在樹
 下次進一剎那入世第一位即發真無漏見
 道成佛也準俱舍婆沙意云謂下八地修惑
 初修禪時先已斷竟唯非想一地九品見思
 全在故入無漏見諦時與見惑一時頓斷也
 十六心斷見惑十八心斷非想一地思惑故
 合三十四心一坐之間故名一時若智論云
 下地諸惑因時未斷至樹下時乃以九地九
 品思惑通名一九下八地俱生惑雖六行事

觀伏猶未名斷故三藏菩薩位同凡夫以九無間九解脫合為十八見道中八忍八智合十六心成三十四心今準俱舍等說也兼智論意故有等言以前言皆是有漏密顯智論意也若因中已斷下八地思惑豈皆有漏耶

故雙存二意言涅槃中下第二十一卷詔二乘執此為實成故云二乘曲見也○疏故藏通別圓之義下此曰四教立義名定如三藏正目初教餘三教皆有戒定慧故如無生理正是通教別圓亦顯此故如道種智是別教

餘教皆有此智故如一切種智是圓教余三亦說故但名同隨教詮顯義別故四教名義不得互顯也大意如此○鈔雖有同稟等者雖同稟無常乍似通教愚法二乘聞無常一生得發真智斷結乃至便入涅槃可是稟教

見無常理野十藏教菩薩三祇猶不發智斷結三豈見無常之理故雖皆無常通義不成言雖為菩薩別說下謂雖明菩薩四弘六度有似別教而不詮如來藏恒沙功德之別理不斷所知障之別惑由依生滅四諦之理起於智解

斷煩惱障何得名別教言雖說一切種智下
 謂雖說此智而不得因果無礙故又但照真
 俗各別不能無礙契於中道故何得名圓故
 止觀云三藏但明二諦菩薩初心中緣真伏
 四住見一切住地欲愛住地色受住地有愛
 住地初三界分別後三如次三界俱

生令煩惱脂消功德身肥百劫種相好獲五
 通得法眼照俗後三十四心斷見思但有中
 道諦名無別體○鈔雖說三藏下有定戒慧
 三名異故而融至空寂無三迢然故言已得
 故者謂前三藏教已立其名故或依漸儀從

藏入通故云已得即從新得之勝彰名雖說
 道種智而只照界內有漏俗諦假有不照如
 來藏恒沙出世功德故雖說一切種智而只
 照俗有真空之二諦不照契中道不思議之
 二諦故亦不因中即具一切種智○鈔雖說

二藏下亦有野十三藏名故而恒沙佛法皆依法
 性無量戒定慧順法性修異於小乘不契法
 性名生滅三雖說無生空理有似通教而是
 不可得空問通教空理豈許可得答彼不可
 得只是但空今非但空二乘同見唯菩薩可證

空性真勝義故慕玄記云依四教所斷之感而說四空一藏教由析法故名爲斷空二通教由體法故名但空三別教由三觀迢然故是不可得空四圓教由三觀一心故名不思議空雖說中道一切種智亦不許因果圓融故○鈔雖說三藏下言皆約真如等者雖有三藏之名皆約真如等性本具故渾無障礙或稱性修學亦三一無礙故雖有真空之理似於通教而即佛性真空等故雖說歷別階位法門而一位具足一切位故○鈔迷其行

布謂爲別教但取圓融以爲圓教等者下疏問云何爲地前顯圓融德地上行布彰劣耶答顯一乘故云何顯耶三乘之位地前行布地上圓融今一乘位地前地上俱有行布圓融若俱雙辨則前後不異若地前行布地上圓融則全同三乘前淺後深又似行布圓融各別教行不知法性教行非即非離故於地前但顯圓融已過三乘地上多明行布以顯起勝勝相云何謂賢位始終圓融自在登地已去則甚深言所不至若不寄位何以顯深

不包三乘何以顯廣故虛空鳥跡跡合空大海十德德德皆海地之中具攝諸地功德
 文文之內皆云若以殊勝願力復過於此不
 可數知劉蕝侯五請方說世親以六相圓融
 意在斯矣又云地前乃我地之前安得云深

野十

志

異於地上此正破天台也以彼不得華嚴一
 乘之意將圓融行布離成二義故失圓宗○
 鈔若與之者下與者縱也即將固奪之必固
 與之則別教之名行布之名不同故云名異
 皆是歷別之義故云義同故無大過者此雖

與之亦顯非不有小過也此有二過所立圓
 教不該行布但得圓融一過也華嚴本宗唯
 一圓教而云兼別二過也○疏唐初海東元
 曉者姓薛氏東海相州人也非髮之年慧然
 入法隨師稟業遊處不常勇擊義圍雄橫文

陣仡仡然桓桓然進無前却彼土謂之萬人
 之敵嘗與湘法師入唐厥緣既差息心西往
 義湘乃海東華嚴初祖同曉入唐夜宿古塚
 因達唯心故曉迴國湘入唐住終南同賢首
 嚴歸海東大弘耳無何言語狂逸舉措乖踈
 同居士人酒肆倡家若志公持金刀鐵錫或

製䟽以講雜華或撫琴以樂祠宇或間閭寓宿或山水坐禪任意隨緣都無定驗時國王置百座講仁王徧搜碩德本州具以名望舉進之諸德惡其爲人諧王不納未幾時王夫人腦嬰腫醫工絕驗祈禱無靈俄有巫覡曰

野十

注

苟遣人它國求藥方瘥王發使泛海入唐求醫溟漲中忽見一翁由波躍出登舟邀使入海見龍王名鈴海謂使者曰汝國夫人是帝青第三女也我宮中先有金剛三昧經今託仗夫人之病爲增上緣欲附此經彼國流布

永樂北藏

華嚴懸談會玄記

第一八三册

於是特三十束紙重沓散經付授使者復曰此經處渡海恐罹魔事今持刀裂使者膻腸而內于中用臘紙膾之以藥傳之其膻如故龍王言可令大安聖者銓次綴縫請元曉法師造䟽解釋夫人疾愈無疑龍王送出海面正遇入唐舡迴遂登舟歸國王聞歡喜乃召大安聖者粘次馬大安不測之人也形服特異每在市廛擊銅鉢唱言大安大安之聲故號之也安曰速將付元曉講得餘人則否時曉在湘州謂使者曰此經以始本二覺爲宗

爲我備角乘將按几在兩角之間置其筆硯
始終於牛車上造疏成五卷又造畧疏三卷
於黃龍寺敷演王臣道俗雲擁法堂乃宣吐
有儀解紛可則復唱言曰昔日採百椽時雖
不預會今朝橫一棟處唯我獨能時諸名德

俯顏慚色伏膺懺悔焉初曉示跡難知化人
不定或擲盤而救衆或嚙水以撲焚或數處
現形或六方告滅亦孟渡誌公之倫也探玄
記云元曉法師造此經疏立四教等言四諦
緣起經等者即四諦經也各一卷等餘小乘

經詮生空理者也○疏大同天台等者前二
依天台藏通而小異但合別圓者以天台以
華嚴兼別今曉公以華嚴總名爲滿即總是
圓滿義也其梵網名一乘分是曉公新加故
云大同也○疏非謂此四下以法海無邊合

野十

主

見聞者猶一滴耳善哉大師斯言無過四賢
首弟子等者涅槃疏云學在我後名弟德從
師生名子傳云釋慧苑京兆人也少而秀異
蔚有茂材厭彼塵寰投于淨域禮華嚴宗法
藏爲師陶神練性未幾深達法義號上首門

人也有勤無墮內外該通華嚴一宗尤成精博等○疏四者初心菩薩者彼論具云四者初發菩提心菩薩即三種空亂意菩薩一有法斷滅後時得涅槃二以空為有三離色等法別更有空皆失空如來藏修行等疏二謂小乘等者彼以不變為一分隨緣不變為具分生空為半字二空為滿字是則第二教於一分不變中唯得生空半字第三具明二空為不變滿字未許隨緣復名一分則二三兩教一分之言雖同而不變一分中半滿寬狹

有異第四具明隨緣不變并二空理故云具分及滿也言廣如彼說者即判定記也○鈔彼疏又明等者由所詮義別能詮成異言次一法性分顯者生空不變一分顯故三即分隱者二空隨緣不顯故四即全顯不變隨緣

野十

主

故問法性是一云何分四教耶法性雖一下答也言若約乘下以乘收東言多同光宅者二三兩教皆三乘故四即一乘此約根與所詮法性而立彼約時及乘立故小異也○鈔九流七經者九流如前七經者古以易書詩

禮樂春秋爲六經至秦焚書禮樂經亡今以易書詩禮春秋爲五然禮有周禮儀禮禮記曰三禮春秋有左氏公羊穀梁三傳通爲九經今云七經者應開三禮爲三合三傳爲一故有七經也或可於五經之上加孝經論語

也○鈔或十宗等者法苑由依瑜伽顯揚叙外道有十六宗今脫其六字或可十一宗以下合九十五種外道通爲十一宗也一數論宗二十五諦等二勝論宗六句法等三塗灰外道并諸婆羅門共計自在天是萬物之同

四圍陀論師計從那羅延天臍生大蓮花花上有梵天祖翁等五安茶論師計世間最初唯有大水時有大安茶出生形如鷄卵金色後爲二段上爲天下爲地等六時散外道計一切物皆從時生七方論師計方生人人生

天地滅後還入於方等八路迦耶論師計色心等法皆極微所作九因力論師謂虛空爲萬物因等十宿作論師計苦樂報皆隨往日本業等十一無因論師計一切萬物無因無緣自然而生等具如下宗趣中明今舉其大

數云十耳○鈔富單那此云滿迦葉云飲光末迦梨云常行不暫住故俱奢梨云牛舍母生處也剛闍夜云圓勝自稱我最圓勝毘羅胝云空城母生處也阿耆多云無勝弊衣者着廉弊衣故以名也迦羅鳩馱云默領隨人

野十

天

問也迦旃延云云剪髮尼捷陀云無繫以裸形故是出家外道總名若提云親友○六師之計具如涅槃說彼云富樓那即富單那也說無無黑業無黑業報無白業無白業報無黑白業無黑白業報無有上業及以下業即今無君臣父

也子等二末伽梨說一切眾生身有七分何等為七地水火風苦樂壽命如是七法非化非作不可毀害如伊師迦草安住不動如須彌山不捨不作猶如乳酪各不評訟若苦若樂若善若不善拔之利刀無所傷害何以故七

分空中無妨礙故命亦無害何以故無有害者及死者故無作無所記無聽無有念者及以教者常說是法今云不由行業性自有之即七分定故不可改易也三剛闍夜說一切眾生若為主者自在隨意造作善惡悉無有罪如火燒物無淨不淨下取

引意如地普載如水俱洗如風能吹乃至如秋
 斃樹春則還生雖則斃斫實無罪一切衆生
 亦復如是此間命終還生此間當有何罪一
 切衆生苦樂果報悉皆不由現在業果因
 在過去現在受果現在無因未來無果以現

野十

无

果故衆生持戒勤修精進遮現果惡以持戒
 故則爲無漏盡有漏業以盡有漏業故衆苦
 得盡衆苦盡故便得解脫似與下第六師義同此下第六計却
與今第三同未審以何處爲定四阿耆多說若自作若教它
 作若自斫若教他斫若自炙若教它炙自害

它害自偷它偷自媠它媠自妄它妄自飲酒
 它飲酒自殺一村一國以刀輪殺一切衆生
 若洹河南布施河北殺生悉無罪福無施戒
 等此計無罪福應自苦行即得解脫也五迦羅鳩馱說若人殺
 害一切衆生心無慚愧終不墜惡猶如虛空
 不受塵水有慚愧者即入地獄如大水潤濕
 於地一切衆生悉是自在天之所作天喜衆
 生安樂天瞋衆生苦惱一切衆生若罪若福
 乃是自在天之所爲作云何當言人有罪福
 譬如工匠作機關木人行住坐臥唯不能言

衆生亦爾自在天者譬如工匠其木人者譬
衆生身如是造作誰當有罪由自在天作故
今第五六尼捷陁說無善無施無父無母今
正同也世後世無阿羅漢無修道一切衆生經八萬
劫於生死輪自然解脫有罪無罪悉亦如是

如四大河所謂辛頭洹河博義私陁悉入大
海無有差別一切衆生亦復如是得解脫時
悉無差別此却同今鈔第三前第上依第六
三却同今第六鈔也地鈔引也○鈔破後三教者但破第三教也
約總相說故云後三或可即後之第三教也

言乃有二義者一若約下以分破滿正破第
三教故意云涅槃滿字具二種滿一生空法
空義二不變隨緣義今言唯有不變一分不
應言滿也二有救言下遮救言空者所謂生
死下意顯涅槃非唯以二空爲滿兼顯妙有
隨緣爲滿也則知涅槃半滿有二用若對小
乘以生法空爲半滿若對權教菩薩則以空
有具不具爲半滿是則即判定立半滿唯約
二空謂第二教半唯約生空第三第四教滿
唯約二空故成違也

永樂北藏

華嚴懸談會玄記

第一八三册

華嚴懸談會玄記卷第二十

華嚴懸談會玄記卷第二十一

洞一

蒼山再光寺比丘 普瑞集

○疏波頗三藏者按傳云波羅頗迦羅密多
羅唐言作明知識或云波頗此云智光中天
竺人也本刹利王種姓十歲出家隨師習學

洞一

誦一洛义大乘經可十萬偈受具已後便學
律藏博通戒網心樂禪思又隨勝德修習定
業因循不捨經十二年後復南遊摩伽陀國
那爛陀寺值戒賢論師盛弘十七地論因復
採聽以論中兼明小教又誦一洛义偈小乘

諸論傳燈受教同侶所推承化門人般若因
陀羅跋摩等學功樹勳深達義網今見領徒
本國匡化王臣所欽波頗與道俗十人展轉
北行達西面可汗葉護衛烏戎王信伏時武
德九年高平王出使入蕃因與相見將使東
歸而葉護君臣留戀不許王即奏聞下勅徵
入乃與高平王同來謁帝以其年十二月達
京勅住興善寺翻譯等然今鈔引般若燈論
序云貞觀元年即武德九年改貞觀元年也
○鈔云十一月二十日傳云十二月傳且通

舉耳鈔云頂戴梵文至于京蓋傳由高平王
 奏請宣入有小異耳○鈔波頗密多亦梵語
 之畧具如上傳唐言朋友者傳云作明知識
 知識即友義也言附音亦杖音亦傳身舉烟召伴
 者據曇無竭傳說過龜茲沙勤諸國登葱嶺

度雪山障氣千重層冰萬里下有大江水急
 若箭於東西兩山之脇繫索為橋十人一過
 到彼岸已舉烟為識後人見烟知前已度方
 得更進若久不見烟則知暴風吹索人墮江
 中故此云舉行經三日復過大雪山懸崖壁

立無安足處石壁皆有故杖孔處處相對人
 各執四杖先拔下杖手攀上杖展轉相代三
 日方過乃到平地至罽賓國傳即附杖上傳說
 曇無竭住西域今叙三藏自彼而來故先附
 杖傳身度雪山而次過索橋也言冒冰霜而
 越葱嶺者據法顯傳云葱嶺洞冬夏積雪有惡
 龍吐毒風雨沙礫山路艱危壁立千仞焚三
 藏又云葱嶺據瞻部洲之中南接雪山北是
 熱海東漸烏鍬西極波斯縱廣統國各數千
 里冬夏積雪巖崖隘崮過半已下多出山葱

故用名馬昔人云葱嶺停雪即雪山也今親
 目覩則知其非雪山乃葱嶺之南言犯干也
 風熱而度沙河者法顯傳云自長安西度流
 沙上無飛鳥下無走獸四顧茫茫莫測所之
 唯視日為準東西人骨以標行路耳屢有熱

風惡鬼遇之必死今三藏自彼而來先過葱
 嶺次度流沙也言婢鬻者上音子切爾雅云
 婢鬻之口營室東壁也注云室東壁室空是
壁宿在室宿之東星四方似口因以為名其
故云營室東壁也年壁宿直歲即丁亥年也言秦徵童壽等者傳

永樂北藏

華嚴懸談會玄記

第一八三册

云鳩摩羅耆婆此云童壽以童稚時已有耆
 壽之智或云羅什羅字梵語之畧也以其善
 解文什故云羅什即華梵相兼也言苦用戎
 兵者以前秦符堅時有德星現於外分野遣
 呂光伐龜上音茲取什公已如前引言漢請

等者漢明帝夢金人飛空而至明旦召之通
 人傳殺曰聞西域有神人其名曰佛陛下所
 夢將必是乎帝悅即遣郎中蔡愔博士秦景
 等往天竺尋訪佛法行至中途果見摩騰竺
 法蘭白馬馱經像而來乃同至洛陽教法始

興也詎可下比對顯勝

現奏見音也

○鈔者闍法

師者法華玄義云耆闍寺凜法師立一即毘

曇三即成實論三即大品三論四者法華云

世尊法久後要當說真實五即涅槃華嚴等

常住佛性本自湛然也六即染淨俱融法界

普圓義言前四名即衍公四宗者即隋朝大

衍法師所立然以後二宗不同故今但云前

四名即衍公也此凜法師但以如幻法名不

真宗真空理爲真宗並是衍公不真宗故故

次破云其三與四但法喻之別也衍公真實

宗明法性真理佛性等教即凜法師常宗也

言在立宗之初者宗趣通局之初也彼當破

之言又真宗下玄義亦云真若非常真則生

滅常若非真常則虛偽言但法喻之別者三

不真宗但以幻化等喻顯真理即與第四真

宗但法喻異耳何分二宗耶以有此等妨難

故疏並不引也○疏第二明西域等者探玄

記云即西域本立性相二宗今現傳性相二

宗依附於彼多異少同○鈔然真諦等者問

真諦等亦是西域法師何以敘此方中收由

探玄記科屬西域故以然字牒之而答也以親到此方判教故屬此方中收下二大德只在西方分教不來此土故別為西域耳言笈多者具云達摩笈多此云法密隋開皇中至京城然前不敘此師今所以指者以下立宗

中敘故○鈔洞一那爛陀者此云施無厭者按唐三藏傳云瞻部洲中寺之最者無高於此矣五王興造供給倍隆故因名焉其寺有五院或云九院同一大門周圍四十八里闊高八丈許並用甄壘其最上壁猶厚六尺廓三重

墻亦甄壘高五丈許中間各統極深池澗備有華畜嚴嚴可觀自置已來防衛清肅文人非濫未曾容隱常住僧眾四千餘人外客道俗通及邪正乃出萬數皆周給衣食無有窮竭故復寺號為施無厭也以前云菴沒羅園中有池池中有龍

名那爛陀寺近龍池從彼立名又云佛昔為王建都此地常行惠施物念其恩故名也中有佛院備諸聖迹精舍高者二十餘丈佛昔於中四月說法彼國常法論師有智識清遠王給封戶乃至十城漸降量賞不減三城現有受封六德三百餘人通經已上不掌僧

役自烏耆已西被於海內諸出家者皆多義
學任國諸師皆無隔礙故學徒博聞該瞻也
言按唐三藏傳似智光乃戒賢弟子者故傳
說南印土般若麴多明正量部造破大乘論
七百頌時戒日王討伐至烏茶國諸小乘師

洞一

五

實重此論以用上王請與大乘師決勝時王
作書與戒賢可差四僧善大小內外者詣行
在所擬有議論時戒賢差弟子海慧智光師
子光及奘應命而行評曰此智光決戒賢弟
子也又按傳說那爛陀寺大德師子光等立

中百論破瑜伽等義奘曰聖人作論終不相
違但學者有向背耳因造會宗論三千頌以
呈戒賢諸師稱善准此則奘師在彼時師子
光等已立中百論宗既云師子光等必智光
亦在其中奘師雖為會通應後時智光中百
論盛行故與戒賢同時在那爛陀寺弘宗也
若今鈔兩楹猶未定斷○鈔無行禪師書云
等者正證西方有其二宗兼證其勝劣也言
玄颺纒舉者龍猛持赤幡五天立論無有勝
者今云玄颺恐是斯類言無着牽羊者意說

無着宗義隨故也此用左傳彼云宣公十二年春楚子圍鄭旬有七日鄭人卜行成不吉
卜臨去聲呼也于太宮且巷出車吉國人大臨去聲
 守陴者皆哭楚子退師鄭人修城進復圍之
 三月克之入自皇門至于逵路鄭伯肉袒牽
 羊以逆曰孤不天不能事君使君懷怒以及
 敕邑孤之罪也敢不唯命是聽其俘諸江南
 以實海濱亦唯命其翦以賜諸侯使臣妾之
 亦唯命若惠顧前好徼福於厲宣桓武不泯
 其社稷使改事君夷於九縣君之惠也孤之

願也非所敢望敢布腹心君實圖之左右曰
 不可許也得國無赦王曰其君能下人必能
 信用其民矣庸可幾乎退三十里而許之平
 潘旼入盟鄭伯之弟子良出質又宋徵子啓
 紂之庶兄武王既克殷啓乃持祭器造于軍
洞一
 門肉袒面伏左牽羊右把茅膝行而前武王
 乃什之注曰肉袒牽羊亦為巨僕也言翎羽暫騰者翎羽
 即羽扇也此用諸葛武侯秉白羽指揮三軍
 令龍樹宗論義亦然也言陳那亂轍者亦左
 傳魯莊公十年春齊師伐我公將戰即莊公也曹

劒請見其鄉人曰肉食者謀之又何間焉劒曰肉食者鄙能未遠謀乃入見問何以戰公曰衣食所安弗敢專也必以分人對曰小惠未徧氏弗從也公曰犧牲玉帛弗敢加也必以信對曰小信未孚神弗福也公曰小大之獄雖不能察必以情對曰忠之屬也可以一戰戰則請從公與之乘戰于長勺音音公將鼓之劒曰未可齊人三鼓劒曰可矣齊師敗績公將馳之劒曰未可下視其轍車迹登軾而望之曰可矣遂逐齊師既克公問其故對曰

夫戰勇氣也一鼓作氣再而衰三而竭彼竭我盈故克之夫大國難測也懼有伏焉吾視其轍亂望其旗靡故逐之○鈔躬親問之者探玄記說賢首自問日照三藏云西域諸德於一代聖教頗有分判權實以不日照云近代天竺那爛洞寺同時有二大論師一名戒賢一稱智光並神解超倫聲齊五印群邪稽顙異部歸誠大乘學人仰之如日月獨步天竺各一人而已以所承宗別立教不同等○疏戒賢遠承彌勒等者先有室商佉王威行

海內酷霄無道摧殘什種拔菩提樹絕其根
苗選揀名德三百餘人坑之餘者悉充奴隸
時戒賢將就坑為賊擊出潛淪草莽後復於
那爛陀寺盛興佛法其室商法王即為戒日
王所滅戒日王因至菩
提坑發願若我有福統臨海內堪見佛法願
菩提樹從地而生言已尋視菩提已萌坑中

上踊遂舉其誅
室商法王也當焚師見時已年一百六歲
眾所欽重號正法藏戒日王增邑十城科稅
以入戒賢以其所得成立寺廟馬言遠承彌
勒無着者無著初得小乘空觀意謂未安因
乘神通往兜率天認問彌勒菩薩為說大乘

永樂北藏

華嚴懸談會玄記

第一八三册

空觀還闍浮提如說思惟即便得悟時地六
震既得空觀因此立名阿僧佉此云無着爾
後數至兜率問大乘經義還人間為人說之
人多不信因發願請彌勒下闍浮提解說大
乘彌勒如其願夜下人間放大光明廣集有
緣於說法堂誦出十七地經隨誦隨解經于
四月夜解之方畢雖同一堂聽法唯無着得
近菩薩餘人但遙聞聲無着夜聞畫即解說
釋曰戒賢盛弘十七地論即瑜伽
論是也本因彌勒
誦出解釋無着復伸解說故云遠承也言近

踵護法難隨者據二師注唯識等義西域和
唯識者乃杖林山勝軍論師亦奘師所宗今
云戒賢近踵者以瑜伽唯識並法相宗唯識
乃瑜伽十支中高建法幢一支也故作此叙
耳或護法難隨非唯弘唯識也○鈔護法難

泗

八

隨未有得聖之文者准唯識樞要云護法菩
薩臨終之日天樂霄迎悲聲動域空中響報
婆羅門曰此是賢劫千佛之一佛也若爾乃
權菩薩也今就迹而言亦當時英彥爾英謂
英傑彥謂俊彥言近踵者足踵謂後人躡前

人之踵迹也○鈔具如西域記及三藏傳廣
說者傳云奘歷諸國風聲久遠將至其寺衆
差大德四十人迎奘至莊宿即日連本村也
明日食後僧二百餘俗人千餘擎輿幢蓋迎
引入都會與衆相慰問訖唱言令住寺又差
二十人引至正法藏所即戒賢論師也年百
六歲衆所欽重故號正法藏博聞強識內外
大小一切經書無不通達奘禮讚訖並命令
坐問從何來答從脂那國來欲學瑜伽等論
問已涕泣召弟子覺賢說舊事賢曰和尚三

年前患困如刀刺欲不食而死夢金色人曰
汝勿厭身往作國王多害物命當自悔肯何
得自盡有脂那僧來此學法已在道中三年
應至以法惠彼彼復派通汝罪自滅吾是曼
殊師利故來相勸和尚疾今損矣正法藏問

洞一

九

在路幾時笑曰去三年矣既與夢同悲喜交
集禮謝訖寺素立法通三藏者負置十人由
來闕一焚風聞便處其位日給上饌二十盤
大人米一斗即粳米也大如烏豆飯香古步
唯此國有王及知法者預焉
檳榔豆蔻龍腦香乳酪蜜等淨人四婆羅門

永樂北藏

華嚴懸談會玄記

第一八三冊

一行乘象與三十人從然唯二十日過此漸
減通一經者猶給五盤五日過已復依僧次
笑請戒賢講瑜伽論聽者數千人十有五月
方一徧重為講九月方了自餘順理顯揚對
法等並得咨稟然於瑜伽偏所鑽仰經於五
年晨夕無輟將事博識未忍東旋賢誠曰吾
老矣見子殉命求法經途十年方至本國今
不辭老朽力為申明法貴流通豈期獨善更
參他部恐失時緣智無涯矣唯佛乃窺人命
如露非旦即夕即可還矣便為笑做裝驢送

付給經論獎因至西鉢伐多國停二年學正
 量部根本論攝正法論等却東還那爛陀叅
 戒賢已復往杖林山勝軍論師居士所學唯
 識決擇論意義論成無畏論等首尾二年從
 於此方漸東旋也准此獎師所學非一師歸

本國偏宗戒賢故云即唐三藏所師宗也○
 疏第二時中下疑云第二時中即依遍計說
 一切諸法自性皆空而實依圓是有何故但
 說於空不說依圓是有耶釋意云第二時雖
 依下縱然依它下奪或上彰勝前下彰劣後

可知○鈔至下當辨者三性空有即離義中
 辨也言此有兩重者初說因緣故諸法主明
 是依它故有次說諸法皆空即約遍計故咸
 空上疏云依遍計所執說諸法皆空三具說三性徧計所執
 都無體用故空依它圓成離執寄詮名有二

智境界故依它俗智境界此以第三時疏中三
 性一句解前二時之意二者下第二重雙取
 疏中具說三性三無性等二句為一對影前
 第二時三無性皆空第一時三性皆有第三
 時雙具三性三無性故非空非有也初時三

性皆有者如所執實我為遍計色心等法為
依它生空之理即圓成也餘二教可知而上釋
大意故唯識云下釋三無性義也清凉釋云
謂依遍計所執性說相無自性性由彼體相
畢竟非有猶如空花繩上地故依它起性立

生無自性性此如幻事託眾緣生無所妄執
自然性故依圓成實性立勝義無自性性謂
即勝義由遠離前遍計所執我法性故既依
三性無立三性未說三性亦有而但說三無
性空故云佛密意說也謂若顯了說者成立

第三教也對前密意云顯了對前不具云雙
明謂不礙緣生故說有三性不礙無性故說
三無性方是不即不離為中道也○鈔下說
十重者即別會二宗之初疏標十重別是也
言且就深密畧有四義者十重猶約宗通論

四義專在深密望前二時說也潤一一即前○鈔
中第二重二即第一重問前及下鈔皆云三
性空有此標何言心境空有耶答有二意一
云三性心境影畧而明謂深密三時約三性
立妙智三時約心境立故互影取各具二義

也二云彼宗三性亦約心境也依圓為心是
 有以五位百法皆唯識故總名為心識自性
 故八識心王識相應故五位心所識所變故十一種色法也
 識分位故二十四種不相應行識實性故六種無為五位之
 中前四位依它有後一位圓成有遍計所執

我法等皆名境心外境故俱空也准此前正
 立中應云前二時教不說唯識故或有或空
 今第三時俱明唯識則境空心有為中道也
 ○鈔此中且約下正釋疏中徧計空依圓有
 對二時論了不了也且者不盡之義此正立

中雖標四義且約前二義明故今約第二義
 合前正立中明第一義故有二義也有本鈔
 云屬第三時含約三性三無性論者義亦通
 也以前第三時中含兩重義故正屬此義也
 言余二門下即別會性相二宗中一乘三乘

別性五性別中顯隱以明謂性顯則相隱
 相顯則性隱也然約深密此四門中雙具三
 性三無性為了但說三性等為不了境空心
 有為了心境俱空為不了一乘為不了三乘
 為了一性皆成佛為不了五性有不成佛為

了也若後妙智於四門義皆反此以論了不
了也○疏此依深密所判者即第二卷云世
尊初於一時在施鹿林中唯為發趣聲聞乘
者以四諦相轉正法輪雖是甚奇而有上有
容是未了義世尊首在第二時中唯為發趣

洞

土

修大乘者依一切法皆無自性無生無滅本
來寂靜自性涅槃以隱密相轉正法輪雖更
甚奇亦是有所容受猶未了義世尊於
今第三時中普為發趣一切乘者依一切法
皆無自性無生無滅本來寂靜自性涅槃無

自性性以顯了相轉正法輪第一甚奇無上
無容是真了義○疏二智光論師遠承文殊
等者以文殊諸經中說法多顯般若旨趣而
龍樹造智論中論正伸般若旨趣故云遠承
也近稟青目青辨者賢首本云近稟提婆青

辨故無行書亦云龍樹提婆也今所以改之
者龍樹第十三提婆十四祖二十八今分遠近
不可以提婆為近稟故又提婆造百論今取
青目青辨對護法難陀等皆是注家故今改
作也中論序云天竺諸國敢預學者之流無

不翫味斯論以為喉襟其深翰伸釋者甚亦不少今所出者是天竺梵志名賓羅伽秦言青目之所釋也其人雖信解深法而詞不雅中其間乖僻煩重者法師皆裁而裨之即法師也西域記云清辨論師外示僧佉之服內弘

洞一

十五

龍樹之學聞護法菩薩在菩提樹宣揚法教乃命門人往問訊曰仰德虛心為日久矣然以宿願未果遂乖禮謁菩提樹者誓不空見當有證稱人天師護法菩薩謂其使曰人世如幻身命若浮未遑談議竟不會見論師

由是乃還本土靜而思曰非慈氏成佛誰決我疑遂於觀音像前誦隨心陀羅尼經涉三年菩薩現身謂曰何所志乎對曰願留此身待見慈氏菩薩曰人命難保宜修勝善生觀史天乃見慈氏論師曰志不可奪也菩薩曰若其然者宜往馱那羯磔國城南山巖執金剛神所至誠誦持金剛陀羅尼當遂此願也於是往而誦之三載之後神出問曰伊何所願論師曰願留此身待見慈氏神曰此岩石內有修羅宮如法行請石壁當開開即入中

慈氏出世我當相報矣於是又誦持三載乃
呪芥子以擊石壁壁乃開論師乃與六人入
石壁入已還合鈔等取涅槃法華等者若心
境皆從緣生即空無性平等一味不礙二諦
者顯依般若及中觀論十二門論百論智論
等兼法華涅槃等若今趣寂二乘等普得成
佛者顯依法華涅槃等兼依智論等也○疏
心境俱有等者廣鈔云心為能緣即第六識
心境為所緣即四諦理等各執為有故境空
心有者謂唯識觀遮外妄境名義自性差別

唯有心也唯遮境有故境空即偏計所執心
外實我法皆空
也識揀心空故識有故云唯識道理言心境
俱空者謂所緣若名義等境既空能緣識心
不立故中邊論云以塵無有故本識即不生
○鈔上約心境空有乃至蓋影畧耳者准此
故知二宗所立各有心境三性二義故前後
影畧也言今約三性空有者初教緣生定有
即是遍計以言總相執為定有為破執實我
故說緣生法決定是有次教依他似有後教
緣生即空平等一味是圓成也從淺至深故

是則前約合故但名心境今就開義分爲三性故如上二宗中前境此亦約於三性故云影畧也或可就自宗中前亦約於三性今亦約於心境故云影畧也○鈔如空澤之空者下有水曰澤今以小乘聞空時如曠野中空無水草之空也言故經者即廣百論所引契經也弘決志指爲楞伽經第四無常品中文也經音義云寧者願詞也○鈔但除其病下二句即淨名經問疾品中文也天台疏云如火是燒法若觸燒痛謹慎不觸即是除病不

可除火除則失溫身照暗成食等用以况但除小乘緣生實有之執而不除緣生之法○鈔不存依它者不問相宗存於依它但空徧計也顯依它亦空故也言平等一味下此中含二義一法性宗緣生無性故空空即圓成四更無二體則依它性上無徧計性故依它即空空即無性之理故密嚴經云名爲徧計性相是依它起名相二俱遣是爲第一義圓成真空依它緣有二體既同何故法相要留依它但空徧計耶二空宗三性如空花依病眼五

第二月依捏目及本月而有故名依它迷情計爲實有即是徧計二義雖別所目之法不別此等皆無所有方名圓成但約依它徧計空理而說亦無其體故說三性皆無性不同法相宗依於三性密意說三無性如廣鈔說

已上亦以第三時教意釋前二時教也○鈔題云分別明菩薩者題謂人題顯造論人也言人譯異者翻譯之人異耳謂分別明是波頗所譯智光是日照所譯也或譯造論之人名成異耳會義即同言釋論稱般若燈者問

既釋中論云何稱般若燈故此答也意顯本論釋般若故今本論中般若之理幽隱難彰之處如燈照了般若之燈釋論從本論以彰名依主釋也言體即般若者論中所明般若云智體也照了諸法如燈用也般若如燈

持業釋也故彼論序云借燈為名者無分別智有寂照之功也然般若燈論即中論異名彼序云般若燈論者一名中論有五百偈龍樹菩薩之所造也准此則以全所釋論名為能釋論目也以今有十五卷分別明菩薩造

故異本中論也○鈔但依賢首引耳者探玄
 託云此三次第如智光論師般若燈論釋中
 具引蘇若那摩訶衍經說此云大乘妙智經
 此昔所未聞也然今波頗所譯論中即無是
 說恐是日照引出說耳言或云即般若經等


四


六

者若據論說頻引諸部般若皆逐一標名豈
 獨此經而轉名大乘妙智耶故鈔主疑之而
 言或云也問論標為分別明菩薩今以義會
 乃是智光未審是戒賢弟子智光否答據波
 頗親依戒賢學十七地論當貞觀之初至此

方契師亦貞觀之中往天竺而師子光等已
 造論破瑜伽恐是時智光已有釋論解中論
 偈而波頗於彼傳來故譯也所以不妨智光
 是戒賢弟子而同時弘宗於那爛陀也○鈔
 然此二三時下弟二辨順違下一段鈔文科

分為二





○鈔藏和尚起信疏者此圭峯未移疏於論
 文下作注以前之古疏也當上卷伍張中文
 鈔各各為人悉檀者悉檀梵語此云義宗然
 有四種為佛所說法有此四宗義類故一世
 界二為人三對治四第一義若天台云悉者
 布也擅者此云施也若會此二義者以四義

初攝生竟成不四
 後言教其成不了四

內結成不了
 是故

宗布施於衆生皆令露益今言各各爲人者
 謂或聞說空則戒定慧增長或聞說有則戒
 定慧增長以爲衆生便宜不同故天親龍樹
 等宗師得佛意故不假和會亦攝論四意趣
 中衆生意樂意趣也於一法中或讚或毀等

又成實論云佛說內外中間之言遂即入定
 時五百羅漢各釋此言佛出定後同問世尊
 誰當佛意佛言並非我意諸人問佛說既不
 當佛意將無得罪不佛言雖非我意各順正
 理堪爲聖教有福無罪等故不須會也鈔即

可會者以護法清辨等立宗諍故所以會之
 ○鈔一約攝生寬狹約人言教具闕約人及法二約
 益物漸次約人顯理增微約法鈔既皆二義下法
 相宗中攝生寬故了言教具故了故云二義
 了攝生狹故不了言教闕故不了故云二義

洞

文

不了法性宗中益物皆當作佛故了顯理相
 盡故了故云二義了益物不等故不了顯理
 未盡故不了故云二義不了則二宗相對各
 有二了二不了於理則齊探玄記云二說各
 據別門互不相至豈有相違○鈔今觀賢首

意下探玄記叙初門竟斷云戒賢所判亦有道理叙後門竟斷云智光所判甚有道理既彼但云亦此云甚者意似偏許智光故今作此出賢首意也鈔凡小同居下以深密云普為發趣一切乘者凡以人天乘化小以四諦緣生化大以三性等化則菩薩與凡夫同居也次云彼三且約出世為言意顯實被五乘攝故鈔雜以無稽者尚書云無稽之言勿聽弗詢之謀勿庸注云無考無信驗也不詢專獨也終必無成故戒無聽用疏云為人君不當妄受用

人語無可考驗之言勿聽受之不是詢眾之謀勿信用之間彼依深密等立此三時何言雜以無稽耶答以彼引勝鬘證一乘是密意破句讀文引楞伽證五性不曉無性之義成立趣寂聲聞便判法華論錯此等皆考之失四九據並無稽之言故云雜以也○鈔上二本是下即攝生寬為了言教具為了今成二不了言後二又成下即深密中顯法性狹闕二不了今翻成了謂攝生中彼以唯大名狹以無小及人天故今小及人天凡有心者皆當作

佛何名狹耶則汝謂狹此亦名了彼以言教
唯大名闕以不具五乘故今以方便有三乘
實唯一故何名闕耶則汝爲闕此亦成了對
前益物作佛爲了及顯理相盡爲了故下云
四種了義皆在法性言四不了皆屬前宗者
益物不等故不了顯理不盡故不了并此攝
生寬故不了言教具故不了爲四不了也其
二宗所立初時一教彼此無諍故並不言但
明中後二教耳○鈔恐法相下問恐生是非
故疏不引今鈔引之何不恐還生是非耶答

疏文不引實乃恐生是非今還引者當體斯
意蓋法義當途故難默耳反生是非之情豈
當文意佛地論第四說聲聞藏去佛世百年
後即分二十部而菩薩藏千載已前清淨一
味無有乖諍千年已後乃興空有二種異論
故說正法一千年也大乘宗義隨教無邊且
論空有二宗佛滅後各隨所樂結集流行造
論弘傳破執生解後學不知根源隨學即當
故有異同故智論云佛以無倚心說弟子以
無着心受能得解脫非如外道說聽皆以着

心現世間諱死入地獄當慎誠之○鈔不可受一非餘者離世間品云受一非餘魔所攝持故言不可二文雙取者圭峯云如一人訪路一令南行一令北往不可雙取○鈔其如二經等者深密妙智各有三時之文何故皆

洞一

二

不許耶今為下答可對疏文出二經之意以善通達故○鈔若得經意下是知聖教在乎得旨除患為功如二儀互闕故云離之兩傷猶目足更資故曰合之雙美是以昔人云通則文文妙藥執則字字瘡疣○疏然欲會二

宗等者已上西域本立意自下明今現傳此方性相二宗或可上唯約二經對辨但明二經之意各別為機此約宗計所宗非唯一經其意寬通故別會之○疏三一權實者三一皆通權實也○鈔以有聲聞等者一切有情

大分五類一從無始來第八識中或惟有聲聞菩提無漏種以聲聞乘法化之二或唯有緣覺菩提無漏種以緣覺乘法化三或唯有菩薩菩提無漏種以菩薩乘法化四不定性復分四別以無漏種本有寬狹故謂三乘菩

提種性中或有二有三而發心修行先後不
 同一聲聞緣覺不定以聲聞緣覺之二聲聞
 菩薩不定以聲聞菩薩乘化之三緣覺菩薩
 不定以緣覺菩薩乘化之四聲聞緣覺菩
 薩不定以聲聞緣覺菩薩乘化之今鈔只

洞一

主

就此寬處云不定性人通成三乘五總無前
 三乘無漏種子名無種性以五戒人乘法化
 或十善等天乘法化也○疏又初二卷等者
 探玄引第二云乃至更說法要謂相無自性
 性勝義無自性性乃至諸聲聞乘種性有情

亦由此道此行迹故證得無上安隱涅槃一
 切聲聞獨覺菩薩皆共此一妙清淨道同此
 一究竟更無第二乘依此故密意說言唯有
 一乘非於一切有情界中無有種種有情種
 性或鈍根性或中根性或利根性有情差別
 解云此約三乘同一所觀無性道故密意說
 此名爲一乘理實三乘各證涅槃非是一也
 上並是探玄文鈔雖明有性無性者通妨也妨云此科
 正明三乘爲了何故引經言有性無性耶故
 此答也可知○鈔小乘中說者佛性論第一

云薩婆多等諸部說一切衆生無性得佛性
 但有修得佛性菩薩十迴向已上即得佛性
 今約不許有它方佛者云釋迦一人有大覺
 性准百法鈔此宗但許一三千界中有佛出
 現不許餘三千界別有佛出不准同時別
 無亦立理唯一世尊普於十方能教化故若
 不爾者於薄伽婆功能有碍又若有一處一

佛於中無教化餘亦應尔此引證云契經
 說無處無位非前非後有二如來出現於世
 此經說我今於此三千大千世界無佛者何故梵
 王在轉有宗會云彼有容意謂若世尊不起加
 行唯能觀此三千大千世界若發起加行
 無遠世界皆佛耶
 境故無相述也
 ○鈔次一向成下圭峯云
 此是彼宗指法性唯說一乘一切衆生皆有

佛性皆得成佛為第二時教非深密經本文
 深密判第二時但說空也鈔有性皆成下唯
 有菩薩菩提無漏種者名一分及聲聞菩薩
 不定緣覺菩薩不定名半以不定性中非全
 故即一分半衆生皆有大乘性故成佛非不

洞一

主

及也聲聞定性緣覺定性無種性此名三分
 及四不定性中聲聞定性不定云半即三分
 半衆生無大乘性故不成佛非大過也○疏
 又勝鬘經等者經云若如來隨彼所欲而方
 便說唯有一乘無有二乘法苑云此意即顯

攝二乘人說一乘者隨它意語彼宜聞故亦是方便說有一乘又玄贊云如勝髮經所說一乘是權二乘實故○疏大般若下以經初善勇猛請說般若等如來讚歎已復問言汝以何意請問般若菩薩言我欲一切有情利益安樂事故請問般若何以甚深般若通攝聲聞獨覺菩薩乃至正等正覺一切法故等同疏文陳此意畢如來方說般若空義玄讚疏云諸論雖說聖亦迴心今說不受變易生死以迴心者故言未入正性離生又大般若

四百六十五云若成第八已成預流一來不還阿羅漢獨覺能入菩薩正性離生無有是處乃至成預流一來不還阿羅漢獨覺已能入菩薩正性離生必無是處言第八者以見道法忍至前七方便名第八也○鈔五段引經等者前三段單引經四引楞伽經莊嚴論瑜伽論依附經文例引出之五引善戒經地持論附之而出雖此段中亦附瑜伽論然與前第四段中瑜伽論合故但是附出地持論是以下云三論附出也鈔不定性人下梁攝論第十五云小乘說

聲聞若至頂位不定性以不免四惡趣故若
至忍位名為定性以免四惡趣故百法鈔云
中初位具造三界五趣業第三忍
位但造人天業不造三塗業故故俱舍二
十三云轉聲聞種性而成佛三餘麟角佛無
轉一坐成覺故長行論釋曰聲聞種性暖頂

已前暖頂二位
名不定性容可轉成無上正覺若得忍位
無成佛理謂惡趣已超越故菩薩利物為懷
必往惡趣彼忍種性不可迴轉是故定無
得成佛義聲聞種性暖頂忍三皆有可轉成
獨覺義在佛乘外故說為餘麟角佛言顯麟

角喻及無上覺暖頂忍世第一並無移轉向
餘乘義皆以第四靜慮為依一坐便成自乘
覺故此以四善根為緣覺及菩薩定性今言
未入見道者聲聞忍位已前緣覺及小乘六
度菩薩暖位已前為不定性也言若入見道

者問者言入見道為正定者何故下鈔說世
第一位為正定耶答下鈔約世第一決定近
能引入見道故作是說問淨名云若見無為
正位者不能覆發阿耨多羅三藐三菩提心
生公注云苦法已上也謂見道十六心若法智
忍已上八無間八解脫

證入擇滅無為得初果也此上方為正定位也

則與今鈔正同

何故前梁論等說入忍位為定性耶答前諸論等約尅體而言云至忍位定性也淨名及今鈔皆約聲聞定性者相顯處說云見道已去定性故不相違是以梁論亦云小乘說若

洞一

二西

得未知欲知等三根已見道去則名定根已得聖故若未得定根性則可轉小為大若得定根性則不可轉小為大若爾梁論前文何故說至忍位名為定性耶答以免四惡趣故問准涅槃說五果回心八六四二萬十千劫方至

十信何故鈔今依般若未入正性離生之言說聲聞見道終無迴心作菩薩人耶答此般

若經為約漸悟

從小至大

二乘劣根

廣惠二乘對大乘名

尚隨彼小乘宗轉變理門

隨順

彼宗轉大

猶

帶小說大故云入見道後不許迴心理實二

乘五果皆許迴心則般若涅槃各別約一類

不定者說也鈔至下更釋者離世間品疏抄云正性離生即見道異名一名聖諦現觀一名正性離生一名正性決定言正性者有釋

云正性離生即見道異名一名聖諦現觀一名正性離生一名正性決定言正性者有釋

云正性即是涅槃之理體性離邪妄故名爲
正性言離生者即見道無漏智名離生生者
謂道所迷煩惱能令有情三界受生故名爲
生或能令有情善根不熟名生故離生有二
初離却生二離生滋等疏深密第二大意同

河一

三五

此者即前探玄所引非於一切有情界中無
有種種有情種性等此大意與大般若同也
○疏又云一切等者此文連前探玄引文也
連次云何以故由彼本來唯有下劣種性故
一向慈悲薄弱故一向恐畏衆生故○疏又

十輪下地蔵十輪經第九云爲聲聞乘補特
伽羅說聲聞法不爲彼說獨覺乘法及大乘
法爲獨覺乘補特伽羅說獨覺法不爲彼說
聲聞乘法及大乘法爲於大乘補特伽羅說
大乘法不爲彼說聲聞法獨覺乘法隨諸有

情根器所能說法釋曰既隨根器定故說三
乘法故疏云皆性定五故○疏故楞伽下四
卷云有五種無間種法性七卷云有五種種
性十卷云我說五種乘性證法三經廣釋大
同小異其第五無性下性宗中引釋即十卷

文也言大莊嚴論者即種性品論云種性有體由四種差別一由界二由信三由行四由果由界差別者衆生有種種界差別應知三乘種性有差別由信差別者衆生有種種性信可得於三乘隨信一乘非信一切若無性

差別則無信差別由行差別者衆生行行或有能進或不能進若無性差別則亦無行差別由果差別者衆生菩提有上中下因果相似故若無性差別則亦無果差別次下論釋有性充次釋無性有二種謂時造畢充即下言及疏引者是今同撈伽皆順相宗引也

瑜伽者三十七云補特伽羅成就者畧有四種有聲聞種性者以聲聞乘而成就之有獨覺種性以獨覺乘而成就之有佛種性以無上乘而成就之無上種性以善趣而成就之○疏善戒地持者即菩薩善戒經并地持論

也據開元錄云菩薩地持經亦名菩薩戒經亦名菩薩地持論今編入律中存其經名除論錄目故今在律藏中名地持經也今鈔引者名論爾若善戒經即善行性品經云菩薩發菩提心名之為支菩薩隨發心行具足得

阿耨菩提是故名支

由經標十法攝一切善法第一支若地持第

一名持上也即若菩薩性者雖復發心勤修精

有種性者也進終不能得阿耨菩提是故當知非因發心

勤修精進有菩薩性以是義故菩薩性者名

之為支若地持論即種性品文云初發心名

為菩薩行方便持菩薩依行方便滿足阿耨

菩提是故當知雖不發心不修行方便猶得

名為種性持評曰經論大同小異疏中撮畧

二處文爾其但以人天善根而成熟之者此

清涼義用瑜伽等意非善戒地持等文故然

次疏云無性瑜伽亦同此說者意雖似言上

瑜伽三十七云無種性者以善趣而成熟之

亦同此善戒經說其實以善戒經同瑜伽論

中說也思之○鈔彼論云種性有二一有種

性二無種性等者若地持論云云何種性畧

泗

主

有二種一者性種性二者習種性性種性者

是菩薩六入殊勝展轉相續無始法爾是名

性種性若從先來修善所得名習種性若菩

薩戒經云云何名性性有二種一者本性二

者客性言本性者陰界欲入次第相續無始

無終法性自爾是名本性客性者謂所修集一切善法得菩薩者是名客性然鈔舉有無二性恐是性習二性未敢詳定言無始法爾等者法華明鈔言總意別故意顯第六意處中第八識內以三科攝百法中十二處攝法第六意處收八王故故八在六

內含藏無漏勝種子故不同自餘有漏諸法故名殊勝自無始來法爾而有展轉相續窮未來際相續不盡種子引即性種性也以此種子在藏識中第八識體屬意處攝是故總名六處殊勝而言亦云下正是七卷楞伽第

二云五者無性復次大慧此中一闡提何故於解脫中不生樂欲已捨一切善根故謂謗菩薩藏言此非隨順契經調伏解脫之說作是語時善根悉斷不入涅槃十卷楞伽云不得涅槃四卷楞伽第一云不般涅槃故善戒等不能得無上菩提之言全同楞伽不得涅槃之義以前段疏引但言五者無性不引彼楞伽經釋無性之義經文故今例釋疏家不欲繁文但言亦云也

華嚴懸談會玄記卷等二十一

經

天

永樂北藏

華嚴懸談會玄記

第一八三册

永樂北藏

華嚴懸談會玄記

第一八三册


華嚴懸談會玄記卷第二十二

洞二

蒼山再光寺比丘 普瑞 集

○鈔長分十段者橫長名長非豎長也如下
疏釋夜摩天宮一品經總作十段亦云長分
為十也○鈔即第一方便品偈者卷當第

品當第二故言上三句正立下一段鈔文
科分為二



永樂北藏

華嚴懸談會玄記

第一八三册

後別釋_二

後釋_今

後具顯_{甚意}

○鈔大乘法師云二即第二者緣覺乘也三
即第三者聲聞乘也○鈔此即生公意者顯
彼所憑而未盡其旨者斷其失意也雖依生
公之文未善生公之意以生公意亦應無第
一彼則不無第一生公義有四乘彼唯三乘
所以失生公之旨也○鈔意云下鈔主具顯
生公之意言既未融餘二下由昔大乘不通
二乘皆當作佛故立為權然所說悲智萬行
不違今法華一乘故法華不言無之言以不

收二乘故者出一亦去矣一句所以也以昔
 大乘不收聲聞緣覺亦令作佛故昔第一亦
 不存之又權指故下更有二所以如前可知
 ○鈔天台下問玄贊云勘梵本云無第二第
 三今翻之畧云無二亦無三也如何會通答

如云大乘小乘聲聞緣覺豈非第二聲聞乘
 緣覺乘菩薩乘豈非第三以大乘尚無何有
 聲聞緣覺故云總無昔日三乘然勘天台法
 華玄義與今鈔所叙不同未可會同或天台
 餘處有此釋未敢詳定然纂玄引法華文句

第四云光宅說無聲聞緣覺之二無偏行菩
 薩之三更引多釋乃至天台云今言但以一
 佛乘者純說佛法之圓教一乘也無二者無
 般若帶二無三者無方等所對之三也如此
 二三皆無故經云爾又云無二者無通教中

半滿相對之二無三者無三藏中之三故○
 鈔若望下清涼自釋但總出經意不別消文
 言趣舉者趣與促同急舉而不及他之謂故
 不指定是大是小也○鈔無有虛妄者疑云
 初說三乘後說一乘如何不成妄語耶答初

說三乘者隨機漸誘蓋不得已根熟方說一乘本不欺他故非虛妄○鈔釋曰下問何知後以大乘非昔三中大乘耶答華嚴不思議法品云或時為說差別三乘或時為說圓滿一乘故知應耳言縱饒下此縱法相會二歸一之義亦是會三為一以經具斯二義故或可縱汝相宗說此中經意會二為一昔權不會今實方會亦三權一實爾○鈔初引第一未來佛章者即第一卷亦方便品彼有三章先過去佛章次未來佛章後現在佛章今引

永樂北藏

華嚴懸談會玄記

三偈皆未來佛章也然此段鈔文先伸科判後逐難消釋大科分二

初引經二	初引經二	初引經二	初引經二
後解釋二	後出疏所以但	二合明後二百二	初散釋所日法知
初釋三	初釋明大意傷	三合明後二百二	二徵釋顯意何云
後釋三	二釋三句三	初因種種三	初明第三句三
初釋第一偈上然	初指同此經此	後果種種二	二重顯種種性何
次釋第二偈二	後以勝劣於	初明一百二	初佛種種佛
後釋第三偈二	初指法即其是	後合明句釋	二從緣即緣
初指釋前後	次句無常即常世	初佛種果	三起字起

第一八三册

「別四句四」

三有場證得

一從緣起果

四句方便說

○鈔諸佛兩足尊者一云福智二嚴悉滿足故二云諸有情中人天為勝皆有兩足不同餘類有無不定多少復殊佛為人天師云兩

足尊○鈔知即證知者知通根後二智或理量二智法謂所證知法者即俗諦法也常無性者真諦法也言即真如無性之理者稱無性理而無異味覺色心等諸法故起信論云是故一切法從本已來離言說名字心緣等

相畢竟平等無有變易不可破壞唯是一心故名真如即其義也○鈔云何常無性下微釋顯上義也言非自非他者非自性諦生故非他梵王等作故非具合前二故非離非無因自然故或可非自因非他緣非因緣共非離自因他緣因緣無定顯法無生即無性也言無性者有二義故一者一切法從本已來自無體相唯一真性故曰無性二者諸法無有差別自性故曰無性即此無性之處便是真理故以無性目於理也○鈔因種即正因

佛性者釋經中佛種二字也正因佛性如鏡
本明緣因佛性如新顯明由此二爲因成佛
爲果言故涅槃云下正證佛種是正因佛性
義也言中道者以佛性非有無等邊故言種
子者具爲因義故言此種即前下指種同性

酒三

四

也此約種性不分二別故種即佛性種即無
性也故涅槃下證此種即無性亦證佛性無
性二義無別也○鈔緣即下釋經中緣字可
知○鈔起彼下釋起字以始覺顯本覺無
復始本之異方得成道是起字義也然正因

無來去今言起者由新明顯本明假言起耳
實無能起所起之二法以本覺性自靈知故
○鈔唯以佛性下歸說一乘所以也○鈔體
同曰性等者重顯種性之義或遣妨也妨云
法華云佛種何引涅槃佛性釋耶故此通也

言體同曰性者始本無異故名爲佛種即佛
性也相似名種者因緣互相相似故六度萬行
依真流故還契於真故種類也故以佛性名
爲佛種故關中云者此取四聖跡中釋也言
關中者即禹貢雍州之域東函谷關南有武

關西有散關北有蕭關四塞之地故曰關中
 言稻自生稻者證體同曰性同是稻故萌幹
 下證相似名種始終唯稻無別類故云其
 類無差望所成果俱為因種有說一段妙文
 操下果種性者
 非也然有
 二字標故○鈔二果種性下先釋佛種三字

然有二釋初約性釋本覺出障果佛名佛佛
 真報其理道理不差名性此直談體性也說
 法度人下二約種釋種謂種類他報化身佛
 佛種類相似故云類皆相似○鈔果之種性
 下釋從緣起三字也謂前二利果自利約性
 利他約理

依真理起故云從緣起也○鈔故釋此偈云
 下合明二句歸說一乘所以也意云下鈔上重
 顯關中意也○鈔此中知法下重釋第二句
 會同此經下疏云准如來藏具恒沙德衆生
 即在纏法身法身衆生義一名異故見一切
 皆成若爾諸佛何以更化衆生不如是知所
 以須化如是化者是究竟化無不化時以經
 釋云知一切法皆無性故即同前文知色心
 等法無性餘如十因最後中釋○鈔准於下
 舉勝况劣釋也可知○鈔住真如正位者以

一切法住真如正位故皆無常性也玄贊云
真如住諸法之中體性常有名爲法住法有
染淨離染得淨分位顯之故名法位與今鈔
意異也故智論下引證以真如在一切法之
中性無改變曰法性爲一切法因曰法界一

切法在中曰法住是一切法正位曰法位故
爲真如異名也○鈔故涅槃經况之二鳥者
經云娑羅娑鳥音義云此云共行亦云白鶴及迦隣提鳥
此云可愛是水鳥鶩鶩之類各二必俱彼疏云諸佛如來得涅槃
不捨世間不捨世間而入涅槃無常共常

常共無常如二鳥遊止共俱不相捨離○鈔
今於道場者玄贊釋云於金剛座道場中證
此諸法本體性已於無名相法中道師方便
以名相說等言懸鏡高堂者即生公之意也
下鈔中清涼釋云言懸鏡高堂者即無心虛

照萬像斯鑑者不揀研媷故以絕常無常之
靜心照常無常之圓理故云二而不二證道
幽微故云不可言宣○鈔故知下結歸疏意
上之三偈雖皆一性之文疏中要略唯引一
句耳問前鈔云今但引兩句准疏亦有兩句

今何言唯一句耶答前兼能證人今正要所
 證一性故說一乘也○鈔一相一味之法者
 先標一相是法一味是喻所謂下釋且約四
 德者解脫我德離相樂德離三有為生住壞相以滅
 異二相同壞相故唯三也五塵男女即離十相故等相故滅相

淨德滅二障等故下二句常德言究竟涅槃
 者是方便淨也從因方便而修得故言常寂
 滅相者即性淨涅槃本性淨故終歸於空顯
 一相無相之義也言解脫者下再牒釋解脫
 相也是真解脫者揀異離妄繫縛等解脫也

故第二經云下證其揀異也言但離虛妄者
 離分段生死故得解脫但證得有作四諦故
 故云未得一切解脫也釋曰一切解脫即直
 解脫等者對會二經也亦會前法喻二名又
 云常寂滅下對會前二文也可知○鈔非但

下躡其科文以釋經意也意明佛性即是一
 乘而况乘性豈不相成耶○鈔畢竟有二種
 等者彼疏云望小大極故名畢竟因果不同
 故分二種因能嚴果故曰裝嚴果德窮滿稱
 曰究竟世及出世約位分異十地已還通名

世間皆是變易世間攝故佛名出世六波羅密顯因畢竟相一切衆生所得一乘明果畢竟性言一乘名爲佛性者經云如人有酪有人問言汝有酥耶荅言我有酪實非酥以巧方便定當得故故言有酥衆生亦爾悉皆有

心彼疏合有酪凡有心者定當得成無上菩提合有人問言汝有酥耶荅言有以是義故我常宣說一切衆生悉有佛性合以定得故言有酥凡有心者皆有真識覺知之性故定得菩提以有真識覺知之性與菩提不定異

故即是二乘名爲佛性釋曰下有二義故佛性即是一乘一約皆有故即是一乘此即智慧之性爲一乘二又佛性者下約理運彌載故即一乘亦師子吼品文也彼疏云佛性具無邊義今就一空門說一離相名空如心無

大小長短等相一離性名空具恒沙德別守自性依此深理運因至果即是乘義○鈔則是野干鳴者亦是彼經文也音義云梵語悉伽羅此云野干青黃色形如狗羣行夜鳴聲如狼也莊子注云野干能緣木然與狐異禪

經云見一野狐又見一野干故知異也○鈔
三十三又云下勘經是三十二言果亦同者
同一解脫同一甘露皆果同也言海八德者
三十二經云一者漸漸轉深二者深難得底
三同一鹹味四潮不過限五有種種珠寶藏

六大身衆生在中居住七不宿死死八一切
大雨接下不增減言一甘露者下約喻明果
同故什公注淨名云諸天以種種名藥着海
中以寶山磨之令成甘露食之得仙名不死
藥今以涅槃如甘露真不死藥也○鈔結會

世尊所化弟子者以經說佛昔於大通智勝
佛所爲十六沙彌之一於八萬四千劫廣分
別說妙法蓮華經化六百萬億那由他恒河
沙等衆生示教利喜今是結會此也故經爾
時所化衆生等與鈔引同我滅度後下與疏
全同○鈔方便有餘土者天台淨名疏云二
乘恒沙別惑無明未斷捨分段身受變易身
所居之土名有餘土言常寂光土者掌珍記
云常即法身寂即解脫光即般若三事不一
不異衆聖冥契故云土也○鈔論曰下即分

段身滅也有淨佛土下受變易身處言乃無煩惱之名者問彌勒所問經論及楞伽經云一切聲聞辟支佛不能究竟斷諸煩惱但折伏一切煩惱等云何無煩惱名耶教義答云愚法者即不了法空即法執也不斷廣慧者斷今據廣

潤三

九

慧理不相違問不聞法華不知不覺菩薩所行豈是廣慧答智論三十八云我成佛國無三毒及名既無三毒何以佛出答三毒即涅槃故准此論意愚法二乘望其當分斷煩惱故出三界外今約不知即是涅槃故云但折

伏也今以迴心之後聞一乘法方知煩惱即涅槃無實煩惱之名○鈔法性身者變易身也以證法性後所受細身從所證法性以立其名法性之身依主釋也言稽留者遲滯之義言捨眾生者無大悲心故及捨佛道者無

大智心故言不如直往者羅漢迴心二萬劫方至十信直往但一萬劫至十信故問應同獨覺答獨覺已疾脩四生心鏡鈔第二云四生義有三一過四佛二四生報三經四增滅劫後遲百劫方得獨覺果迴心後又經一萬劫故亦不如直往

言直往者超卓大方不歷二乘速成正覺涅槃云初果迴心八萬劫乃至獨覺迴心十千劫得到阿耨菩提之心教義解云此明最鈍初果人受七生已方入涅槃滅心心法始入滅定復經八萬劫乃得生心受佛教化發善

提心若於一身得第二果受二生已即入涅槃經六萬劫方能發心若於一身得第三果不還欲界即入涅槃經四萬劫能得發心若得羅漢即現入滅定經二萬劫即能發心若獨覺利根經一萬劫便能發心又有義云前

五人從凡得小果入涅槃後起迴心修十信行滿信心已堪入十住發心住位已來隨根利鈍各經彼劫但從涅槃起後經彼劫也未必一向在涅槃中經爾許劫上明遲者若疾者如法華經云我滅度後等引文同此問若依疾者何言

潤三

十

不如直往若直往修十千劫至十信滿或未必十千劫如龍女等故瓔珞經云若一劫二劫三劫等不同聲聞已疾者三生遲者六十劫備得極果已入滅之後迴心故亦不如直往若爾有學必無迴心之者若今且說無學

誰遮有學如阿難是初果豈不迴心耶問何故迴心劫數如是答心鏡鈔云二乘滅分段為涅槃然行苦極長無過非想八萬大劫二乘厭苦忻寂住寂時量與非想同六四二萬如次可對無所有處識處空處取八十增減

劫為一火劫經此八萬等應知此即總其極者故八萬劫等方便顯示迴心者利鈍不同明不必爾故有現世迴心之者如舍利弗等問彼是應化聲聞不同實者答權必化實故○鈔故疏結云決定迴心者問智論九十

五云復次佛法於五不思議中一衆生多少二業因果報三坐禪人力四諸龍力五諸佛力最第一今言漏盡阿羅漢還作佛唯佛能知論議者正可論其餘事法華遊意引云止可論其餘事今論本應脫一餘字也不可測知是故不應戲論若得佛時乃能了知餘可信而不可

潤二

土

知涅槃三十四云聲聞得佛道不得佛道如是諍訟是佛境界若於是中生決定者是名執着何故疏云決定迴心答疏依教理深信亦不言如實證知此但仰推之智信解知之為遮趣寂定不迴心云決定迴心也又教義

問云瑜伽論等說聲聞獨覺入無餘依涅槃者本轉二識皆滅無餘後生心時以何為因無因而生不應理故答彼論依始教門引小乘故所立賴耶行相麁顯不從真起故說有滅一又為順小乘故亦許彼涅槃故說入已

不復起也二今終教中就實而說既根本無明熏如來藏成阿賴耶彼二乘人於此二法俱未斷證何因得滅阿賴耶識三又由於彼無斷證故所得涅槃豈為究竟化城同喻亦應有失四由上四因故得心生也○鈔一決

定聲聞者玄贊云亦名趣寂二增上慢聲聞者此是凡夫但得第四禪定便謂得第四果如經云無間比丘妄言證聖天報已畢未相現前謗阿羅漢身遭後有墮阿鼻獄未證謂證名增上慢也三退菩提心聲聞者謂先發大心後遇違緣退歸小位四應化聲聞

者諸大菩薩及佛等示化為聲聞故○鈔即如身子者譬喻品云佛告舍利弗吾今於大眾中說我昔曾於二萬億佛所為無上道故常教化汝汝亦長夜隨我受學我以方便引道汝故生我法中舍利弗我昔教汝志願佛

道汝今悉妄而便自謂已得滅度我今還欲
令汝憶念本願所行道故為諸聲聞說是大
乘經等又優婆塞戒經說舍利弗曾於六十
劫行菩薩道有婆羅門從其乞眼鷲子與之
彼得觀已投之於地雙足踐踏罵詈而去鷲

洞二

三

子悔恨遂退大心言我今還欲令汝等者既
云汝等顯非一人而已故云非獨身子然准
上經文無等字或疏主所見經本有等故設
依無等字釋得義引之如前已引結會昔所
化者無量恒河沙等衆生豈獨身子耶問前

結會所化者但云聲聞弟子何義引退菩提
心者答經云十六王子菩薩沙彌各令六百
萬億那由他恒河沙衆生發阿耨多羅三藐
三菩提心者豈非今聲聞昔發菩提心者
耶○鈔四大聲聞下信解品云慧命須菩提

摩訶迦旃延摩訶迦葉摩訶目犍連自說窮
子喻捨佛慈父往五道等故文如前引○鈔
第三周中者謂法華經有三周謂法說一周
喻說一周宿世因緣說一周此當第三也文
如向引○鈔羅睺羅者此云障月佛言我法

如月此兒障我不即出家世世障我我世世

捨以王言汝若有子聽汝出家然處胎六年方生有二緣

起一曾塞鼠穴經六日一昔曾為王嘗召一

沙門處於門外經於六日忘不問及故招斯

過○鈔故知夫下即生公之言也而獨言下

過二

三

遮玄贊疏意彼云應化聲聞者應化非真攝

大乘說諸大菩薩及佛等化示為聲聞故引

實聲聞向大乘故如富樓那即其類也故今

遮云餘阿羅漢豈非應化而抑之耶○鈔汝

等皆當作佛者法華論說六授記一別記二

同記三後記四然記五通行記六具因記具

玄贊疏釋今此是第六具因記也○鈔安國法師

者會解云即安國寺元康法師於貞觀中遊

學京邑有彭亨之譽形擁腫而短然其性情

勇猛一聞多悟羣輩所推帝聞之喜曰何代

無其人詔入安國寺講三論寂照引廣鈔第

二云即安國寺利涉法師然未知孰是彼所

以不許者有二意一不輕之記在昔故二唯

記藥王等成佛不記聲聞故即諸下安國有

自釋也亦具二意一藥王等在今法華會故

今記不在會聲聞故釋曰下清涼扶昔論義也亦有二意一者此是舉昔例今謂昔日菩薩與衆生記例同今日菩薩與現今聲聞授記非是不輕直記今日聲聞二者或昔聞不輕記者即今在會聲聞世世已來常受我化

等言何得不依者斥安國也亦有二意一云能立能釋皆是天親何得不依二云天親是法相宗主安國是法相後輩宗師天親之言汝尚不依餘人化導汝肯依耶○鈔若大乘云者玄贊疏云其增上慢既是異生菩薩記

今信有佛性令漸發心脩大行故其趣寂者元無大性何得論其熟與不熟應言趣寂由無大性根不熟故佛不與記由趣寂者與增上慢合一處說譯主同言根未熟令其發心令增上慢者發菩提心令決定者發信大心

不愚法故若言趣寂後亦作佛違涅槃等處洞二處教文故疏結彈云下問此一未字可爾論云如來不與記豈非佛永不與記耶答菩薩與記令發菩提心既得發心必當成佛至如佛永不與記復有何過以為慈恩改未字為古

不字且作是說此乃即時根不熟即時不與
記亦不違理如彼經云大通智勝佛十劫坐
道場佛法不現前不得成佛道豈永不現不
成佛耶故探玄記云但言未熟不言無根圭
峯云若定不成佛論則應言餘二聲聞根性

無故佛不與記設云不熟亦非無根但是根
性不熟故此遮玄贊云應言根寂由無
大性論既不說何得加諸○鈔
得決定心者由菩薩授記故得決定成佛之
心是方便令發心也既發心已進脩妙行非
謂已能證會成就二空法性真而與授記故

亦不如菩薩得授記也○疏入楞伽下第二
云大慧諸聲聞辟支佛畏生死妄想苦而求
涅槃不知世間涅槃無差別故分別一切法
與非法而滅諸相不取未來境界妄取以為
涅槃不知內身證脩行法故不知阿梨耶識

洞二

十五

轉故第四云大慧聲聞辟支佛若離一切諸
過熏習證法無我爾時離於諸過三昧無漏
醉法覺已脩行出世間無漏界中一切功德
脩行已得不可思議自在法身偈云味着三
昧樂安住無漏界無有究竟趣亦復不退還

得諸三昧身無量却不覺譬如昏醉人酒消
然後寤得佛無上體是我真法身第七云大
慧聲聞辟支佛於第八菩薩地中樂著寂滅
三昧樂門醉故不能善知惟自心見墮自相
同相熏習障碍故墮人無我法無我見過故

以分別心名爲涅槃而不能知諸法寂靜^{第二}
云妄取以爲涅槃第四文顯第七云
以分別心名爲涅槃故皆無實故也言勝鬘
等者彼經云唯如來應正覺得涅槃成就一
切功德故阿羅漢辟支佛不成一切功德言
謂涅槃者是佛方便唯有如來得般涅槃成

就無量功德故二乘之人成就有量功德言
得涅槃者是佛方便唯有如來得般涅槃成
就不可思議功德故二乘之人成就思議功
德言得涅槃者是佛方便唯有如來得般涅
槃一切所應斷過皆悉斷滅成就第二清淨

二乘之人有餘過故非第一清淨言得涅槃
者是佛方便是故阿羅漢辟支佛去涅槃界
遠言無上依經等者無上依經如鈔備引其
寶性第三^{鈔云第四者}與無上依經文勢大同故
此不錄頌者往檢其佛性論第二廣說亦與

無上依經大同其釋四種生死畧如下引名
號品疏說者是故二論皆不具錄也言密嚴
等者言於中入滅二乘於三界外更受變易
者賢首云一切二乘皆迴心以悉有無漏性
力爲內熏因故如來大悲力外緣不捨故根

洞二

共

本無明猶未盡故小乘涅槃不究竟故是故
一切無不回心向大菩提也然當回心時於
界外即受變易也又其回心有遲有速速者
如前引法華餘國受化遲者經劫乃起若別
說之如涅槃八萬六萬四萬二萬十千等劫

別故正當回時即入十信位次第修行大乘
言變易者唯識論云不思議變易生死謂諸
無漏有分別業由所知障緣助勢力所感殊
勝細異熟果二死章云即以無漏業所知障
欲色二界異熟五蘊而爲體性謂諸聖者以

悲智修心有悲故欲下化衆生有智故擬上
求佛果念斯分段短促無堪不能長時遠征
大劫修其勝行遂以所知障爲緣無漏業爲
因冥資故業故業被資便能熏識等五支種
子既被感已生現功能而復殊勝功能既勝

所生現行身之與命而有改轉由是改緣身
為細質易短壽為長年然後方能廣脩勝行
趣無上覺是故得有變易生死也然此身亦
名不思議身謂由無漏定願之力感得其體
微細難測非是凡夫二乘下位菩薩所知境

洞三

七

界故論云無漏定願正所資感妙用難測名
不思議身亦名意成身舊云意生身論云隨
願成故亦名變化身麤淺分段被無漏定願
資成改轉異本故論云無漏定力轉令異本
如變化故○鈔入楞伽王城者楞伽如此云難

往此山居海之中四面無門非得通者莫往
故言望其當分者彼經第二卷云而作是言
我生分已盡梵行已立所作已辦不受後有
如是等得入人無我乃至生心已為得涅槃
故言但是深入三昧者前引偈云味着三昧

樂等云云○鈔七譬喻者即勒那摩提譯本也
論標云次為七種具足煩惱性衆生說七譬
喻對治七種增上慢應知七種增上慢應知
七種衆生者一求勢力人二求聲聞解脫人
三大乘人四定人五不定人六集功德人七

不集功德人七種喻者一火宅喻二窮子喻
 三藥草喻四化城喻五繫珠喻六頂珠喻七
 醫師喻七種增上慢者一顛倒求功德增上
 慢二聲聞一向增上慢三大乘一向四實無
 而有五散亂六有功德七無功德彼王皆布
 增上慢言

今當第四喻為定性人對治實無而有增上
 慢也若菩提留支譯本乃云實無謂增上慢
 心以彼七種皆云慢心故知今云增上慢人
 者非四種聲聞中增上慢聲聞也乃為定性
 人爾肇公云二乘雖無結慢然畢生死尊涅

槃猶有相似慢也言有世間有漏三昧者二
 本論皆無有漏之言今以實奪權故義加耳
 亦由雖復名覺即是不覺在小乘故雖曰涅
 槃大乘望之故云世間彌勒所問經論云彼
 不能究竟斷諸煩惱既未斷煩惱故是世間

迴

大

所以云無實涅槃也三昧亦云三摩地此云
 等持平等持心趣一境故言三摩跋提者亦
 云三摩鉢底此云等至瑜伽釋論最勝子
 善造云
 三摩地目心數中等持一法通攝一切有心
 位中心一境性通定散位三摩跋提此云等

至通目一切有心無心諸定位中所有定體
今取一分三摩呬多此云等引通目一切有
無心定故心無心定位功德三名寬狹耳○鈔無上依
 經第一說云等者先科分次隨難釋分爲三

初標列者
 一障淨德無由

初障淨德無由

初障淨德無由

二釋成者何

二障我德無由

二障我德無由

二障我德無由

三釋成者何

三障我德無由

三障我德無由

三障我德無由

四無障常德未若

四無障常德未若

○鈔一生緣惑者生字體目變易受生之緣
 即所知障望果疎故爲緣生緣是體上有一

分障涅槃淨德之用名惑所生之緣緣生即
 惑二釋如次二生因惑者生體亦即變易其
 受生之因即無漏有分別業以緣事智取相
 分別菩提可求有情可度揀異根本無分別
 故故云有分別業體即是定願同時慧也望
 果親故爲因生因是體上有一分障涅槃我
 德之用名惑或可惑字目體因緣目用問既
 是無漏云何名惑答起信云雖復名覺即是
 不覺故二釋例前上二是變易生死之因緣
 未是生死之果三有有者上有字即上生死

因緣如十二因緣中有支下有字正是三種
意生身此是有果故佛性論云由前因緣惑
得變易異熟有果或可上言有者謂三種有
復言有者五蘊不無名所有即有名爲有有
有體上有一分障大涅槃樂德之用名之爲
惑二釋如次今畧惑字四無有者於變易生
死中即生即滅故云無有如十二因緣中生
緣老死亦約念念遷變故名號品鈔云即改
變易脫或此後更無有有故名無有此生之
後便成佛故無與有異相違釋也無有體上

有一分障涅槃常德之用名之爲惑無有即
惑持業可知○鈔如何下釋成也然以三界
分段因果爲例釋成變易因果也言無明住
地生一切諸行者但取能生不取所生舉例
中亦爾唯取無明不取業也生因惑中唯取
所生諸行不取能生無明住地舉例亦然有
有中亦但取所生不取能生舉例亦爾言三
種意生身者下疏云然此身類有其三種一
三昧意樂二覺法自性樂三種類俱生無作
行初云楞伽第四云謂入於三昧離種種心

寂然不動心海不起轉識波浪了境心現皆無所有云何覺法自性謂了法如幻皆無有相心轉所依依如幻定及餘三昧能現無量自在神通如花開敷疾速如意如幻如夢如影如像非造與造相似一切色具足莊嚴等

四三

干

入佛刹了諸法相故云何種類俱生無作行謂諸法相釋曰初從所依定為名次從所依智立名三自證法相義兼定慧及法性爾故名種類由此故能隨眾生種類種種一時現生任運而成云無作行若依地位初則五地前

次則八地前後則八地後等即其義也上皆疏文言四取為緣者舉分段也唯識云緣愛復生欲等四取彼疏云欲取見取戒禁取我語取言欲取者謂取五妙欲境故瑜伽第十云欲取謂於諸欲所生貪欲見取謂餘薩迦耶見於所見有所貪欲戒禁取謂於邪願所有貪欲我語取謂於薩迦耶見所有貪欲又云欲取唯生欲界苦果餘三通生三界苦果言三有漏業者即善惡不動三業也起三種有者即三界果也言三種意生身不可覺知等者

不取所依身唯取能依細生滅也下舉分段
 易知○鈔由無明任地一切煩惱是所依處
 等者正釋能所障義四德所障四惑能障然
 以惑障德曲有四義一者通障隨舉一惑障
 四德故二者別障即以一惑障一德故三相

潤

主

順障如以細惑障細德緣惑障鹿德四相違
 障如以麤惑障細德細惑障鹿德等故此文
 所說即別障及相順障非餘二障也今初者
 無明是根本煩惱是枝末舉末顯本故云依
 處言煩惱垢濁等者即所滅盡染無此染故

名淨今染本末未盡故障大淨也○鈔輕相
 惑者即是不覺名輕相惑言虛妄行者有分
 別故未真實故搜玄記云由無漏行與虛妄
 雜故呼無漏業為虛妄行如雜鑛金等以為
 能招作行故障無作行真自在我也○鈔緣

無明下以由前緣因二惑有意生身五蘊苦
 果故障樂德也○鈔若未能得下此一斷障
 與德相間雜說例前應云變易生死體上斷
 續流滅無量未能除盡故不得至見是諸如
 來為甘露界極無變易大常波羅密湛然不

易名為大常今所說此先總收於前惑業苦
 三皆永盡處兼玄云此鈔中具四煩惱即緣
 體上細為甘露界即真常處以惑業苦皆是
 無常之法故即通相之義顯於常義故云爾
 也○鈔阿難下標分段四難以為能例例此

四種生死也問此中所例四種生死與前何
 別答前名惑此名生死但名異故其體無殊
 又無明住地是總所依此四皆是所起故○
 鈔無明住地所起方便空死者依體起用也
 集玄云是變易生死之方便故依主釋也名

號品疏鈔下鈔云下疏明四種生死可引佛
 檢於此故今引之說明此也
 地論第二云一者方便生死謂生死緣即無
 明住地惑能生新無漏業揀異法相實
 有漏故業也以惑
 生智同類故故名方便雖有所生惑
 取能生感譬如界內
 無明生行亦煩惱障
 即取能生言因緣生死者是生死

潤

主

之因緣故亦依主釋名號疏云謂生死因即
 上無明所生無漏有分別業但感同類故名
 因緣唯取
 所生譬如無明所生行業亦取
 所生言有有
 生死者有有如前釋有有體即生死持業釋
 也名號疏云由前因緣感得變易生死異熟

果如三界內有漏業感六趣身言有有者未
 來生有更有一生故言無有生死者無有如
 前釋無有即生死持業釋也名號疏云無有
 生死即改變易脫譬如生為緣有老死等過
 患其報謝更無有有故名無有今言過失難
 者即生老死也○鈔如何斷言永滅無餘者
 責法相宗也問上來所說寧知非是不定性
 人受變易耶答十卷楞伽第二云一聲聞性
 二辟支佛性三如來性四不定性五無性聲
 聞性者乃至墮不思議變易生死故明知是

釋定性聲聞七卷四卷大同此說問既受變
 易何名定性答且就長時故名定性義如下
 說

迴

三

華嚴懸談會玄記卷第二十二

華嚴懸談會玄記卷第二十三

洞三

蒼山再光寺比丘 普瑞 集

○疏彼經第五性云等者即十卷楞伽中文
當第一卷其四卷七卷之經文勢大同也文云大慧何者無
性謂一闡提無涅槃性何以故於解脫中不

洞三

生信心不入涅槃大慧一闡提者有二種一
者焚燒一切善根二者憐憫一切眾生作盡
一切眾生界願大慧云何焚燒一切善根謂
謗菩薩歲作如是言彼非隨順備多羅毘尼
解脫捨諸善根是故不得涅槃大慧憐憫眾

生作盡眾生界願者是為菩薩大慧菩薩方
便作願若諸眾生不入涅槃者我亦不入涅
槃是故菩薩摩訶薩不入涅槃大慧是名二
種一闡提無涅槃性以是義故決即一闡提
行大慧菩薩白佛言世尊此二種闡提何者

一闡提常不入涅槃佛告大慧菩薩摩訶薩
一闡提常不入涅槃何以故以能了知一切
諸法本來涅槃是故不入非捨一切善根闡
提何以故大慧彼捨一切善根闡提若值諸
佛善知識等發菩提心生諸善根便證涅槃

從若位諸佛下四卷七卷同云校以佛神力
故或時尋根生今疏中唯此二句用餘二經
之文餘皆言此意則明下疏主釋也意云大
十卷文也

悲菩薩知自本來涅槃故云不入不捨衆生
界化無盡故云不入况經自云者四卷七
卷文也言莊嚴論第五無性者彼論第一云

無涅槃法者是無性位此畧有二種一者時
邊般涅槃法二者畢竟無涅槃法時邊般涅
槃法者有四類人一者一向行惡行二者普
斷諸善法三者無解脫分善根四者善根不
具足畢竟無涅槃法者無因故彼無般涅槃

性此謂但求生死不樂涅槃人○鈔大涅槃
日下經如日故開發善心如花開故光即教
先彼疏云衆生善根狹小受法之器猶如毛
孔如蠶處蠶者蠶吟罪始蠶喻佛性即勝鬘
說在纏如來藏也○鈔即涅槃三十六南經

潤三

二


三十二者然經有南北者初曇無讖晉末於
姑臧爲北涼沮渠氏蒙遜譯本有四十卷語
少朴質不甚流靡宋文帝世元嘉年初達于
建康藏元譯般涅槃三分之一前後首尾亦
往述再涉歷八年經三度譯乃周四十
卷尚多所闕正當宋武帝永初時有豫州沙
二年至元嘉初方至建康故也

門范慧嚴清河沙門崔慧觀共陳郡處士謝靈運等捧翫探賸乃謂文繁語魯有繁處欲畧之夜夢神執鐵鉗曰此經三世諸佛所證圓宗十方大雄常樂解脫金剛寶藏汝是何人輟欲剛畧今擬拔舌可速展之靈運驚惶


則共虔誠悔前專輒慙懇請曰此經文質品踈今欲加潤渴仰靈祇未知許否又夢神曰加品瑩文或可耳削減經文事必不然然有說治已早有數本流行方夢神責欲集僧收之又夢神曰汝私經之力必當見佛然不如此說即加品瑩文如改啼泣面目腫為戀慕增

悲慟等北本十三品外依六卷泥洹經本加一十二品為三十六卷道俗皆不信受對帝焚經取驗而啟告曰上契佛心類無所損義有乖謬請從火化遂軸放光姿分數道乃至火滅經色宛然眾謂奇絕流布海內南北二

名因斯而立○鈔經云善男子下料分為二



○鈔薦福者心鏡鈔云薦福寺法寶大師覽



唐三藏所譯婆沙論徵難數節三藏乃改治
論文○鈔今准經明佛性畧有五種等者即
此卷經云善男子夫佛性者不名一法乃至
不名萬法未得無上菩提時一切善不善無
記盡名佛性師子吼品等云第一義空名爲

佛性即理也此卷經初又云如來佛性所謂
力無畏三念處大慈大悲首楞嚴三昧五智
印即五非常觀謂無常
苦空無我及寂靜也三十二相八萬億諸
三昧如是等法皆是佛性如是佛性則有七
事一常二我三樂四淨五真六實七善等即
果也然佛性約體是一約相分五佛性在善
中名善佛性在不善中名不善佛性等問不
善無記何名佛性答皆有真實識知之性故
與佛菩提不定異故○鈔一是離欲之人等
者一云伏欲界惑得初禪等一云離三界欲

之阿羅漢等豈有不善性也即是二乘離欲善根人故二釋隨取言二是五住等者准涅槃疏云五住之名經文不列准義論之則有三說一者一種性住信十二解行住信三三淨心住地初四二地已上行跡住五八地已上決定

住謂發心住已去不造新不善業故無不善性也故十住跡云初發心住者纓珞云是上進分善根人也第二義者地前為一名為信地淨心為二行跡為三八地九地決定為四十地畢竟以為第五第三義者依彼五忍分

別地前伏忍合以為一初二三地信忍為二四五六地順忍為三七八九地無生忍為四十地寂滅忍以為第五三釋皆得然助正記云即十住位中五住已上大乘菩薩無不善性也者非也總有二失一經說五住不通諸

位失二十住前五猶有非善失則違前瓔珞經也○鈔然有人下明異解應法相宗中解也順闡提無性義故意云善根人有二類云今一類有佛性一類無佛性闡提人亦有二類一類有佛性一類無佛性故分四類鈔文

從畧但顯無一邊故言以經下用經不同意
顯經初句舉闡提初類善根後類相對次句
舉善根初類闡提後類相對言俱有者前二
人有故俱無者俱後二人無故對詳可了○
鈔是則等者以經中上從佛下至闡提皆有

潤

五

有無二性既有有無二性豈有全無性之者
○鈔由善根人下躡前段經起後段經也由
前段上從佛下至闡提皆有有無二性故今
約善根人及闡提之有無相望論四句也○
鈔此中明下鈔主依薦福解經出正意也此

以法望於人說故經家佛性在上人在於下
明多種佛性故不明下顯非前分四類衆生
故若依法相所解經中應人在上法在下以
明也然此段雖正明經意亦兼顯其違也○
鈔故談文尚不識顛倒者結彈也或有之
言連佛性二字即明佛性有多種闡提及善
根人有無不同則佛性在上人在於下而不
以或有之言連闡提及善根人故今汝以人
在上佛性在下文尚不識顛倒於義何能正
耶○鈔始末以明下但言一切衆生影取一

切諸佛總論方具一切也○鈔佛與闡提下
上皆聖教量此鈔主約理量爲四句以前經
佛至闡提皆有有無二性次經以善根人望
闡提論有無四句理實亦應佛望闡提善根
人望佛各論四句故鈔約理說也言善因性

者佛唯果善闡提斷善故俱無也若約善根
人與佛論四句者一佛有善根人無謂果性
二善根人有佛無謂善因性三二人俱有謂
理性四二人俱無者謂不善性○鈔故闡提
決有佛性者問經云不應難一闡提人定有

佛性定無佛性何言決有即蒼經遮總有五
種佛性總無五種佛性不遮有理及不善無
記佛性故云決有若爾豈非一向作解耶答
既不定執總有五種佛性何名一向作解耶
○鈔今釋所引還成有性者以彼但依經總

洞三

六

標中一闡提者無涅槃性一句以立今以經
後文太慧徵釋中義還成有性問若爾此經
標釋何以相違答標中抑故言不入涅槃使
欲作闡提者不作釋中復許當成今已作闡
提者而不自欺可還生善故○疏故云定無

者定性無性也故實性佛性者各四卷皆世親菩薩造也實性中間云向說一闡提常不入涅槃無涅槃性此義云何答欲示謗大乘因故此明何義為欲回轉誹謗大乘心故依無量時故如是說以彼實有清淨性故佛性論中間云佛說眾生不住於性永無般涅槃耶合曰若憎背大乘者此法是一闡提因為令眾生捨此法故若隨一闡提因於長時中輪轉不滅以是義故經作是說若依道理一切眾生皆悉本有清淨佛性此上皆是論文

理極分明○鈔故世親造於小乘論等者即造俱舍等所明法義不關涉大乘說般若宗即金剛般若論明性空寂滅建立唯識即三十頌唯識決擇性相歷然有歸及其解釋法華造法華論一乘玄旨昭然顯著解十地品

同三

七

經之論即十地論明六相圓融此一菩薩隨經弘闡既爾餘諸菩薩例然蓋以佛隨眾生根性之緣不同立教有異菩薩隨佛亦顯淺深之理如是了知復何乖競○鈔彼不立為第二教者玄贊疏第四云一乘是密意說故

○鈔彼引攝論者亦玄贊疏第四中引也言
 任持所餘者任持猶如攝持言所餘者不定
 性菩薩是定性菩薩之所餘故言彼有十意
 者上云等字等取下偈云法無我解脫等故
 性不同得二意樂化究竟歸一乘初偈二意
 後偈八意一二如鈔文三法等故謂真如諸
 聲聞等雖同趣真如無有差別故說一乘四
 無我等故謂補特伽羅無我同故說一乘五
 解脫等故謂三乘於煩惱障解脫無異故說
 一乘六性不同故謂諸聲聞不定種性有差

別故謂回菩提聲聞身中具有聲聞種性及
 佛種性由此道理故說一乘七謂諸佛於一
 切有情得同體意樂彼我無殊故說一乘八
 世尊法華會上諸聲聞等授佛記得如意樂
 與佛無二故說一乘世觀云得法身若得此法
如平等意彼作是思惟如來法如上二即偈
即是我法如由此意故說一乘也
 得二意樂九謂佛菩薩化作舍利弗等聲聞
 為其授記欲令已定根性聲聞更練根為菩
 薩未定根性聲聞令直脩佛道由佛涅槃由
 如此意故說一乘十依究竟故說一乘非無

歸別由過此外無別勝乘唯此一乘最爲殊勝故佛說一乘由上十義法相宗中說一乘是密意也○鈔據上二文者即上所引二處文皆玄贊疏第一卷文也言義語相違者依一乘義屬第二時依彼疏語却判爲第三時

潤三

八

故成違也或云一乘經義及經之語成相違者義雖可通然不如前解○鈔但由不信下復逆遮之恐云判爲不了何名謗經今以跋陀婆羅菩薩等在昔但由不信皆當作佛一乘之言豈要不信經文非是佛說等方爲謗

耶故智論云謗有二種一言此非佛說等即爲深重墮大地獄二說不契理並爲謗法今以深爲淺即當第二也○疏言解節經者即解深密之別名義如前會言無量義云四十年後說法華者若無量義但云四十餘年未顯真實今此三昧起即說法華與無量義連接故今云四十年後說法華爾○鈔釋論釋曰下釋有二義可見言一立小乘下探玄記云二立大乘有本云二立三乘皆通也○鈔即宗輪論之異名者以真諦譯名異執論而

玄奘譯名宗輪論故當名別然今所引即部
異執記即真諦記釋部異執論於記中作此
說也○鈔臨終之言寬等者玄贊疏云今法
華會去涅槃時纔有五年名將臨終清涼見
此恐彼非是救也言此後畢定不說別經者

迦三

九

問阿闍世王受決經說因王請佛勅諸園監
送花有一園監半路遇佛以花施佛佛授記
當來作佛號覺花王知其事以寶作花欲施
於佛有臣白王佛已滅度耆婆曰志心可見
王詣佛所見佛施花佛授王記已王始還宮

尋迴視佛不見佛會祇覩靈山等即滅後說
此經也云何會釋答前鈔但說一相興化如
云佛八十歲入滅等彼王見佛聞法復是隨
根隱顯如常在靈山等也而涅槃下明同法
華故得引之○鈔法華顯中道者縱其第三
時顯亦空亦有中道故約多分許之若約破
三還同第二故也既進退有妨故知法華在
深密後也○鈔故能決了有餘義者一代時
教有餘之義也○鈔如前叙西域等者即前
疏云深密經意爲於一類食般若者聞平等

空撥無因果不了空有無二故第三時為其
分析於一法上空有之義故但顯斯一類之
義何能總判一切聖教問此中總科皆叙西
域何故別指前段為叙西域耶答今總判雖
屬西域廼別會此方現傳二宗耳義如前示

○鈔勝鬘所說如來藏者勝鬘云空如來藏
若離若脫若異一切煩惱藏故不空如來藏
不離不脫不異不思議過恒沙佛法故此二
藏即性故許皆有玄贊疏云一煩惱有漏虛
妄不實能覆真如名空如來藏二涅槃無漏

體是無為非虛妄法煩惱覆位名不空如來
藏○鈔楞伽所說如來藏者彼經云大慧七
識不流轉不受苦樂非涅槃因大慧如來藏
受苦樂與因俱若生若滅等故釋摩訶衍論
云三者與行如來藏與流轉法身如來藏

今覆藏故楞伽契經中說如來藏為善不善
固受苦樂與因俱若生若滅猶如伎兒故此
經明何義所謂顯示生滅一心於惑與力於
覺與力出現生死涅槃之法釋曰此正同法
相無始時來界一切法等依由此有諸趣及

涅槃證得之偈也故當行性若玄贊云藏識
虛妄不實故名爲空能含一切無漏故名如
來藏四智種子體是無漏非虛妄法名不空
如來藏意云前勝鬘二藏皆理楞伽二藏皆
行理者皆有行者或無三分半衆生無行性
故○鈔故涅槃云下疏引或有佛性善根人
有闍提人無即是行性也問豈善根人皆有
四智種耶答前已引涅槃五住各善根人即
是有四智種者若爾其離欲善根人但伏欲
界不善得初禪等豈是定有四智種耶且舉

有者爲言問前鈔云善根人有闍提人無者
此是善佛性也彼意即說現緣所起善法名
善法性何關四智種耶答彼宗雖說爲本有
於義實是新熏義如下說○疏凡是有心等
者教義云如有難云若謂有心悉當作佛佛
亦有心亦應當得若言佛雖有心更非當得
是則無性衆生雖是有心亦非當得答經自
以爲揀濫故但云衆生亦爾悉皆有心不云
佛也○鈔既皆作佛下躡上闍提有理性必
定當作佛因便顯起寂聲聞若有理性何以

洞三

土

不成佛耶若云有理性不成佛者豈得成就
經中有心定當作佛之言耶○鈔謂闡提實
不作佛等者若祇作闡提實不作佛今言闡
提作佛者以發心之後實非闡提故仍從舊
名云闡提作佛故涅槃云一闡提輩亦得阿
耨多羅三藐三菩提所以者若能發菩提
之心則不名一闡提也○鈔亦如女身不得
成佛者即女人五障之一也超日月三昧經
說淨修四禪爲梵王淫恣無度受女身故不
得作梵王勇猛少欲作帝釋雜惡多態受女

身具十善敬三寶事父母謙年長得作魔王
輕慢不順毀失正教故受女身行菩薩道慈
憫羣生供三寶師長乃作輪王無淨行爲女
身具菩薩行方得作佛女無此行故不作佛
審前經文宜可省躬男女無他皆二行致問
菩薩處胎經云界名火燄佛名無欲一切人
民悉受女身了苦空無常無我七十萬二千
億女行三解脫同時成佛名不捨女身受身
成佛復明餘皆不捨女身受身成佛偈云法
性如大海不說有是非凡夫賢聖人平等無

高下唯在心垢滅取證如反掌如何會釋答
前說爲障令厭女身知昔行非嫉妬姿態多
慾等業使永斷故修丈夫行決定真實無退
轉故言不轉女身者至理無定故由心垢淨
身何能拘是知無見一文便生局執今言龍

聖

主

女下即法華經說文句云龍女獻珠表得圓
解圓珠表修得因圓奉佛是將因克果佛疾
受之一念獲果也故云龍女作佛女身實不
作佛以變成男子方能作佛從其未變身前
名龍女作佛例上可知言此約成佛下揀妄

解也妄解云正作闡提時定無佛性若發心
後改了闡提纔有佛性方能成佛故今揀之
意云此約成佛故說闡提不能作佛若約佛
性理本有之正作闡提時亦具理性也○鈔
未作闡提令其莫作等者下云故應問言頗

有新作一闡提否復闡提後生信否若有新
作未作之時有佛性否若未作時有作時無
者佛性可斷若先無者則不由於闡提無也
本自無故後生信心亦復如是若有佛性是
可生之法前則本有今無此則本無今有若

發信心亦無性者此亦不干闡提故無故知
 但是約於長時未成果善抑言無耳謂抑令
 恐怖發大心未作闡提令其莫作故皆誘物
 何定言無○鈔生公等者傳云宋龍光寺竺
 道生本性魏鉅鹿人寓居彭城幼而穎悟父

潤三

十三

知非凡器愛而異之後值沙門竺法遂出家
 後與慧嚴慧嚴同遊長安從什公受業關中
 僧眾咸謂神悟後止青園寺即晉恭思皇后
褚氏所立本種
青據因以
為名也因立善不受報頓悟成法身無色
 佛淨土等義守文之徒多生憎嫉次因說闡

提成佛義舊學以為邪說譏憤滋甚遂大眾
 擯而遣之心鏡鈔云生公與智法師論說智
雖有文而屢屈生雖無證而得勝
智既被屈諸德咸共嗔生表奏秦主詔居虎
丘山寺時有五十碩德名僧從生入山資受
深要生於四眾中正容誓曰我若所說反於
 經義者請於現身即表癘疾若與實相不相
 違背者願捨壽之時踞師子座言竟拂衣而
 去初投吳之丘山旬日之中學徒數百其年
 雷震青園佛殿龍昇于天光影四壁因改寺
 為龍光時人歎曰龍既已去生必行矣俄而
 投跡廬山銷影巖岫後涅槃大本至于京南

與前說合尋即請生講說以元嘉十一年冬十一月庚子於廬山精舍昇于法座論議數番窮理盡妙觀聽歡悅法席將畢忽見塵尾紛墜端坐正容隱几而卒顏色不異似入于定京邑諸僧內慙而疾追而伏信今經輕舟迎還傳中

不說所以也心鏡鈔云眾乃表請生公返錫
講涅槃講畢高座上解曰良以此經大本未
至由斯道生忍元來久今事得符契言無謬
誤不惑僧眾即此奉辭願善流布言訖奄從
物化咸號為
固死菩薩
言扼腕者握腕而悔也何以至今下意云昔之生公徵證顯然何故至今猶存無性之義又慈恩傳第三說西域有山精

舍彫檀觀自在菩薩像威神持尊所奉香花遥擲住手臂為吉祥法師求願買種種花貫為花鬘至誠禮讚跪發三願一於此學已得歸平安花住尊手二所修福慧願生知足花住兩臂三教言一分眾生無佛性者玄奘自

問

由

疑不知有不若有佛性修行可成佛者願掛尊頸語訖以花遥散咸得如言同見者喜而言曰未曾有也若成道者願憶今日因緣先相度耳准此宗主既其親驗後學宜應改轍○鈔是應化聲聞等者彼疏云即為調伏所

化聲聞佛菩薩等自化其身為彼同類於無
餘依現般涅槃經百千劫耽寂滅酒醉逸而
卧後必得起現受佛記令諸不定種性二乘
作如是心往昔耆尊入涅槃者今皆復起現
授佛記况我今日不希作佛而入涅槃評曰

彼以變化權聲聞得起者為引不定性令不
入涅槃非定性入滅復起也○鈔如有定性
聲聞者有本云不定性不字刺也若言不定
與彼義同何成所難若定性迴心化為有益
其不定性不化亦定當迴心以有大乘性故

不必化也今汝宗定性雖化不迴故化成無
用耳○鈔縱其有化下前奪其能化無用不
能化定性故今縱其能化有用化不定性故
然能化本欲益彼今能化翻成損他汝宗入
滅縱不定不許更起其怯弱者永沉寂滅不

四三

五

得更起者豈非能化之所悞耶○鈔大患莫
若下即涅槃無名論文也光瑤注云形為罪
藪故欲滅身心為惡源故欲滅智淪者沒也
沒同虛空故此上別明智以下身智互因為
患心為諸惡以為其身身之苦惱皆由心造

善通非想惡極無間昇而復沉無始無際故云輪轉修途既知疲苦餘不能止但忻入滅故云不如寂滅諸患永止佛隨根欲言有永寂○鈔不在此會亦為宣陳者經云迦葉汝當知五百自在者餘諸聲聞眾亦當復如是

其不在此會汝當為宣說清凉釋云據此五千佛席增上慢者應是聲聞不廁靈山法華勝會者今此聲聞菩薩轉為授記言第一周下猶云難得顯未受其化及至第三周受化者以有宿世因緣故也○疏又勝鬘下彼經

次前云何以故說一乘道如來四無畏成就師子吼說若如來隨彼所欲而方便說云此經初句徵說一乘道次二句順釋由如來成四無畏能師子吼說此師子吼說即一乘道故此經題具曰勝鬘師子吼一乘經故知師

子吼說是一乘也次二句及釋若如來隨彼二乘所願而方便說者意謂不名師子吼說故名而方便說也只由此義故次云即是一乘無有二乘等也○鈔意云若隨欲說等者問此鈔釋詞有似繚繞其故何耶答此勝鬘

經是大寶積經別行當大部中勝鬘夫人會
 第一百十九卷云若諸如來隨彼所欲而方
 便說於二乘即是一乘以第一義無有二乘
 二乘者同入一乘一乘者即勝義乘既云而
 方便說於二乘故知應爾○鈔若以名中下

過

大

恐有難云既一乘是真實何以經題云勝鬘
 師子吼一乘大方便廣經之法華正說一
 乘之處名方便品其故何耶此是下釋也下
 疏云方便之言畧有三種一無實權施曲巧
 方便也下鈔云如無三乘說有三乘二理本
虛指三車出門不獲是也

無言假言而言大方便法華云諸法寂滅相不可言宣以方便
力故為五比三權實無滯亦大方便即涉有止說等是也
空觀空不違於有即如來方今是第三及第
便知見波羅密皆已具足等二也可知○鈔以四十餘年等者約漸悟根
 先說三乘唯至法華獨顯了說但有一乘無

彼三乘熏習既久忽然更改故難信解○鈔
 而此經者由前深密等立有三乘為極而今
 被法華破其三乘之人習已性成故被破而
 生怨嫉佛現在時根俱勝由頓革舊習尚生
 嫉妬之心况佛滅後時根並劣封執已聞故

撥深宗也言涅槃之中下釋疑也疑云涅槃亦明一乘以為真極何易信耶故此釋也獲胡邪切故涅槃三十六下引證檢經即第九卷然亦義引○鈔若依難信下此不分頓漸但總論之故該華嚴此約能信解人有難信

洞三

七

解易信解別非約法對明但華嚴純為上根上根無疑故易信解法華對昔權小鈍根滯迹多時疑心難決故云難信難解爾○鈔誠哉斯言即結定前經者佛昔懸記今果驗矣問今聞法華經名尚皆信敬何云難信耶答

以宗五性三乘之人不信一切衆生皆同一味如來知見記斯一類為難信解○鈔昔有一聚落下多人所居之處謂之聚落以喻三界美水喻涅槃佛性王喻佛村人喻一切衆生使送美水以喻修行五由旬是喻所依法

五數是喻體合於五道又實五由旬實義是喻體喻實義是一乘疲苦欲避喻倦修行故退村主喻菩薩五改之作三由旬是喻所依法依實方便假說之義即是喻體喻於一乘方便假說三乘後聞實五由旬無改作三由

旬但信改作三由旬不信實五由旬信王方便語故終不肯捨喻後聞實是一乘無方便三乘但言三乘不信實是一乘信佛方便語故○鈔然此會者下先總出意於中有二下別科釋也言恐於後學者以此土承習西域

二宗各黨具宗然晉魏已來猶崇理觀譯經貴意傳教宗心是以大德架肩高僧繼踵爰及貞觀名相繁興展轉教訛以權為實重論輕經法藥流布惑病唯增既性教蔑然亦道流聞爾自相教大興僧中修證轉少反求名

利都無理觀研窮教理本希智眼開通因習一宗遂生偏局執見自是非他強此弱彼過患尤增猶無善巧欲渡反溺耳故天台云執已為實餘是妄語此有彼無是非互起故復會通令息過患言雖復下釋疑疑云若為會

望

六

通莫不權實相濫不故此答也○鈔然准法相新熏者亦有五等者下鈔云依唯識論本有新熏三師異說第一淨月等即唯立本有故論云有義一切種子皆悉性有不從熏生由熏習力但可增長第二難陀唯立所熏教

論云有義種子皆熏敬生所熏能熏俱無如
有諸種子無如成就第三護法正義論云有
義種子各有二類一者本有二者始起乃至
云由此應言有諸有情無始時來有無漏種
不由熏習習爾成就又云其聞熏習非唯有

漏聞正法時亦熏本有無漏種子令漸增盛
展轉乃至生出世心今依第三師正義故新
熏本有各有五也言不依其義者本有唯一
故又新熏約習說故與彼異也○鈔故法華
安樂行下謂若是定性菩薩縱近聲聞不能

成聲聞性若是緣覺性親近聲聞復有何過
若聲聞性正應親近若不定性親近亦應若
無種性親近何違今所以不許者由本等有
佛性皆當作佛親近染習恐難迴心於菩薩
道深為障故明知五性皆是新熏故圓覺經

潤三

九

云一切衆生由本貪欲發揮無明顯出五性
明是新熏也言故說定當作佛者問何不直
言理性而言有心耶答揀非瓦礫但是有心
定當作佛以在有情為佛性故不直云理○
鈔淺智著諸法者以一為是本欲作深解之

今佛言呵爲淺智何得計一耶或云我但說爲一實何名計耶今既取之不捨非計如何○鈔亦如脇尊者下西域記云尊者年至八十方始出家少年者誚曰出家者一習定二誦經汝濫處清流但圖飽食耳因而誓曰若不通達三藏得證聖果脇不至席未久得遂其志時美其德謂之脇尊者准俱舍疏第一云毘陀羅國王名迦賦色迦敬信佛經味道亡疲傳燈是務有日請僧入宮供養王因問道僧說莫同王甚恠焉問脇尊者曰佛教是

同理無異趣諸德宣說奚有異乎尊者答曰諸部聿興雖復萬途津梁一揆是故大聖喻析金杖云云同鈔言析金杖者彼鈔第一卷引經云夢見金杖分爲五段表佛正法分爲五部大集經云譬如有人分析金杖以爲多段雖失杖相然段段皆是真金又寄歸傳序注云頻毘婆羅王夢見一旒裂爲十八片金杖析爲十八段怖而問佛佛言我滅度後一百餘年阿輸迦王威加瞻部時諸比丘教分十八趣解脫門其至一也此即先兆王勿見憂耳

又俱舍論云過去迦葉佛時佛父訖栗枳王
作十種夢白彼佛佛言此表當來釋迦如來
遺法弟子之兆也其第九夢云見一衣堅而
且廣有十八人各執少分四向爭挽衣猶不
破此表釋迦弟子分佛正法成十八部雖有

洞三

干

異執而真法尚在依之脩行皆得解脫餘九
文繁不錄○鈔大集五部者彼經二十四說
一曇摩耄多二薩婆多三迦葉毘四彌沙塞
五婆蹉富羅若舍利弗問經云摩訶僧祇部
勤學衆經宣說其義以處本居中應著黃色

衣曇無德部通達理味開道利益表法殊勝
應著赤色衣薩婆多部博通敏達以導法化
應著皂色衣迦葉彌部精勤勇猛攝護衆生
應著木蘭色衣彌沙塞部禪思入微究暢幽
密應著青色衣○鈔如來所說十二部者由

經先因說云若言衆生定有佛性名爲執着
若言定無是則妄語義如前引接後便云善男子
如來所說等也言我爲欲界衆生等者問此
應是隨他意語何名隨自耶答亦佛自證知
如證而說云隨自意說爲門別故言云云者

經文云如我答把吒長者瞿曇知化應是幻
人佛反問言汝識王舍城王氣嚱旃施羅否
答言我知佛言汝知旃施羅而非旃陀羅我
知幻者豈是幻人是名隨他意語世智說有
我亦說有世智說無我亦說無是名隨自他
通三
意語疏中云餘義次下當會者前列十義上
字一
但會初二餘八至始終二教對明中會也

華嚴懸談會玄記卷第二十三

華嚴懸談會玄記卷第二十四

洞四

蒼山再光寺比丘 普瑞 集

○疏以義分教者教章云就法圭山云法對能詮之文總名爲義對後展轉解釋之義即名爲法也清涼云法約自體義約差別是也

今文正立教辨所詮當處即明故直云以義分教探玄亦然故云法云義不無所以然皆所詮之義但於所詮中約自體差別之異故有法義之名是則雖云法云義皆約所詮深淺以分能詮教殊也言教類有五者易曰各

從其類則於一代聖教以類相從唯有此五故無增減也言即賢首所立者然草創雲華周流賢首而但言賢首立以取文義大備故云爾也言賢首者傳云釋法藏字賢首姓康康居國人也風度奇正利智絕倫薄遊長安

彌露鋒穎屬法師譯經應名僧義學之選始預其間後因筆受證義潤文見識不同而出譯場此段與纂要記異至下當會釋至天后朝實義難陞賚華嚴梵夾至藏與義淨復禮再登其職尋於義淨譯場又與勝莊大義充證義昔者燉煌

杜順作華嚴法界觀傳弟子智儼講授此晉
 譯之本儼後付藏嘗與則天說帝網義帝於
 此茫然乃指鎮殿金師子為喻使徑挺易解
 帝聞開悟洎諸梵僧罷譯帝於聖曆二年已
 亥十月八日詔藏於佛授記寺講新經至華

嚴世界品講堂及寺中地皆震動都維那僧
 私景具表云云所以華嚴一宗推藏為第三祖
 也言廣有別章者即華嚴一乘教義分齊章
 也言大同天台但加頓教者以下云初即藏
 教二即通教三即別教第五名圓唯頓教新

加故云爾也雖大同不無小異若圭山云相
 及三四皆是別教自釋云始教中法相宗行
 布歷別而備故終教依一如來藏性顯戒定
 慧等歷別故頓教迥顯真性不融通性相故
 評曰此約少分義同故作此配今約大同故

酒四

二

遂一別配各一義耳言今先用之後總會通
 者今先用賢首五教後總會上來諸師違順
 中順義顯不違前師如雲華創立名義未周
 故賢首改之尚未全備至清涼別不立教但
 於賢首五教中其未至者改諸庶反扶古德

也此如始教中合深密二時始分皆通空相
後總會通易於探玄教章以中間三教為三
乘但判第三教為一乘爾又如下立宗中餘
易七八九門被機中以權為易於轉為如此
等義皆是為改易也易之令名義周備反成
賢首教也故下宗趣中亦云依後二師而頗
為改易亦改賢首義也二師一即○疏一小
乘教二大乘始教等者此約大小分二則大
乘字雖標始教之初義貫下之四教若圭山
列云四一乘頓教等此約前三為漸始終皆

是大乘第四為頓有異於漸故別標一乘也
○疏初即天台藏教者此約義同而名異故
云初即等至相立云愚法二乘教此約褒貶
揀顯立名既言愚法故即顯不愚人空此褒
也又既云愚法是未達法空此貶也所以貶
三四
者揀下始教中二乘分解法空故也賢首教
章中猶存此名至探玄中改為小乘今依探
玄也謂小大對立揀貶亦彰不必更加愚法
也但下釋所詮中此義自顯故○鈔初小乘
教易故不釋者如下四教皆有釋名一科此

小乘之名其名易見故疏不釋至如教章約所詮義尚云小乘異大乘理無疑故不待說也同今立名易故不釋言以見天台等者問彼立藏教之名爲有六度菩薩三十四心斷結成佛大乘之義不名小乘乃云藏教今却立爲小教小教其義云何答若望大乘皆屬小教問廣鈔第三云但不收六度菩薩故唯云小六度菩薩却入始教化相中收若許爾者何以此說所攝法門不異於彼答若據七十五法則同言總意別故又天台意云義似

大乘唯藏教中說故屬藏教大乘化相復深於此賢首意云是大乘化相欲引小乘復淺說之以二乘無分故屬始教此約奪之又探玄記云彼宗所斷所證所入涅槃亦與小乘無差別故此約與之不應一唯○疏深密二時合爲一教者然教章以深密第二時爲始教第三時說三性不空理立爲終教至探玄中方以第三時定有三乘與第二時合爲始教今依探玄故云爾也問深密三時中第二時說一乘何言同許定性二乘具不成佛

答以彼判般若為第二時教今詳般若之中亦有五性之義故合為一也故圭山云深密經中判三時教第二第三時教中皆說眾生有五種性故也若爾彼第二時如何說眾生有五種性耶答彼經第二云乃至更說法要

洞四

四

謂相無自性性生無自性性勝義無自性性乃至諸聲聞乘種性有情亦由此道此行迹故證得無上安隱涅槃一切聲聞獨覺菩薩皆共此一妙清淨道皆共此一究竟清淨更無第二我依此故密意說言唯有一乘非於

一切有情界中無種種有情種性或鈍根性或中根性或利根性有情差別解云此約三乘同一所觀無性道故密意說此名一乘理實三乘各證涅槃非是一也評曰此是深密第二時許二乘俱不成佛故與第三合為始


教也問深密第二時是破相前益物漸次中皆許成佛今何爾耶答人法不同今疏直依深密中自指二三兩時之教非是指兩宗之人為同許不成佛義也又空宗人自說屬第三故非以智光宗為深密第二也問智光宗

說皆成佛正憑般若般若既有五性豈不違
自一性宗耶答兼正有異成佛一性義正憑
妙智經空義正明般若經問既宗般若般若
五性之義終違自宗一性義故答權實不同
清涼會云般若若是權實雙行帶權說實之教
權說五性實唯洞四一性問般若既有五性同深
密第三時何却判為第二時耶答彼從多少
分故夫判教者就正不就兼就多不就少般
若空義多故在第二時五性義少不屬第三
時問准此則空相二宗皆是始教性宗在於

後三教攝何故前說此方性相二宗源出西
域二師之下應其空宗在於性宗何判為始
答總相出彼不言全同故無違也○鈔以趣
寂難成下闡提雖亦難成猶且有法體趣寂
二乘一向落空成義更難故偏舉耳其一分
不定亦不許成畧故不言○疏此既未盡下
起信鈔說破相云始法相云分即賢首意故
起信疏云但說諸法皆空未盡大乘法理故
名為始但說一切法相有不成佛故名為分
今此疏清涼意破相法相各得始分之名故

上云頗為改易也謂各約法有未盡理名始各約人有不成佛名分然探玄記第一云二始教者以深密第二第三時教同許定性二乘俱不成佛故合之總為一教未盡大乘法理故名始教准此亦非清涼新意清涼但加

分義耳○鈔謂何名初教等者科分為二



永樂北藏

華嚴懸談會玄記

第一八三册

○鈔以法鼓經中以空為始不空為終者問引彼經證但說空理名有餘說唯是此經是無上說者何不第二名有餘教第三名無上教而言始終耶答諸祖皆言始終之名依法鼓經立者正例同天台通別二教依智論共

洞四

六

不共立轉名通別二教今依有餘無上轉名始終以天台欲兼通餘義故今欲避妨難故何者若云有餘教應有難云三四二教豈非有餘以未顯圓故何得第二獨受此名又小乘亦是有餘故又若第三名無上教者應有

難言此後更有二教那云無上故轉名始終也今鈔皆云初者即轉釋始名初也○鈔持由此義者特由第三時未顯一極為初不及第二時以空為初為此義故加分教名意顯雖依第二時有不成佛立分教名不及第三時有不成佛立分教也此中意顯雖空相皆通始分約空始正分兼約相分正始兼也思之問何故約空法與未顯一極法上不立分名及約有不成上不立始名耶答人法異故人上有分成義故立分名法上有未盡理義故

立始名疏文明有所屬不可相濫指互以互通若非正也○疏定性二乘等者定性菩薩及不定性菩薩前教已許成佛故不言之定性二乘無性闡提前教不說成佛故偏舉之又一分不定性亦許成佛以通從別故畧不言又從顯說故○鈔亦對第二教二義下亦科分二

初標能所對二

初標所對三名

初標單對始

變釋能所對二

後釋能對名二

後釋變對二

○鈔故名為分亦名為始者鈔家行文影畧應言未盡法理故名為始以影在能對之中

故此畧也諸家外鈔不知此影畧故言有不
成佛之義義通始名致今釋義繁雜誤之甚
矣問上疏云二始教亦名分教今何反之耶
答今對疏中先言成佛後言盡理故作此舉
也○鈔今既盡理所以名終者終字唯對始
字立故然若別對前空相二始者說但空故
名始說妙有盡理故名終說三乘隱一極故
名始顯說一極方盡理故名終然有說此終
名亦對分得名者非也○鈔立實教名雙對
前二者若前終名亦對二者何故此中方標

雙對前二以揀異也故知終名單對於始實
名雙對始分以前始分雖別皆是權教故一
實名雙對前二也言非唯說空下對始名實
然唯約空始說影相始也若約對相始名實
應言非唯說於三乘復說一極故稱實理言
既非分下對分爲實通空相二義易故可知
問既始分二各皆對實名權何不前教亦名
權教答有深理故謂若三乘約爲權一乘爲
實前二教皆權非唯第二若約頓漸分權實
則前三皆權若約偏圓前四皆權所以第二

不偏受權稱也若爾其實教名亦通後二何獨第三受是稱耶答以此教初盡理故獨受此名後二教雖不立是名不妨是實也例如見道初照理故獨受見名非後地不見道也權教不爾故不獨稱○疏上二教下所以結

前者初小大為對次始終為對今以頓教雙對前二俱約地位為漸故第四無位名頓此之頓漸直約化法以判也○疏四頓教者但一念不生等者但者約截之詞也意云約截而言最初一念根本妄心不生即此便名為

佛故經云離妄即覺亦無漸次即是頓義也○鈔心有也等者妄心不有永不復生若得真實剎那正覺復何疑耶恐但尋言生解故經遮云不可得思量也○鈔文顯易了者言得諸法正性者證前一念不生義言不從下

證前不依地位可知○鈔於第一義等者謂第一義中無有次第相續之所說既無所說即是無所有妄相之寂滅法也或可說字屬下其義甚妙言同證如矣者以此二地是因位證如之始終故偏舉耳言初地不為煩惱

所動者初地分別煩惱不動八地俱生煩惱
不動同不動故言第九同第七無生忍者約
仁王五忍配也一伏忍當地前三賢二信忍
當初二三地三順忍當四五六地四無生忍
當七八九地上之四忍各各分上五寂滅忍

初四九

當十地佛地此合等覺在第十地唯上下二也今文所用對
此可知言七八二地同純無相觀者即唯識
意然有少異故分二地彼論云第七地中純
無相觀雖恒相續而有加行八地已上純無
相道任運起故又無加行等言頌上經文者

以頌對上長行也可知言一句之要者以初
句十地即為初深即為淺難見超間之相唯
第二句超間義顯故云要也然正意在無所
有何次謂本無所有何論次第耶即是無位
之義言等餘經文者謂上唯引四卷楞伽中

文等餘七卷十卷中文或等一代時教中似
此之文皆頌教中攝故○鈔若銓三乘下廣
鈔云先小後大先空後不空先相後性等即
是漸教若詮事事無碍何所不通故云即是
圓教今頌詮言絕之理立名頌教故皆從所

詮立名也言何得難言及迷之甚矣者二句
 鈔主責判定也中間更何是理一句牒其難
 詞有本云是教然理字為正又復難言下更
 叙彼二種難也亦是遮救可知言但用一句
 諸難皆破者但用疏中頌詮此理名為頌教

一句則諸難皆破何者以賢首不約即言亡
 言等立故或前難既破遮救自亡也○鈔形
 雖入室等者論語云回也昇堂入於室也由
 也昇堂矣未入於室也今反用此○鈔四教
 分之者非是以賢首頌教分為四分各配天

台四教天台四教雖各有絕言之理隨教淺
 深不同所以悟者得益勝劣亦異言並令亡
 詮會旨者即當教下得意忘言猶得魚忘筌
 爾○鈔今欲下明於前四絕言之外別有甚
 深絕言頌理於彼四教根外別為一類離念

潤四

十

頌根也不爾豈天台預分後人賢首義耶何
 言不有此門逗機不足耶○鈔即順禪宗者
 禪源詮云經是佛語禪是佛意諸祖相承觀
 風化物無定事儀未有講者毀禪禪者毀講
 達磨見此方學人多未得法唯以名數為解

事相爲行令知月不在指法在乎心故但以心傳心不立文字顯宗破執故有斯言今時學禪者以經論爲別宗講說以禪門爲別法聞談因果修證便推屬經論之家不知修證正是禪門之本事聞說即心即佛便推屬會

襟之禪不知心佛正是經論之本意等○鈔若不指一言等者謂標與其名曰心直示其體曰知如達磨令二祖絕諸緣諸緣絕已問斷滅否答雖絕諸緣亦不斷滅問以何證驗云不斷滅答了了自知言不可及師即印云

祇此是自性清淨心更勿疑也若所答不契即但遮諸非更令觀察終不先言知字直待自言方驗實是親證其體然後印之令絕餘疑故云默傳心印問今鈔有即心是佛四字應非一言答然一言有二義如子貢問一言

四

上

而可以終身行之者乎子曰其恕乎又五言四言詩等皆以一字爲一言也二如云詩三百一言以蔽之曰思無邪及如爲君難不幾乎一言而興邦乎皆以多字爲一言故知指四字一字皆有理若約今文四字爲正○鈔

南北宗禪下禪源諸詮聚玄記云慧能大師俗姓盧氏少失其父負薪供母因店闢客誦金剛經心有所悟感客奉銀供母令往黃梅叅五祖忍大師因呈心偈知有所悟密付衣法也神秀大師俗姓李氏五祖門下衆之上首秀弟子普寂僞稱師爲第六祖爲帝所重勅號大通禪師也此之二師雖俱受達磨之心而所稟開導之門頓漸不同謂能大師稟頓門而開示衆生自心本淨元無煩惱無漏智性本自具足此心即佛畢竟無異以此傳

心秀大師而稟漸門開示衆生雖本有佛性而無始無明覆之不見故輪迴生死依師言教息滅妄念念盡覺悟無所不知以此傳心故唐宣宗問弘辯禪師曰禪宗何有南北之名師曰禪門本無南北自來付法傳至五祖忍大師東山開法有二弟子一名慧能受祖衣法居嶺南傳法一名神秀北地揚化所得法雖是一開導發悟有頓漸之異故曰南頓北漸問南宗是頓可爾北宗既漸云何答北宗多漸少頓故又雖漸調伏然亦不住名

言地位故貞元疏云今諸禪宗多依此教被
離念之根理極顯故○疏圓教中立名約位
相即具足主伴而立者以立教必須類證階
位等殊故正約此亦由前漸教五位次第不
同頓教一向無位今此不爾故云一位即一

四

三

切位等也言十信滿心等者問既一位即一
切位等何不十信心皆攝五位須信滿耶答
教義云若自別教則不依位成今寄終教位
說以彼教中信滿不退方得入位今則寄彼
得位處一時得此前後諸位行相是故不於

信初心說以未得不退不成位相但是行相
故若爾應云住位成佛何名信滿答由信成
故是行佛非位佛也故就能成信說非初住
成佛也餘如前教起因緣中說○疏如此經
等者等字有二義一等華嚴支流等經二等

一代時教中但有圓融具德之經皆此圓教
中收○鈔大同諸師圓教故者諸師所立圓
教皆依晉經顯現自在力為說圓滿經今既
立圓亦取此耳然義理分齊迥異諸師故但
名同云大同也是知上之五教小則劣於大

大則深於小始則對於終終則終於始分則
 權於實實則會於權漸則顯於頓頓則融於
 漸偏則偏於圓圓則圓於偏上依總相相待
 或作異門相待重數極多謂隔越對如小終
 小頌小圓始頓始
 圓等隔二隔
 三相對也若依當相一一絕待五教一
 不對餘四

也五全對待而全絕待皆六句融之應結頌云
 行者住是絕待法於中相待不可盡入此絕
 待甚深處待與非待皆寂滅於諸教法應如
 是知以聖人垂教無非甘露矣○鈔五類法
 者一色二心三心所四不相應行五無為此

數不等故有多少也問列數次第何小乘先
 色後心大乘先心後色耶答小乘心外別有
 色故積微所成麤顯先說大乘之中心外無
 法故先心後色也然此中七十五法全依俱
 舍頌文今依彼論長行畧釋名義初色法中

言五根者頌云彼識依淨色名眼等五根釋
 曰謂彼眼耳鼻舌身識所依五種淨色名眼
 等根是眼等識所依止義故云五根言五境
 者即是眼等五根境界所謂色聲香味觸頌
 曰色二或二十聲唯有八種味六香四種觸

十一色性釋曰言色二者一顯二形或二十
 者謂青黃赤白此四顯色也長短方圓高下正不
 正此八形也雲烟塵霧影光明闇此八顯色所攝差別也
 有餘師說空一顯色第二十一言聲唯有八
 種者謂有執受大種為因如手等數所發聲無執受
 大種為因如風林河等所發音聲及有情名聲如語表業等
 非有情名聲除語表業餘聲是也此四為別復可意及
 不可意差別成八於前情無情中各有此二故成八也言味六
 者謂甘酢鹹辛苦淡別故言香四種者謂好
 香惡香等不等香有差別故言觸十一為性

者謂四大種四為滑性澁性重性輕性及冷饑
 渴言及無表者頌曰亂心無心等隨流淨不
 淨大種所造性由此說無表釋曰此無表雖
 以色業為性如有表業而非表示令他了知
 故名無表此釋總名言亂心者謂此餘心無心者
 謂入無想及滅盡定等言顯示不亂有心相
 似相續說名隨流善與不善名淨不淨為揀
 諸得相似相續是故復言大種所造言由此
 說無表者畧說無表業及定所生善不善色
 名為無表上釋無未相謂無表色應不名色下答

有釋表色有變碍故無表隨彼亦受色名譬

如樹動影亦隨動此雜心師所立下論難云此釋不然無

變碍故有表滅時無表應滅如樹滅時影必

隨滅師上第一有釋所依大種變碍故無表色

亦得色名此有宗所立義若爾所依有變碍故眼識

等五應亦名色此外難下論主通云此難不齊眼識等

五所依不定或有變碍謂眼等根或無變碍

謂無間意無表所依則不如是故變碍名色

理得成就此論主成第二有宗雖有二義並依色成無表色也上依清涼注釋

言二心法一即是意識者圭山云雖云六識

但是一意識於六根中應用故名六也然以

大乘各別出體小乘心心所法同一體性故

云爾也俱舍偈云心意識體一釋云集起故

名心思量故名意了別故名識復有釋言淨

不淨界種種差別故名為心即此為他作所

依止改名為意洞四作能依止故名為識五故心意

識三名所詮義雖有異而體是一心所一體界不引也

言三心所有法等者頌曰心所具有五大地

法等異釋曰諸心所法具有五品一大地法

二大善地法三大煩惱地法四大不善地法

五大善地法

五小煩惱地法地謂行處若是彼所行處即說此為彼法地復有此餘不定心所謂惡作等故鈔通初大地法即鈔編大地也大地法故名為大地此中若法大地所有名大地法謂法恒於一切心有俱舍疏云此言大者目受想等十心所也以受想等通三性等

一切心品故名為大言地者行處一即目心王是諸心所行處故名為地是大地之法亦依主釋法之一字還目心所是大地所有名大地法也頌曰受想思觸等者釋曰如是十法諸心刹那和合徧有此中受謂三種領納苦樂俱有差別故想謂於境取差別相思謂能令心

有造作觸謂根境識和合生謂能有觸對欲謂希求所作事業慧謂於法能有揀擇念謂緣明記不忘作意謂能令心警覺勝解謂能於境印可三摩地謂心一境性言遍於一切心者釋獨得大地法名也二善法地名大善

地此中若法大善地所有名大善地法謂恒於諸善心有疏云大即遍義謂信等十心所名大善地者是大善法所行處故大善之地依主釋也故大善地言唯目心王也法字還目信等心所是大善地頌曰信及不放逸等釋地之法亦依主釋也

曰如是諸法唯徧善心此中信者令心澄淨

有說於諦實業果中現前忍許故名爲信不放逸者備諸善法離諸不善能守護心名不放逸輕安者謂輕利安適於善法中心堪任性捨謂離諸沉掉心平等性無警覺性慚愧二種謂於所造罪自觀有耻觀他有耻於罪

洞四

去

見怖二根者謂無貪無嗔其無痴善根慧爲性故前大地法中已說此不重出言不害者謂無損惱勤謂精進令心勇捍爲性言唯遍善心者一唯是善性二遍一切善心故名大善地法也三大煩惱地此中若法大煩惱地

所有名大煩惱地法謂法恒於染污心有謂痴等六恒過深心目之爲大頌癡逸息不信等釋曰此中痴者所謂愚痴即是無明迷諸境起無智無顯逸謂放逸不備諸善是備諸善所對治法怠謂懈怠心不勇捍是前所說勤

所對治不信者謂心不澄淨是前信所對治昏謂昏沉即身重性心重性身昏沉性心昏沉性也掉謂掉舉令心不靜此地法唯六唯徧染心俱起非餘故言恒唯染者一唯染二徧染故獨得大煩惱名也四大不善法地名

大不善地此中若法大不善地所有名大不善地法謂法恒於不善心有但云謂無漸等之心是不善之大或大即但徧於彼不善不善依主持業隨應如次頌曰唯徧不善心無慚及無愧釋曰唯二心所但與一切不善心俱謂無慚愧故唯二種名此地法謂於所

潤

七

造罪自觀無耻名無慚觀他無耻名無愧然有二義得大不善名一唯不善性二遍一切不善心故五小煩惱地法名小煩惱地此中若法小煩惱地所有名小煩惱地法謂法小分深汚心俱跡云忿等十心所不過一切故名為小小即煩惱小煩惱即法

持業頌曰忿覆慳嫉惱等釋曰如是類法一程也唯脩所斷二意識地起無明相應三各別現行具此三義名為小煩惱地法謂依對現前不饒益境憤發名忿於自作罪恐失利譽隱藏為覆耽着法財不施名慳但欲自利不願

他榮妬忌為嫉忿恨暴熱很戾為惱於諸有情心無悲愍損惱為害由忿為先懷惡不捨結冤為恨罔冒於他矯設異形儉曲為諂詐現有德以求利譽名之為誑心生深着醉傲為憍上地法下六不定法有八等者此八不

地以上獨大地法定通三性大善地唯善性
 大煩惱通不善無記大不善性其小煩惱少
 分不善性故今此八法於三性容不定入前五地
 定入前五地故彼作通二性故不定入初地
 名入一地非善故不定入三地以通善故不
 及入一地非善故不定入三地以通善故不
 入五地睡眠等隨應准釋論曰已說五品
 心所復有餘不定心所惡作也即悔睡眠尋伺

等法此中應說於何心品有幾心所決定俱
 生頌曰欲有尋伺故於善心品中二十二心
 所有時增惡作此善性所攝也然欲界心定
 心所俱生謂十大地法十大善地法及不定
 二謂尋與伺非諸善心皆有惡作有時增
 至二十三謂所善惡不作中依二處而起
 善與此相違名為不善此二各依二處而起

於不善不共見俱唯二十四煩惱念等惡作
 二十一此不善性所攝也謂若於不善不共
 六大有煩惱等法二大不善地法并二不定
 謂尋與伺言不共心者謂此心品唯有無
 無有所餘貪煩惱等若於不善見相應心品
 亦有二心所俱生名同於說言不善見相
 應心者謂此心中或有邪見或有見取或有
 禁取若於四不定貪嗔慢疑煩惱品亦有二

十一心所俱生二十如上一念等隨一若於
 不善惡作相應心品亦二十一念等隨一若於
 有覆有十八無覆許十二此無記性所攝也
 心品唯有十八心所俱生謂十大地法六大
 煩惱地法并二不定謂尋與伺欲界無記有
 覆心者謂與薩迦耶見及邊見執見相應故
 也若於餘無記無覆心品許唯十二心所俱
 生謂十大地法并三不定尋伺或惡睡眠徧不
 作亦通無記便有十三心所也

違若有皆增一應知騰眠與前可說一切心
性故隨何品有即說此增謂一十二至二十
三至二十四不善無記如例應知上皆欲界
所攝論更說上二界所攝畧不歸之上來不
定性難見故畧歸之勿厭繁文心所攝竟不
 四者不相應行法等者頌曰心不相應行得
 非得同分無想二定命相名身等類論曰如

是諸法心不相應非色等性行蘊所攝是故
 名心不相應行一得二非得者論曰得有二
 種一者未得已失今獲二者得已不失成就
 應知非得與此相違三同分者論曰有別實
 物名為同分謂諸情轉類等亦名眾同分此

復二種一無差別二有差別無差別者謂諸
 有情有情同分一切有情各等有故有差別
 者謂諸有情界地趣生種性男女近事苾芻
 學無學等各別同分一類有情各得有故四
 無想異熟者論曰若生無想有情天中有法

能令心心所滅名為無想是實有物能遮未
 來心心所法令暫不起如堰江河此法一向
 是異熟果五無想定論曰如前所說有法能
 令心心所滅名為無想如是復有別法能令
 心心所滅名無想定無想者定名無想定或

定無想名無想定由彼執無想是真解脫為
 求證彼脩無想定前說無想是異熟故無記
 性攝不說自成今無想定一向是善此是善
 故能招無想有情天中五蘊異熟前無想異
熟是果此
無想定
是四六滅盡定者論曰亦有別法能令心

心所滅名滅盡定如是二定差別相者前無
 想定為求解脫以出離想作意為先此滅盡
 定為求靜住以止息想作意為先前無想定
 在後靜慮即第
四禪此滅盡定唯在有頂即是非
 想非非想處前無想定唯異生得此滅盡定

唯聖人得七命根者頌曰命根體即壽能持
 煖及識論曰命體即壽謂有別法能持煖識
 相續住因說名為壽八生至十一滅者頌曰
 想謂諸有為生住異滅性論曰由此四種是
 有為想法若有此應是有為與此相違是無
 為法此中於諸法能起名生能安名住能衰
 名異能壞名滅性是體義十二名等者頌曰
 名身等所謂想章字總說論曰等者等取句
 身文身應知此中名謂作想如說色聲香味
 等想句者謂章詮義究竟如說諸行無常等

章或能辯了業用德時相應差別此章稱句
丈者謂字云何名等身謂想等總說言總說
者是合集義五無為等者論曰虛空但以無
碍為性由無障故色於中行清涼云小乘說三虛空則就外空後起三
有皆實擇滅即以離繫為性謂諸有情法遠離

繫縛證得解脫名為擇滅擇謂揀擇即慧差
別各別揀擇四聖諦故擇力所得滅名為擇
滅如牛所駕車名曰牛車永碍當生得非擇
滅謂能永碍未來生法得滅異前名非擇滅
得不因擇但由緣闕清涼云當來生法緣會則生緣闕之時得非擇滅碍當生

永樂北藏

華嚴懸談會玄記

法今永不起名畢竟碍故得云畢竟碍當生別得非擇
滅言別得者謂非擇滅有實依性緣關住中起別得故
非擇滅得不因擇滅但因緣關名非擇滅○疏但說人空等者或云我
生空具如圓雜阿含云十二因緣從無明至老
死若有人言是老死若言誰老死即生邪見
乃至無明亦復如是若說無誰老死當知虛

妄是名法空乃至無明亦復如是天台補注云他
生空請讀此文自知他誤評曰今既云縱少說法空亦不明
顯正密用阿含以前將此破南中有教第四鈔說義已
分明今但密用誰謂祇有生空但約多分顯
了義說故云但說人空尔若補注引此證小
乘雙具二空不取少多分義者與大乘
說二空有何異也過歸自己最可笑耳○
鈔根劣未堪聞說二空者釋成至相所立

第一八三册

名中愚法之義故引二論皆云鈍根即愚鈍而前立名不云愚法者此中釋也以若加愚法乃至以義為名故但改為小乘教也○鈔起信云等者彼疏云一執緣意明但知人無我故唯有法我見故次論云以說不究竟見

潤四

主

有五蘊生滅之法等疏云二執相意明正是法執行相對彼人空以說引此以證小乘但說人空問既縱其少說二空何不大乘中收答而不分明說由斷法執等義名為法空但畧標其名在小乘中說故小教中收也○鈔

一計識心等者識字應是色字廣鈔第三云一計色心如順正理論等以次釋云現在色心故然彼論此卷通說十八界根境識三為深淨因故云現在色相識也○鈔二者三毒為因下如世有冤毒能喪物命此三種法損害自他處寬長時為患之甚且喻為毒故本行經云世間之毒莫過三毒言以三毒因緣起於三業等者此但總說若別說者謂感欲界人天善行名福業感四惡趣惡行名非福業備色無色定名不動業各感依正等法

故云有一切法言中論十二因緣頌等者頌
行支中文也言衆生痴所覆者既不明了猶
物覆心造有漏業受六道苦輪轉不息如昏
夜時行曠野中見朽木謂鬼等遂作方便欲
敵而生恐怖等苦皆因不明了故是故聖說

無明發行能感苦此明發業故但說痴毒
爲染根本也起信鈔云影取三善根爲因斷
煩惱出三界爲淨根本之義三行亦三業也
○鈔然似參經意者此小乘義有能所熏似
參濫大乘經意也而不同下揀之言縱說賴

耶等者既但有名即無其義故唯識論云復
有一類即增一阿謂薄伽梵所說衆生愛阿
賴耶樂阿賴耶忻阿賴耶喜阿賴耶謂阿賴
耶是貪總別三世境故乃至廣說此中五取
蘊說名阿賴耶有餘復謂貪俱樂部受名阿賴

洞四

三

耶有餘復謂薩迦耶見名阿賴耶此等諸師
由教及證愚於阿賴耶識故作此執如是安
立阿賴耶名隨聲聞乘安立道理亦不相應
若不愚者取阿賴耶識安立彼說阿賴耶名
如是安立則爲最勝云何最勝若五取蘊名

阿賴耶生惡趣中一向苦處最可厭逆衆生
一向不趣愛樂於中執藏不應道理以彼常
求速捨離故若貪俱樂部受名阿賴耶生第四
禪靜慮以上無有具彼有情常有厭逆於中
執藏亦不應理若薩迦耶見名阿賴耶於此

正法中信解無我者恒有厭逆於中執藏亦
不應理故云但有名字皆不明賴耶正義也
然言非第八爲所熏非第七爲能熏等者反
顯大乘七八爲能所熏如何熏耶雖非此中
正義恐學
者於此故下鈔云相宗賴耶以爲所熏所以

得爲所熏者具四義故論云一堅住性若法
始終一類相續能持習氣乃是所熏習氣即
種子也
此遮轉識及聲風等性不堅住故非所熏二
無記性若法平等無所違逆能容習氣乃是
所熏此遮善染勢力強盛無所容納非是所

洞四

三

熏由此如來第八識唯帶舊種非新受熏此
極
善三可熏性若法自性非堅密能受習氣乃
是所熏此揀心所及無爲法依他堅密故非
所熏心所不自在
無爲性堅密四與能熏共和合性若向
能熏同時同處不即不離乃是所熏此遮他

身刹那前後無和合義故非所熏唯異熟識
具斯四義可是所熏非心所等非八識同時
五種心所等
取所餘如
上所緣前七轉識以為能熏亦具四義故
論云何等為能熏四義一有生滅若法非常
能有作用生長習氣乃是能熏此遮無為前

後不變無生長用故非能熏二有勝用若有
生滅勢力增盛能引習氣乃是能熏此遮異
熟心心所等勢力羸劣故非能熏彼疏云言
用者謂前
七識可是能熏據前六識異熟生者及第六
心王心所雖是能緣而不強盛故不能為勝
故非三有增減若有勝用可增可減能攝植

習氣乃是能熏此遮佛果圓滿善法無增無
減故非能熏彼若能熏便非圓滿前後佛果
應有勝劣四與所熏和合而轉若與所熏同
時同處不即不離乃是能熏此遮他身刹那
前後無和合義故非所熏自他不得熏唯七
前後不得熏

轉識及彼心所有此勝用而增減者具斯四
義可是能熏如是能熏與所熏識俱生俱滅
熏習義成令所熏種子生長如熏苣勝容有
熏習苣勝即胡麻以諸花香草和署苣勝子
今香以壓油名為熏油此苣勝本不香
由香草等故香
故云熏苣勝 ○ 疏未盡法源等者謂不達

如來藏心未盡淨法之源不了根本無明未盡染法之源尚不知七八况餘者也圓覺鈔云以隨他語故說諸法數一向差別佛若便說了義法云一切皆真即邪正不分真妄渾濫何因改心悔過故說染淨之別善惡雲泥

泗

二

令知善淨可忻染惡可厭知賢聖功德凡夫過患發心立志脩因證果言故多諍論者問教是佛說云何多諍答就佛說有元是即空幻有真理隨緣故就佛意即通以隨根故言教即隱後宗習者隨言執理隨相執體造論

論 弘傳相承不絕有二十部互執不同故多諍

華嚴懸談會玄記卷第二十四